

21. 973

3



ფურცელი 1

სა

საქართველო

ტ. მ. მ. II.




გამოცემა № 2
ქართული ბეჭდვითი ამხანაგობისა.
1920.

საქართველო

საქართველო

ტომი II.

K 21.973
3



გამოცემა № 2
ქართული ბეჭდვითი ამხანაგობისა.
1920.

საქართველოს საბ. ბიბ.
საქართველოს
ბიბლიოთეკა



ქართული
ბიბლიოთეკა



ნ. კ. ქავთარაძის

უკანასკნელი სურათი

(ნახატი კ. ქავთარაძისა)

მეცნიერებათა
აკადემია.

სარჩევი

გვერდი

ნოე ჟორდანიას ფსევდონიმები III


მ მ რ ო პ ა უ ი

მოგზაურობა შვეიცარიაში (1893—1894 წ.) 1—89

პარიჟი (1895 წ.) 90—123

ორიენტალისტთა მე X საერთაშორისო
კონგრესი (1894 წ.) 124—157

მესამოცე წლების მოღვაწენი და დღევან-
დელი ცხოვრება (1895 წ.) 158—230



ნოე ჟორდანიას ფსევდონიმები:

ან

გ. მარმალაძე

ნარი

ნარიძე

ნ. ჟ.

ნ. ჟ—ია

პ. პეტრიძე

საზღვარ-გარეთელი*)

ე—ა-

*) საზღვარ-გარეთელის ფსევდონიმით ნოე წერდა თავის წერილებს საზღვარ-გარეთიდან 1893—1897 წლებში. შემდეგ ამ ფსევდონიმით სხვებმა დაიწყეს წერა.



ნოე ჟორდანიას

მისი უფროსი ქალი—ასმათი და უმცროსი—ნათელა.

მოგზაურობა შვეიცარიაში

(1893-1894 წ. *)

I

გაგიგონია, მკითხველო, შვეიცარია? უეჭველია გეცოდინება, რომ ევროპაში არის ერთი პატარა ქვეყანა, რომელიც თავის მდებარეობით და ბუნების თვისებით ძალიანა ჰგავს ჩვენს სამშობლოს, საქართველოს.

შვეიცარია თავის დიადი მთა-გორებით, მცენარეულობის და ნიადაგის სხვა-და-სხვაობით, ტბათა სიმრავლით და ჰაერის დაუდგრომლობით, — განმარტოებული, განკერძოებული სდგას მთელ ევროპაში. ასე ჰგონია კაცს, ამ გვარი შეზავებული მხარე აქაურის ბუნების შვილი არ არისო, საიდგანლაც მოუტანიათ და ევროპის შუაგულ ალაგას დაუბინავენიათო. აქ გაშლილი მინდორ-ველი და მიდამო იშვიათი სანახავია; მხოლოდ მდინარე რონის ხეობა, რომელიც გადაჭიმულია ორ ტბას შორის, მოგაგონებს რონის ქალებს. მაგრამ ეს ხეობა ისეთი პატარაა, რომ შვეიცარიის ერთი მესამედიც ძლივს იქნება. დანარჩენი სივრცე კი დათარულია თვალთუწვდენელი მთებით. საკმაოა რამდენისამე საათის

*) „მოგზაურობა შვეიცარიაში“ დაბეჭდილი იყო: პირველი თავი, სათაურით „წერილები შვეიცარიიდან“ — გაზეთ ივერიაში 1893 წელს (№ 254); დანარჩენი თავები, სათაურით „მოგზაურობა შვეიცარიაში“ — კვალში 1894 წელს (№ № 8, 9, 10, 14, 15, 21, 22, 31, 40, 41 და 42).
რედ.



მოგზაურობა, რომ სრულად გაიცნოთ აქაური ბუნება. აი, მაგალითად, სდგეხართ ალპის მთის ძირში. თქვენ წინ გადაშლილია უხვი, მდიდარი ბუნება; ჰხედავთ ვენახებს, ყურძნით სავსეს, ლიმონებს გაფურჩქნილ-აყვავებულს, ათასნაირ ხეხილს ნაყოფ-გამოღებულს, ამწვანებულ მიდამოს ყვავილებით გაელვარებულს და სხ. აქ ზამთარიც-კი ზაფხულსა ჰგავს. აღიხართ ცოტა ზევით, მთის კალთებზედ, და სანახაობა თანდათან იცვლება; ის, რასაც ძირს ჰხედავდით, აქ სრულებით ჰქრება: სხვა მცენარეულობა, სხვა ნიადაგი და ჰავა! ყოველ ფეხის გადადგმაზე ჰგრძნობთ, რომ ბუნება დაუდგრომელ რყევაშია, მუდმივ ცვლილებაშია; დაბოლოს იმისთანა ალაგას აღიხართ, სადაც ადამიანის მარჯვენას ვერაფერი გაუწყვია და სადაც ყოველივე კულტურულ ზედგავლენას მოკლებულია: ეს არის მთის მწვერვალი. ამ მოგზაურობის დროს შეხვდებით ყველა იმ მცენარეულობას, რომელიც კი მოიპოვება ევროპის სხვა-და-სხვა კუთხეში. ჩამოდიხართ მთიდან და გსურთ ქალების დათვალიერება. არ იფიქროთ, ერთნაირი ნიადაგი იყოს ყველგან. ერთ ალაგას ჰხედავთ შავს, ნაყოფიერ მიწას, იქვე გვერდით ქვიშნარს, ცოტა მოშორებით შავი და წითელი მიწა ერთად შეზავებულა. როგორ მოთავსდა ასეთი სხვა-და-სხვაობა ამ პატარა ქვეყანაში? აი რა ფიქრი ებადება აქ კაცს. მერე იცით რამოდენაა შვეიცარია? ძლიერ პატარაა, ისეთი პატარა, რომ საქართველოს ოდენაც არ არის. სიგრძით 380 ვერსია, სიგანით-კი 200. ამ სივრცეზე სცხოვრობს

ისამი მილიონი ხალხი, და მერე რა ნაირი ხალხი! საშინლათ დანაწილებულია გვარ-ტომობით, სარწმუნოებით, ზნე-ჩვეულებით და სხვ. გერმანულ ენაზე საუბრობს 2 მილიონი. ფრანგულზე—638 ათასი, დანარჩენი—იტალიურზე.

ამათში ერთ მილიონ ნახევარი პროტესტანტობას აღიარებს, ერთი მილიონი—კათოლიკობას, ათი-ათასი--ებრაულს სარწმუნოებას, დანარჩენნი სხვა და-სხვა სარწმუნოებას ეკუთვნიან. ამას მიუმატეთ ის, რომ აქ ცხოვრობს 200 ათასი უცხოელი ყოველ ნაირის ეროვნებისა და სარწმუნოებისა, დაწყებული ფრანგ-გერმანელით და გათავებული მექსიკელ-კანადელით. რა აკავშირებს ამათ? როგორ ცხოვრობენ ესენი ერთად? ნუ თუ საინტერესო არ არის ყოველივე ამის გაგება?

ჩვენ ვხედავთ, რომ ყველა სახელმწიფოში ერთი რომელიმე ერი ბატონობს, სხვა ერნი კი დამორჩილებულ—დამონავეებულნი არიან; მცირე-რიცხოვანი ერი ვრცელს ქვეყანაში შევიწროებულია, მისი დედა—ენა დევნილია, მწერლობა ფრთა-შეკვეცილი, ერთის სიტყვით გაბატონებულ ერს თავის—თავის მეტი არავინა სწამს,—ჩემი ძლიერება სხვისი დაჩაგვრით აიდგამს თეხსაო—აი რა ამოქმედებს გაბატონებულს ერს. მაგ., შეჭხედეთ ავსტრია-უნგრეთს, როგორ ავიწროებს პაწია ერთ, გერმანია—პოლონელთ, ინგლისი—ირლანდიას და სხვ. შვეიცარიაში—კი ყველა ერი ბატონია, ყველა ენას თავისუფლება აქვს, ყველა ხალხს თანასწორი ხმა მიჰნიჭებია. აქ ერის უმცროს—უფროსობა, ბატონ-




ყმაობა, მონა—მორჩილობა სრულებით არ არსებობს.
ერთა თავისუფლება—აი რით ხელმძღვანელობს
შვეიცარიელი. ეს ქვეყანა ნათლად უმტკიცებს კა-
ცობრიობას, რომ შესაძლებელია სხვა-და-სხვა ერის
ერთად, ძმურად ცხოვრება. ნუ თუ საყურადღებო
არ არის ამ ცხოვრების ვითარება?

შვეიცარიას საზღვრავს ოთხი სახელმწიფო:
აღმოსავლეთით—ავსტრია, დასავლეთით—საფრანგე-
თი, ჩრდილოეთით—გერმანია და სამხრეთით—იტა-
ლია. ამგვარად ეს პაწია თავისუფალი ქვეყანა
მომწყვდეულია ოთხ ვეშაპთა შორის, რომელნიც
მუდამ მზად არიან ერთმანეთს დაეცნენ და წაჰგლიჯონ.
რამე. შვეიცარიას—კი ამ დროს მუდმივი ჯარიც არა
ჰყავს. არხეინათ შესცქერის მეზობელთა თოფ-ზარბა-
ზანთ და მისთვის აუარებელ ფულის ფლანგვას. აქაუ-
რი ჯარის-კაცი მხოლოდ 45 დღეა ჯარში (პირველ სამ-
წელიწადს), დანარჩენ დროს-კი სახლში ატარებს, ყო-
ველივე სამხედრო წყობილება, თოფი და მისი ბარგი-
ბარხანა, თან აქვს, სახლში უწყვია. მიუხედავად ამისა
აქ ყველა გლეხი მეომარია, ყველა სალდათია, დაძახე-
ბისთანავე მზად არიან ქუდზე კაცი გამოვიდეს სა-
მშობლოს დასაცველად. დაღ, შვეიცარიას ჯარი
არა ჰყავს, მაგრამ მთელი ხალხი ჯარი არ არის? ნუ
თუ ამათი ურთი-ერთობა ღირს-საცნობი არ არის?
მეტადრე ჩვენთვის, კავკასიელთათვის, სადაც ასე-
თივე სხვა-და-სხვაობაა გვარ-ტომობისა, ენისა და
სარწმუნოებისა. შეიძლება ჩვენც ვისწავლოთ რამე
შვეიცარიიდან. მაშ ნება მიბოძეთ თქვენი ყურად-



ღება მივაპყრო ამ ქვეყნის საზოგადოებრივ და სა-
პოლიტიკო ცხოვრებასა და წეს-წყობილებას.



შვეიცარიის შესახებ ბაასის დაწყება შეუძლე-
ბელია, თუ პირველად მისი დაარსების ამბავი არ
მოვიხსენიეთ. უამისოდ ბევრ—დღევანდელ გარე-
მოებას ნათლათ ვერ გავიჩვენებთ და ვერ გაგიფან-
ტოვებთ. როდის და როგორ შეუკავშირდა ეს
სხვა-და-სხვა ერთმანეთს? რამ გამოიწვია ასეთი
შეკავშირება? რამ გააჩაგრა ეს კავშირი და რამ განა-
მტკიცა ერთობა? რა დაედვა საფუძვლად ამ ერ-
თობას? ამის პასუხს ჩვენ გვაძლევს შვეიცარიის ის-
ტორია, რომელსაც მოკლედ მოგიხსენებთ.

ამბობენ, ერის განვითარებაზე დიდი გავლენა
აქვს ქვეყნის გეოგრაფიულ მდებარეობასაო. თუ ეს
მართალია საზოგადოდ, მართალი უნდა იყოს გან-
საკუთრებით შვეიცარიის შესახებ. შვეიცარიის რუ-
ქას რომ დახედოთ, მაშინვე შეამჩნევთ ერთ გარე-
მოებას: თითქმის ყოველ-მხრივ შემოთარგლულ-შემო-
ზღუდულია მთებითა და ხეობებით. პირველათ თქვენს
ყურადღებას მიიქცევს ალპის მთები, რომელიც იყო-
ფა ორ ნაწილათ: სენ-გოტარდი (Le S.—Gothard
სიმაღლით 11.300 ფუტი) და ფურკა (La Furca,
13.000 ფუტი). ამ ორ მთას აქვს ხუთი ტოტი,
რომელიც ირგვლივ შემოჭხვევია შვეიცარიას. აქვე
ჩნახავთ მეორე მთას, პეურა, რომელიც ამართულია
სათრანგეთის საზღვართან. ამ სახით ამ მთებს ეს
პაწია ქვეყანა შუაში მოუმწყვდევიათ. ამით სათრან



გეთს, გერმანიას და იტალიას თითო ნაწილი ჩამოსცილებია და ამ მთებში ერთად შეხიზნულა. რასაკვირველია, მარტო ბუნება იქ ვერას გააწყობს, საცამკვიდრნი მოკლებულნი არიან მხნეობას და უნარს. შვეიცარიელთ შესახებ-კი ამას ვერ ვიტყვით. ისინი მე-XIII საუკუნიდან სულ იმის ცდაში იყვნენ, რომ როგორმე ერთად შეკავშირებულყვნენ ერთი პოლიტიკური სახე მიეღოთ. ისტორიულ წარსულში შვეიცარიის ზოგი ნაწილი (კანტონი) ცალკე, თავისთვის სცოვრობდა, ზოგი ეკუთვნოდა გერმანიას და საფრანგეთს. მე-XIII საუკ. გერმანიაში აჯანყდა აზნაურთა გვარი ჰაბსბურგელნი, და ერთი მათგანი, რუდოლფი, მოულოდნელად აყვანილ იქნა სამეფო ტახტზედ (1273 წ.). ამის გამო გაძლიერდა უკმაყოფილება და რუდოლფის სიკვდილის შემდეგ (1291 წ.) ჩამოვარდა არეულობა. ეს გარემოება გამოიყენა დღევანდელმა შვეიცარიის სამმა კანტონმა: შვიცმა, ურიმ და უნტერვალდენმა და ურთიერთ შორის პირობა შეჰკრეს, ერთად ემოქმედნათ მტერთა წინააღმდეგ. ამ პირობას უწოდეს საუკუნო კავშირი (1291 წ.). ეს კავშირი იყო მიმართული არა იმპერატორის წინააღმდეგ, არამედ ზოგიერთა მებატონეთა და თვითნება აგენტების წინააღმდეგ. ეს მებატონენი და აგენტები თავისუფლად ფაჩფაშობდნენ და ყოველგვარ უსამართლობას აყენებდნენ გლეხებს. ამათ შეჰფიცეს ერთმანეთის საერთო ძალ-ღონით დაეცვათ თავიანთი ადამიანური უფლება და სარჩო-საბადებელი ამ მცარცველებისაგან. „ერთი ყველისათვის და ყველა

ერთისათვისა“ -ო, აი რა დააწერეს თავიანთ დროშას*). ამით ჩაიყარა საძირკველი, რომელზედაც აშენდა დღევანდელი შვეიცარია. 1315 წ. ავსტრიის მეფე ლეოპოლდი შემოვიდა ჯარით შვეიცარიაში ურჩთა დასამორჩილებლად. მოკავშირენი დახვდნენ ამათ ერთ ვიწროებში და დაუწყეს ბრძოლა. ლეოპოლდი ძლეულ იქნა და დაბრუნდა უკან. იმავე კვირაში ლიუცერნის ტბის ნაპირას შეიკრიბნენ წარმომადგენელნი შვიცისა, ურისა და უნტერვალდენისა და ხელ-ახლად შეჰკრეს პირობა საუკუნო კავშირისთვის. ამ პირობის უმთავრესი მუხლი იყო: ყველა, ვისაც კი ბატონი ყავს, დაემორჩილოს სამართლიან საქმეში, მაგრამ მოკავშირეთა წინააღმდეგ არას შემთხვევაში არ იმოქმედოს; ყოველივე მოლაპარაკება გარეშეებთან უნდა იქნას მოკავშირეთა თანხმობით; დავა მოკავშირეთა შორის გათავებულ იქნას მშვიდობიანად; როგორც გარეგან, ისე შინაგან საქმეებში ერთმანეთს უნდა დაეხმარონ და ერთად აკეთონ გასაკეთებელი. უმაღლესი მფარველობა გერმანიისა მაინც აღიარებულ იქმნა.

1332 წ. სამთა-კავშირს მიემხრო ლიუცერნი; ამით გაძლიერდა ლიგა. ამ დროს ბერნსა და ციურხში გაჩაღდა ვაჭრობა და ალებ-მიცემობა. საჭირო შეიქნა ბაზარი და მშვიდობიანობა; ფეოდალები ხშირად თავს ესხმოდნენ ვაჭართ და სძარცვავდნენ. მაგ.

*) ამის სახსოვრად ჟენევაში არის ამართული ძეგლი, რომელზედაც გამოქანდაკებული არის ორი ქალი ხელი-ხელ ჩაკიდებული, ზედ-წარწერით, *Un pour tous, tous pour un* (ერთი ყველასათვის და ყველა ერთისათვის).



1339 წელს ბერნს მიუახლოვდა ფეოდალთა ქალაქის ასაკლებად, მაგრამ ბერნელებმა დაამარცხეს. ამისთვის 1351 წ. ციურიხი შეუერთდა გაძლიერებულ ოთხთა-კავშირს. ამ გარემოებით მოკავშირეთ შეიძინეს საჭირო პოლიტიკური ცენტრი და ბაზარი, სადაც შეეძლოთ თავიანთი ნაწარმოების გაყიდვა და მაგიერის მოპოება. გაიმართა მისვლა-მოსვლა ციურიხსა და მოკავშირეთა შორის. გაფართოვდა ხალხის მოთხოვნილება და ქალაქიც აუცილებელ საჭიროებად შეიქნა. 1352 წ. ორმა კანტონმა, გლარუსმა და ცუგმა უარ-ყვეს ავსტრიის ბატონობა და შეუამხანაგდენ მოკავშირეებს. 1353 წ. მიემხრო ქ. ბერნი. ამ გვარად კავშირი შესდგა რვა კანტონისაგან. ახლა ხელ-მეორედ დაიდვა პირობა და ნათლად გარკვეეს თითოეულის კანტონის უფლება-მოვალეობა. ეს დოკუმენტი იმით არის შესანიშნავი, რომ პირველად აღიარებულ იქმნა კანონად. ხმის უმრავლესობით საქმეთა გადაწყვეტა, რასაკვირველია, არ ეჭაშნიკათ მოსაზღვრე მეფეთ და 1386 წ. ლეოპოლდი ავსტრიელი დაეცა შვეიცარიელებს. უკანასკნელებმა სძლიეს მტერთ და მოკლეს თვით ლეოპოლდი. 1388 წელს ავსტრიელნი ხელახლა იქმნენ დამარცხებულნი მოკავშირეთა მიერ. 1393 წ. ციურიხში შეიკრიბენ კანტონების წარმომადგენელნი (დეპუტატნი) და შეადგინეს ახალი ხელშეკრულება. ამ პირობის ძალით მცირე მიზების გამო ომის დაწყება გარეშე მტრებთან აღკრძალული იყო; აღიარებულ იქმნა ტადართა ხელ-შეუხლებლობა და სხ. „კავშირი“ ისე გაძლიერდა, რომ გერმანიას წაართვა

ორი ქალაქი, ფრიბურგი და ზოლოტურნი, და თვითონ შემოიერთა. ამ დროს „კავშირს“ მიემხრო ტურგაუ. 1501 წ. კავშირსვე მოემხრენ ბაზელი და შატჰაუზენი და 1513 წ. აპენცელი. ამ გვარად 14 კანტონისგან შემდგარი კავშირი შეუცვლელად დარჩა 1798 წლამდე, მიუხედავად იმისა, რომ შიგ ქვეყანაში სარწმუნოებისთვის ომთა, გლეხთა არეულობა და სხვა ამისთანაები ხშირი იყო. ამ ხნის განმავლობაში ბერნსა და ციურიხში განვითარდა წარმოება. ამით კავშირიც გაძლიერდა და 1777 წ. ლიუდოვიკ XVI-ემ იკისრა მისი მეგობრობა.

მეორის მართ, შვეიცარიაში თან-და-თან გაძლიერდა უსწორ-მასწორობა, ბევრ ალაგას მოქალაქეებმა ჩაიგდეს ხელში მართვა-გამგეობის საქმე. ამან უკმაყოფილება დაჰბადა გლეხკაცობაში. საჭირო იყო მცირე მიზეზი ამ უკმაყოფილების გამოსაცხილებლად. ამ ნაირ მიზეზად შეიქმნა საფრანგეთის დიდი რევოლიუცია (1789 წ.). აჯანყებამ იფეთქა ყოველკუთხეში. ამ საქმეში ჩაერია საფრანგეთი და ასტყდა ომი. ფრანგებმა დაამარცხეს მოკავშირენი და აიღეს ბერნი. ამით მოიხსნა შვეიცარიის კავშირი. თავისუფალი კანტონი ენევა ფრანგებმა შეიერთეს, მხოლოდ მოკავშირენი-კი თავისუფლად დარჩენ. დაიწყეს ხელ-ახლა ფიქრი კავშირის დაარსების შესახებ. ამ დროს სარბიელზე გამოვიდა ორი დასი: ერთს სურდა კანტონთა სრული გაერთიანება და მათ განსაკუთრებულ წყობილებათა მოსპობა (ცენტრალისტები); მეორეც ერთობას ეტანებოდა, მაგრამ იმ პირობით, რომ კანტონებს შერჩენოდათ

თვითმართველობა და თავის საკუთარ საქმეებში ხელ-შეუხლებლობა (ფედერალისტები). უკანასკნელი დასი შეადგენდა უმრავლესობას. 1803 წ. ნაპოლეონმა მიიწვია პარიჟს ორისავე დასის დეპუტატნი მოსალაპარაკებლად. იმპერატორმა თავის მართლმსაჯულების სასწორი გადახარა ფედერალისტებისკენ და მისცა ახალი კონსტიტუცია. აღდგენილ იქნა ძველი „შვეიცარიის კავშირი“ და ამას მიემატა კიდევ ექვსი სხვა კანტონი. ამათი უმთავრესი დაწესებულება გახდა სეიმი, ანუ კრება-კანტონთა წარმომადგენლებისა. თვითმმართველობა კანტონებისა დაკანონდა. ქ. ჟენევამ ისარგებლა ნაპოლეონის ტახტიდან გადაყენებით და შეუერთდა „კავშირს“. ამის მაგალითს მიჰყვა ნევშატელი, რომელიც ნაპოლეონმა აჩუქა მარშალ აბრეტიეს. ამ დროს „შვეიცარიის კავშირმა“ გამოაცხადა: ჩვენ არავისთან ომი არ გვსურს და ჩვენც თავი დაგვანებეთო. ეს ლაღადება შეისმინეს დიდმა სახელმწიფოებმა და 1815 წ. 20 ნოემბერს პარიჟის ხელ-შეკრულობით აღიარებულ იქნა შვეიცარია საუკუნოდ ნეიტრალიტეტის ქვეყანად. აქედან იწყება შვეიცარიაში არეულობა. ზოგიერთმა კანტონებმა მოინდომეს განდგომოდენ კავშირს. ამ გზას დაადგა პირველად ლიუცერნი. აქ სარწმუნოების გამო, მოხდა უსიამოვნობა პროტესტანტებსა და კათოლიკეთა შორის. კათოლიკენი დამარცხდნენ და მათი ეკლესიები გაუქმდა. ეს-კი აშკარად არღვევა იყო კანონისა, რომლის 12 მუხლი აღიარებდა ტაძრების ხელ-შეუხებლობას. ამისთვის

საზოგადოების თანაგრძნობა კათოლიკეთა მხარეზე იყო, რის გამოც ლიბერალური მთავრობა დაეცა-ლიუცერნში და მისი ალაგი დაიჭირა ულტრა-მონტანებმა (კონსტერვატორ-კათოლიკენი). ახალ მთავრობამ მოიწვია დელეგატები სამ კათოლიკეთა კანტონიდან და საიდუმლოდ დააარსეს ლიგა, რომელიც უნდა განსდგომოდა საერთო „კავშირს“. ეს ამბავი გაიგო სეიმმა და გადასწყვიტა ძალით დამორჩილება შეამბოხეთა. 1847 წელს ძალით აიღეს ლიუცერნი და მისი მომხრე კანტონები დაუმორჩილეს „კავშირს“. ამას შემდეგ შვეიცარიას აღარ გამოუჩენია სურვილი დანაწილებისა.

ამ გვაჩად, ჩვენ ვხედავთ, რომ შვეიცარია ერთ დროს არ დაარსებულა, ის იკრიბებოდა საუკუნოების განმავლობაში. საერთო მტერმა გარეთ, ვაჭრობამ და აღებ-მიცემობამ შინ, მოითხოვა გაბნეულ და უძლურ კანტონების შეერთება და ერთად ცხოვრება. ეს კარგად შეიგნო ხალხმა და კიდევ აღასრულა საწადელი. ამ ჟამად შვეიცარიას ორი სანატრელი უპირატესობა აქვს: 1) ხელ-შეუხებლობა გარეშე სახელმწიფოებისაგან, 2) შინ — კანტონთათვის მმართველობა და მკვიდრთა სრული თავისუფლება და თანასწორობა.

II

სოფელში *)

შვეიცარია, როგორც პირველ წერილში მოვიხსენეთ, მთა-გორიანია. ამისათვის სოფლებიც გორებზე არის გაშენებული. ველ-მინდორ მიწას

*) როცა ჩვენ სოფლების შესახებ ვლაპარაკობთ, მხედველობაში გვაქვს მხოლოდ დასავლეთი შვეიცარია, სადაც ფრანგულად ლაპარაკობენ და არა აღმოსავლეთი.

შვეიცარიელი არასოდეს არ გამოიმეტებს საშინაო-
 ხლოთ. ის ძლიერ აფასებს იმისთანა ნიადაგს, სა-
 დაც პურის მოყვანა შესაძლებელია, და იქ ხომ ამ
 გვარი ადგილები იშვიათია. შვეიცარიას თავისი
 პური რამდენსამე თვესაც არ ყოფნის; იმას გამო-
 აქვს იგი სხვა-და-სხვა ქვეყნიდან და სამაგიეროდ
 უგზავნის, რაც თვითონ მოსდის. აქ რომ ერთი-ორი
 თვის განმავლობაში უცხოეთის ხორბალი არ შე-
 მოვიდეს, ყველა შიმშილით გაწყდება. მდინარეთა
 და ტბების ქალები—აი, ეს არის ერთად-ერთი სა-
 თვისი ადგილები. აქა-იქ დაბლობზე მხოლოდ ქა-
 ლაქები შეგხვდებათ. ამ გვარად ქალაქთა სანახა-
 ვად დაბლობში უნდა ჩახვიდეთ, სოფლებისათვის
 კი მაღალზე უნდა ახვიდეთ.

როცა სოფელში შედიხართ, პირველად თქვენს
 ყურადღებას გარეგანი შეხედულობა იტაცებს. ეგ
 იგივე ქალაქია, მხოლოდ ქალაქურ სიციცხლეს
 მოკლებული. სახლები ყველა ორ-ორ სართულია-
 ნია, აშენებულია რიგ-რიგად და შუაში მოკენჭილ-
 მოლამაზებული ქუჩა ჩაიარს. ქუჩები საკმაო ვიწ-
 როა, ასე რომ ორი ეტლი გაჭირვებით შეუარს
 ერთმანეთს, ალაგ-ალაგ ესეც მოუხერხებელია. ეტ-
 ყობა მიწას ძლიერ აფასებს შვეიცარიელი, რომ
 ასე ცოტა თავისუფალ ადგილს უშვებს. შენობები
 ერთმანეთზე მიდგმული და წყდება, იშვიათად,
 ბოსტნით. ქუჩის პირიდან აივნები არა აქვთ, ხში-
 რად კიბეც უკან უნდა ეძიოთ. ყველა სახლის წინ,
 ან გვერდზე დაგროვილია რამდენიმე საენის სიგრძე
 სიგანეზე ნაკელი, რისთვისაც ერთობ საშინელი სუნნი

ტრიალებს. შეხედავთ მშვენიერი სახლი სასტუმროს. ჰგავს, მისსსიახლოვეს კი ცხვირზე ხელ-მოუჭერელად ვერ გაივლით. როცა ერთ გლებს ვკითხე: რატომ აფუჭებთ სოფელს ამ ნაკელით-მეთქი, მან მიპასუხა: — უკაცრავად, მაგრამ თქვენ აქ ხამი უნდა იყვეთ, ამისათვის ამ ნაირ კითხვას არ გაუკვირვებია. განა გაფუჭებას უწოდებთ იმ ნივთის ქონებას, ურომლისოდნაც ჩვენი ცხოვრება წარმოუდგენელია? ნაკელი რომ არ გვქონდეს, უნდა გამოვემშვიდობოთ ჩვენს პატარ-პატარა ბოსტნებს, რითაც სულს იბრუნებს არა ერთი და ორი მოსახლე.

— ყველას ხომ ბოსტანი არა აქვს? შევეკითხე მე.

— არა, ყველას სად ექნება, მაგრამ სასუქს ამზადებს და ყიდის იქვე მის მეზობელზე, რომელსაც თავისი არ ყოფნის. იცით რამდენს იღებს? ორ გოდორზე 3—4 ფრანკს (ფრანკის ნამდვილი ღირებულება 25 კ., კურსით კი 37 კ.) და ეს კარგი ფულია, ხელ-მოკლე კაცისათვის. ან კიდევ სხვა ნაირადაც ჰყიდის. ნაკელს გაქნის წყალში, ჩაასხამს პატარა „კრანტიან“ ბოჭკაში, წამოიკიდებს ზურგზე და დადის კარის-კარ. ვისაც ჰსურს, ჩაიყვანს თავის ბოსტანში და მობრწყვევინებს ამ გვარად შეზავებულ სასუქით.

— ეს კარგი, მხოლოდ რატომ სხვაგან, სახლის მოშორებით არ გადაიტანთ?

— სად უნდა წავილოთ, ამისთვის ვინ მოაკლის სხვა ადგილს, აქ კუთხეში ჩრდილია და მაინც არაფერი მოვა ზედ. გარდა ამისა არც შავის სუნი. სწყენს ადამიანს...

სახლები ქვისაა და დახურულია კრამიტით, თუნუქით. ქუჩებზე ხედავთ შადრევანებს, საიდანაც მოქუხს წმინდა ანკარა წყალი. ყოველ სოფელში, თუნდაც ღელე და წყარო იქავე ჩაუდრიოდეს, მილის წყალია გამოყვანილი და იმით სარგებლობენ. წყალი წამოყვანილია სოფლის ზევიდან, რომელიმე მთის ძირიდან, და უმრავლესს შემთხვევაში წყაროსი არის და არა მდინარისა; თუმცა აქაური მდინარე არაფრით ჩამოუვარდება წყაროს. შადრევანი ქვით-კირისაა, სიმაღლით ერთი საყენი და ოთხ-კუთხი. მაღლა რკინის მილი აქვს გაკეთებული, საიდანაც წყალი შეუჩერებლივ გადმოდის, ძირთან აქვს ქვის ორმო, რომელსაც კუთხეში პატარა გასავალი აქვს დატოვებული, წყალი იქიდან ჩადის მიწაში და სხვა მილით უერთდება მდინარეს. ამ ორმოში, რომლის სიგრძე საყენზე მეტია, დედაკაცები რეცხენ სარეცხს. ზოგ შეძლებულ მოსახლეს წყალი მილით თავის სახლში აქვს გაყვანილი. ამ გვარი შადრევანები გზებზედაც არის გაკეთებული გამვლელ-გამომვლელთათვის, განსაკუთრებით იქ, სადაც მდინარე არ ჩაივლის. სოფელს ჰყავს არჩეული ერთი კაცი, „შადრევანთა ზედამხედველი, დირექტორი“, როგორც აქ უწოდებენ, და მას უჭირავს თვალ-ყური მილის წყლის ვითარებაზე. თუ რამე წაუხდა შადრევანს, ან წყალი არ გამოდის რიგიანად, მაშინვე ზედამხედველმა უნდა გააგებოს სოფლის, ანუ კომუნის (კომუნას უწოდებენ რამდენიმე სოფელს ერთად, როგორც ჩვენში თემია, ანუ სამამასახლისო) სამმართველოს. იქიდან

გამოგზავნიან მცოდნე კაცს შადრევანის შესაკეთებ-
 ლად. ამ ნაირად სოფელს ერთ საათსაც არ და-
 აკლდება წყალი. შადრევანთა „დირექტორი“ მუქ-
 თად ასრულებს თავის თანამდებობას.

გარდა მილის წყლისა, სოფელში გამოყვანი-
 ლია პატარა ღელე, წისქვილის, თუ სხვა რაიმე სა-
 ჭიროებისათვის. ამ წყლის საშუალებით მუშაობს
 ხერხის მაშინა და დურგლის სახელოსნო, რასაც
 ხშირად შეხვდებით სოფლადა. ამათი შენობაარ არის
 რთული. ამოთხრილია დიდი ორმო და შიგ გაკე-
 თებულია ხის ღერძი დიდი ბორბალით. ბორბლის
 შუაგულ ადგილას მილურსმულია რგვალი ხე (ლი-
 ლვი), იმის პირდაპირ გამოჭრილია კედელი და
 იქიდან ლილვის ბოლო სახელოსნოშია გაყვანი-
 ლი; აქ თავზე წამოცმული აქვს ფართო რგვალი
 ფიცარი, რომლის გარშემო ორი ღვედი (ხარის,
 ან კამეჩის ტყავის ჩამონაჭერი) არის მოყოლებუ-
 ლი. ღვედი ატანილია ცოტა მაღლა და ორ ბოძ-
 ზე გამაგრებულ ჯოხზე ორმაგად არის შემოხვეული.
 როცა ბორბალი ტრიალებს, ეს ჯოხიც ტრიალებს.
 იქიდან იგივე ღვედი წაღებულია სხვა-და-სხვა სამუ-
 შაო დაზგისკენ, სადაც ხერხი, ეჩო და სხვა სახე-
 ლოსნო იარაღები მოძრაობაში მოჰყავს. დურგალს
 ისე გაადვილებული აქვს მუშაობა, რომ დღეში
 ერთი თუმნის საქონელს აკეთებს. ამ გეგმით არის
 გაკეთებული ხერხის მაშინაც. ძლიერ პატარა წყა-
 ლი ერთ და იმავე დროს აბრუნებს წისქვილს (წი-
 სქვილის შენობა ისეთია, როგორც ჩვენში), იქვე
 ორი-სამი საყენის მოშორებით სადურგლოს იარა-

ლებს, და იქვე ახლოს კიდევ ხერხის მაშინას; არც ერთის მუშაობა ერთმანეთს არ უშლის. ხერხის მაშინის პატრონმა მითხრა: ორთა-შუა რიცხვით ჩემის შრომით 15—20 ფრანკი მაქვს დღეში შემოსავალიო. მისი გამოთვლით სახლი, მიწა, ხერხის გამართვა და სხვა წერილი იაჩალები დაჯდომია ორიათას ხუთას ფრანკად. ერთხელ ხერხის უბრალო შეკეთებისათვის 50 ფრანკი გამომართვესო.


— რას იხდი წელიწადში ხაზინის სასარგებლოდ? ვკითხე იმასვე.

— ეს „ხაზინა“ ვერ გავიგე კარგად, ჩვენში მაგ სიტყვას არ ხმარობენ; ჩემის აზრით თქვენ მეკითხებით: რას ვაძლევთ საზოგადოებას ჩემის ხერხის შემოსავლიდან? კომუნის (თემის) სასარგებლოდ წელიწადში 5 ფრანკი მიაქვთ, კანტონის მაზრის (პროვინცია, გუბერნია) 4 ფრ. სულ 9 ფრ. რასაკვირველია ეს შეეხება მარტო ხერხს, თორემ კიდევ ვიხდი ბეგარას, ეს სხვაა...

აქა-იქ კედელზე მიკრულია ფოსტის „იაშჩიკი“ ზედწარწერით: ამა-და-ამ საათზე ამოიღებს ფოსტის მოხელე წერილებს. ყველა სოფელში, რომელიც ქალაქიდან დაშორებულია, დღეში ორჯერ მიდის წერილების დამტარებელი, გლახებს ურიგებს თავთავის კორრესპონდენციას და გასაგზავნი მიაქვს. ზოგიერთ მოზრდილ სოფელში ფოსტა-ტელეგრაფის განყოფილებაც არის. ტელეფონი ხომ ყოველ სოფელშია. მაგ. ს. ბრენტის, სადაც მე ვცხოვრობდი, 3—4 ვერსით დაშორებულია ქ. კლარანზე; ბრენტს ზემოდ, მთის წვეროზე, რამოდენიმე მოსახ-

ლე დგას. ფოსტალიონი დღეში ორჯერ, დილას
 და საღამოს, უნდა წამოვიდეს ქ. კლარანიდან, შე-
 მოიაროს ყველა ესენი, აქედან რამოდენიმე ვერ-
 სის მანძილზე მიდის ახლო-მახლო სოფლებში და
 შემდეგ ბრუნდება უკან. ამოდენა გზას ფეხით
 აკეთებს, რასაკვირველია, და არა ცხენით. ცხენი
 აქ არ გამოდგება. ერთი რომ ამოდენა აღმართ-და-
 ღმართზე ცხენი ვერ იარს, მეორედ აქ ერთი კარ-
 გი ცხენი 700-900 ფრანკი ღირს, ახლა ამის შენა-
 ხვა წელიწადში დაჯდება არა ნაკლებ 150 ფრანკი-
 სა. აბა, ამ ხარჯს ვინ გასწევს! სამაგიეროდ წერი-
 ლების დამტარებელი უფრო მეტ ჯამაგირს იღებს,
 ვინემ ფოსტაში მჯდომარე მოხელე. პირველს ეძ-
 ლევა თვეში 150 ფრანკი (60 მანეთი), მეორეს ნაკ-
 ლები. აგრეთვე ტელეგრაფა ყოველ სოფელში დაუ-
 ყონებლივ სადგურიდან იგზავნება. გლესს შეუძ-
 ლია ტელეფონის საშუალებით, რომელიც მისვე
 სოფელშია გამართული, გამოელაპარაკოს, ვისთანაც
 კი ჰსურს, მთელ შვეიცარიაში.

მიუბრუნდეთ შენობებს. სახლები, როგორც
 ზევით ვთქვით, ორ სართულიანი და ქვისაა. უმ-
 რავლეს შემთხვევაში ქვემო სართულში კაცი არ სცხოვ-
 რობს; აქარის გამართული საქონლის (პირუტყვის) ბი-
 ნა, აქვე ინახვენ სამუშაო იარაღებს, კართოფილს, ხი-
 ლეულობას, ლობიოს და სხ. ყველა ამაებისთვის
 ცალ-ცაკე ოთახია მიჩენილი. ამ სართულში თუ
 ვინმე სცხოვრობს, ეს უთუოდ უსახლ-კარო გლე-
 ხია; ის იათად ქირაობს ამ გვარ ბინას და დგება
 შიგ; სახლის პატრონი ზემო სართულშია.



122. 973

სახლებს, საზოგადოდ, ეზო არა აქვს. პირ-და-პირ ქუჩიდან ადიხართ კიბით და ეს არის. ბოსტანი ან მოშორებულია სადგომიდან და ან გვერდზე (ან უკან) არის. საბოსტნე მიწა ძლიერ პატარაა და შიგ ყოველ გვარი მწვანილია დათესილი.

ალაგ-ალაგ დაინახავთ რკინის ლობით შემოფარგლულ ფართო ეზოს, შიგ რამოდენიმე სახლია მდიდრულად აშენებული და გალამაზებული. ვინ დგას აქ? ვკითხე ერთ სოფელს, როცა ამგვარი მოსახლობა დაეინახე.

— აქ ბურჟუა (მოქალაქე) ცხოვრობს— მომიგო მან.

ბურჟუა ისევ გლახია, მხოლოდ ვაჭრობით და აღებ-მიცემობით გამდიდრებული. ამ გვარად ბურჟუა არის გლახი—ვაჭარი. მაგრამ იმას გლახს არ უწოდებენ, ის ბურჟუაა. სცხოვრობს სადმე ქალაქში; და ზოგს არც თავისი სოფელი მიუტოვებია. იმას გლახებთან არავითარი დამოკიდებულობა არა აქვს, ბევრი გლახი ვერც კი იცნობს თავის სოფელში მოსახლე ბურჟუას, რადგანაც ის სოფელში იშვიათად ამოდის.

ყოველ სოფელში მოიპოება 3—4 დუქანი; ამათში ერთი-ორი საწვრილმანია, ერთი საფართლო და ერთიც ყავა-ხანა. ესენი მიუცილებელი საქიროებია სოფლისა. ყავა-ხანას ისეთი ალაგი უჭირავს, როგორც ჩვენში სამიკიტნოს, იმ განსხვავებით, რომ ეს (ყავა-ხანა) უფრო წმინდა, პატროსნური და ლაზათიანია. აქ უფრო სასმელებს ვაჭრობენ, სახელდობრ ლუდს და ღვინოს. ყავა-ხანაში არის წმი-

და საწოლი ოთახები გამვლელ-გამომვლელ მგზავრთათვის. რომელ სოფელშიაც უნდა შევიდეს უცხოელი, უთუოდ ყავა-ხანა უნდა მონახოს, სხვაგან ვერ გაათევს ღამეს. მართალია აქა-იქ არი გამართული მუქთი თავშესაფარი ღარიბ მგზავრთათვის, მაგრამ იქ ხომ ყველა არ გაჩერდება. დიდრონ—სოფლებში აფთიაქი და ფერშალია.

მე არაფერი მითქვამს ჯერ ეკლესიის და სკოლის შესახებ; ეს იმისთვის რომ ეკლესიას განგებთუ დაუწყებ ძებნას, თორემ ისე ვერ შეამჩნევ; არავითარი გარეგანი ნიშანი ეკლესიისა არა აქვს. ერთ კვირას ვეძებდი ეკლესიას, არც არავის ვკითხე და ვერც ვიპოვე, მხოლოდ როცა დარეკეს, მაშინ გავიგე, რომ იქავე ჩემის ბინის გვერდით ყოფილიყო. ეკლესია უბრალო სახლს წარმოადგენს, არც გუმბათი, არც ჯვარი, რადგანაც აქ პროტესტანტულ-კალვინურ სარწმუნოებას აღიარებენ და უწოდებენ „ეროვნულ ეკლესიას“ (L'èglise nationale).

სკოლა კი შიგ სოფელში ე. ი. მოსახლეთა შორის არა სდგას. ის ცოტა მოშორებულია სოფელზე; სადაც საუკეთესო ადგილია ჰაერით, წყლით, მყუდროებით და სიწყნარით, იქ არის სკოლაც. სკოლის შენობას სწორედ განცვიფრებაში მოჰყავს ადამიანი. ორ-სამ სართულიან საუკეთესო გეგმით აშენებულ სახლში მოთავსებულია პირველ-დაწყებითი სასწავლებელი. გარეგნობით ისეთი ღამაზია, რომ გსურთ დიდხანს უცქიროთ. შვეიცარიელი ერთობ ამაყობს თავისი სკოლით. სკოლისთვის ის ეძებს იმისთანა ადგილს, რომელიც შუაგული და ყველაფრით

მოხერხებული იყოს. რაც უნდა ძვირად გვარი მიწა, ის უკან არ დადგება. უთუოდ შესიყიდის. ამისთვის სკოლა და მისი არე-მარე იზიდავს მგზავრის ყურადღებას. სკოლას აქვს ფართო ეზო ქვით-კირით შემოზღუდული და ხეხილებით გაშენებული. რასაკვირველია, თითოეულ სოფელს თავისი საკუთარი სკოლა არა აქვს.

რამოდენაა სოფელი? საზოგადოდ შვეიცარიის სოფელი პატარა არის, ის შესდგება არა უმეტესს 40—50 სახლისა. მე ვამბობ სახლს და არა კომლს, რადგანაც ერთსახლში შეიძლება ორი კომლი, ან უოჯახი იდგეს, მაგ. უსახლ-კარო ბოგანო და თვითონ სახლის პატრონი. არის იმისთანა სოფელიც, სადაც 10—15 სახლია, არის იმისთანაც, სადაც 100 იქნება; მაგრამ ეს უკანასკნელი ძლიერ იშვიათად, პირველი კი ხშირად. მხოლოდ ვოს კანტონში არის ერთი სოფელი 25 ათასი მცხოვრებით. ამოდენა სოფელი მთელ ქვეყანაზედ არ არის. ეს სოფელი კი არა, ქალაქი უნდა იყოს, და სოფლად თუ ითვლება იმიტომ, რომ მცხოვრებლები არ თანხმდებიან ქალაქად შერაცხვას, გადასახადი მოგვემატებაო. ერთ აქაურ გლეხს ვკითხე:—უკეთესი არ არის, ვე სოფელი ქალაქად აქციოთ? აბა, ახლა ვინ იცის, სად რა სოფელია, ქალაქი კი ყველგან ჩაწერილი და მოხსენებულია, ხალხი მოვა, წავა და სხ. ამაზე მან მიპასუხა:—ჩვენ სახელს კი არ დავეძებთ, არამედ სახრავს. რა მომემატება მე, ყველამ რომ იცოდეს ჩემი სოფლის სახელი? მოკლებით კი მომაკლდება. აი, მაგალითად, სახლის ბაჟი აიწევს, პირუტყვს თავი-



სუფლად არ შემანახვინებენ და სხ. ქალაქი ჩვენ არ გვენატრება. თითოეული სოფელი ქალაქს წარმოადგენს თავის ცხოვრებით და მოწყობილებით. განა ჩვენი სოფელი ქალაქურად არ არის მომართული?...

ახლა მივუახლოვდეთ თვითონ ხალხს და გავიგოთ მისი ცხოვრება.

შვეიცარიაში წოდებრივი წყობილება არ არის. აქ არც აზნაურია, არც თავადი. ამათთვის დიდი ზანია ჩამოურთმევიათ განსაკუთრებითი უფლებები და უბრალო მოქალაქედ გაუხდიათ. იმ ნეტარ-ხსენებულ დროს ერთად-ერთი კოშკი (château) მოგაგონებს. ეს ძველი დროის ნაშთი ამართულა სადმე უალაგო-ალაგას, მთაში, ან წყლის პირას და სოფლიდან კარგა დაშორებულია. კოშკს გეგმა ისევ ძველი შერჩენია, მხოლოდ შიგნით და სახურავი გადაკეთებულ-განახლებულია ევროპულ თანამედროვე გემოვნებით. გარეგანის შეხედულებით ეტყობა, რომ იქ უნდა სცხოვრობდეს ვინმე ძლიერი ამა სოფლისა. მართლაც აქ არის რომელიმე ძველი ყოვლად-შემძლებელის მარკიზის, ან ბარონის შთამომავლობა; მაგრამ დახე ბედის წერას! გუშინდელი მარკიზი დღეს გლეხია; იმას არავითარი უაღრესობა არ აქვს, მისი ყოველივე უფლება-უპირატესობა ისტორიის ტალღებს ჩაუნთქავს. თუ დღეს ის თითოთ საჩვენებელია, იმიტომ, რომ სიმდიდრე შერჩენია, ესეც არა ყველას, არამედ უმცირესობას. დიდი უმრავლესობა ბრწყინვალე წოდებისა დახურდა-ვებულა: ზოგი სრულიად გაღარიბებულა და უბრალო სოფლელიდან არ განირჩევა, ზოგს ვაჭრობა

დაუწყია და ბურჟუად გამხდარა. ერთ სოფელში ერთ ღარიბ გლეხის შესახებ მითხრეს, რომ ის ვილაც ბარონის შთამომავალი არისო.

ამ გვარად სოფელში გარდა გლეხისა ვერავის ნახავთ. საქმის დღეს ყველა სამუშაოდ არის გასული: ზოგი შორს, ზოგი ახლოს; ვისაც კი მოძრაობა შეუძლია, თავის საქმე აქვს აჩენილი და იმას აკეთებს. სოფელი მხოლოდ საღამოს გაცოცხლდება, როცა მუშა-გლეხები სამუშაოდან დაბრუნდებიან. ამ დროს უნდა ქუჩაში იყოთ და მომავალ ხალხს უცქიროთ: რა და რა ნაირ მუშას არ ნახავ! ყველა სამუშაო ტანისამოსით არის გამოწყობილი: ფეხზე აცვია მოკლე ყელიანი ჩექმები; ეს ფეხ-საცმელი ისე გაკეთებულია, რომ 2—3 წელიწადს აო დაცვდება, ძირი ძალიან სქელი აქვს და ზედ ფართო თავიანი პატარა ლურსმებია დაკრული, მიწას ეს ლურსმები ედება და არა ტყავი. ამასთანავე იათი და მსუბუქია. შარვალი უბრალო საქონლის და გაუცვეთელი, სიცხეში მარტო პერანგს და ჟილეტებს ატარებენ. პერანგი თეთრი და საყელ-სახელო გაკრახმალეულია; ეს საკრახმალო ნაწილები წმინდა საქონლისაა, დანარჩენი ტანი კი მსხვილი ძაფით მოქსოვილი ტილოა და ძალიან ჰგავს იმას, რასაც ჩვენში წინად „ხამს“ უწოდებდენ; გარჩევა იმაშია, რომ „ხამი“ ოჯახში იქსოვებოდა, ეს აქაური საპერანგე კი ფაბრიკის ნაწარმოებია. ჟილეტკა სახელოებიანია და ზედ ჰკიდია საათი ძეწკვით. უსაათო გლეხს ვერც კი ნახავთ. ის საათობით დგება, საათობით მუშაობს, სადილობს და სხ. აქაური გლეხი ისე მისჩვევია საათს,

რომ მზის მოძრაობის საშუალებით დროს გაგება სრულებით არ შეუძლია. თითქმის ყველას ერთნაირი საათი აქვს: თუჯის, ან თითბრის, მაგრამ შეუჩერებელი მუშა. აქ ეს ღირს არა უმეტეს 10—12 ფრანკისა. ავდარში ჟილეტს ზევით ბლუზა აცვია (ზათხულში) და ხელში ქოლგა უჭირავს. თავზე წმინდა ჩაღის ქუდი ახურავს. ქოლგა დიდ სიციხეშიაც დააქვთ. ხშირად შეხვდებით გოდორ-მოკიდულ კაცს, რომელსაც ქოლგა გაუშლია და მზის სხივებიდან კისერს იფარავს; ბოსტანში ქალები ქოლგას ქვეშ მუშაობენ. ამ გვარი საბოსტნო ქოლგა ძალიან თართო და გრძელ ღეროზედ არის წაშოგებული; სადაც ჰსურთ მუშაობა, იქ დაასობენ და გაშლილ ქოლგას ქვეშ თავის საქმეს აკეთებენ. მუშათა შორის ადვილად შეამჩნევთ იმისთანას, რომელიც სიბერის გამო ოთხათ არის მოკეცილი და იმისთანასაც, რომელიც სიყმაწვილის გამო, მუხლებსაც ვერ იმაგრებს. აქ დედა-კაციც ისეთივე შრომის უღელშია გაბმული, როგორათაც მამა-კაცი. ხშირად მინახავს მოხუცი ქალი კართოფილით სავსე გოდორ მოკიდებული, ორი ჯოხით ძლივს მიადგამდა ფეხებს.

— ღმერთი არ სწამთ, მაგას რომ ამუშავენ? ვკითხე ერთ გლეხს.

— განა ჩვენ არ ვიცით, რომ მაგის მუშაობა საცოდაობაა, მაგრამ რა ჰქნას: თავს რჩენა უნდა. მისი ვაჟიშვილი ისეთი ამპარტავანია, რომ კომუნისიდან არაფერ დახმარების მიღებას არ კადრულობს, ისე კი უჭირს ცხოვრება, წვრილი შვილის პატრონია.

გლებობა საზოგადოდ კარგი შეხედულობის არის; მოსრული, ახოვანი ტანის, სხვილ-სხვილი მაჯები, ჩინებული ფერ-ხორცი; გაყვითლებულ სახისას ვერც კი ნახავთ, თეთრ-ყირმიზი, თვალები პატარ-პატარა და ჭრელ-კაკლიანი, წვერი მოპარსული აქვთ და თმა შემოკრეჭილი. დადის დინჯად და თავჩაღუნულად; კაცს ჰგონია, მუდამ ღრმა ფიქრებშია გართულიო. ეტყობა გულადობა და სიმამაცე. მუშაობს ძლიერ ნელა, აუჩქარებლივ, მაგრამ მთელ დღეს განუწყვეტლივ. დედაკაცობა უფრო დაბალი აგებულობის არის, პატარა პირით და ხელებით, ლოყა მოწითლო აქვთ, ცხვირი მოკლე, მხიარულ-მომცინარე სახეს მოკლებულია, ჯან-მთელი და მარჯვია.

კვირა-უქმე დღეს რომ ნახოთ ეს მუშა-ხალხი, სრულებით ვერ იცნობთ; ისე გამოწყობილ-გამოკობხტავეებულია, რომ იფიქრებთ ეს გლებობა კი არა ქალაქის ბურჟუა არისო. ფეხებზე მოდის წაღები აცვია, ტანზე მაუდის, ან მინაგვარის შარვალი და სერთუკი (ან პიჯაკი), პერანგი არისტოკრატიული წმიდა საქონლის, რასაკვირველია გაკრახმალეებული, თავზე ცილინდრი და ხელში ჯოხი (ავდარში ქოლგა)—ერთი სიტყვით ინგლისის ჯენტლმენს ჰგავს. ქალებიც მოდის ტანსაცმელშია გამოწყობილი. არ შეიძლება ქალმა ხელოვნურად გაილამაზოს პირისახე, წყლით და საპნით დაიბანს და ეს არის (უნდა შევნიშნოთ, რომ ქალაქის ქალებიც ამ წესს მისდევენ). ერთმანეთს ზრდილად და მოწიწებით ეპყრობიან, ლაპარაკში ხმარობენ „თქვენ“ და არა „შენ“.

გლებს რომ უთხრა „შენ“, შეურაცხყოფად მიიღებს. „შენ“-ს გაიგონებ ცოლ-ქმართა და ბავშვთა შორის. ბავშვებს ფეხ-ტიტველთ და მიფლეთილ-მოფლეთილ ტანისამოსით ვერსად ვერ შეხვდებით. ყველა „პოლ-საპოჟკებით“ და რიგიანი ბლუზა-შარვალით დადის. ბავშვები ცქვიტი და ზრდილია, თუმცა ულამაზო სახისაა.

ასეთია სოფელი და მისი მცხოვრებლები გარეგანის შეხედულებით. მიუახლოვდეთ კიდევ უფრო, შევიდეთ გლების სახლში.

სიმდიდრე-სიღარიბის მხრით გლებობა შეიძლება გაიყოს სამ რიგად. პირველი წარმოადგენს ეგრეთ წოდებულ გლების ბურჟუას. ეს გვარიან შეძლებულად ითვლება. მის ცხოვრების წყაროს შეიძლება შეადგენდეს ხერხის მაშინა, სადურგლო, ტყე, ან ველი, მიწა ბლომად, ათი-თორმეტი ძროხა, და ან სოფელში დუქანი. ყველა ეს ცალ-ცალკე აღებული იმდენ შემოსავალს იძლევა, რამ მისი პატრონი პირველი რიგის მქონებლად ჩაითვლება. მესამე რიგის არიან ის გლებები, რომელნიც ყოველივე საკუთრებას მოკლებულნი არიან, არა აქვთ საკუთარი თავშესაფარი და სხვის, ნაქირაკებ სახლში სცხოვრობენ, არა აქვთ საკუთარი მიწა-ადგილი და სხვის მიწაზე მუშაობენ. ამათ ისე უჭირთ ცხოვრება, რომ კომუნა აძლევს შემწეობას: სამუშაოს შოვნით, ფულით, შვილების გაზრდით, ტანისამოსით და სხ., ასე რომ ამით ესენიც იოლად იტანენ გაჭირვებას. დანაჩენი გლებობა მეორე რიგისაში მოჰყვება. ესენი შუათანა შეძლებიანაა. ამათ სა-

კუთარი სახლი და მიწა ცოტა აქვთ. ესენი შეადგენენ სოფლის დიდ უმრავლესობას. გლეხი—ბურჟუა და გლეხი—ბოგანო ძლიერ ცოტაა. მაგალითად, ს. ბრენტში, სადაც 45 მოსახლეა, 3—4 შეძლებული გლეხი სცხოვრობს და იმდენივე უსახლკარო. ამ უკანასკნელს ჩაცმა-დახურვით, რასაკვირველია, ვერ შეატყობთ სილატაკეს. საზოგადოდ შვეიცარიელი 'ცდილობს თავისი ნაკლულევანება მიმალოს და საზოგადოებაში რიგიანად გამოვიდეს. ამ მხრით შვეიცარიელი ძალიან ჰგავს გურულს. პირველის და შუათანა შეძლების გლეხი დიდად არ განირჩევა შინაურ მორთვა-მოწყობილობაში. მხოლოდ პირველს უკეთესი სასმელ-საჭმელი აქვს, ვინემ მეორეს. არც მუშაობის მხრით არის ამათ შორის გარჩევა. ორივე გაბმულია მუშაობის უღელში (გარდა ვაჭრისა). რასაკვირველია, პირველის შრომა უფრო ნაყოფიერია, რადგანაც სამუშაო იარაღები კარგი აქვს. ერთ ჩემ ნაცნობს ხერხის მაშინა ჰქონდა და მუდამ თითონ მუშაობდა ზედ. ერთხელ ვკითხე:—თუ 15—20 ფრანკი შემოგდით დღეში, თქვენ რატომ მუშაობთ, იჭირავთ ვინმე და ის იქნება თქვენ მაგიერ.

— პირველად ამას მცოდნე კაცი უნდა, ყველა ვერ გააკეთებს ამ გვარ საქმეს, ამისთანა მუშაკი დღეში 5—6 ფრანკს მომთხოვს; მეორედ ვთქვათ, სხვა დავიჭირე, მე რაღა უნდა გავაკეთო? მუქთად ვიჯდე? ეს ხომ სიგიჟე იქნება!—მიპასუხა მან.

აი, ამ შეძლების გლეხი დიდიდან საღამომდი ხერხზე მუშაობს, მისი ვაჟი ყანაშია, მისი ცოლი

პირუტყვს მწყესავს საბალახოზე და რძეს ჰყიდის. ოჯახის არც ერთი წევრი მუქთად არ ზის, ყველას თავ-თავისი საქმე აქვს. შრომა—და გარჯა—ეს ყველასთვის ხელ-შეუხებელი მცნებაა.

სახლის ზემო სართული შედგება არა ნაკლებ 4-5 ოთახისა. თითოეულ წევრს ოჯახისას, გარდა ცოლ-ქმრისა და ბავშვებისა, მიჩენილი აქვს საკუთარი საწოლი ოთახი. აქ იშვიათია, ერთ ოთახში ორი კაცი იწვეს. საზოგადოდ ევროპაში ამნაირი წესია და გლახობასაც, უეჭველია, ქალაქებიდან გადაუღია. რაც უნდა დაბალი შეძლების გლახი იყოს, თავის უშთავრეს მოვალეობად მიაჩნია ცხოვრების ქალაქურად მოწყობა. გლახის ოთახში რომ შეხვიდეთ, ცოტა კიდევაც გაგიკვირდებათ. გვეგონებათ, ვილაც ბურჟუას სახლში ხართ და არა უბრალო სოფელისა. პირველად თქვენს ყურადღებას მიიპყრობს გადაქარბებული სიწმინდე. არსად მტვერი და ნაგავი, არც ერთი „ფინჩხაც“ არ აგდია, სულ ყველაფერი დასუფთავებულ-დალაგებულია. ოთახი გვარჩიანი მოზდილია. იატაკი ხის აქვს, ჭერები თუმცა ხისაა, მაგრამ კირ-წყლით გალესილია ორი ვერშოკის სისქეზე და შემდეგ თეთრად არის შეღებილი. კედლები ქვისაა, რასაკვირველია, და „შპალერით“ მოქალაქებულია. ფანჯარა ორი, ან ერთი და დიდი, შიგ ბუხარს ვერ ხედავთ. აქ მოძრავი ბუხარი იციან, პატარა, ოთხ-კუთხი, თეთრი ქვით აშენებული, ლულათუნუქისა აქვს, და თვითონ ბუხარი ოთხ პაწაწკინტელა გოგორაზე არის შემდგარი. ზაფხულში შეინახვენ, ზამთარში დადგამენ, სადაც საჭიროა. ზოგ,

ოთახში თუჯის „ფეჩი“ დგას. ათბობენ შეშით და
 ქვა-ნახშირით. ზოგ ალაგას მითხრეს, რომ ნახშირით
 გათბობა უფრო იათად უჯდებათ, ვინემ შეშით.
 თუმცა შეშა ახლო აქვთ, თითქმის ტყეში ცხოვ-
 რობენ, მხოლოდ შეძლებულნი, ვისაც საკუ-
 თარი საშეშე აქვს შეშას ხმარობს, ბევრი
 შეშას ქალაქში ყიდიან და ნახშირს ყიდულობ-
 ბენ. ოთახის ავეჯეულობას შეადგენენ: ორი-სამი
 უმცროს-უფროსი, გალაქულ გადაფარებული სტო-
 ლი, რამდენიმე ჩალის (ვენის) სკაში და ერთი-ორი
 სავარძელი, კუთხეში მიდგმული მაღალი შკაფი ტანი-
 სამოსისთვის, იქვე 3-4 უჯრიანი „კამოდი“, ტახტი
 რკინის და წინ ხალიჩა დაგებული, გვერდზე, კედელ-
 ზე, წმინდა ხალიჩა მიკრული, ხავერდით გაწყო-
 ბილი დივანი, რომელზედაც პატარ-პატარა ბალი.
 შები აწყვია. ტახტზე, საზოგადოდ, ქვეშაგები გა-
 შლილია და ლამაზად მიწყობილი: ზევით არის
 შალის საბანი (ქარხანაში დამზადებული); ქვეშ აქვს
 ამოფარებული თეთრი ტილოს ზეწარი, შემდეგ კ-
 დევ ზეწარი, სქელი მატყლის ლეიბი (ნალი) და სას-
 თუმალთან ბალიშები თეთრი პირით გადაკრული.
 კედლებზე შეამჩნევთ ლურსმით მიმაგრებულ ფართო
 სარკეს და იქვე დაკიდულს კედლის საათს. ამგვარად
 აქვს გლახს გაწყობილი ოთახი. ეს იმისთვის ჩვეუ-
 ლებრივი და მიუცვილებელია. ის ყველაფერს მოი-
 კლებს, მაგრამ სუფთა და რიგიან ბინას არასოდეს.
 ერთი სტოლი დგას შუა ოთახში. გარეშემო
 სკამებია შემოწყობილი, ზედ დევს დიდი ლამპა და
 სათუთუნე კოლოფი ჩიბუხით (ყალიონია). შვეი-
 ცარიელი გლახი პაპიროზის ქალაქს ვერ ეწყობა,
 იმას პირში მუდამ ჩიბუხი აქვს. ჩიბუხი ლითონის,
 ან ხისგან არის გაკეთებული, ტარი მოკლე და

მიღუნულ-მოღუნული. თუთუნი კი ვერ არის კარგი. აქ ვერ მოდის რიგიანი თუთუნი, ისეთი რბილი გამოდის, რომ ასე გგონია, ხის გამხმარ ფოთოლს ვეწევია. უცხოეთის თამბაქოს დიდი ბაჭი აქვეს და გლახისთვის ხელ მიუწვდომელია. კედელთან მიდგმულია მეორე სტოლი, ზედ აწყვია საწერ-კალამი, ქალაღი და წიგნები; წიგნები ყოველგვარია. გლახს მიუცილებელ საჭიროდ მიაჩნია კანონის წიგნი. კანონები შესახებ გლახის და მისი მოქმედებისა ერთად არის შეგროვილი და ცალკე წიგნაკად დასტამბული. ყველა მუხლი ახსნილი და განმარტებულია საყოველთაოდ გასაგებად. გლახის წიგნთ-საცავის უპირველეს წიგნს ეს შეადგენს. იშვიათად იპოვით იმისთანა გლახს, რომელმაც არ იცოდეს ყოველივე წვლილი სასოფლო და საკანტონო დაწესებულებებისა, როგორც საადმინისტრაციო, ისე სამოქალაქო. სად რა საქმეები კეთდება, რომელი მოხელე რა უფლებით არის აღჭურვილი, თითონ გლახს რა ალაგი უჭირავს საზოგადოებაში, რა შეუძლიათ მოსთხოვონ მას და რა არა, რა წესს ექვემდებარება კომუნის სამმართველო და სხვა ამისთანა კითხვები გლახისთვის ნათელით მოცული და გარკვეულია. ჩემს სახლის პატრონს ვკითხე—რამდენს იხდის გლახი წელიწადში ბეგარას?

—ამის გამოთვლა ცოტა ძნელია, რადგანაც ყველას თანასწორად არ ახდევინებენ; მე გათხოვებ ერთ წიგნს და თქვენ თვითონ გამოიანგარიშებთ საშუალო რიცხვს—მიპასუხა მოსაუბრემ. შემდეგ შევიდა თავის ოთახში და ერთი მოსქო წიგნი გამო-

ოტანა, რომელშიაც, სხვათა შორის, აღნუსხული
 იყო ყოველივე შემოსავალ-გასავალი კომუნის და
 კანტონისა; მოყვანილი იყო ქალაქთა და სოფელთა
 მცხოვრებთა რიცხვი და დაყოფილი რიგ-რიგად თანა-
 ხმად შეძლებისა და საზოგადო მოთხოვნილებებისა.
 —აი, ეს არის ჩვენი კანონ-მდებლობის წიგნი,
 განაგრძო მან, კიდევ მაქვს ამაზედ უფრო შემო-
 კლებულად დაბეჭდილი წიგნაკი, რომელსაც სოფლის
 შკოლებშიაც ასწავლიან ბავშვებს.

გარდა ამ საჭირო წიგნისა გლების ოთახში
 ნახავთ შვეიცარიის მოკლე ისტორიას. ძნელი წარ-
 მოსადგენია ის, თუ რანაირად უყვარს შვეიცარიელს
 თავის ქვეყნის ისტორია. ერთ თვეს რომ გესაუბროს,
 ისტორიული ამბები არ დაელევა. ის კიდევაც ამა-
 ყობს თავის ისტორიით. — როგორ არ არის გასაკვი-
 რალი, რომ ასე პატარა ქვეყანამ ვეშაპ სახელმწიფო-
 თა შორის თავისუფლება და დამოუკიდებლობა შე-
 ინახა? — მითხრა ერთმა შვეიცარიელმა. ამისთვის
 იშვიათად იპოვით იმისთანა გლებს, რომელმაც არ
 იცოდეს შვეიცარიის დაარსების ამბავი. ერთმა მი-
 ჩვენა სურათი, რომელიც წარმოადგენდა ტყეს და
 სამ კაცს: ორ თეთო წვერას ერთმანეთისთვის მიუ-
 ციათ ხელი და მესამე ახალგაზდა შუაში ჩაუყენებიათ.

—რა არის ეს? ვკითხე. — ეს სამი კაცი არის-
 სამი კანტონი: შვიც, ური და უნტერვალდენი, რომე-
 ლნიც პირველად (1291 წ.) შეერთდენ და ჩაჰყარეს
 საფუძველი დღევანდელი შვეიცარიისა. — ამიხსნა მან-
 ვე. ისიც უნდა ითქვას, რომ ვერსად ვერ ნახავთ
 ქვეყანას, სადაც პროვინციალური პატრიოტიზმი ისე

იყოს განვითარებული, როგორც აქ. ყველას თავისი კანტონი მოსწონს და სხვა კანტონზე მალლა აყენებს. კანტონთა შორის საშინელი ჯიბრი და ბაძვაა გამართული; თითოეული მათგანი ცდილობს რაიმე იმისთანა შემოიღოს, რომ სხვებისთვის სამაგალითოდ დარჩეს. მაგრამ ამავე დროს უცხოელის წინაშე შვეიცარია აკერიათ პირზე და არა კანტონი. არას დროს გლეხი არ გეტყვის აბა და ამ კანტონის ვარ, თუ პირდაპირ არ ჰკითხეთ კანტონი. ის ყოველთვის ამპარტავნულად იტყვის: „მე შვეიცარიელი ვარო“. მისი აზრით შვეიცარიისთანა ქვეყანა მთელ ხმელეთზე არ არის.

გლეხს უყვარს აგრეთვე გეოგრაფია, სხვა-და-სხვა ქვეყნის აწერა. ამის მიზეზი ერთმა ასე ამიხსნა — ჩვენთვის ყველაზე უფრო ეს არის საჭირო: მივდივართ-მოვდივართ, სამუშაოს დავეძებთ; ბერლინი და პარიზი სად არის თუ აღარ ვიცო, აბა, რაღა კაცი უნდა ვიყო. — მართლაც შვეიცარიელი ბევრს მოგზაურობს სხვა-და-სხვა ქვეყნებში ფულის საშოვრად. ამისთვის ხშირად შეხვდებით გლეხს ორ-სამ ენაზე მოლაპარაკეს.

გარდა ამებისა გლეხის წიგნთ-საცავშია: ანგარიშის წიგნი, სახარება, გაზეთების ახალი ქრომრები და სხ. საკვირველია, რომ ლექსთა კრებულს და მოთხრობა-რომანებს გლეხი არ ეტანება. ლექსის მას არაფერი გაეგება. პოეტებიც კი იშვიათია. ქ. ჟენევაში მხოლოდ ერთი კაცი სწერს ლექსებს. გლეხი მე-ლექსე სანთლით საძებარია. გლეხის აზრით ლექსის მწერალი განათლებული, ქალაქის კაცი უნდა იყოს.



სოფლის სიმღერებშია ცნაობა და ვაიგონებთ ხალხურ მოტივებს. სოფელის სიმღერას რომ უყუროთ, გეგონებათ თეატრში ვარ და ოპერას ვუსმენო. ერთი სიტყვით სოფელი თანდათან უახლოვდება ქალაქს...

III

შვეიცარიელ გლეხს თავის ცხოვრება სასწორით აქვს აწყობილი. მას წინდაწინ გამოანგარიშებული აქვს მთელის წლის შემოსავალ-გასავალი. თანახმად ამისა ცხოვრების ყოველივე წვლილი სისტემატიური წეს-რიგით მოცულია. შემთხვევებს, ნახტომებს აქ ადგილი არა აქვს. გლეხმა იცის წლის განმავლობაში რამდენ გიჟვანქა პურს შექამს, რამდენ კართოჯილს, ხორცს, რძეს და სხ. ეს იმას კარგად აქვს გამოკვლევულ-გამოანგარიშებული. ხელში უჭირავს შემოსავლის ჯამი და შემდეგ ამისდა გვარად ზომავს ოჯახის მოთხოვნილებას. ამისათვის არ შეიძლება ერთ დღეს იმდენი დახარჯოს, რამდენიც ორი დღისათვის აქვს გადადებული, წინააღმდეგ შემთხვევაში მეორე დღეს ნახევრად მშიერი უნდა დარჩეს. მეჯლიშები, მიპატიჟ-მოპატიჟება, რასკვირველია, იშვიათია. ყველა თავისთვის ცხოვრობს, თავის ოჯახში შეექცევა ლუკმა-პურს. ჩვენებურ მეზობლურ დამოკიდებულებას აქ ვერც კი წარმოიდგენენ. სადილობის დროს რომ ესტუმროთ გლეხს, უსადილოთ დარჩებით, რადგან სწორედ იმდენი ექნება დამზადებული, რამდენიც ოჯახის წევრისათვის არის საკმაო, მეტი საჭმელი იშვიათად დარ-

ჩება. არა ჩვეულებრივის ხარჯის გაწევა იციან მხოლოდ ქორწილზე და ნათვლაზე. ამ დროს წვეულთა რიცხვი 10—15-ს არ ასცილდება. თითქმის ყველა ნათესავ-მოყვარეა. ხშირად მინახავს ამგვარი წვეულება და არც ერთზე კარის მეზობელი არ იყო მიპატიუებული. ეს ზედ-მეტი ხარჯი მძიმე ულლად აწევს ოჯახს. აქ ფულის შოვნა შემთხვევით, ან რაიმე ხერხით შეუძლებელია. უთუოდ თავის შრომით უნდა შეიძინოთ, სხვა სახსარი არა არის რა. ამისათვის არა ჩვეულებრივი წვეულების გასამართავად გლები დიდი ხნით ემზადება: ან შრომას და ჯათას აორკეცებს, ან ჩვეულებრივ გასავალს ცოტ-ცოტას აკლებს. როცა დაინახავს, რომ საკმაო ჯამი შედგაო, მაშინ მოიხმარს დანიშნულებისამებრ. ვალის აღება გლებს არ უყვარს, ყოველივე ღონისძიებას ხმარობს, ამას გზა აუქციოს, რადგანაც კარგად იცის, რომ გადახდა გაუძნელდება (თუმცა ფულის სარგებელი 4—5% არ აღემატება). თუ მეზობელს მეზობელი გაუმასპინძლდა, სამაგიერო უნდა იქნას გადახდილი. თავის შრომით ცხოვრება ისე აქვთ ძვალ-რბილში გამჯდარი, რომ ვერც კი წარმოიდგენენ, თუ რატომ მუქთად აქამონ ერთმანეთს. თითოეული თავისთვის შრომობს და თავისთვის სცხოვრობს.

შვეიცარიაში, საზოგადოდ, დღეში სამჯერ იკვებებიან: დილას საუზმე, შუადღეზე სადილი და საღამოს, 7 საათზე ვახშამი. ამ წესს მტკიცედ ასრულებს როგორც ქალაქი, ისე სოფელი. გლების სამზარეულოს წარმოადგენს ერთი მოზრდილი ოთახი, აგურით მოფენილი, იმავე სართულზე, სადაც თვი-

თონ სცხოვრობს. სამზარეულოში სდგას საჭმლის
 საკეთებელი გრძელი აგურის ბუხარი, ანუ, როგორც
 ჩვენში უწოდებენ, „პლიტა“. ქვაბები სპილენძის და
 თუჯისაა და შენახულია განსაკუთრებითი უჯრებში,
 ასე რომ ნასადილევს სამზარეულოში ვერავითარ
 ჭურჭლებს ვერ ხედავთ. შუაზე არის სტოლი სკა-
 მებით შემოწყობილი, სტოლის უჯრებში დანა-ჩან-
 გლები აწყვია. საზოგადოდ სამზარეულოში ყურად-
 ლებას იქცევს მეტის-მეტი სისუფთავე, ასე გგონია
 სასტუმრო ოთახია. ვერსად ჭუჭყიან რასმეს ვერ
 დაინახავ, ყველაფერი მიწმენდილ-მილაგებულია. აქა-
 ვე არის წყალი, მილით გამოყვანილი (არა ყოველ
 ოჯახში), ამასთანავე მოწყობილია წყლის გადასა-
 ღვრელი ალაგი. თანჯარასთან ქვის დაზგაა მიკრუ-
 ლი, ცოტა ამოღრმავებულია, დაზგიდან წაყვანილია
 მილი მიწაში ღერთვის საზოგადო სასოფლო მილს. ქუ
 ჩაში აკრძალულია წყლის გადაღვა და ნაგვის გატანა.
 ნაგავს აგროვებენ და შემდეგ სოფელს გარეთ გა-
 აქვთ, თუ ნაგავში საჭმლის ნარჩენები ურევია, ბო-
 სტანში ან ვენახში—ყრიან. სადილის დროს რომ
 შეხვიდეთ სამზარეულოში. აი, რას დაინახავთ: სტო-
 ლი გადაფარებულია თეთრი ტილოთი, გარშემო შე-
 მომსხდარია ოჯახის ყველა წევრი და თითოეულს
 უდევს წინ დანა-ჩანგალი, კოვზი, ჭიქა, საინი და
 ხელსახოცი. პატარა ბავშვები წამოსკუბულია მაღალ,
 მათთვის საგანგებოთ გაკეთებულ სკამებზე. ყოველ-
 ნაირი საჭმელია, გარდა ხორცისა: კართოფილი, რა-
 საც ისე სხვა-და-სხვა გვარად ამზადებენ, რომ გა-
 მოცნობაც გაგიჭირდებათ, ლობიო, ფხალეულობის

წვენი, რძით შეზავებული ვერმიშელი, ღვინო, პურ-
 რი და სხ. ხორცს მხოლოდ კვირაობით სჭამენ. ქა-
 თამი თითქმის სრულგვით არ არის ხმარებაში. ამის
 მიზეზი, რასაკირველია, სიძვირეა (მაგ. ერთი ქათა-
 ში $2\frac{1}{2}$ ფრ. ანუ ერთი მანეთი ღირს). ყველა ოჯახი ვერ
 გაიჩენს შინაურ ფრინველებს, შენახვა ბევრ ხარჯს
 მოითხოვს. როგორც ქვევით დავინახავთ ოჯახთა შო-
 რის ისეა განაწილებული შრომა, რომ თითოეული
 ერთ რასმე საქმეს აკეთებს და ამით ირჩენს თავს. გი-
 რვანქა ხორცი სამ აბაზად იყიდება. შაბათობით
 იკვლება საკლავი და კვირისათვის გლეხებს მიაქვთ
 თითო გირვანქა ან ცოტა მეტი. ღვინოს დაბალ-
 ხარისხისას წყალ-ნარევს ხმარობენ. პურს სახლში
 არ აცხობენ, დუქანში ყიდულობენ. ჩაის სრულგ-
 ვით არა სმენ, სამაგიეროდ ყავა რძით დიდ ხმარე-
 ბაშია. საზოგადოდ ევროპაში ჩაის იშვიათად ნა-
 ხავთ, სამოვარს ხომ სრულგვით ვერსად. არსად იმ-
 დენი რძე არ იხარჯვის, რამდენიც შვეიცარიაში. რძე
 აქ ძლიერ იაფია (ვერმუდის ბოთლი 20 სანტიმი).
 გლეხის ოჯახი საშუალო რიცხვით დღეში ორ ბოთლს
 რძეს ხარჯავს, ყველს ნაკლებად სჭამენ, მარტო ყვე-
 ლით არასოდეს არ დაკმაყოფილდებიან სადილზე.
 ამასთანავე ძლიერ ეტანებიან ერბოს, როგორც
 საქმლის შემზადებისათვის, ისე პურთან შესატანებ-
 ლად (მეტადრე ყავასთან). კვერცხი იშვიათია, თორ-
 მეტი ორი აბაზი ღირს. ხილეულობა აქ ერთობ
 ბევრია. ამისთვის ნაირ-ნაირ მურაბებს და სხვა ტკბილ
 საქმელებს ხშირად შეხვდებით გლეხის ოჯახში. ხან-
 დახან ღვინის მაგიერ ლუდს და არაყს სმენ.

აქ ჩამოთვლილ სასმელ-საქმელიდან შეიძლება ერთი მესამედი ოჯახის მიერ იყოს მომუშავეებული, დანარჩენი ორი წილი უთუოდ ნაყიდია. ამას მიუმატეთ კიდევ სხვა მრავალგვარი მოთხოვნილება და ნათლად წარმოგიდგებათ, რამოდენა ფული უნდა ტრიალებდეს გლახობაში. უფულოდ ერთ დღესაც ვერ დააღამებს გლახი, ყოველთვის და ყოველგან ფული უნდა ხარჯოს, უამისოდ ერთ სადილსაც ვერ შესჭამს. საიდან უნდა აიღოს ამდენი ფული? ცხადია თავის შრომიდან, ე. ი. მისი ნამუშევარი ბაზარზე უნდა იქნას გამოტანილი და გაყიდული. ამისთვის ის აკეთებს იმისთანა საქონელს, რაც სხვისთვის არის საჭირო, რისთვისაც ფასს გამოიღებენ. ამ გვარად, გლახის მიზანია ფულის შეძენა, ე. ი. მისს პირდაპირ მოთხოვნილებას ფული შეადგენს; — ამ მიზნის მისაღწევად ის აწარმოებს იმისთანა რამეს, რაც სხვის პირდაპირ მოთხოვნილებას შეადგენს და არა მისას. თავის ნამუშევარიდან ის სტოვებს ოჯახის საჭიროებისათვის ძლიერ ცოტას, ან სულ არაფერს, დანარჩენს ჰყიდის. რადგანაც ყველა გასასყიდ საქონელს ამზადებს, აშკარაა ვინმე უნდა ყიდულობდეს. ვინ არის მყიდველი? პირველად თვითვე მაწარმოებელი, მეორედ ქალაქში მცხოვრებნი. ამნაირად გლახის ნაწარმოებს ბაზარი აქვს სოფელში და ქალაქში. რა ნაირად არის ეს მოწყობილი? აი ამაზედ მოვილაპარაკებთ.

გლახის უმთავრესს საზრუნავს ბოსტნის მოშენება შეადგენს. ხშირია იმისთანა ოჯახი, რომელიც ნახევარი ქცევა მიწით გვარაიანად ირჩენს თავს. ამ

სივრცეზე ის ბოსტანს აკეთებს, და ეს საქმე ისე მიჰყავს, რომ მთელის წლის განმავლობაში მიწა ცალიერი არ რჩება; თანახმად ჰავის ცვლილებისა იცვლება თვით მოსავალიც. რაც ზაფხულობით მოდის, ზამთარში არ ხეირობს. ამისთვის იმავე ალაგს სხვას რასმე სთესს და ასე წლის გასვლამდე ერთ და იმავე ნაქერ მიწაზე სამი-ოთხი მოსავალი მოდის. საბოსტნო ადგილი უმთავრეს შემთხვევაში, სოფელში, ან სოფლის განაპირას არის; აქ თქვენ ყურადღებას მიიქცევს სივრცის ვიწროობა, ნახევარ ქცევას არც ერთი არ წასცილდება. ეს პატარა სივრცე დაქრილია რამდენიმე ნაქრებად, ნაქრებს შორის ნიაღვრისთვის კვალია გაყვანილი. უამისოდ ცოტა წვიმაც საკმარისია, რომ ყველაფერი ჩარეცხოს (ნუ დაივიწყებთ წინეთ ნათქვამს: სოფელი მთაგორაზეა გაშლილი). თითოეულ ნაქერს სხვადა-სხვა ნაირად ამზადებენ. ეს დამოკიდებულია იმაზე, თუ სად რა უნდა დაითესოს. განსაკუთრებით ყურადღება მიქცეულია მიწის გასუქებაზე. მიწას ისე გამოცლილი აქვს ნოყიერება, რომ უსასუქოთ აღარაფერს იძლევა. გაზაფხულზე რომ ბოსტანში ჩახვიდეთ, მიწიდან ფეხებს ველარ ამოიღებთ, იმდენი ნაკელი ყრია. ბარის შემწეობით მიწა და სასუქი ერთმანეთშია არეული. საბოსტნო ბარი ჩვენებურს არ გავს. რკინის ორ-თითი წამოგებულია ხის ტარზე და თოხივით სცემენ მიწას. აქაური რბილი ნიადაგის დასაბარავათ ეს საკმარისია. როცა მიწა და სასუქი კარგად შეზავდება, ცოტას დააცდიან, რომ მოშრეს და შემდეგ დაიწყებენ თეს-

ვას. ყველაზე უფრო ფართო ნაჭერი მიწისა კართოფილისათვის არის გადადებული, შემდეგ მოდის ლობიო, ფხალეულობა, კიტრი და მწვანელოვანობა: სტაფილო, ხახვი, წიწმატი, ბოლოკი და სხ. ამათი მოვლა და ხელის შეწყობა დაუსრულებელი შრომაა. დედა-კაცი ჩავა თავის ბაღაში, გაშლის გრძელ ტარიანს და ფართო ქოლგას (მზეში ან წვიმაში), შეძვრება ქვეშ და მთელ დღეს ფეხს არ იცვლის. კაცს უკვირს ამდებანს ამ ერთ ალაგას რას აკეთებსო. მიდიხართ და უცქერით: ყოველ მცენარის ძირს ხელს ახებს, გაასწორ-მიასწორებს, ცუდ ავად-მყოფ ფურცელს ართმევს, ბალახ-ბულახს გლეჯს და სხ. ისეთ წვრილმან რამეზე შრომობს, რომ შემჩნევაც ძნელია. მუდმივი ცდის და გარჯის შედეგი ის არის, რომ ძალიან ბევრი ნაყოფი მოდის. ერთ ბეწო ადგილზე რამოდენსამე გოდორს კიტრს დაკრეფენ, მწვანელოვანობას მუდამ ეზიდებიან და მუდამ გამოუღეველია, ამას ბოლო აღარ აქვს. მოკრეფაც ერთ ხელობას შეადგენს. ვინც ბევრს დაკრეფს და ბოსტანს არ დააჩნდება—აი ის არის ოსტატი. ამაში ისე არიან განვითარებულნი, რომ შორიდანვე ცნობილობენ რომელი ძირი უნდა მოიგლიჯოს და რომელი არა. აქა-იქ ბოსტანში შეხვდებით შუშა-ბანდს და შიგ სხვა-და-სხვა ნაირი მცენარეებია. განსაკუთრებით შუშაბანდში მოჰყავთ ის, რაც ბუნებრივ სითბო-სიცხეში არ მოდის, მაგალითად ზამთარში კიტრი და ყვავილები, რომელიც ზაფხულში მეტი სიცხე-მტერისაგან ფუჭდება. ამას გარდა შეიძლება ბოსტანში იყოს ცოტა ხილეუ-

ლობა: მსხალი, ვაშლი და ან ერთი-ორი ვაზი. ხშირად მინახავს ყურძნის მტევანი რკინის ბადეში გახვეული, სეტყვა ვერას დააკლებსო.

სხვის მიწაზე რამე ნაყოფის მოგლეჯა სასტიკად აკრძალულია; კანონით დამნაშავე სამართალში მიეცემა და ჯარიმა გადახდება. ეს ასეც უნდა იყოს, რადგანაც ყოველი ნაყოფი ფულს წარმოადგენს; გინდ ერთი ვაშლი მოგიპარავს და გინდ თანაბარი ფული, ყველაფერი ფულით იზომება. დღევანდელი ბოლოკი, ხვალ ფულად ქცეული, უბრუნდება პატრონს. როგორ ხდება ეს?

როგორც ვთქვით, ყველა ერთ და იმავე საქმეს არ მისდევს, ერთი ერთს მუშაობს, მეორე მეორეს. მებოსტნეს შეიძლება ვენახი არ ჰქონდეს, მევენახეს ყანა, მეყანეს ძროხა არ ყავდეს და სხ. ერთი სიტყვით, თითოეული ხელს ჰკიდებს იმას, რაც მას ემარჯვება და ეხერხება. ერთ საქმეში უფრო დახელოვნდება კაცი, ვინემ მრავალში. გლეხობას ეს კარგად აქვს შეგნებული. შრომის განაწილება იქამდის არის მისული, რომ ზოგს მარტო კართოფილი მოჰყავს და ამით ირჩენს თავს. გლეხს თავისი ნაწარმოები გამოაქვს გასასყიდათ თავისსავე სოფელში, ან მახლობელ ქალაქში. სოფელში ისე კი არ არის, რომ მეზობელი მეზობლიდან ჰყიდულობდეს, არამედ გამართულია საწყობი ალაგი, და გამყიდველი იქ აწყობს, მყიდველიც იქ ყიდულობს. ქალაქში კი თითონ გლეხს მიაქვს გასასყიდათ. ფასი სოფელში, ე. ი. ადგილობრივად, და ქალაქში ერთი და იგივეა. ერთ მიუვალ ალაგს,

მთაზე, გლეხი ალუბალს ჰკრეფდა. ყიდვა მსურდა და ფასს შევეკითხე; სწორედ ისე დამიფასა, როგორც ქალაქებში იყიდება. როცა ამის მიზეზი ვკითხე, ასე მიპასუხა:—ქალაქში ჩატანა არათრად გვიჯდება, რამოდენიმე ფუას ერთად წავაღებ, ამავე დღეს გავყადი და შინ დავბრუნდებიო. მართლაც ქალაქები ისე ახლო-ახლოა გაშენებული, რომ სოფელი ადვილად სწვდება. ყველაზე უფრო მივარდნილი სოფელი ქალაქიდან 4—5 ვერსის დაშორებით იქნება. მიმოსვლა გაადვილებულია შვენიერი ფართო შარა-გზებით და მატარებლებით. თუ სოფელი დაბალზედ არის დაფენილი (როგორც მაგ. ქენევის ახლო-მახლოს) უთუოდ ქალაქთან რკინის გზით არის შეერთებული. ქალაქებს შორის, რაც უნდა პატარა იყვენ, რკინის გზა და „ელექტრიკა“ (ე. ი. როგორც ჩვენში ცხენის რკინის გზაა, იმ გარჩევით, რომ ვაგონები ელექტრონის ძალას მიჰყავს და არა ცხენს) დადის. მოგზაურობა მეტად იაფად (გზების შესახებ დაწვრილებით მოვილაპარაკებთ შემდეგ). გლეხს თუ ერთ ალაგს არ დაუჯდა ბაზარი, მეორე ქალაქში მიდის და იქ ასაღებს თავის ნაწარმოებს. ისიც შეიძლება, რომ უცებ მუშტარი ვერ იშოვა, ფული კი სჭირია: ამ შემთხვევაში საქონელს უტოვებს ნაცნობ მედუქნეს და ცოტა ფულს ართმევს, რამდენსამე დღეს შემდეგ ბრუნდება და დანარჩენი ფულიც მიაქვს, რადგანაც ამ ხანში გაიყიდებოდა. რასაკვირველია აქაური მედუქნე ჩვენებურს არ ჰგავს. ფასის მოკლებ-მომატება, მოტყუება და წაგლეჯა არ

შეიძლება. რა ფასიც ბაზარზე არის, იმას არც
 მედუქნე გადააცილებს, მისი ერთი სიტყვა ბეჭე-
 დია. საქონელი თუმნად რომ დაგიფასოს, შეიძ-
 ლება ერთი აბაზი დაგიკლოს, მეტს არასოდეს. ამი-
 სათვის არც გლები რჩება მოტყუებული. მაგრამ
 მხედველობაში უნდა მივიღოთ ისიც, რომ გლების
 მოტყუება ერთობ ძნელია; ანგარიში, ბაზრის ვი-
 თარება, ფასის აწევ-დაწევა მას ისე გაეგება, რო-
 გორც მედუქნეს. გლებს მუდამ ქალაქთან აქვს საქ-
 მე, მუდამ რასმე ყიდის, ყიდულობს. უქალაქოდ
 მისი ცხოვრება წარმოუდგენელია. ამას გარდა
 ქალაქებში არის იმისთანა დაწესებულება, სა-
 დაც მეურნე პოულობს თავშესაფარს. აქ ყოველ-
 წაირი საზოგადოებებია. მაგ. საზოგადოება ღვი-
 წის მწარმოებელთა, მებაღეთა, პირუტყვის მომწე-
 ნებელთა და სხ. თითოეულ ამათგანს საკუთარი
 საწყობი აქვს გამართული, მეურნე იქ სტოვებს გა-
 სასყიდ საქონელს, საიდანაც ღებულობს ბეს და და-
 წარჩენში ბარათს აღნიშვნით: დატოვებულია თქვე-
 ნი ამდენი-და-ამდენი საქონელი, ამა-და-ამ მაზანდა-
 ზე გასასყიდათ და სხ. ამით სარგებლობს საზოგადო-
 ების არა წევრიც. მესამედ, გლები ასაღებს თავის
 წაწარმოებს კიდევ სხვა გზით. ყოველ ქალაქში კვირა-
 ში ორჯელ (შაბათობით და ოთხშაბათობით) იმართება
 ბაზრობა. ამას ძალიან დიდი მნიშვნელობა აქვს ვა-
 კრობისთვის. თითქმის მთელი ბაზარი გავსებულია
 სოფლიდან ჩამოტანილი ნამუშევრით. მყიდველიც
 ამ დღეს უცდის.

ამ გვარად მეურნეს ბაზარი ყოველთვის აქვს; სუიღვა-გასუიღვა ძალიან გაადვილებულია. მან კარგად იცის გაუყიდველი არაფერი დარჩება, ოღონდ კი ჰქონდეს რამე. გლეხი მთელი წლის განმავლობაში ბოსტნეულობას ზიდავს ქალაქში; ამას დასასრული აღარ აქვს. ძნელი წარმოსადგენია, რამდენი ფული უნდა აიღოს პაწია ნაჭერი ადგილით.

რის მოშენებას მისდევენ კიდევ თვით სოფელში?

რამდენიც უნდა იმოგზაუროთ სოფელში, ვერსად ვერ დაინახავთ შინაურ ფრინველებს, ღორს, ძროხას და სხ. თავის თავს ეკითხებით, ნუ თუ ამოდენა ხალხს ერთი წიწილაც არ მოეძებნებაო. მაგრამ თუ იკითხავთ, გაიგებთ, რომ ყველაფერი მოიპოვება, მხოლოდ ქუჩებში არ უშვებენ, რადგანაც ეს აკრძალულია, და ამასთანავე არც პატრონისთვის არის სასარგებლო. აქაც, როგორც ყველგან, შრომის განაწილება არსებობს. მაგალითად, მთელს სოფელში ქათმის მოშენებას შეიძლება ერთი, ან ორი ოჯახი მისდევდეს, დანარჩენთ ერთი ბუდეც არ უდგიათ. მექათმე თავის საქმის მეტს არასაკეთებს, ამაზედ არის ის გადამკვდარი. ყოველივე მანქანა, რაც კი საჭიროა მისთვის, ნაყიდი აქვს, ტექნიკის უკანასკნელი გამოგონებით მუშაობს. ზამთარ-ზაფხულს ქათმები დამწყვდეულია საგანგებოდ აშენებულ სახლში; აქ არის აგრეთვე ინდაური, ბატი, იხვი და სხ. თითოეულ ჯიშს საკუთარი ბინა აქვს მიჩენილი და თითოეული ბინა სხვა და სხვანაირად არის მოწყობილი. უმთავრესი ყურადღება მიქცეულია იმაზე,

რომ რაც შეიძლება პატრონმა ბევრი კვერცხი მი-
 იღოს. გამოსაჩეკად ქათამს აჩავენ მოაცლის; ამ
 შემთხვევაში ქათმის მაგიერობას გამოსაჩეკი მაშინა
 ასრულებს. ამ ხელ-საწყოს წყალობით წიწილები
 ხელოვნურად, უდედლოდ, იჩეკება. გასასყიდ ქა-
 თამს ერთობ ასუქებენ, ამისთვის მუდამ ერთ ალაგს
 ამწყვდევია. შინაურ ფრინველებს სოფელში არა
 აქვს ბაზარი, ის გლეხისთვის ხელ-მიუწდომელია.
 ქალაქის ბაზრობაზე ჯოგით მორეკენ ინდოურს,
 ბატს და სხ. ქათამს დაკლულს ყიდიან. ამას მიუ-
 მატეთ კვერცხი და ბუმბულები, და მართლაც კარგი
 ჯამი შესდგება. ფრინველების კვება ძალიან ძვირად
 უჯდებათ. ამისთვის რომსიმინდი იტალიიდან მიაქვთ.
 აქ სიმინდს არ სთესენ. ერთ გლეხს ვკითხე, რატომ
 ქათამი არ გაგიჩენიათ? ჩვენში უქათმო ოჯახს ვერც
 კი ნახავთ-მეთქი. ამაზე იმან მიპასუხა: ვის შეუძლია
 ქათმის მოვლა და რჩენა? ყიდვა უფრო იათად მი-
 ჯდება, ვინემ სახლში დაჭერა. თქვენში შეიძლება
 საკვები ბევრი იყოსო...

ამას გარდა, სოფელში ღორის და ძროხის მო-
 შენებასაც ეტანებიან. აქაური ღორი ინგლისურის
 ჯიშისაა: თხელი კანი, თეთრი ბეწვებით შემოსილი
 და მოკლე ფეხებიანი. საღორე ისეონაირად არის
 აშენებული, რომ ადამიანთა სადგომი გეგონებათ.
 ერთ ოჯახს ვიცნობდი, რომელსაც ღორები ჰყავდა
 და ამით თავს ირჩენდა. როცა მითხრა, რომ სულ
 ოთხი ღორი მყავსო, ძლიერ გამიკვირდა და ვკითხე,
 —განა ამაში ჰკარგავთ დროს? მე მეგონა ღორის
 ჯოგი გყავდათ. ამაზე მან მიპასუხა, რომ ღორის,

ჯოგი არავის ჰყავს და არც კი გაუგონიათ
 ვისმე 8—10 სული მოეძებნება, ის მდიდართა რიცხვში
 ითვლება. მაგრამ ეს იშვიათია. ჩვეულებრივათ ორი,
 სამი, ოთხი, მეტი არა. როგორც მან მიაგზო, თი-
 თო ღორი 11—13 გოქს იძლევა, ათს იშვიათად.
 როგორც კი დაიბადება გოქი, მაშინვე მყიდველი
 მოდის, თითოში აძლევს 10—15 ფრანკს (4—6
 მან.) და მიჰყავს. ხშირად წინდაწინ აძლევდნენ ბეს,
 ამა-და-ამ ღორის გოქი მე მომყიდეო. ზოგ გოქს
 ზრდიდა და შემდეგ ყიდდა, გაზრდა ბევრს ხარჯს
 თხოულობს. მუდამ საჭმელს აძლევენ, წლის გა-
 სვლამდი ისე სუჭდება, რომ სიარული აღარ შეუ-
 ძლია, თვალის ქუთუთოებზე ქონი ედება და თვალს
 ეფარება, საჭმელს სანამ ცხვირთან არ მიუტანენ,
 ვერ დაინახავს. როცა ღორი ჭამას თავს დაანებებს,
 მაშინ ცდილობენ გაყიდვას, თორემ სისუქნე და-
 იკლებს. ყიდიან წონით; საღორის ერთი განყო-
 ფილების იატაკი სასწორსაც წარმოადგენს, შერე-
 კენ, ასწონიან ცოცხლათ და მუშტარიც ამისდაგვა-
 რად ყიდულობს. აჰნაირი ღორი იწონის არა ნაკლებ
 7—9 ფუთისა და იყიდება 70—90 ფრანკათ. და-
 ლიან გავკვირდი, როცა პატრონმა მითხრა: ამდენი
 ხანია ღორს ვაშენებ და ვყიდი, მე კი ორჯერ მეტად
 არ მიჭამია ღორის ხორციო...

შვეიცარიის ადგილ-მდებარეობა ხელს უწყობს
 მსხვილ ფეხა პირუტყვის გამრავლებას. აქაური მიწა-
 ადგილი შეიძლება სამად დაიყოს: მაღალზე საბალახოა
 და საქონელი იკვებება, იმას ქვევით, გორების
 კალთებზე, ვენახია გაშენებული. სულ დაბლა პურს

სთესავენ. პირველი რიგის ადგილი ორ წილს შე-
 ადგენს, ამისთვის პირუტყვის მოშენების საქმეს
 უმთავრესი ალაგი უჭირავს ერის მეურნეობაში. გან-
 საკუთრებით ძროხის გამრავლებას მისდევენ, ხარი-
 იშვიათი სანახავია. ძროხას თუ სახარე ხბო (მოზვე-
 რი) ეყოლა, აღარ შეარჩენენ, რამდენსამე დღეს
 შემდეგ დაკლავენ და ჰყიდიან. საკლავი საქონელი
 იტალიიდან მიჰყავთ, ეს უფრო იაფად ჯდება. სა-
 ხნავ-სათესში, რამე-რუმეების გადასატანად ხმარო-
 ბენ ცხენს და არა ხარს. სამაგიეროდ შვეიცარიელი
 ძროხა და ყველი მთელ ხმელეთზე განთქმულია. აქა-
 ური ძროხის სიტანადე, სილამაზე, ჯიქნის სიდიდე
 უნებურად იქცევს ადამიანის ყურადღებას; გსურთ,
 მუდამ უცქიროთ და დასტკბეთ ამ საუცხრვო ცხო-
 ველით. ასე გგონიათ, კაცის ხელით არის ჩამოსხმუ-
 ლიო: რომ იტყვიან დახატულიაო, სწორედ ეს არის.
 ჯიქანი დიდი ქვაბისოდენა აქვს, ერთ მოწველაზე
 8—10 ბოთლ რძეს იძლევა. ჯოგად ყოლა აქ არ
 იციან, თუ ვისმე ათი სული ძროხა ჰყავს, ის თი-
 თით საჩვენებელია, ჩვეულებრივად ჰყავთ ერთი ან
 ორი. შეიძლება ყველის ქარხანას ჰყავდეს 5—10
 სული, კერძო კაცს და მით უფრო გლეხს არასო-
 დეს. ზაფხულში, როცა ძროხა საბალახოზე არის,
 რძე და ყველი დაძვირდება, ეს გრძელდება
 ორი თვე; შემდეგ ჩამორეკენ სოფლად და და-
 ნარჩენ ათ თვეს კარ-ჩაკეტილში ინახავენ. წვე-
 ლენ უხბოდ. არც ერთს სახელმწიფოში იმდენი რძე
 არ იხარჯვის, რამდენიც შვეიცარიაში. სოფელში
 და ქალაქში რძეს ისე ხმარობენ, როგორც მაგ. ჩაის.

რუსეთში. რაკი ამოდენა მოთხოვნაა, რძის აღება
 მიმცემობაც რიგიანად არის მომართული. ყოველ
 სოფელშია საწყობი (სარძევე), სადაც მთელი სოფ-
 ლის რძეს აგროვებენ. ზოგი ნაწილი იქვე იყიდე-
 ბა (გლეს ხომ ყველას არ ჰყავს ძროხა), და ზოგსაც
 განსაკუთრებითი ჭურჭლებით და ეტლით ეზიდე-
 ბიან ქალაქში. ყალბი რძის გაყიდვა სასტიკად აკრძა-
 ლულია; დამნაშავეს პირველად დააჯარიმებენ. მეორედ
 კი სრულიად აუკრძალავენ ვაჭრობას. ძროხის პატრო-
 ნი, გლესი, ყველს არ აკეთებს; ის მხოლოდ რძეს
 ჰყიდის. ყველის გასაკეთებლად განსაკუთრებითი
 ქარხნებია. მექარხნე ყიდულობს რძეს, ერბოს ართ-
 მევს და ცალკე ამზადებს, დანარჩენს ადუღებს ორას
 გრადუსამდე ორჯელ და ყველი გამოჰყავს. ამგვა-
 რად გლესი ჰყიდის რძეს, შემდეგ თვითონვე ყი-
 დულობს ერბოს და ყველს.

ცხენებს სოფლებში არ აშენებენ. ამისათვის გან-
 საკუთრებითი საშენებელია. აგრეთვე იშვიათია
 ცხვარი, ხოლო აქა-იქ მეწველი თხები ჰყავთ. ამ
 მოკლე მიმოხილვიდან ჩვენ შეგვიძლია დავსკვნათ
 შემდეგი:

1, ყოველივე ძველებური (პატრიარქალურ-
 იდილიური) წყობილება გლესთა შორის დარღვე-
 ულია; მათი ურთიერთ შორის დამოკიდებულება
 დამყარებულია ნივთიერ ინტერესებზე, ანუ ანგა-
 რიშზე.

2, ადამინთა შორის ისეა დაყოფილი შრომა,
 რომ უერთმანეთოდ ცხოვრება ერთ დღესაც არ
 შეუძლიათ, ამის გამო სოფელი და ქალაქი მჭიდროდ
 არიან დაკავშირებულნი.

მ, თითოეული თუ რასმე აკეთებს, მხოლოდ
 გასაყიდათ, ამით ის ჩათრეულია აღებ-მიცემობის
 საქმეში,

აი, ამ სამ უმთავრეს დედა ბოძზე არის აღორ-
 ძინებული დღევანდელი შვეიცარიის სოფლის ცხო-
 ვრება. გლეხი ერთსა და იმავე დროს გამყიდველიც
 არის და მყიდველიც, ვაჭარიც და მეურნეც. შემ-
 დეგი ჩვენი წერილებით ეს აზრი უფრო ნათლად
 გაირკვევა.

IV

ახლა გავიდეთ სოფელს გარედ, დავათვალიე-
 როთ იქაურობა და გავიგოთ, რას აკეთებს გლეხი
 --მეურნე.

შვეიცარიის ბუნებას რომ შეხედოთ, სწორედ
 შეგებრალებათ. შეგებრალებათ იმიტომ კი არა, რომ
 ის ღარიბია, მცენარეულობა ნაკლებია; არა, პირ-
 იქით, ბუნების ნაწარმოები ყველაფერი უხვად არის;
 მთა, ველი, ტყე, მდინარე-ღელეები და სხ. ისეა შე-
 ზავებულ-შეხამებული, რომ კოხტად გამოწყობილ
 პატარძალს მოგაგონებს. მაგრამ რა გამოვიდა, ტყეში
 შედიხართ, ფიქრობთ, ეს ადამიანის გაშენებულია,
 საბალახო ადგილებს უცქერით, გგონიათ, ეს თვალთ-
 გადაუწვდენელი მინდორი დაუხნავთ და ბალახი და-
 უთესიათო; მდინარეებს ათვალიერებთ და აღტაცე-
 ბაში მოდიხართ, ამოდენა წყალი რა კარგ არხში გა-
 დმოუშვიათ, ვერც ერთ ნაპირს მიწას ვერ გამო-
 გლეჯსო; ერთი სიტყვით ყველაფერი ყურში ჩა-
 გძახის: ეს ბალია, ხელით გაკეთებული ბალი, და არა
 ბრმა ბუნების ხელთ-უქმნელი ნაყოფი. ყველგან

მშვენიერი გზები, სახლები, სასტუმროები, ხალხის
 ფუსფუსი და შეუწყვეტელი მისვლა-მოსვლა, ხმაუ-
 რობა და ყიჟინი. გაიხედავთ და სადღაც შორს
 მთის წვერში დაუსრულებლივ ამოდის კვამლი და
 ცის სივრცეს შავი ღრუბელივით ეფინება. რა არის?
 რა და მატარებელი მოგიახლოვდა, დაისტვინა და
 გაჰქრა სადღაც ხვრელში, დაიკარგა, ველარ ხედავთ.
 მიიხედეთ მეორე მხარეს, რკინის ბოძები ტელეგრაფ-
 ტელეფონის სიმებით მიიმართება მალლა, მთაში. სად?
 ვისთან? რისთვის? ხალხი გამოქცევია ზაფხულის სი-
 ცხე-პაპანაქებას და ამ მთებში მიურგავს თავი. მას
 თან მოსდევს ნაყოფი მეცნიერებისა და ცივილიზა-
 ციისა. საბრალო ბუნება! რა ნაირი მოწყენილი
 სახე მიუღია, თითქოს ადამიანს ეუბნებოდ: აი, დე-
 დასა, სად არის ის ძველი კაი დრო, როცა ამაყო-
 ბით სავსე ამ არე-მარეს ვბატონობდი? როცა ჩემი
 მოსისხლე მტერი, ადამიანი, ყურ-მოქრილ მონად
 მყავდა გადაქცეული? ახლა? ახლა კი გადაბრუნდა
 ქვეყანა, გაიმარჯვა მტერმა და სასტიკად დამამახინ-
 ჯა, მის კლანჭებს ქვეშ სულს ძლივს ვიბრუნებო.
 დიად, ოხრავს, დრტვინავს, მაგრამ ვინ უჯერის,
 მაინც და მაინც უნდა გაგანათლოო, ძალად უნდა
 გაცხოვნო. მართალია, ნათლებით კი ნათლდება,
 ცივილიზაციის ქარ-ცეცხლ ქვეშ გატარებული, მხო-
 ლოდ ცხოვნების კი რა მოგახსენო. ნათქვამია, ძა-
 ლად ცხოვნებას ნებით წაწყმენდა მირჩევნიაო. აბა
 დააკვირდით ამ განათლებულ ბუნებას, რა ნაირად
 მოხრილა წელში! ოთხად არის მოკეცილი. საწყალი!
 ჰსურს, თავი მალლა წამოსწიოს, მაგრამ ვინ აუ-

შვებს, იქვე მრისხანე ადამიანი კრიკაში უდგას. იტანჯება ამ ნაირად, მისი ბატონი კი სიხარულშია, ვითომ აქ არაფერიაო. ბრძოლა ბუნებასთან? არა, აბა რა სივაჟაკაცია ხელ-ფეხ შებოჭილ არსებასთან ჭიდილი? ის ხომ უკვე დამორჩილებული და გაშინაურებულია, ახლა საჭიროა მისი მოხმარება, ცხოვრებაში ასე თუ ისე გამოყენება.

როგორც უნდა იყოს, ჩვენებური კაცი, მკითხველო, ამაებს ადვილად ვერ შეურიგდება: მედიდურ და გაუტეხელ ბუნებაში აღზრდილი ამას გვიანამდი ვერ ეჩვევა. ის ხედავს თავჩაქინდრულ მიდამოს, მთას, ტყეს, ველს და სხ., თითქოს მდინარეც კი დაუშინებიათო, ისე ჩუმად მიიპარება თავის გზისკენ. მოდი და ნუ შეიბრალებ ამ სუსტ არსებას, იმ არსებას, რომელიც ჩვენ ტურთა ქვეყანაში ასე გაბატონებულია და გაშხაგებულია. შეიცოდეთ ეს უძლური გმირი!..

შეიძლება გსურთ სოფელს გაექცეთ, ხალხს დაემალათ, ადამიანის მუდამ დაღვრემილ სახეს პირი მოარიდოთ და მიუვალ ალაგს აღფრთოვანებულ ოცნების მორევში თავისუფლად შეცურდეთ. აქ არა არის რა საკვირველი, ეს ბუნებრივი მოთხოვნაა. ამ გვარი ჩვეულება ძლიერ არის აქეთ გავრცელებული. მაგ. ყოველ კვირა-უკმე დღეებს მოქალაქენი ქალაქს გარედ გადიან სასეირნოდ. რა ნაირად მიეჩქარებიან! ასე გგონია, ვინმე უკან მოსდევსო; მიდიან, მიდიან ჭ მიდიან ხვნეშა ამოვარდნილი და გაოფლიანებული ერთ ალაგას დაცვივიან. აბა ჰკიოხეთ, რა დაემართათ, რა აჩქარებთ, სად მიეშუ

რებიან? ამაზე სწორედ ვერც ერთი ვერ მოგიგებს. სად მიდიან? განა იციან კი? იმათ სურთ ქალაქურ ხმა-ურობას, აქაფებულ ცხოვრებას ცოტა ხნით მაინც გაექცენ, მარტოობა იგრძნონ, თავისუფლად ამოი-სუნთქონ. მაგრამ წარმოიდგინეთ, რომ ამ უბრალო მოთხოვნების დაკმაყოფილებაც ასე ადვილი არ არის, სად წახვალთ იმისთანა ადგილს, რომ ხალხი კიანჭველასავით არ ირეოდეს, დროს გასატარებელი სახლები, ყავა-ხანები ყოველ ფეხის ნაბიჯზე არ გიხვდებოდენ? შეიძლება ჩრდილოში, ხის ძირში, მო-სვენება მოინდომოთ? ესეც გასაჭირია არა იმიტომ, რომ გაშლილი ალაგი ცოტა იყოს, არა, მხოლოდ თუნუქზე ამოჭრილი განცხადება გაფრთხილებს: აკრძალულია მინდორზე სიარული და ბალახის თე-ღვაო. საკმარისია ეს, რომ ყველანი დაემორჩილონ. ბალახის თეღვა! სად? ქალაქში? ყველგან, სადაც კი მცენარეობა მოიპოვება. აბა, ქართველი როგორ მოითმენს მტვერიან გზას არ გადაუხვიოს და მწვა-ნეზე არ გაიშოთოს.—ვინ არის მანდ? მომესმა ხმა.—მე ვარ, ვუპასუხე.—აბრძანდით და ხუთი ფრანკი მოამზადეთ, განმიმეორა მანვე.—ხუთი ფრანკი? რისთვის? გაკვირვებით შევეკითხე.—განა არ იცით? ბალახზე წამოწოლა ვის გაუგონია, ჯარიმას გახდე-ვინებთ კანონის ძალით,—გადამიწყვიტა მოსაუბრემ, რომელიც ეგრედწოდებული „Garde Ghampêtre“-ი (სოფლის დარაჯი, მეველე) აღმოჩნდა. ერთი ბეწო ბალახი და ხუთი ფრანკი! მოდი და ნუ გაგიკვირ-დება! მაგრამ არა, იქ, სადაც ყველაფრის ფულად

გადაქცევა შეიძლება, სადაც ყოველივე ნაყოფს ბაზარი აქვს, ამ გვარი სისასტიკე არ არის გასაკვირალი.

ხშირად შეხვდებით გაშლილ მინდორზე ხილნარს; რა და რა ხილი არ მოიპოვება? როცა დამწიფდება, მისით ჩამოცვივა და ხეს ქვეშ ყრია, თუ პატრონმა არ წაიღო, ისე დაღებება, რომ ხელს არაფერს ახლებს. ერთხელ სკოლიდან ბავშვები მოდიოდნენ. გზას გადმოიციქი ობოდა წითელ-წითელი მომწიფებული ვაშლით დაფარული ხე. ერთმა შეგირდმა ველარ გაუძლო ამ შემაცდენელ მიმზიდველობას და მოინდომა მოგლეჯა. მაშინვე მისცვიდნენ სხვები და არ დაანებეს: ბიჭო, შენი ხომ არ არის? სხვისია, ხომ ხედავ? — ეუბნებოდნენ ამხანაგები. ბავშვიც დარცხვენილი დაბრუნდა უკან, ეტყობოდა ძალიან წყენოდა, რატომ ამათ მაჯობეს ჭკუაშიო. მთელ დღეს ტყე-ტყე რომ იაროთ, ერთ ჯოხსაც ვერ გამოსჭრით, ერთ შოლტსაც ვერ მოგლეჯთ. ხეებზე მიჭედილი განცხადებები გატყობინებენ — ეს სასტიკად აკრძალულიაო. დამნაშავეს არა თუ ჯარიმას მოსთხოვენ, კანონით სამართალშიაც კი მისცემენ. ერთი სიტყვით ყოველ ფეხის ნაბიჯზე გრძნობთ, რომ აქ ყველაფერი ფულით იზომება, არაფერი მუქთად არ იკარგვს.

ერთხელ ერთი მთის (Rocher-de-Ner) დასათვალიერებლად გავემგზავრე. ეს ადგილი მთელ ევროპაში მით არის შესანიშნავი, რომ ამ სიმაღლე მთაზე დაბლიდან წვერამდი რკინის გზაა გაყვანილი და ზევით სასტუმროა გამართული. აქ მიდის საზაფხუ-

ლოდ შეძლებული ხალხი სხვა-და-სხვა კუთხიდან. მთა ერთობ წარმოადგენს საძოვარს, თუმცა ხე-ტყეც საკმარისად არის. გზაზე აქა-იქ დუქნებია ჩადგმული, სადაც განსაკუთრებით რძის ვაჭრობაა გამართული. საკვირველი ის არის, რომ აქ რძე გაცილებით უფრო ძვირია, ვინემ ქალაქში. ამის მიზეზი ასე ამიხსნეს: დუქანი მხოლოდ ზაფხულობით მუშაობს, დანარჩენ დროს დაკეტილია, ამისთვის იმდენი უნდა აიღონ, რომ მთელი წლის ხარჯი ამ სამი-ოთხი თვის შემოსავლიდან დაიფაროსო. ამასთანავე, სადმე უალაგო-ალაგას, შუაგულ ტყეში შეხვდებით ორ-სამ სართულიან, მდიდრულად მორთულ შენობებს. ალყათის კარებზე აწერია „Pension“. აქ მოდიან ზაფხულის გასატარებლად; ფულს იხდიან თვიურად (პირობაზეა დამოკიდებული) და ისე ცხოვრებენ „პანსონში“, როგორც თავის ოჯახში. ამ გვარი სახლები ერთმანეთისაგან დაშორებულია, წინ გზა ჩაუვლის და დანარჩენ სოფელ-ქალაქებთან ტელეფონით არიან შეერთებული. გზის შესამოკლებლად ერთ საცალაუებო ბილიკისაკენ გადაუხვიე. სივიწროვის გამო იძულებული ვიყავი ბალახზედაც დამედგაფეხი. ამ დროს ერთმა გლეხმა ამაყად დაიძახა: ხომ ხედავთ, მანდ გზა აღარ არის, ნუ თუ ვერ ისწავლეთ, რომ ბალახის თელვა არ შეიძლება, გადაუხვიეთ იქით (თითით მიჩვენა შარა გზა). მეც დავემორჩილე. ჩემს უკან შევიცარიელი მოდიოდა. ეს მივიდა გლეხთან და, როგორც შემდეგ გავიგე, ეთქვა: ის კაცი (მე) უცხოელი მგზავრი უნდა იყოს და რა განსაკვირველია ჩვენი წესები არ იცოდეს, როცა თავის



ქვეყანაში დაბრუნდება, იტყვის, შვეიცარიის გლეხი
 ამაყი და მხეციაო. ცოტა ხანს შემდეგ შემომხვდა
 იგივე გლეხი და ბოდიში მოიხადა, მგონი უზრდე-
 ლად მოვიქეციო. თებზე ეცვა მოკლე ყელიანი ჩე-
 ქმა, ტანზე შარვალი უბრალო, მაგრამ წმინდა,
 მოკლე შავი პალტო, ჩითის პერანგი, საათი, თავ-
 პირი სქელი შავი თმით და წვერით ჰქონდა დაფა-
 რული, (ქუდი არ ეხურა). სახის გამომეტყველება
 მართლაც ამაყური და შესაშინებელი ჰქონდა. ლაპა-
 რაკობდა წმინდა ფრანგულს. გამოვემშვიდობე, მა-
 გრამ აღარ მომეშვა, გზა არ გეცოდინება, უნდა
 გაგაცილოო. გავწიეთ ერთად. საუბრობდა მეტად
 ზრდილად და გონიერად. ამ პატარა გზაზე ერთობ
 დავმეგობრდით. თავის ქვეყნის და ევროპის შესახებ
 ისეთი ბაასი გამიმართა, რომ მე მეგონა დიდ განა-
 თლებულ კაცთან მაქვს საქმე-მეთქი. მერე გამოვკითხე
 მისი ვიანობა და ხელობა. ის იყო მწყემსი, ოცამდი
 მეწველე თხას აძოვებდა. დღეში ხუთი ბოთლი რძე
 მოჰქონდა თითოს (სამხელ მოწველით), ბოთლს
 ყიდდა 30 სანტიმად (ქალაქში 20 სანტ.) ამ გვარად
 დღეში შემოსდიოდა 30 ფრანკი. ამაზე მე ვუთხარი:
 ამოდენა შემოსავალი ჩვენში თავადიშვილს არა აქვს
 მეთქი. ეს მან ხუმრობად მიიღო, — თავადს როგორ
 წავეტოლები, მხოლოდ საძოვარი რომ ჩემი იყოს,
 მაშინ არა უშავდა რაო. დამანახვა ერთი ფართო
 ადგილი, ასე ორ ქვივაზე ცოტა მეტი იქნებოდა
 და მკითხა: როგორ გგონიათ, რას უნდა ვიხდიდე
 ამ საბალახოსათვის? არა უმეტეს 50 — 60 ფრანკისა,
 მივუგე. ამაზე სიცილი აიტეხა. თურმე 120 ფრ.

აძლევდა მიწის პატრონს ქველიწადში. როცა მე
 ვუთხარი ჩვენში მიწა ძლიერ იათია მეთქი, მან დაა-
 მატა: ნეტავი იქ ვიყო, როგორ გავმდიდრდებო-
 დიო... სწორედ ისე როგორც ჩვენი მწყემსები, დაუ-
 მატე მე. ამ ბაასით მივედით წყაროსთან, რომელიც
 ქვითკირით იყო ამოყვანილი. აქაურ წყალს, საზო-
 გადოდ, კირის გემო აქვს და არც ცივია (ზაფხუ-
 ლობით). ჩვენებურს ძლიერ გაუჭირდება მისი და-
 ლევა. ჩემმა თანამგზავრმა თავის კარავში შემიწვია.
 მეც შევედი და გაკვირვებით დაუწყე თვალიერება.
 ეს კარავი კი არა, ჩინებული ოთახია: ქერები და
 იატაკი ფიცრის, ერთი თართო თანჯარა, პატარა
 „პლიტა“ საჭმლის გასაკეთებელი, კუთხეში მიდგმუ-
 ლი სტოლი, სკამები, წმინდა საწოლი და სხ. მეორე
 სტოლზე წიგნები ელაგა, წარმოიდგინეთ ჩემი გაო-
 ცება, როცა წინადლის გაზეთის ნომერიც ვიპოვე.
 განა გაზეთიც მოგდით ამ მთაზე?—დიად, ყოველ
 დღე ვყიდულობ, დაბლა რედაქციას ჰყავს აგენტი,
 ის ყოველ დილას ღებულობს ნომრებს, დადის სო-
 ფელში და ყიდის, საღამოს აქეთაც ამოიარს.—განა
 ერთი ნომრისთვის ღირს აქ ამოსვლა? შევეკითხე.
 —რატომ ერთისთვის? ამ მთაზე რამდენი მწყემ-
 სები და კარვებია, ორში ერთი ხომ მაინც ყიდუ-
 ლობს, და ესეც კაი ფულია. სამწუხაროდ სხვა
 გაზეთი არ დააქვს, ამ ერთით უნდა დავკმაყოფილ-
 დეთ, მიპასუხა მან.—რატომ სხვებსაც არ ყიდის?
 გაკვირვებით ვკითხე.—ის მხოლოდ ამ გაზეთის რედა-
 კციის აგენტია, ნება არა აქვს სხვისი გაზეთებიც
 ჩამოატაროს, წინააღმდეგ შემთხვევაში ადგილს და-



ჰკარგავსო. ამას გარდა მას ჰქონდა გამოწერილი ერთი საკვირაო სამეურნეო გაზეთი „მწყემსი“ (Berger). ეს განსაკუთრებით საქონლის მომშენებელთათვის არის დანიშნული და ღირს 5 ფრ. წელიწადში. ამ გვარად ეს ჩვენი მწყემსი ამითაზე თვალყურს ადევნებს პოლიტიკასაც და თავის ხელობის ამბებსაც. კედელზე დავინახე ჩამოკიდული ახალი სისტემის თოფი და პატრონები. თოფი აქ ყველა გლახს აქვს, ეს მისი განუყრელი საკმაულია; ამით ის კიდევაც ამაყობს. განა ის შვეიცარიელია, რომელმაც თოფის სროლა და იარაღის ხმარება არ იცის?—მედიდურად გეტყვის შვეიცარიელი. (ამის შესახებ უფრო ვრცლად შემდეგ მოვილაპარაკებთ).

იმ დღეს ბევრ მწყემსებს და ჯოგს შევხვდი და ერთი ძალლიც არ მინახავს. ეს ადამიანის ერთგული ცხოველი აქ ძლიერ მოგენატრებათ, იშვიათად შეხვდებით. სოფელში შეიძლება ერთ-ორს ყავდეს. ამასთანავე გარეული მტაცებელი ცხოველიც იშვიათია. ბევრ გლახს უთქვამს ჩემთვის, თავის დღეში მგელი არ მინახავსო. უშიშრად გამოიართ ტყეს და მთას, ნადირი არ შემოგხვდებათ. ამისთვის აღარც ძალლია საჭირო, ვისაც ჰყავს ბაჟს ახდევინებენ. ფრინველები კი ერთობ ბევრია; მეტადრე ბელურათა გვარის. ფრინველებზე ნადირობა სასტიკად არის განსაზღვრული კანონით.

მიწა აქ კერძო საკუთრებას შეადგენს. მთელ შვეიცარიაში ვარგისი მიწა ითვლება ხუთ მილიონ ნახევარი აკრი და დანაწილებულია 258,639 მესა-



კუთრეთა შორის *). თანასწორათ რომ ჩამოყრი-
 გოთ, თითოეულს შეხვდება არა უმეტეს 22 აკრი-
 სა; ეს ციფრი, რასაკვირველია, სინამდვილიდან და-
 ლიან დაშორებულია. ერთი ღარიბია, მეორე მდი-
 დარი. ერთს ნაკლები მიწა-ადგილი აქვს, მეორეს
 ბევრი. მხოლოდ დაბეჯითებით შეგვიძლია ვთქვათ,
 რომ აქ საზოგადოდ წერილი მესაკუთრეებია, ად-
 გილ-მამულის კონცეტრაცია, მცირე რიცხვთა ხელ-
 ში მოგროვება, როგორც ინგლისში, საფრანგეთში
 და სხვაგან, აქ არ არსებობს. მაგრამ თანამედროვე
 ეკონომიური წყობილება და მისი უღმობელი კა-
 ნონები ისეთი ძლევა-მოსილია, რომ მის წინაშე
 ყველა ერი ქედს იხრის. რაც მოწინავე სახელმწი-
 ფოებმა განვლო, ის მხოლოდ სარკვა დანარჩენე-
 ბისათვის. შვეიცარიის ცხოვრებაც ამ ბოლოს დროს
 სხვა გვარ მიმართულებას ღებულობს. საკუთრება
 თან-და-თან იყოფა და წერილმანდება, რის გამო
 ვიწროობა და სილატაკეფეხს იკიდებს. მეპატრონეს
 ასე დახურდავებული მიწა ვერ აკმაყოფილებს და
 იძულებულია ფულის პატრონს მიყიდოს; თვითონ
 კი ქალაქში, ან უცხოეთში ეძიოს ლუკმა პური. **)
 იშვიათი სანახავია ისეთი გლეხი, რომელიც ქალაქ-
 ში დასახლებას არ ნატრობდეს. ამისათვის უძრავი
 ქონებაც შეძლებულთა ხელში გროვდება. ამას მია-

*) ამ წერილში მოხსენებულა ციფრები გამოკრე-
 ფილია სხვა და-სხვა ოუიციალურ წყაროებიდან, უმეტესად
 „Journal d'Agriculture Suisse“

**) განსაკუთრებით ამერიკისაკენ მიისწრაფიან: მაგ.
 შარშან 6,000 გადასახლებულა.



ქცია ყურადღება მთავრობამ და ყოველსავე დონეს
 იხმარებს მის შესათერხებლად. ზოგ კანტონში დაა-
 კანონეს მიწის გაუყოფლობა 200—400 ოთხ-კუთხ
 საენამდე. აქედან ცხადია, რანაირად დაწვრილმა-
 ნებულა მამული. მეორე მხრით, კანონმდებლობა
 ცდილობს ისეთი საშუალებები იხმაროს, რომ მი-
 წა არ შეიქნეს პატრონის ტვირთად; მაგ. მიწა თა-
 ვისუფალია ყოველივე გადასახადისაგან (სახელმწი-
 ფო) და ყიდვა-გაყიდვა ძალიან გაადვილებულია.
 უკანასკნელ შემთხვევაში ბაჟი 7% არ აღემატება.
 ამ ფულის მეტი ნაწილი იმავე კანტონის სასარ-
 გებლოდ მიდის (მოვაგონებ მკითხველს, რომ აქა-
 ური მთავრობა პირდაპირ ხალხის მიერ ირჩევა).
 თუმცა სხვა-და-სხვა კანტონს სხვა-და-სხვა დებულე-
 ბა აქვს მიწა-ადგილის შესახებ, მაგრამ ყველა ამათ
 ერთი აქვთ საერთო: შეზღუდოს დიდრონი მამუ-
 ლების მოგროვება კერძო პირთა ხელში. შვეიცარ-
 რიაში ძლიერ ეჯავრებათ უზარმაზარი ფერმები;
 მათი აზრით ყველას საკუთარი საყოფი ნაჭერი მი-
 წა უნდა ჰქონდეს, ეს მისი იდეალია. ამისათვის
 ძალიან უფროთხილდება თავის მარჩენელ დედა-მიწას,
 სულ შიგ ჩაკირკიტებს. ამ ნიადაგზე არის აშენე-
 ბული შვეიცარიის თავისებური ცხოვრება და პო-
 ლიტკური წყობილება. წვრილი მემამულე, წვრი-
 ლი მექარხნე, წვრილი მოვაჭრე—აი, რით შესდგე-
 ბა შვეიცარია. მაგრამ, როგორც ზევით მოვიხსე-
 ნით, ცხოვრების მიმდინარეობა აქ არ ჩერდება.
 ის უკვე შედგა კაპიტალისტურ განვითარების გზა-
 ზე. ამ ეხმად ამ ორ პრინციპთა შორის საშინელი

ბრძოლა, რომელიც საშინაო პოლიტიკაში დადის. ერთი მხრით მძლავრი ლტოლვილებია ცენტრალიზაციისა, კანტონთა თვით-მართველობის შეზღუდვისაკენ; მეორე მხრით კანტონი იბრძვის თავის უფლებისათვის. ჯერ-ჯერობით ძველი დედაბერი იმარჯვებს. ხალხმა ყოველთვის უარყო ცენტრალური მთავრობის ჩარევა კანტონთა საქმეში. მაგალითად, თითოეულ კანტონს თავის დებულება აქვს წვრილი ქარხნების და სახელოსნოების შესახებ. ფედერალურ „კავშირმა“ (Chambre fédérale) გადასწყვიტა: ამ საქმეში საერთო წეს-რიგს დაემორჩილოს ყველა კანტონებიო. ეს სარჩიელი წარუდგინა ხალხს კენჭის საყრელად და წელს დიდი უმრავლესობით გაშავებულ იქმნა. ამ მხრით საყურადღებოა ისიც, რომ დასავლეთი შვეიცარია უფრო კონსერვატორულია, ვინემ აღმოსავლეთი. ამის მიზეზი ის არის, რომ უკანასკნელ ნაწილში წარმოება და აღებ-მიცემობა, მაშასადამე კაპიტალისტური წყობილება, უფრო განვითარებულია.

ამასთანავე აქ არის მამულის საერთო მფლობელობაც. მთელ შვეიცარიაში ითვლება:

სახელმწიფო ტყე—81,945 აკრი
კერძო—573,040

საზოგადო, ანუ სასოფლო—1,299,075.

ამ სახით ტყის საერთო მფლობელობას და სარგებლობას დიად დიდი ალაგი უჭირავს. ტყის მნიშვნელობა და რიგიანად მოხმარება დიდი ხანია შეგნებული აქვთ. მე-XIV საუკუნეში ციურხის მთავრობამ აღკრძალა ტყის ჩეხა და ყიდვა. მე-XVI

რაუკ. ბერნმა დააკანონა წეს-რიგი ტყის სარგებ-
 ლობისა. ამ საუკუნის დასაწყისში ფედერალურ
 მთავრობამ („კავშირმა“). პირველად მიაქცია ყურა-
 დღება ამ საქმეს და დაარსა სატყეო სასწავლებე-
 ლი (1855). ამას კანტონებმა ცუდად შეხედეს, რას
 გვერევა ჩვენს საქმეშიო. მაგრამ რაკი ტყის ფასმა
 აიწია და ნიაღვარი ანადგურებდა ხეებს, „კავშირმა“
 ისარგებლა ამ შემთხვევით და 1874 წ. ხელთ იგ-
 დო უფლება ზედამხედველობისა, ტყის გაშენებისა
 და სხ. მხოლოდ მაშინ განაწესეს ტყის განსაკუთ-
 რებითი ზედამხედველები და მათი თანაშემწეები.
 ახლა ტყის საქმეს განაგებს ცალკე დეპარტამენტი.
 ზოგ კანტონში (ურბი, აპენცელი და სხ.) ტყის გამ-
 გე კომიტეტი თვით ხალხის მიერ ირჩევა.

ზოგ ალაგას საერთო სამფლობელოს შეად-
 გენს როგორც ტყე, აგრეთვე საბალახო, მაგ. ვოს
 კანტონში, სოფელ არსიერში. აქ არის ნაშთი ძვე-
 ლებური მიწათმფლობელობისა (ახლა დარჩენილა
 რუსეთში, ინდოეთში, და სხ.). ამ სოფელში საბა-
 ლახოს აქირავებენ და შემოსავალს თანასწორად
 იყოფენ: ტყის შემოსავლით კი ისტუმრებენ გადა-
 სახადს, ერთ წელიწადს 80 ფრანკზე მეტი რგებო-
 და თითო კომლს. საზოგადოდ, სასოფლო ტყის
 სარგებლობა ისე კი არ არის მოწყობილი, რომ
 ვიხაც უნდა შევა და გამოზიდავს. ეს საქმე ჩაბა-
 რებული აქვს მხოლოდ განსაკუთრებულს კომი-
 ტეტს (ხალხის მიერ არჩეულს) ან სასოფლო საბჭოს
 (Conseil communal). შემოსავალი „კომუნის“
 დახლში მიდის: აქედან იხარჯება სასოფლო საქი-

როებისათვის, როგორც მაგ. სკოლა, გზები (რკინის ან ელექტრონის) და სხ. რაც გადარჩება, ხალხს ურიგებენ, ან მომავალ ხარჯ-აღრიცხვაში შედის.

ერთ სოფელში ამ ნაირად სარგებლობენ ტყეს. ის გაყოფილია რამდენიმე ნაჭრებად. პირველ წელიწადს პირველ ნაჭერს სრულიად კაფვენ, შემდეგ ხნავენ და თესვენ ზედ ტყეს. მეორე წელიწადს მეორე ნაჭერს მიდგებიან, მესამე წელიწადს მესამეს და ასე, სანამ გათავდება. ბოლოს ხელ-ახლა პირველიდან დაიწყებენ, რადგანაც ამ ნაჭერზე უკვე ამოსული და მოშენებული იქნება ტყე. როგორც გავიგე ამ გვარ წესს მხოლოდ აქა-იქ მიდევნებენ. საზოგადოდ ტყის ხელოვნურად გაშენებას დიდი ალაგი უჭირავს მთელ შვეიცარიაში.

საბალახო ადგილები შვეიცარიაში, უმრავლეს შემთხვევაში, კერძო საკუთრებას შეადგენენ. ხუთ მილიონ ნახევარ ვარგის მიწაში ორ-მილიონ აკრზე მეტი საბალახოს წარმოადგენს. აქედან ცხადია, რა ალაგი უნდა ეჭიროს საქონლის მოშენებას ერის მეურნეობაში. შვეიცარიელი ამ დარგს ისე უცქერის, როგორც უმთავრეს წყაროს ცხოვრებისას. ამ პატარა ქვეყანაში, ძროხა, ხარი, ცხენი, ღორი, თხა და ცხვარი ითვლებიან სამ მილიონ სულამდის. ამათი ღირებულება გამოანგარიშებულია ნახევარ მილიარდ ფრანკად. ამოდენა სიმდიდრეს წელიწადში შემოაქვს (ხარჯ-გამოურიცხველად) 275 მილიონი ფრანკი (გარდა ნაკელისა). ამ რიცხვში პირველი ალაგი უჭირავს რძის ფულს, რომელიც შეა-



დგენს 175 მილიონს. მეწველი საქონელი წელიწადში იწველის ერთ მილიარდ-ნახევარ ლიტრა (ვერმუდის ბოთლია) რქეს. ნახევარი მილიარდი რქეთ-იხმარება. დანარჩენიდან აკეთებენ ყველს, ერბოს და სხ. 5,500 ყველის საკეთებელი შენობებია. 1886 წ. შვეიცარიიდან საზღვარ-გარეთ გაუტანიათ 178,020 ფუთი ყველი ღირებული 26 მილიონ 130 ათას ფრანკად. ყოველ წელიწადს გააქვთ 17,100 ფუთი ერბო. ამ სახით შვეიცარიის სოფლის მეურნეობას საპატრიო ალაგი უჭირავს საქვეყნო აღებ-მიცემობაში. აქ დამზადებული ერბო და ყველი მთელ ხმელეთს ეფინება. შენობებში ერთი და იმავე რქიდან ღებულობენ, პირველად ნაღებს, მეორედ კარაქს, ამას შემდეგ ყველს, და ბოლოს ხაქოს. ეს საქმე ისე აღორძინებული და განვითარებულია, რომ მკვიდრთა ეკონომიურ ბურჯად არის გადაქცეული. გამოაცალეთ ეს, და ხალხი შიმშილით გაწყდა.

აი, სწორედ აქედან წარმოდგება ის, რომ ბალახის მოყვანა-მოვლაზე ასეთი დიდი ყურადღება მიქცეული. როგორ შეიძლება სხვის პირუტყვს ერთი ღერო ბალახი მოაგლეჯიონ. არსად არავითარი პირუტყვი ღვთის ანაბარად არ არის გაშვებული, უთუოდ ან დამწყვდეულია, ან მწყემსი ახლავს. გარდა ვენახისა და ალაგ-ალაგ ბოსტნისა, არათფერი არ არის შემოკავებულ-შემოღობილი. ყველაფერი გაშლილ მიდამოზეა. ნუ გეშინია ვინმე რამე არ მოგპაროს! აქ ყველაფერი გარედ ყრია, მაგრამ ქურდობის მაგალითიცი იშვიათია. ეს კი არა, ფული რომ



იპოვონ, მაშინვე გამოაცხადებენ. ხშირად შეხვედებით
 გაზეთში: ვიპოვე ფული (ამდენი), ან საათი და სხ.
 პატრონი მოვიდეს და მიიღოსო. ამ მხრით ხალხის
 ზნეობა ძლიერ მალლა დგას. ადგილ-მამულების გა-
 მო ჩხუბი და საჩივრები აქ სრულიად გაუგებარია.
 ერთ სოფელს ვკითხე: თქვენს სამსჯავროებში ხში-
 რად შეაქვთ საჩივრები მამულების შესახებ? ის ჩემ
 კითხვას ვერ მიხვდა და მკითხა? — არ ვიცი ამ გვარი
 დავა რატომ უნდა მოხდესო? — აი, მაგ. თქვენ მიწა
 გაქვთ, მოდის მეორე და გეცილება, ეს ჩემია და
 არა შენიო — ავუხსენი მე. ჩემმა მოსაუბრემ რალაც-
 ნაირად შემომხედა, მგონი გაიფიქრა, ეს ხომ არ გა-
 გიყებულაო და პასუხის მაგიერ მკითხა: თუ კაცი
 ხარ. მითხარი, რა ქვეყნიდან ხარო, მაშინ მიხვდები ამ
 გვარი საუბარი შევიცარიელისათვის გაუგებარი იყო.
 რა უწესობა შეიძლება იქ, სადაც ყველაფერი წეს-
 რიგშია მოყვანილი. მიწა ერთ საუკუნეზე მეტია,
 რაც გაუმიჯნავთ და გაიუსაზღვრავთ, საშოვრად ალა-
 რაფერი დარჩენილა. ხერხი და გამოქნილობა ამაოა.
 წარმოიდგინეთ მოსე მწერალიც კი ველარას გაა-
 წყობს!...

ბალახის აღებ-მიცემობას რიგიანი ალაგი უჭი-
 რავს მეურნეობის საქმეში. იშვიათია საქონლის პა-
 ტრონს საკუთარი საბალახო ჰქონდეს, ის უთუოდ
 ზათულობით ყიდულობს ბალახს და ინახავს საზამ-
 თროდ, ან და იჯარით ღებულობს საბალახო ად-
 გილს მთებზე. ბალახი ძლიერ მსუქანი და და-
 ბალია. თიბვის დროს დიდ-ძალი მუშა ხალხია სა-
 ჭირო. ქალი, კაცი, ბავშვები მინდორზეა გასული,

ზოგს ცელი უჭირავს, ზოგს ფაცხი, ზოგს მოაქვს შესანახად და სხ. მუშაობა გაჩაღებულია. მუშაც მაშინ ძვირად ფასობს. მუქთად არავინ მოგეხმარება, ამ ნაირი მეზობლობა არ იციან, ფულს მიცემ ნაღდად—გეჭირავენ, არა და ვერც მუშას იშოვი. არც მუშაობის გაცვლა შეიძლება, მაგ. დღეს შენ მომეხმარე, ხვალ მე მოგეხმარებო. შეიძლება ერთი ნაკლები მუშაა, მეორე კი უფრომარჯვე და გულმოდგინე, ამ შემთხვევაში ხომ წააგო ერთმა და ერთმაო—გეტყვის აქაური გლეხი. ვისაც იმდენი ბალახი აქვს, რომ მის შესანახავად ოჯახის წევრი არ კმარა, ფულიც კი ექნება ქირის გამოსაღებად. ღარიბ ხალხს ან სულ არა აქვს და თუ აქვს ისე ცოტა, რომ ჩქარა მიაღაგ-მოაღაგებს და მერე სხვებს ეჭირავენ. საქირაოდ მიდის არა მარტო მამაკაცი, არამედ დედაკაციც და მოზრდილი შვილებიც. 17—20 წლის ქალიშვილს ცელი უჭირავს ხელში და ცისმარა დღეს მინდორზე ტანტალებს, საღამოს მოიკიდებს ვეებერთელა გოდორს ბარგი-ბარხანით და მოდის ბინაზე. ამისათვის ქალები ჯანმრთელნი და ჯათის ამტანი არიან. მთელ დღეს გარეთ მუშაობს, საღამოს ბრუნდება დაქანცული და ვახშამს აკეთებს, სახლს სწმენდს, ჭურჭელს რეცხს, შვილებს (თუ ჰყავს) უვლის, აწვენს, ხშირად ღამეც უნდა წამოხტეს მათთვის და სხ. მამაკაცს, ეს ოჯახის წვრილმანი საქმეები, რაც ასე ღალავს ადამიანს, არ ეკითხვის.

ქალს, რომელიც არ მუშაობს, ცუდად უცქე-რიან, შეიძლება გაუთხოვარიც დარჩეს. გლეხისა-

თვის საჭიროა მასავით მამაცი და შრომის მოყვარული ამხანაგი—მეუღლე. მართლაც აქაური ქალი ნამდვილ მეუღლეობას უწევს ქმარს, ჭირში და ლხინში ერთად არიან, ერთად ატარებენ ცხოვრების უღელს. ერთმანეთს ვერც ერთი ვერ დააყვედრის: მე გარჩენო. ორივე ერთმანეთს არჩენენ. ერთმანეთს ეხმარებიან. ერთ ქალიშვილს გვაჩიანად შეძლებული გლეხი თხოულობდა. მან უარი უთხრა და უღარიბესს გაყვა. რატომ ჰქენი ესაო—ჰკითხეს. რატომ და ეს ჩემსავით ღარიბია, ერთად ვიმუშავებთ და იოლად წავალთ, პირველი კი დამიწყებდა ყვედრებას; მე მდიდარი ვარ, მე გარჩენ, ჩემი მონა უნდა იყოვო,—მიუგო პატარძალმა. როცა ახალგაზდა ბიჭები დაინახვენ გასათხოვარ ქალს დიდ გოდორ ქვეშ ოთხად მოკეცილს, ერთმანეთს ეტყვიან; აი, ძმავე, თუ შეირთო ქალი, ამისთანა უნდა შეირთოვო. ასეთია გლეხის შეხედულობა დედა-კაცზე და ცოლქმრობაზე.

ფუთი უბრალო ბალახი იყიდება 3—5 ფრანკად. ზამთრობით უფრო დაძვირდება.

ჩამოვიცვალათ ახლა ქვემოთ, მთის კალთებისაკენ. აქ თანდათან კლებულობს საბალახო და ბოლოს მხოლოდ აქა-იქ შეხვდებით. მისი ადგილი ვენახს აქვს დაჭერილი. ყურძენი ძლიერ მალაღზე არ ხეირობს სიცივის გამო. არც დაბაღზე დგება რიგიანი, ნიადაგი ხელს არ უწყობს. ამისათვის ვენახს შუა ალაგი დაუჭერია: ფერდოები, მალლობები, კალთები. ვენახი უაუოდ ქვის კედლით არის შემოზღუდული. კედელი ალაგ-ალაგ მალალია, საზოგადოებრივი.

დოთ კი დაბალი, ასე რომ გზიდან შეგიძლიათ ხე-
 ლი გადაჰყოთ და მტევანი დაჰკრიფოთ. პირველად
 ძალიან გამიკვირდა, არაფერი შემოლობილი არ არის
 და ვენახმა რაღა დააშავა-მეთქი. მაგრამ ცოტას თუ
 დააკვირდებით, ადვილად გაიგებთ მიზეზს. საქმე
 იმაშია, რომ წლის განმავლობაში ნიადაგი წვიმის
 თუ სხვა რაიმე მიზეზის გამო დაბლა მიიწევს, ქასე
 რომ გაზაფხულზე ვაზს ყველას გამოჩენილი აქვს
 პირი. რასაკვირველია კედელი რომ არ იყოს გავ-
 ლებული საზღვარზე, ეს საჭირო მიწა სადღაც ხრამ-
 ში გადიღუპებოდა და ვაზიც გახმებოდა. ზღუდე არ
 უშვებს და მის გაყოლებაზე გროვდება. გლეხ-კაცი
 გაზაფხულზე ჩავა ვენახში და ქვევით ჩამოტანილი
 მიწა ზევით მიაქვს და ვაზის ძირს აყრის. ყოველ
 წელიწადს ეს აქვს სამუშაო. ეს სწორედ სიზიფის
 შრომას მოგაგონებს. ერთ წელიწადს მალლა აიტანს
 ნიადაგს, მეორე წელიწადს ისევ ქვევით ჩამოსულა,
 კიდევ მალლა ეზიდება, კიდევ დაბლა ცვივა, ერთი
 სიტყვით დასასრული აღარა აქვს, რა ჰქნას, მეტი
 რა გზა არის, თავს ხომ ვერ დაანებებს. მეორე მხრით,
 მთიდან ხშირად ნიაღვარი გადმოვარდება, კედელი
 რომ არ დახვდეს, სულ წალეკავს ვენახს; წყალი
 ერთ კალაპოტში გროვდება და გადადის ხევში. ნია-
 დაგი ფხვიერი, მშრალი და ქვიანია. ვენახი დაბლა-
 რია, მალლარი არ მინახავს, და როგორც მითხრეს
 არც მოიპოვება. ვაზის სიმაღლე საზოგადოდ, ერთ
 არშინზე ცოტა მეტია და ისხამს 5—7 მტევანს,
 იშვიათად ნახავთ შავი ყურძნის გვარს, ყველგან თე-
 თრია. აღმოსავლეთ შვეიცარიაში კი თეთრი ყურ-
 5

ძენი ნაკლებია, აყენებენ წითელ ღვინოს, ყურძნის
 მარცვალს წვეტი და მაგარია, საქმელად გემრიელია,
 შაქარი ბევრი ახლავს, ალკოჰოლი ცოტა, ამისთვის
 ღვინო რბილი, მხატეა. წმინდა, ბუნებრივ ღვინოს
 ბევრს დაღევთ, ძალა არა აქვს, ყავა-ხანებში ლუდზე
 უფრო ღვინოს სმენ გლეხები; მთვრალი კაცი აქ
 თუმცა იშვიათი სანახავია, მაგრამ ღვინით დამთვრა-
 ლი კი არასოდეს არ მინახავს, უთუოთ არაყით,
 ერთი სიტყვით აქაური თეთრი ღვინო ადამიანს აღ-
 ვილად ვერ ერევა. ჩვენებური ამ ღვინოს პირველად
 ახლოდაც ვერ მიეკარება, რაღაცნაირი სუნის და გე-
 მო ახლავს, ასე გგონია დამწვარი ქერქი ჩაუყრიათ
 შიგო. გლეხი ხომ უღვინოთ ვერ დადგება, — ღვინის
 გემო კი ჰქონდეს და თუ გინდა ნახევარი წყალი
 იყოს — გეტყვის აქაური გლეხი. რასაკვირველია, ვე-
 ნახი ყველას არა აქვს, მხოლოდ რთველის დროს
 ყიდულობენ ყურძენს და ღვინოს აყენებენ. ხელ-
 მოკლე გლეხს ესეც არ შეუძლია, რადგანაც ყურ-
 ძენი ერთობ ძვირია, გირვანქა 15—20 სანტიმი.
 ქალაქშიაც ისევე იყიდება. პატარა ვენახის პატრონს
 ხელს არ აძლევს თავისი ნაშრომი ღვინოთ გაყიდოს,
 საწნახელი და მისი მოწყობილობა, ქურჭელი, შრო-
 მა და სხ. ყველა ეს ფულია და, აბა, ღირს ამოდე-
 ნი დავიდარაბის აკიდვა ცოტა ყურძნისათვის? ის
 ყოველთვის მოკრეფის დროს ადგილობრივ ასადებს
 იმ მაზანდაზე, რაც საზოგადოდ არსებობს. სამაგიე-
 როდ ყიდულობს „შუა-ღვინოს“, ან ერთხელ გამო-
 წურულ ჭაჭას, და თავის გემოზე აკეთებს. ყურძნის
 მყიდველი უმთავრესად ღვინის ზავოდებია. ის კი

უნდა ითქვას, რომ უმრავლესობას ვენახი არა აქვს, თუმცა ვაზის ხელობა ყველამ კარგად იცის, და სხვის ვენახში მუშაობს ქირაზე.

მთელ შვეიცარიაში 87,714 აკრი ვენახია; ზოგ კანტონში დიდი ალაგი უჭირავს, ზოგში ცოტა. არის იმისთანაც, სადაც სრულიად არ მოიპოვება ვაზი (მაგ. უნტერვალდენი და აპენცელი). მევენახის უმთავრესი მიზანია ცოტა მიწაზე ბევრი მოსავალი მიიღოს. ამისათვის არავითარ შრომას და ხარჯს არ ერიდება. ვაზი ახლო-მახლოა დარგული და არავითარი ბალახი არ ახლავს. მუშას მუდამ თოხი უჭირავს და როგორც კი სადმე ბალახი ამოჰყოფს თავს, მაშინვე უსპობს სიციცხლეს. ამასთანავე თითოეულ ძირ ვაზს უტრიალებს „დანა-წალდით“ და მაკრატლით, მეტ ფოთოლს ართმევს, წვერს სჭრის და ამოკლებს. ხე ან სხვა რაიმე მცენარე ვენახში არ შეიძლება. ერთ მუშა გლეს ვკითხე, რატომ ერთი საჩრდილობელი ხეც არ არის თქვენს ვენახში-მეთქი. — ამის მიზეზი ცხადია, ერთი ძირი ხე რომ სინოყიერეს გამოწურავს დედა-მიწას, ის შვიდ-რვა ვაზს ეყოფაო, მიპასუხა მან. ის თავის მოქმედებაში იმ აზრით ხელმძღვანელობს, რომ ნიადაგის პოხიერება ტყუილ-უბრალოდ არ დაიკარგოს, მხოლოდ ვენახი კვებოს. ამ გვარი მეცადინეობა რიგიანად გვირგვინდება. ხშირად გამიგონია, თითო აკრი ვენახში ხანდახან 12 ათას ბოთლ წმინდა ღვინოს ვაყენებთო. მხოლოდ ოფიციალური წყაროები თითო აკრზე 2,000 ბოთლ წმინდა ღვინოს ანგარიშობენ. მაშასადამე შვეიცარიაში წელიწადში დგება 175 მილიონი

და 428 ათასი ბოთლი ღვინო. ეს არ ჰყოფნის
შვეიცარიას, რის გამო უცხოეთიდან ყოველ წელს
მოაქვთ 62 მილიონი ბოთლი. ამ ღვინის მომხმარებელი
განსაკუთრებით უცხოელია (300 ათასი),
რომელიც ადგილობრივ ღვინოს ვერ ეწყობა.

ვენახში მომუშავე არასოდეს დედაკაცი არ მი-
ნახვს, მხოლოდ რთველზე ეხმარებიან მამა-კაცებს.
არც ნასწავლი აგრონომი შემხვედრია. მევენახეები
სოფლელებია, რომელთაც ისე აქვთ შესწავლილი.
ეს ხელობა გამოცდილებით, როგორც თიბვა, თუ
პურის თესვა. ნასწავლი მეღვინეები ჰყავთ მარანში,
სადაც ათი-ათას ბოთლობით კეთდება და იგზავნება
გასასყიდათ. წვრილ მესაკუთრისათვის ამ გვარი ზა-
ვოდი წარმოადგენს საუკეთესო ბაზარს; აქ ასაღე-
ბენ არა თუ ყურძენს, არამედ ღვინოსაც, და შემდეგ
გადაკეთებულ-გადახალისებულ გადადის საზოგადო-
ებაში. მარნები აქვს გამართული შეძლებულ მემა-
მულებს, ან ვაჭარ-კაპიტალისტებს; უკანასკნელს
შეიძლება ერთი ძირი ვაზიც არ მოეპოვებოდეს. კარ-
გად უნდა გვახსოვდეს ერთი გარემოება: გასაყიდი
საქონლის ფასი ემორჩილება, როგორც ქალაქში,
ისე შორეულ სოფელში, საზოგადო მაზანდის აწევ-
დაწევას, და არას შემთხვევაში ჩარჩთა ოინებს და გაუ-
მაძრობას. აქ ჩარჩობა არ არსებობს, არიან მხო-
ლოდ წვრილი და სხვილ-ფეხა ვაჭარნი. ესენი გლეხე-
ბისაგან პირდაპირ ყიდულობენ თანახმად მაზანდისა
და შემდეგ ყიდიან. მოგება ისეთი რჩება, როგორც
მაგალითად წიგნის მაღაზიას, ცალ წიგნში არას
დააკლებენ, ასში კი ბევრს; მეურნე როცა ბლომად

ასაღებს, მაშინ მაზანდაზე ცოტას აკლებს. აი, ეს განსხვავება დაკლებულის და ნამდვილის ფასისა რჩება ვაჭარს. ერთი ბოთლი ღვინო ქალაქის უბირველეს სასტუმროში და სოფლის მარანში ერთ და იმავე ფასად ღირს. თუ ვაჭარმა ნაყიდი წმინდა ღვინო გადააკეთა, ფასიც იწევს თანახმად ამ ზედმეტი ხაოჯისა. მეურნეობის ყველა ნაწარმოები ყიდვა-გაყიდვაში ამ საერთო წესს ემორჩილება. კიდევ ვიმეორებ, ოინებით ფულის შექმნა და თავის რჩენა შეუძლებელია, ცხოვრების პირობები ნამეტანი განსაზღვრულია, რაც უნდა იტრიალო, ამას ფებს ვერ გადააბიჯებ.

როცა ყურძენი ძალიან დამწითდება, მოკრეფენ და ჩაალაგებენ საწნახელში, რომლის ფორმა ჩვენსას წააგავს, მხოლოდ ერთ მოხერხებულ ადგილას „კრანტი“ აქვს გაკეთებული. თავში იწნიხება და ბოლოში დაწმენდილი გამოდის. ამას პირველ ღვინოს უწოდებენ, შემდეგ ქაქას დაასხამენ წყალს და დახურულს ორ-სამ დღეს დატოვებენ დასადულებლად. მესამე დღეს ხელახლადვე დაწნებენ, ქაქაზე ფიცარს დაათარებენ და ზევიდან დაუჭერენ მანქანას („პრესი“), უკანასკნელი წვეთი წვენიც კი ეცლება და ბოლოს რჩება გამოფიტული ქაქა, რომლიდანაც არაყს ხდიან. რასაკვირველია, ყველა მევენახე არაყს არ ხდის, ქაქას ყიდულობს ამის განსაკუთრებითი საწარმოო დაწესებულება (არაყის ზავოდი). მეორეხელ გამოყვანილ ღვინოს ადვილად ვერ შეატყობთ წყალნარეობას; იყიდება უწყლოს სახელით, თუმცა გაცილებით უფრო იაფად. უმრავ-

ვლეს შემთხვევაში ამ ღვინოს აკეთებენ, აღკოშორის უმატებენ და ისე ასაღებენ. უწყლო იყიდება 50—70 სანტიმად ბოთლი, წყალ ნარევი 40—50 სანტიმად. საუკეთესო ღვინო დგება ვალისში და ძვირიც არის.

ყველა კანტონს ჰყავს დაქირავებული აგრონომი-ისპექტორები, რომელთა დანიშნულება ვენახის დათვალიერება და ავადმყოფობის აღმოჩენა-წამლობაა. ისინი წელიწადში ორხელ, გაზათხულზე და შემოდგომაზე მოგზაურობენ სოფლებში. აქაც ვაზის მტერი ფილოქსერა ყოფილა. უპირველესი საშუალება ფილოქსერის წინააღმდეგ დასენიანებული ადგილის განცალკევებაა ისე, რომ საღ ვენახს არ მოედოს; ამისათვის ყოველ ღონისძიებას ხმარობენ. აქ საზოგადოთ იმ აზრისანი არიან, რომ ფილოქსერით დაავადებული ვაზის გამობრუნება შეუძლებელია, მხოლოდ მოსახერხებელია ისე მოვლა, რომ ეს სენი სხვას არ გაუჩნდეს (ჰიგიენა). ხშირად ვენახი ფილოქსერას გაუფუჭებია, მოსაზღვრე კი უვნებლად გადარჩენილა. ერთი სიტყვით ფილოქსერას აქრობენ იქ, სადაც გაჩნდა და უსპობენ სახსარს გავრცელებისას. ამ რამდენიმე წლის წინად ფილოქსერის ვენახი მთავრობის განკარგულებით იჩეხებოდა. ამან გამოიწვია უკმაყოფილება და ზოგან წინააღმდეგობაც. ახლა ასე აღარ იქცევიან, პატრონის ნებაყოფლობაზეა მიშვებული; თუ აუცილებლად საქირია რომელიმე ვენახის აჩეხა, პატრონს აძლევენ კარგ სასყიდელს და ურიგებენ ამერიკის ვაზს *).

*) შარშან იტალიის ერთს მაზრაში — Suna — დიდი არეულობა მოახდინეს გლეხებმა ფილოქსერის დასის წინა-

ახლა შვეიცარიაში ძლიერ ვრცელდება ამერიკის ვაზი. გასულ წელს ჟენევის სამეურნეო საზოგადოებაში დიდი ლაპარაკი იყო ამის შესახებ. წარმოდგენილ ცნობებმა ნათლად დაამტკიცეს ამ ვაზის საუცხოვო ღირსება. მაშინ აირჩიეს განსაკუთრებითი კომისია ადგილობრივ დასათვალისწინებლად, რომელმაც იგივე აზრი დაასკვნა. სადაც კი გაუშენებიათ ამერიკის ვაზი, ყველგან უხეირია და მოულოდნელი ნაყოფი მოუტანაო—ამბობს კომისია თავის მოხსენებაში.

ვენახს ყველაზე მეტი ადგილი უჭირავს ტენსენის კანტონში (7,488 ჰექტარი), შემდეგ მოსდევს ვო (5,850 ჰექ.) და სხ. მაგრამ თუ მხედველობაში მივიღებთ ვენახის სივრცეს მთელი კანტონის სივრცესთან შედარებით, დავინახავთ, რომ პირველში ვენახი წარმოადგენს 2,61⁰/₀, მეორეში—1,81⁰/₀, ჟენევის კანტონში კი 8⁰/₀, ე. ი. 24, 630 ჰექტ. მიწაზე 1,928 ჰექტ. ვენახია გაშენებული. მაშასადამე ეს კანტონი მთელ შვეიცარიაში იჭერს ამ მხრით პირველ ალავს. ეს მით უფრო საკვირველია, რომ გარეგანი შეხედულებით აქაური ნიადაგი და ადგილთა მდებარეობა ვენახს სრულიად არ უნდა უწყობდეს ხელს. მთელი კანტონი გაშლილ ველს, შეიცავს, მხოლოდ აქა-იქ, იშვიათად, პატატოვა-

აღმდეგ, რომელსაც ვენახები უნდა აეჩეხა. ჯარის და თოფის წყალობით მთავრობის განკარგულება მაინც სი-სრულეში იქნა მოყვანილი! ასეთი ამბავი დატრიალდა მთელს იტალიაში. ყველგან საფილოქსერო დასს შეიარაღებული ჯარი ახლდა.

ნი გორაკებიც არის. 1817 წ. ვენახს ეჭირა 1,139 ჰექტ. მაშასადამე მას შემდეგ 789 ჰექტ., ანუ 70% მოუმატია. ერთი და იგივე სივრცე მიწა სხვა-და-სხვა დროს სხვა-და-სხვა რიცხვ მოსავალს იძლევა. ხოლო ყველა ამ ცვლილებაში ერთ კანონს ვხედავთ: რაც წინ მიდის დრო, მით მეტი მოსავალი მოდის, თუმცა ხალხური თქმულებით ძველ დროში უფრო უხვი იყო მიწის მოსავალი, ვინემ ახლა. აი, ცნობები ვოს კანტონის შესახებ*). საშუალო რიცხვით ერთი ჰექტარი მიწა იძლეოდა 1700—1750 წ. —7,100 ჩარეკ ღვინოს; 1750—1800 წ.—6,100 ჩარ. (ამ ხანაში მხოლოდ ოთხი წელიწადი ითვლება სამაგალითო მოსავლიანად, როცა თითო ჰექტარი 10 ათას ჩარ. იძლეოდა), 1880—1885 წ. 7,800 ჩარეკს და 1850—1893 წ.—7,300 ჩარეკს. ვენევის კანტონში 1842—1843 წ. ერთ ჰექტარზე მოდიოდა 4,779 ჩარ. 1882 წ.—5,200. აქ უკანასკნელ ორმოცდა ათი წლის განმავლობაში მოსავალი მატულობს, მაგრამ 1875—1880 წ. კი ერთობ შესამჩნევად დაეარდა, რადგანაც მაშინ ფილოქსერა აღმოჩნდა და მოედვა ვენახებს.

ამასთანავე მატულობს ღვინის ფასიც, თუმცა მოსალოდნელი იყო ფასის შემცირება: 1700—1750 წ. ჩარეკი ღირს 18 და $\frac{1}{5}$ სანტიმი, 1750—1800 წ.—22 სანტ., 1800—1850 წ. 25 $\frac{1}{2}$ სანტ., 1851—1893 წ.—42 სანტიმი. ვენევის კანტონში: 1851—1861 წ. თითო ჩარეკი თეთრი ღვინო იყიდებო-

*), ციფრები, ამ წერილში მოყვანილი, გამოქვეყნებულია ვოს შესახებ ამ წელს. ხოლო ვენევის—1884 წ.

და 34 სანტ., 1861—1871 წ.—33 $\frac{1}{2}$ სანტ., 1871
 —1881 წ.—41 სანტ., შემდეგ კი—45—55 სანტი-
 მად. ამ გვარად ერთი მხრით მრავლდება მოსავალი,
 მეორე მხრით მალლა იწევს ნაწარმოების ფასი. ცხადია
 თანახმად ამისა უნდა იცვლებოდეს ვენახის ღირე-
 ბულება. ორთა შუა რიცხვით თითო ჰექტარი მიწა
 (ქენევის კანტ.) ღირდა 1867—1874 წ.—3,787
 ფრანკი, 1874—1882 წ.—4,056 ფრანკი. იმ ნაწილ-
 ში, სადაც გზები დაიშალა და მისვლა-მოსვლა გაადვი-
 ლდა, ფასიც თითქმის გაორკეცდა. სამწუხაროდ ხელთ
 არა გვაქვს ცნობები ვენახის ღირებულებისა სხვა-და-
 სხვა დროს, ამისთვის უნდა დავჯერდეთ შემდეგით:
 ერთი ჰექტარი ვენახი უპირველეს ხარისხის ღირს
 13 ათას ფრანკ., შუათანა—10,400 ფრანკ., და-
 ბალის—5,300, საშუალო რიცხვით თითო ჰექტარ-
 ი ღირს 9,300—9,800 ფრანკი. მოიჯარადრე ერთ
 ჰექტარ ვენახზე პატრონს აძლევს 370—445 ფრ.
 წელიწადში. გამოვიანგარიშოთ, რა ჯდება ერთი
 ჰექტარი ვენახის შემუშავება და რა მოაქვს ხარჯი:
 ნიადაგის ხელ-ახლა ატანა და თავის ალაგას დაყრა,
 მიწის გაკეთება და ვაზის გაწმენდა—92 ფრ., კვლე-
 ბის და თხრილის ამოღება და გათოხვა 29 ფ., ვაზის
 გადაწვენ-გადმოწვენა, ფურცლების შერთმევა, დაბარ-
 ვა და სხ. 148 ფრანკი. სულ 536 ფრანკი. ყურძ-
 ნის მოკრეფა, დაწურვა და სხვა შემდეგი შრომა
 ზედმეტი. შემოსავალი: 5,200 ჩარეკი ღვინო ღი-
 რებული 2.080 ფრ., ამას მიუმატეთ ჭაჭის ფასიც.
 მთელ კანტონში მოდის 10 მილიონი ჩარეკი წმინ-
 და ღვინო წელიწადში. აქვს ამას ბაზარი? ამოდენა

ღვინოს მარტო ენევის ქალაქი ხარჯავს, მაგ. 1860 წ. ქალაქის მცხოვრებთა რიცხვი ითვლებოდა 41,415 და დაიხარჯა 7,365,495 ჩარეკი, თითოეულზე მოდის 177 ჩარეკი 1870 წ. (47,500 მცხოვრებთ) — 10,167,696 ჩარეკი, ანუ თითოეულ სულზე — 214; 1880 წ. (50,000 მცხოვრებთ) — 9,262,062 ჩარ., თითოეულზე 185 ჩარეკი *). ამდენივე ღვინო რომ კანტონის დანარჩენ მცხოვრებლებმა დახარჯოს, უცხოეთიდან უნდა შემოიტანონ. რასაკვირველია ქალაქში დახარჯული ღვინო მარტო კანტონის ნაწარმოები არ არის, აქ მოდის სხვა კანტონებიდან და უცხოეთიდანაც, სამაგიეროდ აქედან იქით მიაქვთ. მეურნის აღებ-მიცემობა ერთი რომელიმე ტერიტორიით შემოფარგლული არ არის. ის ძლიერ ადევნებს თვალ-ყურს ბაზრის მდგომარეობას ევროპის სხვა-და-სხვა კუთხეში და ამის თანახმად მოქმედებს, ანაღდებს იქ, სადაც მოთხოვნილებაა. იმას თუ უცადა, აბა როდის გაჩნდება მუშტარი უახლოვეს ბაზარზეო, მეურნეობაზე ხელი უნდა აიღოს. მას ყოველ დღე ფული ესაჭიროება, თუ კი თავის საქონელი სახლში შეინახა, საიდან უნდა გაასწოროს სხვა-და-სხვა ანგარიში. მის წინ გადაშლილია მთელი ევროპა, თავის საუცხოვო გზებით. მეურნე ანუ მეურნეთა გუნდი (სინდიკატი) გზავნის იქ, სადაც სარგებლობას ხედავს.

*) ამ დროს ფილოქსერის მიზეზით ღვინო ნაკლები მოვიდა და დაძვირდა, სამაგიეროდ ლუდის ხმარება გავრცელდა: მაგ. 1860 წ. თითოეული სვამდა 20 ჩარეკა ლუდს, 1880 წ. — 48 ჩარეკს.

აქ უნდა მოვიხსენიოთ ისიც, რომ სამეურნეო „სინდიკატს“ აგენტები ჰყავს უმთავრეს ბაზრებზე, რომელნიც ცდილობენ არა თუ მოთხოვნილების დაკმაყოფილებას, არამედ თვით მოთხოვნილების ანუ მუშტარის აღმოჩენას. ამისთვის მეურნემ შეიძლება ყველა თავისი ნაწარმოები ერთბაშად გაყიდოს, თავისთვის კი შემდეგ იყიდოს. ვენახის პატრონი ღვინოს ყიდულობს, ყანის პურს და სხვ. მათი ინტერესი მოითხოვს ყოველივე მიწის ნაყოფი ფულად აქციოს. მისი მიზანი ფულია, სხვა ყველა საშუალებაა.

შვეიცარიის ბუნება ხელს არ უწყობს პურის მოსაველს, ამისთვის უცხოეთიდან შემოაქვთ (ავსტრია, რუსეთი, გერმანიიდან) ოთხმოცდაათი მილიონი ფრანკის ხორბალი წელიწადში. საზოგადოდ შენიშნულია, რომ თან-და-თან მატულობს საბალახო ადგილები, სახნავ-სათესი, საბოსტნე და სხვა-კი კლებულობს, მაგ. ენევის კანტონში 1817 წ. ექირა 40,388 ჰექტ. მიწა, ხოლო 1882 წ. 76,466 ჰექტ., მომატებია 50⁰/₀. მეორე-გვარ მიწებს 11,996 ჰექტ. 1882 წ.—10,326 (შემცირება 14⁰/₀). ამის მიზეზები, რასაკვირებელია, ის არის, რომ საქონლის მოშენება უფრო მეტ ხეირს აძლევს მეურნეს. განსაკუთრებით პურს გაცილებით მეტი სივრცე ექირა წინად ვინც ახლა: 1820 წ.—6,851 ჰექტარი და თითო ჰექტარზე მოდიოდა, საშუალო რიცხვით, 1,129 კილო (ერთი კილო ორ გირვანქაზე ცოტა მეტია), 1832 წ.—5,994 ჰექტ. თითოზე მოდიოდა 1292 კილო; 1882—3995 კილო, თითო ჰექტ. 1377. ამ ნაირად.

ჩვენ ვხედავთ, რომ პურის სათესი ადგილი მცირდება, მხოლოდ ნაყოფიერება მატულობს (ინტესიური კულტურა). ამის დაგვარად პურის ფასიც კლებულობს: 100 კილო ღირდა 1851—1861 წ. 34¹/₂ ფრან., 1861—1871 წ. 29¹/₃ ფრან., 1871—1881 წ. 31 ფრან. ამის მიზეზი უცხოეთის პურის მოცილებობაა.

აქ გავრცელებულია წვრილი საკუთრება, რის გამო მამულის იჯარით გაცემა იშვიათია. მესაკუთრე, ან თავის ხელით მუშაობს, ან ნაქირავები კაცებით. ის თვითონ ადევნებს თვალ-ყურს თავის მიწა ადგილს. მისი აზრით იჯარით გაცემა ლატარიაა, შეიძლება წააგოს, შეიძლება მოიგოს, მაშინ როდესაც თვითონვე შეუძლია გაუძღვეს, გამონანგარიშოს რა დაუჯდება შემუშავება, ერთი სიტყვით თავის სარგებლობისთვის პირდაპირ მან იზრუნოს. ავიღოთ მაგ. ჟენევის კანტონი, სადაც სახნავ-სათესი მიწები მთელ სივრცესთან შედარებით ყველა კანტონზე მეტია. საკუთრება 100—200 ჰექტარი მხოლოდ ორ-სამ სოფელშია, აქაური დიდი მამულები შედგება 50—80 ჰექტარით. ესეც თითოთ საჩვენებელია. ამ პატარა ქვეყანაში, სადაც მეურნეობისთვის გამოსადეგი მიწა ითვლება 21,928 ჰექტ., 16,653 მესაკუთრეა. იჯარით არის გაცემული 7,590 ჰექტ. (34⁰/₁₀). ძლიერ ხშირია მიწის შემუშავება ნაქირავები კაცით, ყოველ სოფელშია ბოგანო გლეხები, რომელნიც ქირით ირჩენენ თავს, ან მცირე მესაკუთრეა და იძულებულია დღიურად იმუშაოს სხვის

მამულში. მუშის დღის ჭირა ამ უკანასკნელ ნახე-
 ვარ საუკუნეში თანდათან მატულობს. მუშის ჭირა.
 პატრონის სასმელ-საქმელით და ბინით წარმოად-
 გენს 1852—1861 წ. 93 სანტიმს, 1861—1871 წ.
 —123 სანტ., 1871—1881 წ.—153 სანტ., ძვირია-
 ივლისის და ივნისის თვეებში, იათი იანვარში. მუ-
 შის სასმელ-საქმელს და ბინას ანგარიშობენ დღეში
 1 ფრ. და 35 სან., მაშასადამე უკანასკნელ ათ-
 წელიწადში მუშა ღირებულა დღეში სამ ფრანკამდი.
 დედა-კაცის ჭირა ერთი მეოთხედით ნაკლებია მამა-
 კაცისაზე. ციურების კანტონში საქმლით ღირს ერთ
 ფრანკ-ნახევარი (უბინაოთ), ვოში—3 ფრ. (უსაქმ-
 ლოთ და უბინაოთ), სენეგალში—2 ფრ. ნახევარი.
 მუშა-მოხელე, მაგ. მევენახე, ზათხულში ღებულობს.
 ფრიბალის კანტონში 2 ფრ. და საქმელს, ზამთარში
 1 ფრ. და 20 სან., ჩვეულებრივი მუშა იქავე ზა-
 თხულში 1 ფრ. და 60 სანტ., ზამთარში 1 ფრ. ციურის-
 ში პირველი ღებულობს საქმლით წლობით 600—800
 ფრ., მორე—500—600 ფრ., მოსამსახურე ქალი
 ფერმაზე—250—300 ფრანკს. ორთა შუა რიცხვით
 მთელ შვეიცარიაში მუშა იღებს დღეში ფრანკიდან
 ფრანკ-ნახევრამდე პატრონის ხარჯით, თავის ხარჯით
 კი სამ ფრანკს, აღმოსავლეთ შვეიცარიაში ნაკლებს
 ღებულობს, ვინემ დასავლეთში. ხოლო საერთოდ
 შვეიცარიელ მეურნის დღის ჭირა 33—40 % ნა-
 კლებია ვინემ ინგლისის, და 10—15 % ვინემ სა-
 ფრანგეთის.

მუშათა ხელის სიძვირის გამო აქ დიდი ხანია
 ცდილობენ მაშინები შემოიღონ და იათად დაი-

ჯინონ მიწის შემუშავება. დაარსეს საზოგადოებები, რომელთა მიზანი იყო სამეურნეო მანქანების ყიდვა და შემდეგ კოტა მოგებით გაყიდვა, ან გაქირავება. ამ საქმემ ნიადაგი ვერ მოიპოვა და ყოველთვის ჩაიფუშა. ამის უმთავრესი მიზეზი ადგილ-მამულის დაკნინება, წვრილი საკუთრებაა. ცხადია, ღარიბი ვერ შეიძენს ორთქლის მაშინას. ვთქვათ, პატარა მამულის პატრონი შეძლებულია და მაშინებიც გაიჩინა. განა ეს მისთვის სახეიროა? სრულიადაც არა, რადგანაც შესაფერი სამუშაო არ ექნება და მაშინებიც მუქთად იქნება გაჩერებული. ამ ბოლო დროს ამ გარემოებამ სხვანაირი მიმართულება მიიღო. მაშინები იყიდეს იმ პირებმა, რომელთაც არავითარი მამული არა აქვთ. მხოლოდ დადიან სოფელ-სოფელ და აქირავებენ. ერთ სოფელში მოიტანეს საღვეწი მანქანა, მთელი სოფლის პური ერთ დღეს გაღვეწა, საღამოს მეორე სოფელში წაიღეს, სადაც უცდიდენ. ამით მოგებაშია მეურნეც და მაშინის პატრონიც. გუთანი კი ყველგან ახალი სისტემისაა. ხნავენ ორისამი ცხენით, ან ხარებით (ხარებით იშვიათად). გუთანს ღრმად ავლებენ და ნაკელს და ნიადაგს ძლიერ ურევენ ერთმანეთში. იშვიათად ყავს მეურნეს ხარი, ან ცხენი, თითქმის ყოველთვის და ყოველგან ქირაობენ. ერთ სოფელში შეიძლება ერთ-ორს ჰყავდეს სამუშაო პირუტყვი, რომლის დანიშნულება გაქირავებაა. მთელი სოფელი ამათგან ქირაობს, მეურნეგლებმა რომ პირუტყვი გაიჩინოს დიდ ზარალს ნახავს. მისი შენახვა დიდი ფული დაუჯდება, მაშინ როდესაც ნაქირავებით უფრო იაფად გამოდის. მე-



ტყვით: გააქირავენსო. თუ კი ყველას ეყოლება,
 ვინღა იქნება მქირავენელი. ახლა კი ასეთი წესი
 სუფევს, რომ საქონელი უმრავლესობას არ ჰყავს და
 იძულებულია იქირაოს. აქაც შრომის განაწილებაა.
 როცა ქირაობენ საქონელს, ქირაობენ კაცით, რად-
 განაც პატრონი სხვას არ ანდობს, ამისათვის ურიგ-
 დებიან ამდენი მიწა დამიხანი და ამდენს მოგცემო.
 ერთი ჰექტარი მიწის შემუშავება ჯდება: დახვნა 59
 ფრ., ეს რიცხვი ზოგან 66 ფრ. აღის, ზოგან 52
 ფრ., დამოკიდებულია ნიადაგის სიმაგრე-სირბილეზე;
 დათესვა 15—29 ფრანკამდის, დაფარცხვა 4 ფრ.,
 მოკრეფა 37 ფრ., გალეწვა—37 ფრ., სულ 153
 ფრანკი; ქალაქში წალება გასაყიდათ სხვა ხარჯია.
 შემოსავალი: 1,387 კილო, ანუ ფულად, 430 ფრანკი.
 გალეწვისთანავე, გადაურჩევლად, ხორბალი მოაქვთ
 ახლო-მახლო ქალაქებში მეწის ქვილეებთან და ყიდიან.
 ეს წისქვილები სწორედ სამაგალითოთ არის გაკე-
 თებული. თითოეული წარმოადგენს ვეებერთელა
 შენობას ასი-ორასი საფქვავეი ქვებით, რომელნიც
 ერთი და იმავე ძალით მოდიან მოძრაობაში. ეს ძალა
 წარმოადგება წყლიდან, რომელიც გამოყვანილია
 ტბიდან, ან მდინარიდან, და საშინელი სიძლიერით
 ვარდება ამისათვის განგებ გაკეთებულ ორმოში.
 ვერც წყალს და ვერც ამ ორმოს კაცი ვერ ხედავს,
 სადღაც უფსკრულშია, საიდანაც არავითარი ხმაუ-
 რობა არ ამოდის. იქიდან გაჰყავთ ძალა და აძლევენ
 ამა თუ იმ მიმართულებას მაშინების საშუალებით.
 ეს ძალა უდრის 70—100 ცხენის ძალას. ყოველ-
 ნაირი ხორბალი, პური, ქერი, ჭვავი და სხ. ერთმა-

ნეთშია არეული, თან ახლავს ქვეები, სილა და სხ.
 ერთ მუშას მოაქვს ტომრით და ყრის ვეებერთელა
 ჭურჭელში, მერე ამას აღარაფერი ეკითხვის, მხო-
 ლოდ სულ დაბლა პირველ სართულში გამოდის
 სხვა-და-სხვა ადგილიდან გაცრილი ფქვილი: პური,
 ქერი და სხ. როგორ ხდება ეს? გავყვეთ ჩვენ ერთ
 ტომარ ხორბალს წისქვილის მესამე სართულიდან.
 პირველად ის იწმინდება და ყოველისავე ტალახისა
 და სილისაგან თავისუფლდება. შემდეგ ნაწილდება,
 ცალ-ცალკე გადადის პური, ქერი, ჭვავი და სხ.
 მეორე სართულში იფქვება, პირველში იცრება და
 იყრება ტომრებში. აქ საჭიროა ერთი მუშა, რომ
 სავსე ტომარს თავი მოუკრას და ცალიერი ტომარი
 მიაკრას თავის ადგილას. იქვე მაშინაზე ადებს რამ-
 დენსამე ტომარ ფქვილს და თვალის დახამხამებაში
 მესამე სართულზეა გაჩენილი. იქ იწერება და იგზავ-
 ნება ხაბაზებთან, სადაც გამომცხვარს ყიდულობს,
 როგორც გლეხი, ისე არა გლეხი. პატარა, ჩვენებუ-
 რი წისქვილები აქ აღარ არსებობენ. აქაური წის-
 ქვილი ჯდება არა ნაკლებ ნახევარი მილიონი ფრა-
 ნკისა და აშენებს შეძლებულთა გუნდი, ანუ კომ-
 პანიები: სახლში პურს არავინ აცხობს. ხნიერი კაცები
 იტყვიან, მახსოვს ის დრო, როცა პურს სახლში
 ვაცხობდითო.

ახლა გამოვიანგარიშოთ მიწის გადასახადი შე-
 ნევის კანტონში. სამუშაო მიწა და საშეშე ითვლე-
 ბა 21,998 ჰექტარი, რომლიდანაც უნდა გამოირი-
 ცხოს ქალაქში მდებარე მამულები—732 ჰექტ., დაგ-
 ვრჩება 21,196 ჰექტ. სოფლის ღირებული 28 მილიონ-

ნად. ამაზე მოდის წელიწადში ათი მილიონი ფრანკის ნაწარმოები. ამ ადგილებს აწევს შემდეგი გადასახადი.

კომუნის და კანტონის სასარგებლოთ.	154,259 ფრ.
ფილოქსერასთან საბრძოლველად .	16,022 ფრ.
სხვა-და-სხვა საჭიროებისთვის.	11,000 ფრ.
ვალის (17 მილიონი) სარგებელი .	850,000 ფრ.
სულ	1.130,281 ფრ.

მაშასადამე თითოეულ ჰექტარზე მოდის 53 ფრ. როგორც ვხედავთ გადასახადის ორი ნაწილი ფულის პატრონის ჯიბეში გადადის. ისიც უნდა ითქვას, რომ ყველა ეს ვალები ბანკებიდან არის აღებული და არა კერძო მოვახშეებიდან, რომელნიც აქ სრულებით არ არსებობენ. აქ მეურნის მოვახშებანკია. ნუ გეშინია, დიდი დავიდარაბა არ უნდა სესხებას; წარადგინე მოწმობა, ესა და ეს მიწა დაუგირავებელია, ღირს ამდენი და შემოსავალს იძლევა ამდენს და გათავდა. მაშინვე ოქრო-ვერცხლს ჩაგიჩხრიალებენ ხელში, ან და ერთი თავდები, რომელსაც საკუთრება აქვს.

ამ ანგარიშში არ არის ჩამოთვლილი ის ვალი, რომელიც აწევს შენობებს და ქალაქის მამულებს. თუ ესეც მივიღეთ სახეში, გამოვა, რომ ჟენევის კანტონს ვალად აქვს აღებული 117 მილიონი და 874 ათასი ფრანკი. გამოანგარიშებულია, რომ ჟენევაში ყოველივე ქონება ყოველ ოც წელიწადს იცვლის პატრონს და სხვის ხელში გადადის.

ამით ვათავებთ შვეიცარიის მეურნეობაზე ლაპარაკს. მკითხველს წარმოუდგინეთ ციფრები მარტო

ჟენევის კანტონის შესახებ, იმიტომ რომ ამ ნაწილს უფრო კარგად ვიცნობთ, ვინემ სხვებს, მხოლოდ დაბეჯითებით შეგვიძლია ვთქვათ, რასაც წარმოადგენს ეს კანტონი, იმასვე გვიჩვენებს მთელი შვეიცარია, საფრანგეთი და სხ. დასავლეთ ევროპაში, სადაც კაპიტალისტური წყობილება უმაღლეს ხარისხამდეა განვითარებული, ორი საშინელი სენი მძვინვარებს: ერთი მხრით გლენი-მეურნე ბანკების ბრჭყალებში ჩავარდნილა და თავი ველარ დაუღწევია, მეორე მხრით მუშა-პროლეტარი მექარხნე-მწარმოებელს გაუხდია ყმად, ე. ი. მშრომელ ხალხს ფულის პატრონები გადაფარებიან, შრომა და ფული ერთმანეთს დასცილებიან, ვინც არ შრომობს, იმას ფული აქვს, შრომობს, იმას ფული არა აქვს. აი, რა წინააღმდეგობას მიადგა კაცობრიობა. ევროპა ამ ფარგალში ფართხალებს და აქედან გასასვლელი ჯერ ვერ უპოვნია. ამასთანავე საკვირველია ერთი გარემოება: რაც მალლა მივიწევით ფინანსების საფეხურზე, მით თანდათან იკარგვის პიროვნება და სარბიელზე გამოდიან კომპანიები თავიანთი აქციებით, ბანკის ბილეთებით, ოქრო-ვერცხლით. აქციებზე შენდება ბანკები. მეურნე იძულებულია ყოველ წლივ სარგებელი იხადოს, მაგრამ ვის მოაქვს ამდენი ფული, არ იცის, პატრონს ვერ ხედავს; მუშა იძულებულია ნახევარი დღე იმუშაოს ვილაცას სასარგებლოდ, მაგრამ ვინ არის ეს „ვილაცა“ არ იცის, თავის დღეში არ უნახავს; აქ პიროვნება კაპიტალისტისა არ ჩანს, ჩანს მხოლოდ სისტემა, სისტემა კაპიტალისტური და თვით პიროვნება ამ სისტემის იარაღად გადაქცეულა...

V

ჩვენ აქამდე ვლაპარაკობდით გლეხი-მეურნის შესახებ მაგრამ არის აგრეთვე გლეხი არა მეურნე, ანუ ნახევრად მეურნე, ესენი სოფლად ცხოვრობენ, სოფელში დაბადებულან და აღზრდილან, მხოლოდ მათი ხელობა კი სოფლიური არ არის. მიწის მუშაობის არათფერი გაეგებათ. ამთი საცხოვრებელი პირობები დიდად განირჩევა მეურნის პირობებისაგან. განვიხილოთ ცოტა უფრო დაწვრილებით.

საქმე იმაშია, რომ შვეიცარიის სოფლებში ქარხნებს მოუკიდია ფეხი და ნამდვილი ქარხნული ცხოვრება აღორძინებულა, მცხოვრებლები დღიურ მუშებად გამხდარან. პირველად გაგიკვირდებათ, მაგრამ როცა გაიცნობთ, დარწმუნდებით, რომ ეს აუცილებელ მოთხოვნილებას გამოუწვევია. აი, არის იმისთანა ადგილები, განსაკუთრებით მაღალ მთებში (ჟიურა და სხ.), საცა ბალახის მეტი არათფერი მოდის, მაშინ როდესაც ზედ სოფლებია გამოჩაღებული და ხალხი ტრიალებს. აშკარაა ამ ხალხმა ცხოვრების რაიმე წყარო უნდა გაიჩინოს. მოსალოდნელი იყო ამ გვარი წყარო პირუტყვის მოშენება შეიქნებოდა. ნამდვილად კი ასე არ არის. ამის მრავალ მიზეზთა შორის ის უნდა დავასახელოთ, რომ ხელმოკლე გლეხს სრულებით არ ძალუძს პირუტყვის ყიდვა. ერთი ძროხა ღირს არა ნაკლებ 400—600 ფრანკისა. ამოდენა ფულის გამოღებას, ცხადია, ყველა ვერ შეიძლებს. ამას მოუმატეთ საბალახო, სადგომი, ხელსაწყო და დაინახავთ, რომ პირუტყვის მოშენებისათვის გვარიანი ბლომა თან-



ხაჲ საჭირო; ამისათვის დიდი უმრავლესობა ამას მოკლებულია. ესეც ვთქვათ რომ წინა დროს რიგიანი გზების უქონლობის გამო სამეურნეო ნაწარმოები თავისსავე სოფელს ვერ გასცილდებოდა, ქალაქი დაშორებული იყო. როცა ხალხი ცოტა იყო, იოლად გამოდიოდნენ, არც მოთხოვნილება ჰქონდათ ბევრი. მაგრამ როცა გამრავლდნენ და ცხოვრებაც გართულდა საჭირო შეიქნა ახალი საშუალების გამოძებნა ახალი მოთხოვნილების დასაკმაყოფილებლად. აი, ამ დროს შემოიღეს საათის კეთება, ააგეს ქარხნები ქალაქებში და მუშებიც მიუცილებელი შეიქნა. გლეხობა დაიძრა სოფლიდან ქალაქისაკენ. მაშინ მთელი ქვეყანა შევიცარი-იდან ყიდულობდა საათს, რის გამო მუშათა ხელის მოთხოვნილება დიდი იყო და დაძვირდა. შორეულ სოფლებში მცხოვრებნი კონსერვატორული ელემენტის გამოდგა, თავიანთ მამა-პაპეულს მთებს და გაშლილ მიდამოებს ასე ადვილად არ მოეშვენ. მაშინ მექარხნეებმა განიზრახეს: თუ კი გლეხი ჩვენს არ მოდის, ჩვენ მივიდეთ იმისკენო. მთებში გაშენებულ მიყრუებულ სოფლებში ჩადგეს ვეებერთელა სახლები თავის ხელ-საწყო მაშინებით და ფულიც გოდრით მიიტანეს. ამ გარემოებამ ძირეულად შესცვალა სოფლის ცხოვრება. გლეხს, რომელიც ცისმარა დღეს მუქთად აღამებდა, ბედი კარზე მოუგორდა, ფულის შეძენის საშუალება მიეცა. მართალია, დღის ქირა ცოტა იყო, მაგრამ სულ არაობას, ესეც სჯობდა. სოფლელებმა მიატოვეს თავიანთი მცირე შემოსავლიანი მიწა-ადგილი



და ქარხნებში გადავიდენ. გლეხი მოშორდა ამათუ მამულს, არამედ სახლ-კარსაც. მუშისათვის სამ-
 ძიმო შეიქნა ყოველ დღე საუზმე-სადილისთვის სვლა,
 რაიცა გვაჩიან შორს მდებარეობდა. ამისათვის იგი
 ყავა-ხანას მიადგა კარებზე. ამას მიუმატეთ ის, რომ
 ცოლი და მოზრდილი შვილები მას ამოუდგენ
 გვერდში და ოჯახიც შეირყა. აბა, რა ანგარიშია
 ღამის გასათევად უთუოდ მამაპაპეულს ქოხს მია-
 კითხონ; ამ გამოუსადეგ ქონებას ჰყიდიან და ქარ-
 ხნის ახლოს ქირაობენ ბინას. მექარხნეს გაუჩნდა
 მუდმივი რაზმი და გაჩაღდა წარმოება. შემდეგ თან-
 დათან იხსნება გზები და საქონლის გადატან-გად-
 მოტანა ადვილდება.

ამ უამაღ ბევრ სოფელშია ქარხნები. მრავალი
 მათგანი, როგორც კარებზე წარწერებისაგან სჩანს,
 ამ საუკუნის დამდეგს აუშენებიათ. ერთ ქარხანაში
 მითხრეს, ჩვენ მხოლოდ რუსეთის ბაზარზე ვასა-
 ლებთ ნაწარმოებს, მეორეში—ბრაზილიაში ვგზავ-
 ნითო და სხ. სოფელ სანტეში არის სამართებელი
 დანის ქარხანა, რომლის სახელი მთელ ხმელეთზე
 განთქმულია. საზოგადოდ ყველა ამათ შორეულ
 ქვეყნებთან აქვთ ვაჭრობა გამართული, როგორც
 მაგალითათ ამერიკა, ავსტრალია და სხვ. სოფ. ბრა-
 სუსში (ეს სოფლები ეურას მთებზეა) ერთ მექარ-
 ხნეს დიდი აღებ-მიცემობა აქვს გამართული სხვა-
 და-სხვა მხარეებთან, ფულს ატრიალებს, თვითონ
 კი თავის სოფელს არაოდეს არ გაშორებია, კან-
 ტონის დედაქალაქშიაც კი არ ყოფილა.—მაშ რა
 ნაირად უძღვება ამდენ საქმეებს-მეთქი, ვკითხე მის



ვაჟს. აი, რა მიპასუხა: აი, მაგალითად მე მაღალი სასწავლებელი დავასრულე, ბევრი ქვეყნებიც მინახავს, მამაჩემს სკოლის კარებიც არ უნახავს, მაგრამ ის კი ჩემზე უფრო განათლებული და გაგებულია ქვეყნის საქმეებში. ზედმიწევნით იცის ნივთიერი და პოლიტიკური მდგომარეობა სხვა-და-სხვა ქვეყნის. ამ ერთ წლის წინათ ბრაზილიაში პოლიტიკურ დასთა შორის ბრძოლა ძლიერ გამწვავდა, მამაჩემმა მითხრა, აქ უთუოდ რევოლიუცია, ან რამე ატყდება და დროებით შევაჩეროთ ამ მხარესთან აღებ-მიცემობაო. მე კი აუხირდი, რევოლიუცია კი არა, წარღვნა არ გინდა მეთქი. მართლაც ცოტა ხანს შემდეგ გაზეთებში ამოვიკითხე ბრაზილიაში სამოქალაქო ომი ატყდაო, რის გამოც ოციანთასი ფრანკი ვიზარალეთ. ეს ბერი კაცი დღე დაღამე წიგნს და გაზეთებს ჩასცქერისო. ამ გვარად, განათლების შექენა, მწიგნობრობა, მასში ინტერესს გამოუწვევია, უამისოდ ვაჭრობა არ შეეძლო. თუ ამას დაუკვირდებით დავინახავთ, რომ ეს ჭეშმარიტია არა მარტო ამ ერთი კაცისთვის, არამედ მთელი ევროპისათვის. აქ ჟურნალ-გაზეთებს კითხულობენ არა გასართობად, დროს გასატარებლად, იწერენ არა ქველმოქმედების გამოსაჩენად, რედაქციას გაუსაღოთო, არამედ იმიტომ რომ ამას მათი პირდაპირი ნივთიერი სარგებლობა მოითხოვს. ვაჭარი თვალყურს ადევნებს სამშობლოს და უცხოეთის ამბებს, გებულობს, სად რა მოთხოვნილება, რის ბაზარი არსებობს, რის განაღდება შეიძლება, მუშა კი მუდამ იმის ზრუნვაშია, სად ვიშოვო სამუშაო და



მეტი დღიური ქირა ავიღო. რადგანაც ბაზრის
 მდგომარეობა მჭიდროდ არის შეკავშირებული პოლი-
 ტიკურ მდგომარეობასთან, ცხადია, პოლიტიკაც ისე
 აინტერესებს მკითხველს, როგორც ეკონომია. კარ-
 ნოს მოკვლის მეორე დღესვე საფრანგეთის აქციე-
 ბი ჟენევის ბირჟაზე ასიდან ოთხმოცდაათზე ჩამო-
 ვარდა, კაზიმირ პერიეს პრეზიდენტათ არჩევის შემ-
 დგე აიწია და თავის კალაპოტში ჩადგა. აი, ამი-
 ტომ მიეგება ევროპის კონსერვატული მწერლობა დი-
 დი სიხარულით პერიეს არჩევას, ვაჭრობის ჩვეუ-
 ლებრივი მიმდინარეობა არ შეირყევია. მეორე მხრით,
 ერი დაყოფილია რამდენიმე დასად და თითოეული
 მათგანი ეტანება მართვა-გამგეობის ხელში ჩაგდებას
 და თავის სასარგებლოდ გამოყენებას. ამ შემთხვე-
 ვაშიაც პოლიტიკური ბოძოლა სრულიად დაფუძნე-
 ბულია ნივთიერ ინტერესებზე. ახლა შეძლებულნი
 დგანან ქვეყნის სათავეში, მაგრამ ღარიბი ხალხი
 ემუქრება, დაიცადეთ, მანდ ჩვენ გავჩდებით და თქვენს
 ბატონობასაც ბოლო მოედებაო. მართლაც ეს რომ
 ასე მოხდეს, მდიდრები თავიანთ ქონებას უნდა
 გამოემშვიდობონ. ამისთვის ამათი სარგებლობა
 მოითხოვს, თანახმად თავის მიმართულებისა, დაარ-
 სონ გაზეთები, გაავრცელონ წიგნები, იქადაგონ
 თავისი აზრები, ერთი სიტყვით იბრძოლონ მტერ-
 თა წინააღმდეგ. ასევე მოქმედებენ მოწინააღმდეგე-
 ნი. აქ ერთი აზრით და იდეალით გამსჭვალული
 ინტელიგენცია არ არსებობს, ყველა დასს თავისი
 „ინტელიგენცია“ (ეს სიტყვა ხმარებაში არ არის)
 ანუ მეთაურები ჰყავს. უბრალო დღიური მუშა

კრებების დროს აღის ტრიბუნაზე და ქექა-ქუხილი-
ვით მქერმეტყველობს მეტად რთულ პოლიტიკურ
გინდ სოციალურ კითხვების შესახებ. ერთი სიტ-
ყვით, რა მხრითაც უნდა გასინჯოთ, ერთ დასკვნას
მიაღებთ; მწერლობის განვითარების და გონებ-
რივი მოძრაობის მიზეზად ნივთიერი განვითარება
გამხდარა.

აი, მთებშიაც მუშა ისეთი გაგებულია, რო-
გორც ქალაქში. თავისუფალ დროს წიგნს და გა-
ზეთს ჩასცქერის. ის ქარხნიდან გამოდის შუადღე-
ზე, ერთი საათის განმავლობაში უნდა ისადილოს
და უკანვე დაბრუნდეს. შედის ყავახანაში, ცალი
ხელით საქმელს ჭამს, მეორე ხელში კი გაზეთი უჭი-
რავს, თითებს თეფშისაკენ აცოცებს, თვალები კი გა-
ზეთს მისჩერებია. ერთ და იმავე დროს სჭამს და კითხუ-
ლობს. მეტი დრო არა აქვს. ხშირად მუშათა შორის კაი
გვარიანი ჩხუბი მინახავს გაზეთის გამო, არა მეწავი-
კითხამ პირველად არა მეო. მუშის ბინის მორთულ-მო-
კაზმულობა ისეთია, როგორც გლეხის, მხოლოდ უფ-
რო მრავალაგვარ წიგნებს ნახავთ მის ოთახში, ვი-
ნემ გლეხისას, რაიცა გახსენებს იმ ქეშმარიტებას,
რომ მუშა-პროლეტარს უფრო პროგრესიული ელე-
მენტია, ვინემ გლეხი-მესაკუთრე. იმ მუშებს, რო-
მელნიც თავიდანვე ამავე სოფლის მცხოვრები ყო-
ფილა, ბინაც საკუთარი შერჩენია, დანარჩენი კი
ქირაობენ. ამ უკანასკნელთ არავითარი საკუთრება
არ მოეძევათ, პირველთ კი ხშირათ საბალჩე მიწა
აქვთ, ან მეწველი ძროხა ყავთ. ამ შემთხვევაში
ცოლი შინ რჩება და პირუტყვს უვლის, ქმარი კი

ქარხანაშია. არა იშვიათია ისიც, რომ მუშას სამუშაო არა აქვს. მაშინ ის იჯარით იღებს საბალახო მიწას და ბალახს ჰყიდის, ანდა ქალაქში მიდის ბედის საცდელად. დღის ქირა 2—3 ფრანკამდეა, წინათ კი მეტს ღებულობდნენ თურმე. ახლა მექარხნე მუდამ ჩივის, გავლარობდით, 'ვაჭრობა დაეცა, საათის კეთება ყველგან ისწავლეს და ჩვენგან აღარ მიაქვთო. ეს სანახევროდ მართალია. ამ უამად შვეიცარიაში დიდი კრიზისია, მრავალი ქარხნებია (საათის) გაჩერებული. სამუშაო არ აქვთ.*)

*) ჩვენ დაგვიგვიანდა პირველ წერილში მოგვეხსენებია შემდეგი: ყოველ კომუნას აქვს ერთი, ან ორი საჯარო წიგნთ-საცავი, აფთიაქი, და ჰყავს დაქირავებული ერთი ექიმი. აფთიაქი კერძო პირს ეკუთვნის, ხოლო აქაიქ კომუნის საკუთრებაა. ექიმს ეძლევა ჯამაგირი და სადგომი. ამასთანავე ის იღებს ავადმყოფებისაგან სასყიდელს. მაგრამ ეს განსაზღვრულია დადებული ნიხრით, რომლის ძალით ერთი ფრანკიდან ერთ ფრანკ ნვახევრამდე შეუძლია აიღოს. ეს მაშინ, როცა სახლში მიიწვევენ ავადმყოფის გასასინჯად. როცა ავადმყოფი ექიმთან მიდის მაშინ იხდის არა უმეტეს ერთი ფრანკისა. ექიმს საზოგადოროთ ცხენი, ან ეტლი თავისი ჰყავს. თუ კომუნის გარეშე გაიწვიეს (სხვა კომუნაში), გასინჯვისათვის იღებს რამდენიც სურს, აქ ნიხრს არა აქვს ძალა. ყოველ სოფელში არის საჯარო საათი.



პ ა რ ი უ ი

(წერილი საზღვარ-გარეთიდან)

(1895 წ. *)

I

პარიჟი! ვის არ გაუგონია ეს სახელი? ვინ არ იცის, რა არის ან სად არის პარიჟი? შეიძლება ვინმემ არ იცოდეს სამშობლოს რომელიმე ქალაქის არსებობა, მაგრამ პარიჟის სახელი კი უეჭველად გაუგონია, მისი სახელი შორს გავარდნილა ქვეყნის კუთხეებში და აშუქებენ იქაურობას. ამით ის ყველას თავისთავს ახსენებს და თავისკენ იტაცებს. მართლაც ვინ არ ნატრობს პარიჟის ნახვას, მისი არე-მარის დათვალიერებას, მის ცხოვრებაში შეცურვას. პარიჟი გაგონილი და პარიჟი ნახული! რა განსხვავებაა! ერთი სიზმარია, მეორე ცხადი, ერთი ფანტაზიაა, მეორე სინამდვილე. ძნელია, მკითხველო, პარიჟის შესახებ შორიდან დაახლოვებული წარმოდგენის შედგენა. ეს ქალაქი ჩვენთვის ერთიანად გამოცანაა, მაგრამ გამოცანაც არის და გამოცანაც. პარიჟს რამდენიც უნდა უტრიალოთ, თავს და ბოლოს ვერ გაუგებთ. იმასაც კი ვერ მიხვდებით, თუ რა არის

*) წერილი „პარიჟი“ დაბეჭდილი იყო პირველად — „კვალში“ 1895 წელს (№№ 2, 3, 7, 8, 9 და 15).

აქ გამოსაცნობი, ასე გგონია, ყოველივე დღესავეთ.
 ნათელია. ნამდვილად კი პარიჟის სიხარული და
 სიმწუხარე, მოძრაობა და შეჩერება, სულისთქმა და
 გულის ძგერა ჩვენთვის დაფარულია, გაუგებარია.
 იქ, სადაც ჩვენ ვიტყვით, პარიჟელი გაიცინებს,
 ხოლო სადაც პარიჟელი გოდებას მორთავს, ჩვენ
 გაკვირვებული კისკისს გავმართავთ. ასეთია ჩვენ
 შორის განსხვავება. ეს უნდა ნახოთ, იგრძნოთ,
 ცოტა გაპარიჟელდეთ, რომ ოდნავ მაინც შეიგნოთ.
 პარიჟი პირველ ერთ კვირას სწორეთ უდაბნოა,
 დიად, უდაბნო, არა იმიტომ რომ აქ უდაბური ერთ-
 გვარობა და მყუდროება სუფევს, არამედ იმიტომ
 რომ პარიჟი უდაბნოს მეორე უკიდურესობაა და
 რა გასაკვირველია ორმა უკიდურესობამ ხანდახან
 ერთნაირი შთაბეჭდილება მოახდინოს ადამიანზე.
 შეუჩერებელი მისვლა-მოსვლა, მოუსვენარი ფაცა-
 ფუცი, აბობოქრებული, აზღვავებული ცხოვრება,
 ყრიამული, ორონტრიალი, ერთი სიტყვით პარიჟის
 ქუჩაზე ყურთა-სმენა აღარ არის. რა ამბავია, რა
 გაკვირვებაა? სად მიეჩანება მთელი ქალაქი? გაოცე-
 ბული ეკითხვებით თავის თავს და ის კი აღარ იცით
 ამ საერთო საქმიანობაში თქვენ რის მაქნისი ხართ,
 რა უნდა გააკეთოთ, საითკენ წახვიდეთ, რა ნახოთ.
 გსურსთ ვისმე გამოესაუბროთ, გამოკითხოთ რამე
 ცნობები, მაგრამ ამაოდ, ვის სცალია თქვენთვის,
 ვინ მოგხედავს, დრო ფულია, თქვენთვის არავინ
 არ არსებობს, მარტო ხართ, მეორე პლანეტზე სცხოვ-
 რობთ; მარტოობა, 'სულით მარტოობა! რა მძიმე
 ტვირთია! რა არის, რომ აქ სამი მილიონი ხალხი

ტრიალებს, თუ კი თავის თავს განცალკევებულად
გრძნობთ. ამ შემთხვევაში თქვენთვის ეს სამი მილი-
ონი ერთსაც აღარ უდრის. ამას მიუმატეთ ისიც,
რომ თქვენს ერთფეროვან სადა ცხოვრებას მიჩვე-
ული ნერვები ამ აღიქმობას ასე ადვილად ვეღარ
უძლებს, იქანცებით და ეძებთ მოსასვენებელ ალაგს,
სადმე შორს, შორს, პარიჟს იქით. საბრალო უცხო-
ელი! პარიჟს გაურბის! რა იცის, თუ რა მიმზვი-
დველი ძალა აქვს პარიჟს? ჯერ მას არ უგრძნია
ეს. აი, გაიარა ერთმა კვირამ, მეორემაც და მერე
კი მშვიდობით, ტალღებ შეუმჩნევლად მოუტაცნი-
ხართ და ამ აქაფებულ შუაგულ მორევში გაუ-
ტყორცნიხართ; ახლა თუ გნებავთ, ძალიანაც მოინ-
დომოთ პარიჟიდან გაქცევა, ვეღარას გააწყობთ,
გვიანია. თქვენ უკვე პარიჟის ტყვე შეიქენით. ცხოვ-
რებამ უკვე შემოგჭიდა თავისი ბასრი კლანჭები და
თავისკენ მიგწიათ: მოდი, ჩემო ძვირფასო! რას მოი-
ნატრებ, რა არა მაქვს, მხოლოდ ნახე, იგემეო. ერ-
თხელ გემოს გაღება საკმარისია, მერე პარიჟს ადვი-
ლად თავს ვეღარ დააღწევთ; საკვირველი ის არის,
რომ არც კი გსურთ თავის დაღწევა, სიციცხლე
საშინლათ გატკბა, იქეიფეთ, იმხიარულეთ, იმეცა-
დინეთ. ყოველივე ხელმისაწდომი და ადვილია. პა-
რიჟი ყველას ერთნაირად ღებულობს, ყველას ერთ-
ნაირად ეპყრობა, მაგრამ ამას განა ყველა ერთნა-
ირად გებულობს? ამით განა ყველა ერთნაირად სარ-
გებლობს? პარიჟი ერთისათვის დიდი წიგნთ-საცავია,
გონების სალარო, მეორისთვის ყავა-ხანაა, სამე-
ჯლიშო ადგილია. ზოგი აქ ფულს იგებს, მდიდრ-

დება, ზოგიც ფლანგავს, ლარბდება; ერთი ჭკუას იძენს, იზრდება, მეორე ჰკარგავს, თახსირდება; ზოგს ხასიათი უმაგრდება, გმირდება, ზოგსაც უსუსტდება, ლაჩრდება. ერთი სიტყვით პარიჟი ერთისათვის საწამლაგია, მეორისთვის კი უკვდავების წყაროა. ეს ორი მხარე რანაირად არეულ ათქვეფილია ერთმანეთში! სად თავდება პირველი და სად იწყება მეორე — ძნელი გასაგებია. შეაზავეთ ეს ორი სხვა-და-სხვა ნაწილი და გამოვა პარიჟი, დაანაწილეთ, დააცილეთ ერთი მეორეს — რა გამოვა? ყველაფერი, რაც გინდათ, მხოლოდ პარიჟი კი არა...

II

რას წარმოადგენს პარიჟი.

ერთი მითხარით, რას არ წარმოადგენს? პარიჟი ყველაფერია. პირველად ხომ საფრანგეთის დედაქალაქია. მარტო ამ მხრით რომ გავშინჯოთ პარიჟი საკვირველ მოვლენას გვიჩვენებს. რა ვუყოთ, რომ დედა-ქალაქია? მაგრამ დედა-ქალაქი დედა-ქალაქისაგან განირჩევა. პარიჟი არის არა მარტო დედა-ქალაქი, ის ერის სულია, და, როგორც ამნაირი რასმე, მთელ ქვეყანაზე განცალკევებული ადგილი უჭირავს. აქ მოგროვილი და გამონასკულია ეროვნული ცხოვრების ყველა ძაფები. თუ რაიმე იძვრის საფრანგეთში, ეს უთუოდ პარიჟშია. ამითი პარიჟი საფრანგეთის ბარომეტრია. გაინძრევა პარიჟი, გაინძრევა მასთან მთელი ერი, სწუხს პარიჟი, სწუხს მასთან მთელი საფრანგეთი, და როცა კი მხიარულობს, ეს საფრანგეთის მხიარულობაა. არ იფიქროთ,

პარიჟს ვინმე წინამძღობდეს, ვისმე ბძანებით მო-
 ქმედობდეს. არა, პარიჟის ბატონი პარიჟივეა. ის
 არავის არ სცნობს არც წინამძღვრად, არც წინა-
 მორბედად, არც გამრჩეველად და ასე გასინჯეთ,
 სხვისი დახმარებაც კი არ უნდა მიიღოს. პარიჟი ვე-
 რავის ვერ ენდობა, სურს ყველაფერი თითონ იყოს
 და კიდევ არის. რით არის საფრანგეთი შესანიშნა-
 ვიო, რომ მკითხოთ, მოგიგებთ: იმით, რომ მან პა-
 რიჟი შექმნა. მაგრამ ეს ქმნილება ისეთი რამ გა-
 მოვიდა, რომ შემქმნელს აღარ შეუძლია უამისოდ
 ცხოვრება. მართლაც, წარმოიდგინეთ საფრანგეთი
 უპარიჟოთ, ე. ი. სხეული უსულოთ, ეს ორივე
 ერთია. ამ უკანასკნელი ერთი საუკუნის საფრან-
 გეთის ისტორია საშინელი ტრაგედიაა, რომლის
 სცენა პარიჟია და უმთავრესი მომქმედის პირის როლს
 პარიჟივე ასრულებს. აქ არ არის არც ერთი ქუჩა,
 რომელიც პარიჟელის სისხლით არ იყოს შეღებილი,
 არც ერთი კედელი, რომელიც თოფ-ზარბაზნით არ
 იყოს გახვრეტილ-განგრეული, არც ერთი სახლი,
 რომელიც ცრემლით არ იყოს მორწყული. აქ იყო
 დაუსრულებელი ბრძოლა, სადაც შვილი მამას სჭრი-
 და ყელს, ძმა ძმას, ცოლი ქმარს, მეზობელი
 მეზობელს, და მაშინ დანთხეული სისხლი
 ჯვრაც არ შეშრობია პარიჟს. ოჰ, წამებულო პა-
 რიჟო! ვისთვის ან რისთვის იტანჯე ამოდენა? ვის-
 თვის? განა მარტო ჩვენთვის, მთელი საფრანგეთის-
 თვის, არც მარტო საფრანგეთისათვის, არამედ მთე-
 ლი კაცობრიობისათვის—ამბობს პარიჟი. რისთვის?
 თავისუფლების, ძმობის, თანასწორობისათვის. აი,

ეს სამი სიტყვა აქ თითქმის ყველა შენობაზე არის გამოკვეთილი, ამით თითქო პარიჟი გეუბნება: შე-
 მოძხედეთ, ერთი საუკუნის ბრძოლით, აი, რა შე-
 ვიძინეთო. დიად, პარიჟს ამოძრავებს ყოველთვის
 კაცთ მოყვარეობა, სამართლიანობა, ქეშმარიტება,
 მაგრამ დახე ბედის თამაშს, ამაების შესაძენად სა-
 ქირო ყოფილა იარაღის ხელში აღება, კაცის სის-
 ხლის დაღვრა. პარიჟის კვნესა, ეს დავრდომილთა
 და დაჩაგრულთა კვნესაა, ამათთვის ოხრავს, სწუხს
 პარიჟი. რა ქნას? რა მისი ბრალია, რომ ყველაზე
 უმაღლეს იგრძნობს სხვის ქირსა და ვარამს. მისი
 აგებულობა ნაზია და ამასთანავე გულ-ჩხვილი. უბ-
 რალო ფოთლის შრიალიც კი ზეზე წამოაგდებს,
 თორემ ადამიანის ხმაურობა, რასაკვირველია. ის
 ერთ ხელს აწოდებს თავის თანამემამულეთ, მეორეს
 დანარჩენ კაცობრიობას, მოდით, შევერთდეთ, ძმუ-
 რათ ვიცხოვროთო. ის იმ ნაირი არ არის, ჯერ
 შენ მოგცეს დარიგება და მერე თავის თავს, არა,
 პარიჟი პირველად საქმეს გააკეთებს და მერე დაი-
 ძახებს, საქმე გავაკეთეო. ჯერ თავის ქვეყანაში მო-
 სპობს ბატონობას, უსამართლობას, ძალმომრეობას
 და მერე თქვენ შემოგძახებს: აბა, გამომყევით, სირ-
 ცხვილი არ ჭამოთო. ასე გახლავს. პარიჟი ბაქია,
 მალლა მყვირალა როდია, მაშ გაუმარჯოს პარიჟს!
 —რაიც ნიშნავს ძმობას, ერთობას, თანასწორობას,
 და ამ გზაზე გაგვიმარჯოს ჩვენც!..

III

შეიძლება, მკითხველი თომა უჩუმუნო იყოს.
 რაც მეორე წერილში ვთქვით პარიჟის რესახებ, მა-

გალითებათ არ მიიღოს და საბუთი მომთხოვოს.
 მაშ ცოტა გავისეირნოთ ისტორიის არქივისკენ.

რა არის პარიჟი? და რა იყო საფრანგეთი ამ
 ასი წლის წინად? არათფერი. დიდი-დიდი—ერთი კაცი;
 არც მეტი, არც ნაკლები. ლიუდოვიკოს მეთოთხმე-
 ტემ დაიძახა: საფრანგეთი მე ვარო. მოდით და ნუ
 გაშტერდებით! ერთი პირი ამბობს რამოდენიმე მი-
 ლიონი ვარო? ვაი, ჩემო პარიჟო! შენ მაშინ რაღა
 იყავი? სრულიად აღარათფერი? არა, პარიჟი არ იყო
 არათფერი, თვარა არათრისაგან არათფერი გამოვიდო-
 და. იმ დროს, როცა საფრანგეთის სახელს ერთი
 კაცი ატარებდა, პარიჟი ღრმა, გმირულ ძილს მის-
 ცემოდა. აბა, ვინ მოიფიქრებდა. ეს ჯაჭვით შე-
 კრული გმირი ერთ დღეს გაიღვიძებდა, ბორკილს
 დაღეწდა და ღონივრათ გაექან-გამოექანებოდა.
 ამ გვარ ქილს მისცემოდა არა მარტო პარიჟი,
 არამედ მთელი ევროპა. ყველგან თითო პირის ხმა
 გაისმოდა: ხალხი მე ვარო, და მართალსაც ამბო-
 ბდენ. როცა ბავშვს ენა არა აქვს ამოდგმული,
 მის მაგიერ სხვა ვინმე ლაპარაკობს. მაგრამ რო-
 გორც კი წამოიზრდება, სხვას კი აღარ აცლის ლა-
 პარაკს, სულ ის იძახის: მე, მეო. ასეთია ხალხიც.
 სანამ ის გაიზრდებოდეს, მანამ ვილაც უჩნდება
 ადვოკატივით და მის მაგიერობას ჩემობს. ხოლო ყო-
 ველივე ნაბიჯი ხალხის მიერ წინ გადადგმული მო-
 ასწავებს ნაბიჯს მისი არა მკითხე მოამბის მიერ უკან
 გადადგმულს. ამ ნაირი სიარულის ბოლოს გამო-
 ჩნდება, რომ მოგზაურთ ერთმანეთ შორის ადგილი გა-
 უცვლიათ და გუშინდელი უენო ბავშვი დღეს სა-



შინელი ხმაურობით ქვეყანას გადაძახის: მე, მეო!
 ასეთია გზანი ისტორიისანი. ვინ აღმოაჩინა ეს ქეშ-
 მარიტება? ვინ იქნება პარიჟს გარდა. იმან უცებ
 ქვეყნის ძილში, 4 აგვისტოს (1789 წ.) ღამით და-
 იძახა: მე, მეო, და ძველი ქვეყანა ერთიანად შეინ-
 ძრა. ამ დროს გერმანიის ერთმა გამოჩენილმა პო-
 ეტმა იწინასწარმეტყველა; აი, ახლა დაიწყო დი-
 დებული ხანა ისტორიაშიო. რა ამბავია? რა მოხდა?
 რა და ხალხმა თქვა, საფრანგეთი მე ვარო. მერე? მერე
 და ეს არ ესია მოვნა იმათ, ვინც „ხალხობას“ ჩე-
 მობდა. ვინ ჩემო ბდა? ბატონები ძველი ქვეყნისა,
 რომლის თავს და ბოლოს თავად-აზნაურობა წარ-
 მოადგენდა. თავხედი პარიჟი! ვითომ როგორ გა-
 ბედა მთელი ქვეყნის წინააღმდეგობა. დავსაჯოთ
 პარიჟი ჩვენი შეურაცყოფისთვის, გავაქარწყლოთო,
 და გამოემართენ საომრათ. საფრანგეთის საზღვრებს
 შემოადგა მთელი ევროპა. ახლა შიგნითაც აუხირ-
 დენ პარიჟს, არ გვინდა ახალი წყობილებაო. რა
 ქნას პარიჟმა? შინ მტერი, გარეთ მტერი. ქედი მო-
 იხაროს? სრულიადაც არა. მან განაცხადა დანტო-
 ნის პირით: რომ ვძლიოთ სამშობლოს მტერთ, უნდა
 გვქონდეს გაბედულება, კიდევ გაბედულება, ყოველ-
 თვის გაბედულება“, — და შეეჯახა მტერს. რისთვის
 იბრძოდა ან ერთი, ან მეორე? ევროპა იბრძოდა
 აზნაურობისთვის, პარიჟი ხალხისთვის. შემდეგი ხომ
 ვიცით. დამარცხდა ევროპა და პარიჟმა ამართა დრო-
 შა, რომლის ერთ გვერდზე დააწერა რესპუბლიკა,
 მეორეზე თავისუფლება, თანასწორობა, ძმობა, ეს
 ახალი აზრი ისეთი დიადი შეიქმნა, რომ საფრან-

გეთში ველარ დაეტია. მოდი ევროპაც გავანათლოთო
 და ნაპოლეონის წინამძღვრობით გადმოსქდა ევრო-
 პაში. მაგრამ ძალად განათლება აღარ ყოფილა შე-
 საძლებელი. დიდი ნაპოლეონი პატარა ნაპოლეო-
 ნათ გადიქცა. დასაჯეს პარიჟი. იღლესასწაულა ძველ-
 მა ქვეყანამ. პარიჟს ძველი ბატონის მემკვიდრე მო-
 უყვანეს, დაუსვეს სამეფო ტახტზე და უბძანეს: შენ
 ხმა გაიკმინდე, აი, ეს კაცი გასწევს შენ მაგიერო-
 ბასო. „მე,—მეო“, ჩუმათ მაინც იძახოდა დიდებული
 ქალაქი. ეს ხმა ისე გაძლიერდა, რომ 1848 წელს
 მეხივით გავარდა. წარმოიდგინეთ პარიჟის გაოცება,
 როცა მას ბანი მოსცა ბერლინმა, ჟენევამ, ვენამ,
 ბუდაპეშტმა, პრაგამ და სხვ. ხმა პარიჟისა შეიქმნა
 ხმად ევროპისა და თვითონ პარიჟი კაცობრიო-
 ბის წინამორბედად. პარიჟმა ხელ-მეორეთ აღმართა
 თავისუფლების დროშა, აი, რა ყოფილა პარიჟი!..

IV

რა არის პარიჟი?

პარიჟი არის ფხიზელი დარაჯი საფრანგეთის
 სახელის, ეროვნობის, თავისუფლების, და ამ მო-
 ვალეობას სამაგალითოდ ასრულებს. პარიჟი ღალა-
 დებს ხალხის უფლებისათვის და როცა ხედავს, რომ
 სიტყვა აღარ სჭრის, ხმალს იშველიებს. მისთვის ხა-
 ლხი, საფრანგეთი, წმინდათა-წმინდაა, რის გაქელ-
 ვას არ დაუთმობს არც შინაურით და არც გარეშეთ.
 უკანასკნელ ომის დროს პრუსიელებმა საშინლად
 დაამარცხეს ფრანგები. მტერი პარიჟს შემოადგა.
 ბისმარკმა აღამალლა თავისი ხმა: ეს ქალაქია ბუდე
 ხალხთა არეულობისა, მაშ დავესცეთ, აღვგაოთ იგი



დედა-მიწიდანო. სირცხვილი პარიჟისთვის. რა იღონოს? რა წყალში ჩავარდეს. საფრანგეთის ერთი ნახევარი პრუსიელებს უჭირავთ, მეორე ნახევარი შიშით ხმა გაკმედილია, ნუ თუ პარიჟმა აიტანოს ასეთი დამცირება? მთავრობა? სადღაა შენი მთავრობა? ის ვერსალში გაქცეული და ბისმარკს შერიგებას სთხოვს. შერიგება? არას დროს, დაიძახა პარიჟმა და 4 სექტემბერს შექმნა ახალი მთავრობა, აღმართა ახალი დროშა და საფრანგეთს შეჰყვირა *pro patria, vive la République!* აი, გაბედულება! პარიჟი მოკლებული გაწვრთნილ ჯარს, საკმაო იარაღს, სურსათს, ერთი სიტყვით ყველაფერს, ომის გაგრძელებას კი თხოულობს; სამაგიეროდ მას ახლავს ერთი რამე: მხნეობა, სულის ძლიერება: „სჯობს სიციცხლესა ნაძრახსა სიკვდილი სახელოვანიო“. მაგრამ ვინ აცალა. ვერსალში გაქცეულ მთავრობას უკვე ზავი შეუკრავს. ორთ დიდი პროვინცია და ხუთი მილიარდი ფული ბისმარკისთვის მიურთმევია და გახარებული ტიერი ჯარით პარიჟში შემოვიდა პარიჟელთა დასასჯელად. 35 ათასი მოქალაქე მტერთან საბრძოლველად გამზადებული, დახვრეტილ იქმნა თანამემამულეების მიერ. ამას პარიჟი ვერასოდეს ვერ დაივიწყებს. ტიერის სახელი პარიჟელისათვის წყევლაა.

პარიჟი განა მარტო საფრანგეთს იცავს? ის ასეთი ვიწრო გრძნობით არ არის გამსჭვალული. პარიჟი დამცველია ყველა დაჩაგრულის, ვინც უნდა იყვეს, სადაც უნდა იყვეს ეს. ატყდა ომი ამერიკის შეერთებულ შტატებში ინგლისის ბატონობის წინა-

აღმდეგ. საბრალო ამერიკელები! ებრძვიან უზარ-
მაზარ ინგლისს თავისუფლებისათვის. ვინ არის მშვე-
ლელი! ვინ იქნება გარდა პარიჟისა. პარიჟელი თავი-
სუფალი რაზმი საჩქაროდ აპობს ოკიანეს და მიდის
მეორე ქვეყანაში. რისთვის? იმისთვის, რომ ამე-
რიკელი დაჩაგრულია. მიხმარება უნდა, თავისუფლე-
ბას მოკლებულია, თავისუფლება უნდა. აეშალონ
იტალიელნი თავის ბატონს, ავსტრიის წინააღმდეგ
იბრძვიან, და კიდევ პარიჟელნი მიობიან, არიქა
ვუშველოთ ტანჯულ იტალიასო. აი, პარიჟის დიდ-
სულოვნება! იტალია იგებს ომს და პარიჟში იმარ-
თება სამაგალითო დღესასწაული, რომლის მსგავსი
ამ საუკუნეში არა ყოფილარა. რატომ? პარიჟს ახა-
რებს ის, რომ შეწუხებულთ შვება მიეცა, ხელ-ფეხი
გაეხსნა. აი, რა ამოძრავებს პარიჟს. მას სურს სუ-
ფევდეს, როგორც შინ, ისე გარეთ, თავისუფლება.
სამართლიანობა. ის არ ცდილობს რომელიმე ერი
დაიმონავოს, მაგრამ არც ის უნდა თვითონ დაემონოს
სხვას. მისი დევიზია: ადამიანთა თავისუფლება. პარი-
ჟელი ამით ამაყოფს. არ მართებს თუ? როცა პარიჟელი
ორატორი დაიძახებს ტრიბუნიდან გაუმარჯოს პა-
რიჟსო, გული სიხარულით მეფსება, მისი სიტყვა ელე-
ქტრონის ნაკადულივით დაიარს ტანში, და ეს იმი-
ტომ რომ პარიჟის დღეგრძელობა, ჩვენ დაჩაგრულთა
დღეგრძელობაა, პარიჟის სიცოცხლე ჩვენი სიცო-
ცხლისათვის მოწოდებაა.

მაშ შეიყვარე, მკითხველო, პარიჟი! თაყვანი-
ეცი ამ დიდებულ ქალაქს!

V

რამდენია პარიჟი?

ახირებული კითხვაა! მაგრამ პარიჟი რომ ერთი
არ არის, ეს კი ცხადია. მაშ ვისლა ებრძოდა პა-



რიეი? ვის უწევდა მეტოქეობას? ნუ თუ თავის-თავს? აშკარაა პარიეი ერთობას არ წარმოადგენს. ის და-
 ყოფილია, დანაწილებულია, აი, ამ დანაწილებაშია
 მისი სიძლიერე, მისი საარაკო ბუმბერაზობა. პა-
 რიეი ყოველ კრიტიკულ დროს გაორებულია. ერთი
 პარიეი მეორის სისხლის მსმელია, მისთვის არ ზო-
 გავს არც თოფს, არც წამალს, ერთი სიტყვით არა-
 ფერს, ოღონდ კი დაამარცხოს, ქვეყნიდან აღგა-
 ვოს. უკანასკნელი ერთი საუკუნის ისტორია წარ-
 მოადგენს ბრძოლას ამ ორ ნაწილთა შორის და მეტს
 არაფერს. რატომ იბრძვის ერთი, რისთვის ღვრის
 სისხლს მეორე? ერთი იმიტომ, რომ უკვე შეძენილი
 ბატონობა შეირჩინოს, მეორე კი — მოჩივლებისაგან
 გამოვიდეს, დაჩაგრული თავისუფალ მოქალაქედ გა-
 დაიქცეს. პირველად პარიემა გაილაშქრა თავად-
 აზნაურობის წინააღმდეგ (1789 წ.), მას ჩამოართვა
 უფლება-უპირატესობა და მოქალაქობრივი თანა-
 სწორობა დაამყარა. აქ ვითომ გაერთდა პარიეი, ერთ
 წუთს თავისუფლად ამოისუნთქა, მაგრამ ეს გაერ-
 თიანებული ხელახლავე გაიყო, ორად გახდა. შთა-
 მომავლობით არისტოკრატის ადგილი ფულის არი-
 სტოკრატიაში დაიჭირა. აქ აღარ კითხულობენ: რა
 გვარის ხარ? არამედ: რამდენი ფული გაქვს? პარიეი
 ფულიანი, პარიეი უფულო, მდიდარი და ღარიბი,
 ასე გაიყო დიდებული ქალაქი. ამ ნაწილთა შორის
 არა ერთხელ ამტყდარა ომი. აქამდის ყოველთვის
 პირველს რჩებოდა გამარჯვება. ახლა დიდი მოფი-
 ქრებით და წინდახედულობით ემზადება დამარცხე-
 ბული და დღევანდელი პარიეის ცხოვრება ამ სამზა-

დისს წარმოადგენს. აი, აქ მარხია თანამედროვე პარტიის დედა-ძარღვი. თუ გსურთ საფრანგეთის ლიტერატურულ-გონებრივი მოძრაობა, საშინაო და საგარეო პოლიტიკა გაიცნოთ, აი, ეს მზადება უნდა გაიცნოთ, ამ ცხოვრების გულში უნდა ჩაძვრეთ. ორივე პარტია მომხრეებს ეძებს როგორც შინ, ისე გარეთ. პარტიის ბატონს შინაურ და უცხოეთის ბატონებთან აქვს საქმე. პარტია-ყმა შინაურ და უცხოეთის ჩაგრულთ უწევდის ხელს: მოდით, ცხოვრება ჩვენ გემოვნებაზე მოვაწყობთ. პირველს ჰსურს დაიცვას ის, რაც აქვს და რაც ექნება—ეს კონსერვატორია; მეორეს—შეიძინოს ის, რაც დაეკარგა და რაც ყოველ დღე ეკარგვის,—ეს რევოლუციონერია. ამ ასი წლის წინად პირველმა მოახთინა რევოლუცია მეორის შემწეობით. ის დღეს კმაყოფილია, ის ამბობს: ჩვენ უკვე შევასრულეთ ჩვენი მოვალეობა, ხალხი დავიხსენით აზნაურთა და სამღვდელოების უღლისაგან, ახლა აღარაფერი საქმე გვაქვს, ყველაფერი ჩინებულათ მიდისო. მეორე უპასუხებს: ეგ მართალია, მხოლოდ ეს ცვლილება უფრო თქვენი, მდიდრების, სასარგებლო დარჩა, ვინემ ჩვენი ღარიბებისთვის. ახლა ჩვენ უნდა მოვახდინოთ რევოლუცია ჩვენდა სასარგებლოთო. როგორც ხედავთ, პარტია ერთ და იმავე დროს ერთიკ არის და ორიც. ერთია—მოქალაქობრივი თანასწორობის და პოლიტიკური თავისუფლების დასაცაველად; ორია—ეკონომიური სამართლიანობის დასამყარებლად; პარტიის ყოველ დღიური ცხოვრება ამ ორ დედააზრს გარეშე ტრიალებს. პარტიელი ვინც უნდა იყოს,



რა ხელობასაც მისდევდეს, მწერალი, ვაჭარი, მუსიკოსი, არტისტი, მზარეული, მეცნიერი, მეეტლე და სხ., უთუოდ ერთს, ან მეორე დედა-აზრს ემხრობა. პოლიტიკური რწმენა—მისი ცხოვრების საფუძველია, ამაზე შენდება ნაცნობ-მეგობრობა, მოყვრობა-ნათესაობა. პარიჟელებს აერთებს არა გვარი, სახლი-კაცობა, ჩამომავლობა, მეზობელ-ნათესაობა, არამედ საერთო აზროვნება. ძმა ძმის მოპირდაპირეა, მამა შვილის, მეზობელი მეზობლის, თუ კი ესენი სხვადა-სხვა პოლიტიკური რწმენის არიან. ამ სახით, პარიჟი ორად არის გაყოფილი, რომელთა შორის ყოველ დღე, ყოველ საათში ბრძოლაა. ამ ჟამად ბრძოლის იარაღია მწერლობა, საზოგადო ყრილობა, საერო ტრიბუნა, არჩევნები, საბჭო, პარლამენტი და სხვ. მაგრამ ყველა ეს იარაღია, გზაა, მეტი არაფერი. აქ მოპირდაპირეთ ჯარი იწვრთნება, ხალისდება, მზადდება, რომ ერთ მოულოდნელ დღეს ერთმანეთს დაეჯახონ და ერთმანეთი გაანადგურონ. საკვირველი ის არის, რომ ამდენი დავიდარაბა პირველს არ მოსწყენია, უკან არ დგება. ის მუდამ გაბედულია, თავი მაღლა მოაქვს, აღფრთოვანებულია.

კიდევ ვიკითხოთ: რამდენია პარიჟი? ერთი? არასოდეს. პარიჟი ორად არის დანაწილებული, მაგრამ არ იფიქროთ პარიჟის დანაწილება მის დაწვრილმანებას, დახურდავებას ნიშნავდეს. პარიჟის ცხოველ-მყოფელობა, მისი სიდიადე, ამ დანიშნულებაშია. ერი მოწიფულობაში შესული ერთდება.

იმავე დროს ორდება, ხელახლა ერთდება, ორდება
და ასე ბოლომდის. ეს მისი სიციცხლის ნიშანია,
ეს მისი მოძრაობის ჩარხია...

VI

რა არის პარტიში შესანიშნავი?

საუცხოვო კითხვაა! რა არის შესანიშნავი მაგალითად თბილისში, ქუთაისში? ეს კიდევ მესმის, მაგრამ იგივე კითხვა პარტიის შესახებ—გაგონილა, აქ უნდა იკითხოთ: რა არ არის შესანიშნავი? ესეც მოუხერხებელია, ამ კითხვის გადაჭრაც ისეთი საძნელოა, როგორც პირველის. როცა პარტიში ჩამოდიხართ, მაშინვე შესანიშნავი რამე გსურთ ნახოთ, დადიხართ, ეძებთ, ამაოდ. ნუ თუ შესანიშნავი არ არის რა? საბრალო! შესანიშნავი არა არის რა იმიტომ, რომ ყველაფერი შესანიშნავია. მაშ არაფერია იმისთანა, რაც შესანიშნავი არ იყოს! რა არა არის შესანიშნავი? დადიხართ, ეძებთ, გინდათ ნახოთ ის, რაც არ არის შესანიშნავი, რომ მით შემდეგ შესანიშნავი მონახოთ. მაგრამ ამაოდ. თქვენ მეორე პლანეტიდან ხართ მოსული და რა ნაირათ უნდა გაარჩიოთ აქ არა შესანიშნავი შესანიშნავისაგან. თქვენ მხოლოდ ყველაფერს ერთნაირი ცნობის მოყვარეობით ათვალთვრებთ და ბოლოს ამ დასკვნამდი მიდიხართ: პარტი ერთიანად შესანიშნავია. ამის შესახებ ჩვენ ზევით მოვილაპარაკეთ, მოკლეთ ვთქვით, თუ რას წარმოადგენს პარტი საერთოდ. ახლა კი ვიკითხავ: რა აინტერესებს ქართველ მკითხველს პარტიში კერძოდ? ამაზე უეჭველია სხვა

და-სხვა პასუხს მივიღებ: ქართველი პოლიტიკოსი მეტყვის—დეპუტატთა საკრებულო, პარლამენტიო; ქართველი ახალგაზდობა—პარტიის ახალგაზდობაო, ქართველი მწერალი—პარტიის მწერლობაო და სხვ. დავიწყოთ პირველით.

ერთმა პარტიელმა მითხრა: ფრანგთა ხასიათი და ისტორიული განვითარება თუ გსურთ გაიცნოთ დეპუტატთა საკრებულოში უნდა წახვიდეთო. ეს რჩევა მაშინ ჩემთვის ცოტა გაუგებარი დარჩა, მაგრამ ახლა კი ამასვე ვურჩევ ყველა უცხოელს. მართლაც, წარმოდგინეთ ერთი დიდი დარბაზი, სადაც თავმოყრილია მთელი ერის წარმომადგენელი. არ არის დარჩენილი საფრანგეთის არც ერთი კუთხე, რომელიც აქ წარმოდგენილი არ იყოს? აქ შეხვდებით: პარტიელს, ბრეტონელს, პროვანსალს, ნიციელს, პადეკალელს, კორსიკელს და სხვ. საშუალო საუკუნოებში ყველა ეს კუთხე ცალ-ცალკე სამთავროს წარმომადგენდა, თითოეული თავისთვის სცხოვრობდა, დღეს კი ერთმანეთს გადაჯაჭვია, ერთად მოკრებილა და ამ კავშირისაგან წარმოშობილა ის, რასაც საფრანგეთს, საფრანგეთის ერს ვეძახით. არ იფიქროთ, ვითომ ამ ერთობაში გამჭრალიყოს პირადობა, საფრანგეთს ჩაეყლაპოს თავისი ნაწილნი, აბა დააკვირდით სამხრეთელს—ქცევაში, ლაპარაკში, მოქმედებაში. მას თავის კუთხის ბეჭედი აზის. ის განირჩევა ჩრდილოელისაგან. როცა მარსელელი ლაპარაკობს, პარტიელი გაიცინებს! როცა პარტიელი ლაპარაკობს მარსელელი გულმოდგინედ ყურს უგდებს, ეგების გავპარტიელ-

დგო. მისთვის გაპარიყელება ნიშნავს არა თავისთვის
 უარყოფას, არამედ გაშალაშინებას, გაფრანგებას.
 მაშ შევიდეთ იმ დარბაზში, სადაც ხალხის სახე-
 ლით საფრანგეთს განაგებენ. შიგნითა მოწყობი-
 ლობა ამფიტეატრულია, პირდაპირ, კედელზე, გა-
 მოსახულია შვენიერი ქალი, რესპუბლიკის სიმბო-
 ლო, რომლის ზევით ოქროს ასოებით ამოჭრილია
 რესპუბლიკა, თანასწორობა, ძმობა, თავისუფლება.
 დარბაზი, როგორც ხედავთ, სადაა. კარებიდან რა-
 დაც თოფების ჩხარა-ჩხური მოისმის, ჯარის კაცნი
 დამწკრივდენ და მეკარემ დაიძახა: ბატონი თავმ-
 ჯდომარეო! შემოვიდა უბრალო სერთუკში გახვეული
 კაცი და მალლა ტრიბუნაზე დადგმულ სავარძელში
 ჩაჯდა. აი, ეს არის სხდომის მიუდგომელი წინამ-
 ძღვარი, ორატორთა თავისუფლების დამცველი,
 ბრძოლის მოწეს-რიგე, არჩეულთა-არჩეული, ეს
 დეპუტატთა თავმჯდომარეა. მის წინ დაბლა მეო-
 რე ტრიბუნაა. აი, ეს არის ორატორთა სარბიელი.
 აქედან იბრძვიან დასები, აქედან გაისმის დეპუტატთა
 სიტყვა პარლამენტში, გადადის გარეთ და ეფი-
 ნება მთელ საფრანგეთს, მთელ ქვეყანას. აქ იბრ-
 ძვიან არა შენჩემობისათვის, არამედ დედა-აზრის
 პრინციპისთვის. მართალია, ეს ბრძოლა მშვიდო-
 ბიანია, მაგრამ ხშირათ აქ ატეხილი ბრძოლა ქუჩა-
 ში გაგრძელებულა და პარიყელთ ერთმანეთის სის-
 ხლი დაუღვრიათ. ტრიბუნაზე ბრძოლა მხოლოთ
 დასაწყისია ქუჩის, სახალხო ბრძოლის, რაც იმას
 ამტკიცებს, რომ პარლამენტი ზეციდან ჩამოვარდ-
 ნილი არ არის. ის ხალხის ტკივილების ნაშობია,



მისი სისხლი და ხორცია. მივუბრუნდეთ დარბაზს.
 დეპუტატები დიდი გრილით შემოდინან, ზოგი-
 რალაცაზე ხმაურობს, ზოგი ერთმანეთს ედავება,
 ზოგი ხუმრობს და იცინის, ყურთა სმენა აღარ
 არის, ზოგი ჯდება, ზოგი ფეხზეა; ამ კუთხეში ერ-
 თი ჯგუფია, იმ კუთხეში მეორე, საერთო არეუ-
 ლობაა. აქა-იქ ხედავთ თეთრი თმით შემოსილ თა-
 ვებს, უფრო ხშირად ქალაქებს და კიდევ უფრო
 ხშირათ შავთმიანთ, ახალგაზდური გამოხედულებით.
 ეს უმრავლესობაა. გაგებით არაფერი არ გესმის,
 ყველა ლაპარაკობს. მოიხედავთ ტრიბუნისკენ და
 თურმე რამდენი ხანია ერთ ორატორს ლაპარაკი
 დაუწყია; მხოლოდ ორი სტენოგრაფი შეჩერებია.
 პირში, არიქა, მისი სიტყვა ისტორიას არ დაეკარ-
 გოსო. ტყუილად რეკს თავმჯდომარე, ჩუმათ, ჩუ-
 მათო. ფრანგები ფრანგობენ, კიდევ უფრო ხმაუ-
 რობენ; ორატორი კი, ვითომ ყველა სმენათ იყოს
 გადაქცეული, თავისებურათ მკერმეტყველობს. უცებ
 ერთმა ნაწილმა ზრიალი ატეხა, მეორე ვაშა, ვაშას
 იძახის. რა მოხდა? ორატორმა თქვა რალაცა, რაც
 პირველს არ მოეწონა, მეორე კი თანაუგრძნობს.
 საცოდავი ორატორი! რანაირათ დააკმაყოფილოს
 ყველა! აქ მოლაპარაკეს დიდი გულ-გრილობა უნ-
 და, ან არ გისმენენ, ან და თუ მოგისმინეს, ერთი
 ნაწილი ყოველ წუთში სიტყვას გაწყვეტინებს, არ
 მოსწონს. მეორე—ყოველთვის ტაშს გიკრავს, კმა-
 ყოფილია. როცა მინისტრი ლაპარაკობს, პირი უკი-
 დურესი მემარცხენეებისაკენ აქვს მიქცეული, ვითომ
 სურს ესენი დაარწმუნოს სიმდიდრე-სიღარიბე ბუ-

ნების კანონიაო, სწორეთ ისე, როგორც ნაპოლეონი მესამის მინისტრი რესპუბლიკანელებს არწმუნებდა ბუნების კანონი მონარქიაა და არა რესპუბლიკაო. დასთა ბრძოლა თანდათან მწვავედება და ხშირათ სხდომა საშანელი აურ-ზაურით თავდება. მოწინააღმდეგენი ერთმანეთში კი არ არიან არეულნი, რაზმა-რაზმათ სხედან თავიანთ მეთაურებით. შემოვავლოთ თვალი ამ წყებებს, ეს დიდად საგულისხმოა. სულ მარჯვნით, უკანასკნელ სკამზე დაინახავთ ერთ ღვდელს. საერო ყრილობაში მხოლოდ ერთი მღვდელი უნდა იყოს? საშუალო საუკუნოებში ქვეყნის საქმეებს სამღვდლოება განაგებდა, დღეს კი ისე დაქვეითებულა, რომ არავითარი უფლება აღარ შერჩენია და კანონ-მდებლობის ასპარეზიდანაც გაურეკიათ. როცა ერთ-მეფობა გაძლიერდა სამღვდლოებას ჩამოერთვა სამოქალაქო უფლებები და თავის მორჩილათ გაიხადა. ამ გვართ მონარქიამ უარჰყო სამღვდლოების ბატონობა, მისი ადგილი თვითონ დაიჭირა. აი, ამის ნაშთსაც ვხედავთ პარლამენტში. იმ მღვდლის გვერდით ზის მონარქიელთა პატარა ჯგუფი. ერთ დროს ეს დასი იყო ქვეყნის ბატონი, ახლა კი ისე დახურდავებულა, რომ რამოდენიმე დარჩენილა. რა მოუვიდათ? რესპუბლიკამ უარჰყო მეფე და სამეფო წყობილება, შედგა რესპუბლიკელთა დიდი უმრავლესობა, რომელიც იწყება მონარქიელების გვერდით და მოდის მარცხნით. ამათ ხელშია დღეს მთავრობა. ამ გვართ, მონარქიამ უარჰყო სამღვდლოება, რესპუბლიკამ მონარქია. პირველი ორი შეერთდა მესა-



მის წინააღმდეგ. მაგრამ არც აქ გაჩერდა ცხოვრება. რესპუბლიკელების იქით ჩვენ ვხედავთ ახალ დასს, რომელსაც უკიდურეს მემარცხენეებს უწოდებენ. ამათ სურთ სოციალური რესპუბლიკის, ანუ საზოგადო საკუთრების დამყარება. ესენი ეკუთნიან უმრავლესობას. ხომ ხედავთ, როგორი უკიდურესობით მიდის ისტორია. თქვენ უარყავით მეფობა, ჩვენ თქვენი, ბურჟუების უარყოფელი ვართ, მერმისი ჩვენიაო. ახლა ამათ წინააღმდეგ შეერთდენ ყველა ზევით მოხსენებული დასები: კლერიკალური, მონარქიული, რესპუბლიკანური. აი, ისტორიის ფილოსოფია. წინ-გადადგმული მეორე ნაბიჯი პირველი ნაბიჯის უარყოფაა, მესამე—მეორის და ასე ბოლომდი. ეს ჰეგელის ტეზისის და ანტიტეზისის განხორციელებაა... კმარა, ბატონო პოლიტიკოსებო, ამაზე ლაპარაკი, ნულარ დაიჩემებთ, ცხოვრება ჩემი თავდება, მე ვთქვი მისი უკანასკნელი სიტყვაო...

VII

ახალგაზდობა.

პარიჟში ახალგაზდობას უწოდებენ სტუდენტობას. ჩვიდმეტ-თვრამეტის წლის ყმაწვილი უკვე უნივერსიტეტის სკამზეა. მანამდი ის ბავშია, მოვლავატრონობა ესაჭიროება, ამისათვის არავითარ როლს არ თამაშობს საზოგადოებაში, ვითომც არც კი არსებობდეს. მაგრამ რაკი თავი დააღწია საშუალო სასწავლებელს, ის უკვე ახალგაზდაა, თავისუფალი ქცევაში, მოქმედებაში, ერთი სიტყვით ყველაფერში.

ის სტუდენტია. რა არის აქ სტუდენტი? ეს არის
 ახალგაზდა მოქეიფე, მოთამაშე, ხუმარა, ლაზღანდა-
 რა, სუბუქი ყოფა-ქცევაში და აზროვნებაში. მას
 ყველაფერი ფეხებზე ჰკიდია. არაფერი არ აწუხებს
 ერთ საქმეს გარდა: რანაირათ გაერთოს, დრო გა-
 ატაროს, იმხიარულოს. სტუდენტი ნიშნავს თავ-
 აშვებულ კაცს, რომლისთვის არავითარი წეს-რიგი
 არ დაწერილა. ძლიერ იშვიათად ნახავთ სტუდენ-
 ტებს, რომელნიც რიგიან პირის ოჯახს იცნობდეს,
 სამაგიეროდ მის მიერ უმოწყალოდ ითელება ქუ-
 ჩები, ის შინა-კაცია ყავა-ხანებისა და სხვა გასარ-
 თობი ადგილებისა. მას აქ უთენდება და აქ უღამ-
 დება. ოჯახში სტუდენტს ვინ შეუშვებს? პირიქით,
 თუ ის პარიჟშივე სახლობს, იძულებულია მშობლე-
 ბი დატოვოს და ბინა სხვაგან დაიქიროს. შინ არავინ
 მოაცდევინებს, ოჯახს გაგვისვრისო. მისი ცხოვრება
 ასე მიმდინარეობს: დილას, ერთ-ორ საათს ლექცი-
 ებზეა, შუადღეზე სადილობს და ყავა-ხანაში მოდის,
 სადაც საღამომდი რჩება. შემდეგ მიდის სავახშმოდ,
 ერთ-ორ საათს რამეს წაიკითხავს და ისევ ყავა-ხანა-
 ში ბრუნდება, აქ ატარებს დროს დილის სამ-ოთხ
 საათამდი. მართალია, უნივერსიტეტში დადის, მაგ-
 რამ ეს კითხვა მისთვის მეორე ხარისხოვანია, ფულს
 რომ არ იხდიდეს, შეიძლება სულაც არ წავიდეს.
 სამხიარულო ალაგების მუდმივი სტუმარია, უნი-
 ვერსიტეტის კი შემთხვევით. ამასთანავე ის ანგარიშის
 კაცია: სწავლისათვის რამდენიმე წელიწადი აქვს გა-
 დადებული, ამის გადაცილება აღარ სურს. ამ შე-
 მთხვევაში ის ამ აზრით ხელმძღვანელობს: ნაკლები

სტუდენტის
 აზრები

ფული დახარჯე და ბევრი იმხიარულე, ნაკლები დრო (იგულისხმე ფულიც) გადადევი და ადრე დიპლომი აიღე, თუმცა ეს დრო ხანდახან უსაშველოდ გძელდება. სწავლისათვის დროს არასოდეს არ ჩამოაკლებს სამხიარულოდ გადადებულ დროს, ეს უკანასკნელი თანდათან იზრდება. როცა საეგზამენოდ ემზადება, მთელი ღამე არ სძინავს, მეცადინეობს, მეორე დღეს კი ხეტიალობს, ყავა-ხანაში აღამებს. რა უშავს, დღე იმაცადინოს და ღამე იძინოს? მაშინ ხომ გართობა დაეკარგა, ამას კი ვერასოდეს ვერ დასთმობს. ერთმა სტუდენტმა მითხრა: სოფელში როცა მივდივარ, ყოველთვის ღამე ვმოგზაურობო: რატომ დღე არა-მეთქი—ვკითხე. — იმიტომ რომ ამით დროს ვიგებ, დღე დროს ვატარებ, ვერთობი, ღამე უნდა ვიძინო: ამ უკანასკნელს ვიკლებ პირველისათვისო, მომიგო მან. აი, რას უძახის ის დროს მოგებას! თუ სადმე ჩხუბი, აურ-ზაურია, იქ უთუოდ სტუდენტებია. თუ სადმე ქუჩის ქალია, იქ უთუოდ სტუდენტია; პარიჟსაც სცოდნია მისი ხასიათი და სცდილა როგორმე თავიდან მოეშორებია. ამისათვის ეს ახალგაზდები ერთ უბანში შემოაურეკია. დეე, აქ რაც გსურთ ის ჩაიდინეთ, სხვა უბანში აღარ დაგინახოვო. ამ საცელქო უბანს ლათინური უბანი ქვია; თითონ სტუდენტები უწოდებენ ახალგაზდობის ქვეყანას. ეს არის მათი ასპარეზი, აქ სტუდენტი ბატონია და, როგორც ბატონი, ვინ რას გაუბედავს. ერთმა სტუდენტმა რომ მთელი უბანი შეაწუხოს, არაფერია, კანონიერია: მთელმა უბანმა რომ ერთი სტუდენტი შეაწუხოს, ყველაფერია, უკანონოა. ამ ქვეყანაში თავისებური წარმოდგენა

აქვთ წეს-რიგის, ზრდილობის შესახებ. რაც აქ სასახე-
 ლოა, სხვა უბანში სამარცხვინოა. რისთვისაც სხვა
 უბანი ფიქრობს და მოქმედობს, ის სტუდენტებისა-
 თვის სასაცილოა. თავის უბნის გარეშე სტუდენტი
 ერთ დღესაც ვერ გასძლებს, მოკვდი, დავიხჩვი, სუ-
 ლის-თქმა მიჭირსო. ეს იმიტომ, რომ აქ ის ხელ-ფეხ
 შეკრულია, ეს მისთვის ყაზარმაა, ნაობახია. როცა
 სხვა უბანში გავა, ის მოქალაქეა, ჩვეულებრივი მოსა-
 ქმე პარიჟელია, ეს კი მისთვის აუტანელი ტვირთია.
 როცა თავის ქვეყანაში დაბრუნდება, ის არის, რაც
 უნდა იყოს — ცელქი სტუდენტია. არ იფიქროთ პა-
 რიჟის დღევანდელი სტუდენტობა ცხოვრების უკა-
 ნონო შეილი იყოს. არა. მისი არსებობის მიზეზი
 ცხოვრების განვითარებაა. მისი ისტორია შეკავში-
 რებულია პარიჟის ისტორიასთან. შეიძლება ეს სა-
 ისტორიო იყოს? მაშ გადავაგლოთ თვალი.

რა არის დღეს პარიჟის სტუდენტობა? არაფე-
 რი. რა იყო ამ 50 წლის წინათ? ყველაფერი, რო-
 ცა ის იტყოდა „მე“-ო, ამით მთელ ქვეყანას იგუ-
 ლისხმებდა. რასაკვირველია მთელი ქვეყანა სტუდენ-
 ტობას არ წარმოადგენდა. მაგრამ სტუდენტობა მთელ
 ქვეყანას წარმოადგენდა; მისი სურვილი და მისწრაფება
 ხალხის სურვილს ზ მისწრაფებას მოასწავებდა. მისი მო-
 ქმედება და მღელვარება ერის მოძრაობას წინ მიუძლო-
 და. ყველა დიდ არეულობის დროს სტუდენტობა
 სტოვებს უნივერსიტეტის კედლებს, ლექციებს, ლა-
 ბორატორიებს, წიგნთ-საცავებს და იარაღით ხელში
 ქუჩაში გამოდის, როგორც უკანასკნელი მებრძოლი,
 ის წინამძღოლობს ხალხს. ადის ბარიკადაზე. ზურგს

უშვერს თავის მომხრეებს და გულს გააფთრებულ მტერთ. სიძაბუნე, ლაჩრობა მისთვის არ სუფევს. ის მეთაურობს რევოლუციებს: 1830 წ. ივლისში, 1848 წ. თებერვალში. ის გამოჰყავს იდეალურ ტიპებათ საუკეთესო მწერლებს: ჟორჟ ზანდს („Horace“) ვიქტორ ჰიუგოს („Misérables“) და სხ. სტუდენტები დამღეროდნ ამ გვარ სიმღერებს:

Socialisme a deux ailles
 L'étudent et l'ouvrier*)

ან კიდევ:

Avec les ouvriers nos frères
 marchons bras dessus, bras dessous (**)

აი, ეს იყო სტუდენტების ოქროს ხანა. მერე რაღა მოუვიდათ? საქმე იმაშია, რომ სანამ ხალხი პოლიტიკური უფლებებისთვის იბრძოდა, ახალგაზდობაც მისი სისხლი და ხორცი შეიქმნა. მაგრამ როგორც კი ხალხმა ეკონომიური კითხვა წამოაყენა, მაშინ ამ „ჩვენ პოეტურ ელემენტმა“ უარყო ის, ეს ნამეტანი პროზააო. როცა ხალხი იძახოდა: „ძმობა, ერთობა, თავისუფლება“, სტუდენტობაც მასთან იყო, მაგრამ როცა ხალხმა მოინდომა ამ სიტყვებისთვის შინაარსი მიეცა: იქ არ არის ძმობა, სადაც ერთს ლუკმა პური ენატრება და მეორე ნებივრობსო, მაშინ მთელი დანარჩენი ქვეყანა მის წინააღმდეგ შეერთდა. ეს მოხდა 1848 წ. ივნისის თვეში, პარი-

*) თარგმანი: სოციალიზმს აქვს ორი ფრთა, სტუდენტი და მუშა...

**) ჩვენ ძმებ მუშებთან ერთათ წავიდეთ ხელი-ხელ გადადებული.


ეს მუშა ხალხმა სოციალური რევოლუციის
 ხდინა. ახალგაზდობა არა თუ დაეხმარა, დაქრილ-
 დასისხლიანებულიც კი უარყვეს სტუდენტ-ექიმებმა.
 აი, რას წერდა იმ დროს კარლ-მარქსი თავის გაზეთ-
 ში: „რომ ხალხის უკანასკნელი ილლიუზია გამქრა-
 ლიყო, რომ წარსულთან ყოველივე კავშირი გაწყვე-
 ტილიყო, უნდა მომხდარიყო ერთი გარემოება: პა-
 რიჟის არეულობების პოეტურ ელემენტებს, პოლი-
 ტექნიკურ სასწავლებლის სტუდენტებს მხაგვრელთა
 მხარე დაეჭირათ და სტუდენტ-ექიმებს ეთქვათ: და-
 ქრილ პლებეებს ვერ მივაშველებთ ჩვენს მეცნიერე-
 ბასო“. ხოლო როცა სამ წელს შემდეგ ნაპოლეონ-
 მა რესპუბლიკა გააუქმა და თავის თავი იმპერატო-
 რად გამოაცხადა, სტუდენტები ხელ-ახლათ აშფო-
 თდნენ და მუშებს მიაშურეს: არიქა თოფი ხელშიო.
 ამაზე ერთმა მუშამ (რომლის სახელი აღარ იციან)
 ასე უპასუხა: „ახალგაზდა ბურჟუა! ის მამა თქვენი
 იყო, თუ ბიძა თქვენი, რომელიც ივნისში (1848 წ.)
 დაგვხვრიტა და დაგვკარგაო“. აი ეს სიტყვები შე-
 იქნა ამ საუკუნის სტუდენტობის მოძრაობის და-
 სკვნა. სტუდენტობა, ხალხისაგან დაცილებული,
 ცხოვრებისაგანაც დაცილებული შეიქმნა. მას დაე-
 კარგა ყოველივე იდეალი და იმ ზომამდე მივიდა,
 როგორცაღაც დღეს ვხედავთ. დღევანდელი მოძრაო-
 ბის და პროგრესის დედა-ძარღვი პროლეტარიატი.
 ეს ახლა ყველაფერია. იდეალი, უმაღლესი ლტოლ-
 ვილება ბურჟუაზიიდან გაქცეული, მას შეეფარა. ის
 ლამობს დღეს ქვეყნის განახლებას და ამ მიზნისაკენ
 შეგნებულად მიექანება. სანამ სტუდენტობა არ დას-

ტოვებს თავის განცალკევებას და არ მიუახლოვდება მუშა-ხალხს, მანამ მას არავითარი იდეალი არ ექნება. შეასრულებს კი სტუდენტობა ამ დიდ მოვალეობას? *)

VIII

იქ სადაც მწერლობას სრული თავისუფლება აქვს მინიჭებული, მისი მიმართულება და მეტყველება არ არის ბორკილ-დადებული, მისს ლტოლვილება-იდეალს არ აქვს ხაზ-გასმული საზღვარი, ზე წარწერით: აქეთ გადმოხედვა აკრძალულიაო. აი, ასეთი მწერლობა უტყუარი სარკეა ცხოვრების. ცხოვრების არც ერთი მოვლენა, არც ერთი მიმდინარეობა, რაც უნდა იყოს და ვისაც უნდა ეხებოდეს, არ რჩება მწერლობის გარეშე აღუნიშვნელი. წარმოიდგინეთ დარბაზი, რომლის კედლები და ქერი სარკეებით არის დაფარული, აქ რამდენიც უნდა იტრიალოთ, რომელ კუთხეშიაც უნდა მიხვიდეთ ყველგან და ყოველთვის თავის სახეს ხედავთ სარკეში. ეს დარბაზი პარიჟია. ეს სარკე მწერლობაა. პარიჟში მომხდარი ამბავი, რაც უნდა საიდუმლოობით იყოს გარემოცული, კანონს, სამართალს, ყველაფერს რომ დაემალოს, მწერლობას მაინც ვეღარ დაემალება. აქაურ მწერლობას უჩინ-მაჩინის ქუდი ახურავს, დაძვრება ყველგან, შედის

*) ამ ეამად ლათინურ უბანში საყურადღებო მოძრაობაა: მუშათა დასის მეთაურებმა: ჟორესმა, გედმა, შილერანმა და სხ. გამართეს საჯარო ლექციები სტუდენტებისათვის. ამან ძალიან მიიტაცა სტუდენტობა. ხოლო ბურჟუაზიული გაზეთები ურჩევენ, მაგათი ლექციების მოსმენას ყავა-ხანაში წასვლა ჯობსო!!.



უმალლეს სალონებში, არ სტოვებს უნახავად არც უკანასკნელ სარდაფს, ძვრება თვით ადამიანის სულსა და გულში, სურს იცოდეს არა თუ ის, რაც მოხდა და რა მოხდება, არამედ ისიც, რას ფიქრობ და რას მოიფიქრებ. მწერლობა დაეპატრონა ქვეყანას, აქ საიდუმლო არა არის რა. ამისათვის პარიჟი თუ რასმე აკეთებს, აკეთებს საჯაროდ, დაუმალავად, რადგანაც კარგათ იცის, რომ ამ უჩინ-მაჩინის ქუდს ვერსად გაექცევა. განსაკუთრებით მწერლობა კრიჭაში უდგას საზოგადო პირებს, ქვეყნის მართველებს. ვაი მისი ბრალი, თუ რომელსამე მათგანს შეცდომა მოუვიდა. მას იქ აღარ დაედგომება, ბარგი უნდა აიკიდოს. ყველამ რომ შეუნდოს, მწერლობა მაინც არ შეუნდობს. ან კი ვინ არის მწერლობაზე უფროსი? ვინ დგას მის მაღლა? არავინ. დაწყებული უკანასკნელი მოქალაქით და გათავებული რესპუბლიკის პრეზიდენტით—მწერლობის ზედამხედველობას ქვეშ იმყოფება. მწერლობა აყენებს პრეზიდენტს, მინისტრებს, მწერლობავე უარჰყოფს, ძირს აგდებს იმათ. მწერლობამ არ დასცა მაკ-მაგონი და გრევი? მინისტრებზე ხომ ლაპარაკიც არ ღირს, ისინი მწერლობის ყურმოქრილი მონები არიან. ვთქვათ, პარიჟელმა კაცი მოკლა, ან რამე მოიპარა, ის არასოდეს არ იტყვის, ეს მე არ მიქნიაო, იმიტომ რომ ის დარწმუნებულია, სანამ გამომძიებელი გამოიძიებდეს, მწერლობას უკვე გამოძიებულ-გამოქვეყნებული აქვს. რასაც ვერ აღმოაჩენს დახელოვნებული პოლიციელი, მწერლობას არ დაურჩება შეუტყობელი. პარიჟელის პირდაპირობა, გულწრფელობა, ნაყოფია მწერლობის ასეთი.

თავისუფლების. ეს მისი ზნეობის გამწმენდელია, მისი
 მოქმედების ყარაულია. ავი საქმე, ტყუილი, ორ-
 პირობა, არ დარჩება შეუნიშვნელი, უსამართლობა,
 ძალ მომრეობა, უკანონობა არ დარჩება დაუსჯელი.
 მწერლობა არის ყოველად ძლიერი, ყოველის მცოდნე,
 ყველგან მყოფელი. მისი ხელი ყველგან წვდება,
 ყველაფერს თავისებურს ბეჭედს ასვამს. ეს არ მო-
 წმობს იმას, რომ მხოლოდ მწერლობას ეკუთვნოდეს
 ყოველივე, პირიქით მწერლობაც ყოველსავე ეკუთ-
 ვნის. მწერლობა—ეს საზოგადოებაა, მწერლობის
 აზრი—საზოგადო აზრია. მაშასადამე საზოგადოება
 მწერლობის საშვალეებით თავის-თავის დარაჯია, ცუდი
 არაფერი შემოგვეპაროსო. მწერლობის იმას ეში-
 ნია, ვისაც სინათლის ეშინია, სიბნელეში ჩხირ-
 კედელაობს და დაფარულ, საძრახ ზომებით მოქმე-
 დობს. ეს თუ სხვაგან კანონია, აქ იშვიათი მოვლე-
 ნაა. ერთი ცუდი საქმე რომ მოხდეს, ქვეყანას შე-
 ძრავენ, იმდენს იყვირებენ. თავისუფალი მწერლობა,
 უმაღლესი იარაღია გონებრივი სიმართლის, ზნეო-
 ბრივი სიტაქიზის. აქ კაცი კაცად არის აღსარებული.
 თვალი აქვს იმიტომ, რომ დაინახოს, ყური — იმიტომ
 რომ გაიგონოს, გონება — იმიტომ რომ მოიაზროს, ენა
 — იმიტომ რომ იმეტყველოს. მას არავინ არ გეუბნება
 თვალი დაიბრმავე, ყურით მოიყრუე, გონება დაიხშე,
 ენა დაიდუმე. აზრი ბორკილ-ახსნილია, სვინდისი
 განთავისუფლებულია. ამიტომ ფრანგი გულადია,
 გამჭრიახი, უშიშარი. მის აზრსა და მოქმედებას შუა
 უთანხმოება არ არის. აქ ადამიანი მთელია, ის ორ-

პირს არ წარმოადგენს, მისი სული განუყოფელია, ერთი სიტყვით ადამიანი გაადამიანებულია.

პარიჟს მწერლობაც თავისებური აქვს. აქ ყოველ-დღიურ მწერლობას ჩაუყლაპავს ყველა დანარჩენი. საკვირაოს და ყოველ-თვითურ გამოცემას არავითარი გასავალი არ აქვს. გაზეთი—აი, რა შეადგენს პარიჟის გონებრივ ბურჯს. მას არ აინტერესებს, რა დაიბეჭდება ერთი თვის შემდეგ. მანამდის ის ვერ მოიცდის, მას სურს ყველაფერი ერთად იცოდეს, ერთ დღეს გაიგოს. თუ რამე საინტერესო მოხდა მან მაშინვე უნდა წაიკითხოს, გასაჯოს აწონ-დაწონოს. ერთ დღეს, ერთ კვირას შემდეგ, ის მისთვის ინტერესს მოკლებულია, დაძველებულია. ერთ და იმავე აზრს ფრანგი გერმანელივით დიდ ხანს ვერ ატარებს. ვერც ინგლისელივით გამოიანგარიშებს თავის მოქმედების შორეულ შედეგებს, ვერც ქართველივით ცხრაჯერ გაზომავს და ერთხელ გადასჭრის. ფრანგი იმით განირჩევა დანარჩენებისაგან, რომ როგორც კი გაიგებს, შეიგნებს რამე აზრს, მაშინვე სარჩულად უდებს თავის მოქმედებას და ცხოვრებაში ახორციელებს. დაუსრულებლად ზომავა მან არ იცის. ის ამბობს, ცხრაჯერ გაზომვილი რომ სწორი მოვიდეს, რა გასაკვირალია, საქმე ის არის, ერობელ გაზომო და კიდევ გადასჭრაო. ის მუდამ ასე იქცევა და წარმოიდგინეთ თითქმის არასოდეს არ სცდება. უსამართლობა თუ დაინახა, ნაშინვე იყვირებს, თუნდაც ამისთვის სიკვდილი მოელოდეს. თუ ცუდად მოიხსენიე, მაშინვე დუელში გამოგიწვევს, თუნდაც იარაღის

ხმარება არც კი იცოდეს. შეიძლება სთქვათ, ასეთი სწრაფი მოსაზრება და მოქმედება დიდი ნაკლულევანებააო. კი, ბატონო, ეს ასეა ჩვენებურათ, ქართულად, მაგრამ ფრანგულად ეს ასე არ არის; რაც ჩვენ ნაკლულევანებად მიგვაჩნია, ის ფრანგებისთვის ღირსებაა, მისი ეროვნული თვისებები ამ „ნაკლულევანებაშია“ თავმოყრილი. ის ამით ამაყობს, მისი პირადობა ამაში იხატება, ერთი სიტყვით ფრანგი ფრანგობს ამ „ნაკლულევანებით“. რაკი ასეთია ფრანგი, ასეთი უნდა იყოს მისი სულიერი საუნჯე, მისი მწერლობა. მართლაც არსად არ არის ისე აჩქარებული მწერლობა, როგორც პარიჟში. ყოველ საათში სხვა-და-სხვა გაზეთები გამოდის ახალი ამბებით სავსე, რასაც პარიჟელი მოწყურებულივით ეწაფება. ქვეყნის რომელიმე კუთხეში თუ რამე საყურადღებო მოხდა, პარიჟელმა იმავე საათში უნდა გაიგოს. შეიძლება სადმე, ევროპაში, შემადრწუნებელი საქმე დატრიალდა, როგორც მაგ. მამამ შვილი ისე გალახა, რომ ლოგინად ჩაწვა, ცოლმა ქმარი მოწამლა და სხვა ამისთანები, — ამაზე პარიჟის გაზეთები ვაი-უშველებელს ატეხენ. აქაური მწერლობა აღარ კმარობს პარიჟს, საფრანგეთს, ის ქვეყანას ეპატრონება.

რად მინდა ასეთი მწერლობა, მუდმივ მოუსვენრობა. არ სჯობია, წყნარათ, მშვიდობიანათ ვიცხოვროთ? — გაიფიქროთ, ეგების. ამის პასუხად ვიკტორ ჰიუგოს ავალაპარაკებ: „ბატონებო, შეპყვირა მან პარლამენტში ამ ორმოცი წლის წინად, დღეს ევროპის საერთო კრიზისში ყველა მხრიდან

იძახიან: ზნეობრივი დაცემა დიაღია, სოციალური
საფრთხე აუცილებელია! ეძებენ ამის მიზეზს და
თავის-თავს ეკითხებიან: რა შვრება ამას? სად არის
ამ მდკომარეობის საძირკველი? ვინ არის დამნაშა-
ვე? ვინ არის დასასჯელი? შიშის დასი ევროპაში
ამბობს, დამნაშავე საფრანგეთია; საფრანგეთში ის
ამბობს, დამნაშავე პარიჟია; პარიჟში ის ამბობს,
დამნაშავე მწერლობაა. ხოლო კაცი, გულდასმით
მეთვალყურე და მოფიქრებულათ ქველეველი, ამ-
ბობს: დამნაშავე არ არის მწერლობა, არც პარიჟი,
არც საფრანგეთი, დამნაშავე — ეს ადამიანის გონე-
ბაა. ეს ადამიანის გონებაა, რომელიც თავიდანვე
იკვლევს, სჯის, ეჭვობს, ამტკიცებს, უარყოფს და
შუდამ ეძიებს, გამოიცნოს ქვეყნის საიდუმლო პრობ-
ლემა! — ეს ადამიანის გონებაა, რომელიც ყოველ-
თვის შებოჭვილია, დასჯილი, ფეხ-ქვეშ გათელილი,
პატივ ახდილი, საუკუნოების განმავლობაში ქრე-
ბოდა ერთ ალაგას, რომ მეორე ალაგას გამოჩენი-
ლიყო სხვა ფორმით, სხვა აგიტატორის სახელით! —
ეს ადამიანის გონებაა, რომელსაც ქვია ივანე გუსი
და რომელიც არ მომკვდარა კონსტანის ცეცხლით,
ლიუტერი. რომელმაც შეარყია კათოლიციზმი,
ვოლტერი, რომელმაც შეანძრია სარწმუნოება, მი-
რაბო, რომელმაც შეანძრია მეფობა! — ეს ადამიანის
გონებაა, რომელმაც გადააღსხვაფერა საზოგადოებები
და მთავრობები, თანახმად უფრო და უფრო სამარ-
თლიანი, კანონისა, რის სახელი პირველად იყო
თეოკრატია, შემდეგ არისოკრატია, მონარქია და
დღეს დემოკრატია! — ადამიანის გონება იყო ბაბი-

ლონი, ტირი, იერუსალიმი, ათინა, რომი და ახ-
 ლა პარიჟი, რომელნიც რიგ-რიგად და ერთ-და-იმავე
 დროს წარმოადგენენ შეცდომას, ილიუზიას, მწვა-
 ლებლობას, განცალკევებას, წინააღმდეგობას და
 ჭეშმარიტებას! — ეს ადამიანის გონებაა, რომელიც
 შეუჩერებლად მიილტვის სიმართლის, შვენიერების
 და ჭეშმარიტებისაკენ, ხალხთ მიაქანებს თავისუფ-
 ლებისაკენ! — დიახ, მე ვამბობ, შიშის დასმა ერთობ
 მძიმე საქმეს მოკიდა ხელი. ვთქვათ, მან გაანადგუ-
 რა მწერლობა უკანასკნელ გაზეთამდე, პარიჟი უკა-
 ნასკნელ სახლამდე, საფრანგეთი უკანასკნელ სოფ-
 ლამდე, მაგრამ მან მაინც ვერა გააკეთა რა. მას
 კიდევ რჩება დასამტვრევათ ერთი რამ, რაც ყოველ-
 თვის თავადებულია, საზოგადოების მაღლა დატრი-
 ნავს, რომელმაც დასწერა ყველა წიგნები, გამოი-
 გონა ხელოვნება, აღმოაჩინა ყველა ჭვეყნები, დაა-
 არსა ყველა კივილიზაციები, ერთი რამ, რასაც
 თავი მოაქვს რევოლიუციის ფორმით, თუ კი აღარ
 ანებებენ პროგრესის ფორმით; ერთი რამ, რაც სი-
 ნათლესავით შეუხებელია, მზესავით მიუდგომელია
 და რის სახელი ადამიანის გონებაა!!!“

IX.

სულ პარიჟი, პარიჟი, სხვა სალაპარაკო ველარ
 იშოვე? — გაბრაზებით მეტყვის მკითხველი, როცა
 დაინახავს, რომ ამ ჩემ წერილებს დასასრული აღარ
 ეძლევა. ეგ შენიშვნა მართალია, მაგრამ რა ვქნათ,
 ბატონებო, ჩვენ ისე ცოტად ვიცნობთ დასავლეთს,
 და გასაცნობი კი ისე ბევრია! კიდევ კარგი, რომ

ეს ჩვენი ცნობა ნამდვილი და ჭეშმარიტი იყოს. სამწუხაროდ ესეც აღარ არის. ევროპას ჩვენ ვიცნობთ ჩვენებურად, ქართულად, ე. ი. მას ჩვენი ალბით ვზომავთ მაშინ, როდესაც გასაზომი საგანი სულ სხვა ხასიათისაა. თუ გსურთ ევროპის ცხოვრების შეგნება, მისი დედა—ძარღვის გამოჩენა, უნდა დაივიწყოთ ყველა ის იდეები, რომელნიც დედის ძუძუსთან ერთად გადმოდიან ჩვენს არსებაში და იქნებთ ჩვენი გონების სიმებში. უნდა უარჰყოთ თქვენი წარმოდგენები ცხოვრების, ადამიანობის შესახებ, რასაც გარემოცული ატმოსფერიდან ჰაერთან ერთად დღე-მუდამ ითვისებთ. ჩამოვიღოთ ჩვენი სათვალეები, გონებით გადავხალისდეთ, გავევიწიოთ და ევროპა ჩვენთვის აღარ იქნება საიდუმლოება... დასავლეთ ევროპას დღემდის საფრანგეთი მიუძღვება წინ, საფრანგეთს—პარიჟი. პარიჟის ცხოვრება—ეს მთელი ევროპის ტიპური ცხოვრებაა. პარიჟი—ეს ევროპის ათინაა, დიდებული რომია სხვა სახით, სხვა შინაარსით. პარიჟი ეს ევროპის უმაღლესი წერტილია. კაცობრიობის მწვერვალია, სადაც ერთად მოგროვილია დღევანდელი ცივილიზაციის კარგი და ავი მხარეები, ეს შენობის გვირგინია. ადი, ჩემო ძვირფასო მკითხველო, ამ მწვერვალზე და გადმოიხედე დაბლა. შენ ახლო ხედავ სხვა-და-სხვა ქვეყანას, სხვა-და-სხვა ხალხს, რომელნიც საშინელი სისწრაფით მიეჩქარებიან ზევით, მწვერვალსკენ. ამათ შორის ეძებ ვიღაცას, თვალებს აცეცებ, გსურს დაინახო ის, ვინც შენთვის ძვირფასია, ვისაც ეტრფიალები, მაგრამ ამაოდ. აქ ის არ არის.

ჩაიხედე ქვევით, სულ ქვევით, ძლიერ შორს, და
 გაარჩევ ერთ პატარა ერს, რომელიც ხელებ-აწვდილი
 ზევით იცქირება: მეც მინდა მანდ ავიდე, სხვებს
 გაუამხანაგდეო. ხელი მოჰკიდე მაგას, მაგ შენ სისხლ
 და ხორცს, და არ გაუშვა, სანამ ზევით არ ამო-
 ვიდეს. იცოდე, მისი კეთილ-დღეობა შენი კეთილ-
 დღეობაა, მისი ბედნიერება შენი ბედნიერებაა, შენ
 ის ხარ და ის შენ, იცანი თავი შენი მასში და ის
 იცნობს თავის-თავს შენში. ჩამოდი მაღლიდან ქვე-
 ვით, რომ გაჰქრე მასში მისდა სასარგებლოდ და
 შენდა სასიამოვნოდ. გაბრუნდი, ადი მაღლა, რომ
 გაითვალისწინო გასავლელი გზა მისდა საცნობლოდ
 და შენდა სამოქმედოდ. სწავლა და მოქმედება—შე-
 ნთვის, ცნობიერება და მოძრაობა—მისთვის et vice
 versa...

მაშ დავტოვოთ ამ სიტყვით მწვერვალი, გამო-
 ვემშვიდობოთ პარიჟს...



ორიენტალისტთა

მე-X საერთაშორისო კონგრესი ქ. ქენევაში
(1894 წ. *)

ქენევის უნივერსიტეტის დიდ დარბაზში, 23 აგვისტოს, შეიკრიბენ ოთხასი ორიენტალისტი. ქვეყანაზე არ დარჩენილა არც ერთი წინ-წაწეული ერი, ან სახელმწიფო, რომ აქ თავის წარმომადგენელი არ გამოეგზავნოს. მონაწილეობა მიიღეს 18 სახელმწიფომ, 97 უნივერსიტეტმა და სხვა-და-სხვა სწავლულთა საზოგადოებამ. აი, რა და რა ქვეყნიდან იყვნენ დელეგატები: შვეიცარია, გერმანია, ავსტრო-ვენგრია, ბელგია, საფრანგეთი, დიდი ბრიტანია და ირლანდია, იტალია, ჰოლანდია, რუსეთი, შვეცია-ნორვეგია, სათათრეთი, ეგვიპტე, ჩრდილო და სამხრეთი ამერიკა, (შეერთებული შტატები და ბრაზილია), პერუ, ინდოეთი, იაპონია, სპარსეთი და ჩინეთი. ამოდენი ხალხი, დანაწილებული შთამომავლობით, სარწმუნოებით, დედა-ენით, ზნე-ჩვეულებით, პოლიტიკური იდეებით, რასით, კლიმატური (ჰავით) და გეოგრაფიული სხვა-და-სხვაობით, შეერთებულიყვნენ ერთ ნიადაგზე, ერთი მიზნის მისალწევად. ეს საერთო მიზანი, რომელიც თავის

*) ეს წერილი დაბეჭდილი იყო პირველად „კვალში“ 1894 წ. (№ 42).

ძლევა მოხილობით აღემატება ყოველსავე ძალას. ადამიანისას, მიდის შორეულ ქვეყნებში, არღვევს. საუკუნოებით არსებულს ერთა კარ-ჩაკეტილობას, ამსხვრევს ჩინეთის მიუვალ კედელსაც კი, გადადის ზღვა-ოკეანებს იქით, აპობს მთებს, უდაბნოებს, არსტოვებს უნახავად არც ერთ კუთხეს დედა-მიწისას. ყველგან და ყველა ხალხს ერთ და იმავე კითხვა-პასუხს აძლევს: ან უნდა მიწამო, ან უნდა დაიღუპოვო. აი, ასეთი ყოვლად შემძლებელი არსება გახლავს მეცნიერება. მეცნიერებამ გადმოსტყორცნა ერთი ამერიკიდან, მეორე ეგვიპტიდან და ერთმანეთს დაუახლოვა. დაამეგობრა. თავისი წარმოდგენელი შემოკრიბა ხმელეთის ყველა კიდიდან და ამ პაწია ქალაქში თავი შეუყარა: მოდით, ძმურად იშრომეთ კაცობრიობისათვისო. როცა უცქერით ამგვარ ყრილობას, ანუ კონგრესს, გაკვირვებაში მოდიხართ და თავის თავს ეკითხებით: რამ აიძულა ეს პატივცემულნი, ამოდენა გზა გამოეფლოთ და აქ მოსულიყვნენ? რატომ ასე გულმოდგინედ ეძებს ევროპიელი ბაბილონის ამ-და-ამ ქვაზე რა წარწერაა? ერთმა მეცნიერმა სხვათა შორის განაცხადა: ასიური წარწერის ერთი სიტყვის აღდგენას და წაკითხვას ორი წელიწადი მოვანდომეო. მოდით და ნუ გაიკვირვებთ, ორი წლის განმავლობაში ერთ სიტყვას უტრიალებენ. ნუ თუ ეს უბრალო ცნობის მოყვარეობის შედეგია? ყველა ამაების პასუხს დავინახავთ იმ სიტყვებში, რომელნიც წარბოთქმულ იქმნენ კონგრესის გახსნის დროს.

კონგრესი გახსნილ იქმნა შვეიცარიის რესპუბლიკის პრეზიდენტის, ფრეის მიერ. მას გვერდში-

უსხდენ ჟენევის კანტონის პრეზიდენტი რიშარდი და თვით კონგრესის თავმჯდომარე პროფესორი ედუარდ ნავილი. სამივემ წარმოსთქვა სიტყვები შესახებ ორიენტალიზმისა, რასაც ჩვენ აქვე მოვიყვანთ ცოტა შემოკლებით.

სიტყვა პრეზიდენტის ფრეისა:

„ბატონებო! თქვენი კონგრესის გამგე კომიტეტმა კეთილ ინება ჩემი დანიშვნა საპატიო თავმჯდომარედ და ამასთანავე დამავალა სხდომის გახსნა. დიდი სიამოვნებით მივიღე ეს მოწოდება და, საფედერალო საბჭოს თანხმობით, აქეთ გამოვემგზავრე, რომ თქვენ გისურვოთ კეთილად მობრძანება შვეიცარიაში. პირველი შეხედულებით, ის სპეციალური მეცნიერება, რომლის წარმომადგენელი თქვენ ბრძანდებით, ცოტა არ იყოს, საზოგადო ინტერესის გარეშე დგას. მაგრამ თვით უვიცებმა, რომელნიც ოდნავ მაინც თვალ-ყურს ადევნებენ მეცნიერების განვითარებას, იციან, რომ სხვა-და-სხვა შტო ფილოლოგიისა დღეს ცალ-ცალკე, ერთმანეთის დაუკავშირებლად, არ იკვლევან. ყველა ამ შტოს, თანამედროვე ენებითურთ, შედარებითი ფილოლოგია რაცხს ნაწილებად ერთი-და-იმავე არსებისა. ჩვენ უნდა ვიხელმძღვანელოთ ამით, რომ საფუძვლიანათ შევისწავლოთ ახალი ენები. მეცნიერება აღმოსავლეთის ენების შესახებ არის მხოლოდ ერთი მხარე იმ მოძღვრებისა, რომლის შეხედულებით სხვა-და-სხვა ერი და ენები მჭიდროდ არიან გადაკავშირებულ-გადმოკავშირებული ერთმანეთთან. მეორე მხრით მეცნიერთ კარგადა აქვთ შეგნებული, თუ

როგორი გავლენა აქვს ამ გვარ კვლევას ხალხთა გონებრივ განვითარებაზე. ჩვენს სკოლებში არ ვასწავლით მარტო იმ საგნებს, რომელნიც პირდაპირ პრაქტიკულ ცხოვრებისათვის არის გამოსადეგი: კარგად გვესმის, რომ არც ერთი სწავლა, მეცნიერულ კვლევაზე დაფუძნებული, არ არის დაკარგული ხალხის გონებრივი და მწარმოებელი ძალ-ღონის განვითარებისათვის.

მაშ, აღსავსე კმაყოფილებით და სიამოვნებით თაყვანს ვსცემ ორიენტალურ ფილოლოგიის წარმომადგენელთ, ვუსურვებთ მეცნიერებაში ახალი გზების გაკვალვას და ამით ვიწყებ მე-X საერთაშორისო-კონგრესს ორიენტალისტებისას“.

სიტყვა რიშარდისა:

„ქენევის კანტონის უმთავრესი საბჭოს მონდობილობით მოგილოცავთ კეთილად მობრძანებას. რამდენად უნდა ვამაყობდეთ იმ გარემოებით, რომ ამ პატარა ქვეყანაში ვხედავთ კრებას მთელი ქვეყნის სწავლულთა და მეცნიერთა!.. ჩვენი მასპინძლობა, რასაკვირველია, ვერ შეედრება თავის სიდიდით და სიმდიდრით იმ მასპინძლობას, რასაც თქვენ ჩვეულნი ხართ სხვა ქვეყანაში. მაგრამ დაგარწმუნებთ, რომ გულ-გაშლილობით და სტუმართ-მოყვარეობით არც ერთს უკან არ ჩამოვრჩებით. ამას გვაიძულებს უბრალო ინსტიქტი თვით-არსებობისა, თუ სხვა უმაღლესი გრძნობები აღარა. მიზანი და უპირატესობა პატარა ქვეყნისა განა ის არ არის, რომ უზრუნველ ჰყოს ბჭობის და დასკვნის სრული თავისუფლება? უმთავრესი პირობა მისი არსებობის განა არ მოი-

თხოვს მეცნიერების საშუალებით ჩანერგოს ხალხთა შორის ძმობა და კავშირი? ამ მხრით ჩვენც ხელს ვუწყობთ წინ-სვლას, პროგრესს.

სარბიელი თქვენი კვლევა-ძიებისა ფართო არის და შეიცავს დიდათ საინტერესო კითხვებს. თქვენ ჰყენთ სინათლეს წარსულს, რაც წყვედიად მოცულია და რასაც ჩვენი აღფრთოვანებული თანატაზია კიდევ უფრო აბნელებს და მისტურათ ჰქმნის. აქ არ იმალება სათავე ჩვენი არსებობისა? აქ არ მარხია პირველი გვერდი ეტნოგრაფიული არხივისა? აი, ეს არის ხანა ჩვენი ხასიათის შემუშავებისა და დასაწყისი ევროპიულ აზრთა მიმდინარეობისა. თქვენმა ნაყოფიერმა გამოკვლევამ აღმოაჩინა რგოლები იმ უღვეველ ჯაჭვისა, რომელმაც შეაერთა აზრის დღევანდელი განვითარება თავის აკვანთან. თქვენ აღებთ ტაძრის კარებს, სადაც უკუნიდან ჩაკეტილია საიდუმლოება და რის გაგებასაც მუდამ ვისწრაფვით. თქვენ გვიჩვენებთ იმ უკვდავ იდეას, რომელიც დაიბადა წმინდა მდინარეთა ნაპირას, იქიდან გადმოვიდა და გავრცელდა ყველა ხალხში, გადასხვაფერდა თანახმად ერის რასიული თვისებისა და დაედვა საფუძვლად სხვა-და-სხვა სარწმუნოებას.

თუ ჩვენ თვალს გადავაავლებთ იმ შარა-გზას, რომელიც იწყება მარტივი, სადა ჩვეულებებით ველურ ხალხისა, და თავდება უმაღლესი ფილოსოფიური განათლებით და რთული საზოგადოებრივი ურთიერთობით, ადვილათ შევამჩნევთ ცივილიზაციის შეუჩერებლივ წინსვლას, კაცობრიობის მუდმივ პროგრესს და განვითარებას. ამის გამოძიება

და გათვალისწინება, ცხადია, უბრალო ცნობის-მო-
 ყვარებას არ მოასწავებს. თქვენ იკვლევთ ადამიან-
 ნის დედა-აზრს (l' esprit), ანუ მის იდეას, თვითონ
 ადამიანს, ანუ მის სულის ვითარებას; და ეს ხომ
 დაუშრეტელი წყაროა ყოველივე ცვლილებისა და
 სწავლა-ცოდნისა. დიად, თქვენი მეცნიერება ჩვენ
 გვიზიდავს არა მარტო გეოგრაფიული და ეთნო-
 გრაფიული აწერილობით აზიისა და აფრიკის მდი-
 დარი ბუნებისა; არამედ, განსაკუთრებით იმიტომ,
 რომ ის თვალწინ გვიყენებს წინაპარტა გრძნობა-
 ჩვეულებებს, რაიცა ჩვენ მემკვიდრეობით მივიღეთ,
 იმ გადაუჭრელ კითხვებს, რაც ჩვენ გადმოგვეცა
 გადასაჭრელათ, იმ იდეა-ლტოლოვილებას, რომელიც
 ჩვენ ყველას, განურჩევლად გვარ-ტომობისა, წინ
 მიგვაქანებს. ერთი სიტყვით ჩვენ ვსწავლობთ თავის
 თავს. ვიგებთ თანამედროვე ხანას. საზოგადოებამ
 თავის მედგარ წინსვლის დროს ხშირად უკან უნდა
 მოიხედოს, გავლილი გზა გადაათვალიეროს, რომ
 მით ძირი მოუმაგროს მერმისს. თქვენ დაულალავი
 შრომით ნათელს ჰყენთ წარსულს, თვალ-საჩინოდ
 ქმნით დანგრეულ სამეფოებს, აღვიძებთ აკლდამებ-
 ში დამიწულთ, რომელთა მოძრაობა და ხმაურობა
 ერთხელ აცხოველებდა ქვეყანას, ალაპარაკებთ ქვეებს
 და წარწეჩებს, აგროვებთ ნაშთს ძველი პოზიციისა
 და სარწმუნოებისა. ამგვარად თქვენ მკვდრეთით
 აღადგენთ გამქრალ კაცობრიობას, რომელიც სცხო-
 ვრობდა შესანიშნავ ქალაქებში, სადაც განათლება
 დულდა და გადმოდიოდა, მაშინაც კი როცა მას
 ორმო ეთხრებოდა და შიგ გ ახრწნილი ეშვებოდა

თქვენ წარმოიდგინეთ ეს დიადი სურათი და ამით ვგრძნობთ, რომ კაცობრიობის ერთი ნაწილი შემოგვიერთეთ.

ჩვენ ვითხოვთ თქვენგან კიდევ ბევრს რასმე, არა ასოს, ტექსტს, არამედ დედა-აზრს, იდეას, რაც ანათებს და აცხოველებს ცხოვრებას. თანამედროვე ხალხმა დაამსხვრია და უარ-ჰყო თავიანთი კერპები და თხოულობს ქეშმარიტებას. ქეშმარიტების მიცემა კი შეუძლია მხოლოდ მეცნიერებას, თქვენც ეხმარებით ამ მიმართულებას...

სიტყვა ედუარდ ნავილისა (თავმჯდომარესი).

„მღელვარებით აღსავსე ვდგევარ, ბატონებო, თქვენს წინაშე. ვიგონებ იმ დროს, როცა რვა ჩვენთაგანი პირველად შეიკრიბა და გადაწყვიტა შენევაში მოწვევა მთელი ქვეყნის ორიენტალისტებისა. მართალია, ჩვენ ვიყავით წარმოდგენილი ორიენტალიზმის ყველა შტოსი; მართალია აგრეთვე ისიც, რომ უცხოეთის ბევრმა მეცნიერმა გაგვამხნევეს და გვთხოვეს გადაგვედგა ეს დიდი ნაბიჯი, მაგრამ იმასაც ვფიქრობდით, რას იტყვიან, როცა გაიგებენ, რომ ჩვენც უნდა წავბაძოთ ევროპის დიდ ქალაქებს, ჩვენც უნდა ფეხი გამოვყოთ და ვცადოთ სიარული პარიჟ, ლონდონ, პეტერბურგ, ბერლინ, ვენა და სტოკჰოლმთან ერთად. შეეძლოთ ჩვენთვის სამართლიანად ესაყვედურებიათ: რას შვრებით, ნუ დავიწყებთ ამას, რომ თქვენი ქვეყანა ძლიერ პატარა არისო. დიად, ჩვენ დავივიწყეთ ჩვენი სიპატარავე, გამბედავობა ვიხმარეთ. განა ყველა ხალხის ანდაზა არ გვასწავლის, გაბედულება არის გამარჯვების საი-

დუმლოებაო? მაინც ჩვენ ამით ავასრულეთ ის, რასაც ყოველ დღე ვშვრებით და რაც ჩვენი არსებობის ერთი მიზეზთაგანია. ჩვენ ვცხოვრობთ ოთხ უზარმაზარ სახელმწიფოებს შორის: მარტო მათი დედაქალაქის მცხოვრებთა რიცხვი მთელი ჩვენი ქვეყნის მცხოვრებლებს აღემატება; მიუხედავად ამისა ყოველთვის და ყოველ შემთხვევაში ვიბრძვით თვითარსებობისათვის, ჩვენს უფლებას არავის ვაქეღვინებთ, ჩვენც გვსურს გვქონდეს საკუთარი მიწა-წყალი ამ ტურფა ქვეყანაზე. ჩვენ პატარა არ ვართ დამოუკიდებლობისათვის, არც თავისუფლების და ადამიანურ ცხოვრება-მოქმედებისათვის, თუმცა ყოველ მხრიდან შემოწოლილი გვყავს მძლავრი მეზობლები და ჩვენი სამშობლოს სივრცეც შევიწროებულია; სამაგიეროდ რაღა გვიშლის გავფართოვდეთ და გავიწიოთ გონებრივს სივრცეზე, აქ ხომ აღარ არის ბუნებრივი, თუ ხელოვნური საზღვრები, არც იარაღი გზის გადასაღობავად და ასპარეზის შემოსაფარგლავად.

მეორე მხრით, ჩვენც გვაქვს ისეთი უბირატესი თვისებანი, რომელნიც ხელს-უწყობენ აქ კონგრესის გამართვას. ჩვენ გვიჭირავს ნეიტრალიტეტი. არ ვერევით პოლიტიკურ ჯიბრს და შურის-ძიებაში, არ ვიცნობთ კავშირს არც ორთ, არც სამთა, არც ოთხთა. ამ კითხვას არ შევეხები დაწვრილებით, მხოლოდ გვსურს გიჩვენოთ, პოლიტიკურ ნეიტრალიტეტობასთან ერთად რა ნაირათ გვესმის ნეიტრალიტეტი მეცნიერებაში. აქ არ არის განცხადება „გავლა აკრძალულია“, წინააღმდეგ ამისა ჩვენ გეუბნებით: მოდით დიდი სიმრავლით, მოგვიტანეთ

თქვენი მეცნიერება, რამდენიც კი შეგეძლოთ. აქ არ დაგიხვდება ტამოენის კარები, შესვლა-გამოსვლა თავისუფალია, მაშ მოხდნით და იგემეთ უბრალო, სადა სტუმართ-მოყვარეობა პატარა ხალხისა. თქვენ აქ ყოფნის დროს ნუ გაიხსენებთ, თუ რა დიდ როლს თამაშობს ქვეყანაზე თქვენი სამშობლო; ნუ იკითხავთ, არის თუ არა აქ ძლიერი არმია, საომარი ხომალდები. დაივიწყეთ ის იდეები, რომელნიც ხატავენ ცხოვრების სხვანაირ მოწყობილებას და რაც ჩვენში არ არსებობს. გასცვალეთ ერთმანეთშორის და ჩვენც გაგვიცვალეთ გონების ნაწარმოები, რომელიც შეძენილია ხანგრძლივი შრომით და ატარებს ბეჭედს იმ ერის ნიჭიერებისა, რომელსაც თქვენ ეკუთვნით. აი, აქიმალება მეცნიერთა კონგრესის მნიშვნელობა. ამბობენ, ასეთ კონგრესმა რაიმე დიდი ცვლილება უნდა შემოიტანოს მეცნიერებაში, შესამჩნევი აღმოჩენა უნდა მოახდინოსო. სრულიადაც არა, კონგრესი მხოლოდ სწავლულთა ერთმანეთის ნახულობაა, ეს—მათი ბაასია რომელიმე მეცნიერულ კითხვის შესახებ. ხანგრძლივ კარჩაკეტილ შრომას შემდეგ ამ გვარ აზრთა გაცვლა გამოცვლას ცხოველ-მყოფელი ზედგავლენა აქვს ადამიანზე. ვინ იცის ამით რამდენი ცრუ შეხედულება გაქარწყლდება, რამდენი ახალი კითხვები დაიბადება და სწავლული დგება ამა თუ იმ გზაზე.

ახლა ენის შესახებ. როგორც მოგეხსენებათ ჩვენი ხალხი სამ ენაზე ლაპარაკობს, ამას ერთიც მიუყმატეთ და კონგრესის ოფიციალურ ენად ოთხი ენა გავხადეთ. თქვენ აქ მოისმინეთ შვეიცარიის პრეზი-

დენტი გერმანულ ენაზე, რომელიც ჩვენ თანამემამულეთა ორი ნაწილის დედა-ენას შეადგენს. ეს ენა დიდად განიჭევა ნამდვილ გერმანულ ენიდან, როგორსაც საუბრობენ ჰანოვერში, საქსონიაში და სხვაგან. მაგრამ ნუ მოუყრუებთ ყურს შვეიცარიელთ გერმანულს. ნუ გასჯით მსუბუქად, იცოდეთ, რომ ეს ჩვენ წინაპართაგან მივიღეთ და დიდი მოწიწებით ვინახავთ, ეს ენერგიული, მაგარი და მოუთელავი ენა არის ღვიძლი შვილი ამ უზარმაზარი მთებისა და სასტიკი ბუნების. ის შედეგია მკვიდრთა თავისებური ცხოვრებისა. ქენევაში ფრანგულად ლაპარაკობენ, მაგრამ ჩვენ ფრანგულს დღესაც ექვის თვალით უყურებენ. ჩენ მეზობელ საფრანგეთის მწერლობაშიაც კი შეხვდებით საყვედურს: წმინდა ფრანგული გააქენეველეთო. მხოლოდ ჩვენ, ქენეველები, არ დავივიწყებთ, რომ რუსსო და ქ-ბატონი სტაელი, რომელთ ფრანგული ენის უვიცობას ვერვინ დასწამებს, საფრანგეთს ჩვენ მივეციით. იტალიურათ ლაპარაკობენ ჩვენი ქვეყნის ერთი უმცირესი ნაწილი, მაგრამ ვინ არ მოისმენს დიდი სიამოვნებით ამ მუსიკალურ და ტკბილ ენას, განსაკუთრებით მაშინ, როცა საუბრობს თვითონ იტალიელი. დასასრულ ოფიციალურ ენად მივიღეთ ინგლისური, რომელიც ასე გავრცელებულა აღმოსავლეთში და ამერიკაში. ქენევაში ადვილად სწავლობენ ამ ენას, ცნობილია, რომ ნაპოლეონს არ უყვარდა ქენეველი იმიტომ, რომ კარგად ლაპარაკობს ინგლისურსო.

ამგვართ პოლიტიკური ნეიტრალიტეტი და ენის სიმრავლე—აი, რამ გაგვაბედვია ქენევაში კო-

ნგრესის მოწვევა. ამას მიუმატეთ, თუ გნებავთ, მცერი-
 ცარიის გეოგრაფიული მდებარეობაც.

დასავლეთის სრული განცალკევება აღმოსავ-
 ლეთთან ახლა აღარ არსებობს; საყოველთაოდ აღიარ-
 ებულია, რომ დასავლეთის ცივილიზაციის დასა-
 წყისი აღმოსავლეთში უნდა მოინახოს. ახლად აღმო-
 ჩენილი წყაროები ნათლად გვიმტკიცებენ, თუ რა
 ხშირი მიმოსვლა და კავშირი ყოფილა ძველ ხალხ-
 თა შორის. მოგეხსენებათ შესანიშნავი ნაშთნი ტელ-
 ელ-ამარნის (Tel-el-amarna), აღმოჩენილი ამ უკანა-
 სკნელ ხანს, დაფები ლურსმული წარწერით მე-XVIII
 დინასტიის უკანასკნელი მეფის დროს. ესენი შეი-
 ცავენ კორესპონდენციებს, მოხსენებებს, კერძო დო-
 კუმენტებს, რომელნიც არ იყვნენ ოფიციალური.
 ეს წერილები გვიჩვენებენ, რომ სირიის და პალეს-
 ტინის ქალაქებში, ებრაელთა მოსვლამდის, გავრ-
 ცელებული ყოფილა ბაბილონის ენა ზე წერა. თარაონ-
 თა ქვეშევრდომი ქალაქების მმართველები ამ ენას ხმა-
 რობდენ. მაშასადამე, როცა ეგვიპტელებმა (XVIII
 დინასტიის ხანს) ეს ქალაქები დაიპყრეს, მმართვე-
 ლად დაუყენებიათ არა ეგვიპტელი, არამედ მკვიდ-
 რი, მცოდნე ადგილობრივი ენისა და ზნე-ჩვეულე-
 ბისა. ეს მოხელენი ეგვიპტის მეფეს მისწერდენ ბა-
 ბილონურ ენაზე, რის გასაგებად საჭირო იყო
 მთარგმნელი (ეს სიტყვა იხმარება მაშინდელ ნაწე-
 რებში). ცხადია ბაბილონის გავლენა ამ უხსოვარ-
 დროს სირიაზე და პალესტინაზე. მესოპოტომიის
 მეფეები სთხოვენ წერილში ეგვიპტელთ ოქროს
 გამოგზავნას, უთუოდ დასამუშავებლად, რადგანაც

ფარაონები მშვენიერ ჭურჭლებს, ტაძრის კედლებზე და სასაფლაოზე გამოხატულებს, აზიიდან იღებდენ. ამ ოქროს, რომელსაც მესოპოტომიის მეფეები თხოულობენ, სად შოულობდა ეგვიპტე? შუაგულ აფრიკაში და წითელ-ზღვის ნაპირას. მაშასადამე აფრიკა აგზავნიდა აზიაში დასამუშავებელ მასალას. ჩვენ ვიცით, რომ იმავე დინასტიის ერთმა დედოფალმა წითელ-ზღვის ნაპირას პუნტა (Punt) ქვეყანაში, ზღვით გაგზავნა ექსპედიცია მცხოვრებლებთან სავაჭრო კავშირის დასაჭერად. ამასთანავე სთხოვა წამოეღოთ გუნდრუკი, ოქრო, სპილოს ძვალი და შავი ხე. აი, ეს ოქრო მიდის მესოპოტომიაში, იქ აკეთებენ შვენიერ ჭურჭლებს და გზავნიან ისევ ეგვიპტეში. ამნაირათ შეგვიძლია აღვადგინოთ ძველი გზა აფრიკასა და აზია-საბერძნეთს შორის. უარი უნდა ეყოს იმ აზრს, ვითომ ძველი ხალხი კარჩაკეტილ ცხოვრებას ატარებდა და არავითარი დამოკიდებულება არ ჰქონდა თანამედროვე ხალხებთან, ესენი ვითარდებოდნენ თავისთავად, ერთმანეთის დაუხმარებლად. ამ შემცდარ შეხედულებამ თავისი დრო მოსჭამა. ძველ ხალხთა შორის ისეთი განწყობილება სუფევდა, როგორსაც გვიჩვენებენ სხვა-და-სხვა ნაშთნი და ცხადია ერთმანეთზედაც გავლენა უნდა ქონოდათ; ხელოვნებაში მაგალითად ერთ ერს შეეძლო მეორისაგან გადმოეღო იდეა და შემდეგ განევითარებია თანახმად თავის განსაკუთრებითი ნიჭის და თვისებისა.

მას შემდეგ, რაც რუგემ (1867 წ.) წარმოადგინა მოხსენება ეგვიპტის წარწერების შესახებ და ამ ბოლოს

დროს გავიცანით ტროიასი, მიქენის ო ტარენტის ნან-
 გრევეები, შეგვიძლია და რწმუნებით ვთქვათ საბერძნე-
 თის ცივილიზაცია აღმოსავლეთიდან მომდინარეობს.
 ბოდიშს ვიხდი ჰოტურიდ მიულერის სკოლის ჰელენ-
 ნისტების წინაშე, რომელნიც იცავდენ საბერძნე-
 თის კულტურის თავისებურობას და სხვისგან დამო-
 უკიდებლად განვითარებას. ეს აზრი საშინლად და-
 მარცხდა. ყოველად შეუძლებელია დღეს საბერძნეთი
 დავაცილოთ აღმოსავლეთს, კითხვა მხოლოდ იმა-
 შია, რა ეკუთვნის თითონ საბერძნეთს და რა
 აღმოსავლეთს. ნუ ვიქნებით თვითონ ჰელინებზე
 უფრო ეჭვიანი, იმ ჰელინებზე, რომელნიც მეტათ
 ამაყობდენ თავიანთი არტისტიული და ლიტერა-
 ტურული განათლებით და ყველა სხვა ხალხს ბარ-
 ბაროსს უწოდებდენ. ამ ჰელინებმა განაცხადეს,
 რომ სოლონმა, პითაგორმა და პლატონმა ვერც
 კი დასძლიეს უცხო ხალხთა სიბრძნეო, და როცა
 საისის ღვდლები სოლონს ეუბნებიან: თქვენ ბერძნე-
 ბი ჯერ კიდევ ბავშვები ხართ, ის მას შეუჩაცყო-
 ფად არ ღებულობს. საბერძნეთის ცივილიზაცია,
 ეს თვითონ ჩვენ ვართ, ეს ჩვენი ცხოვრების სათა-
 ვეა. თუ ბერძნები ეგვიპტის და ბაბილონის მოხარ-
 კენი იყვნენ, გამოვტყდეთ, რომ ჩვენი ნათესაობა
 აღმოსავლეთთან ძლიერი არის. აღმოსავლეთიდან
 მივიდეთ რელიგიური რწმენანი, რასაც ბევრი ჩვენ-
 განი დიდათ აფასებს, აღმოსავლეთშივე უნდა ვე-
 ძიოთ დასაწყისი ჩვენი არტისტიული, ლიტერატუ-
 რული, თუ მატერიალური ცხოვრებისა, რომელიც
 შეცვლილ-შეზავებული ჩვენ ბერძნებმა გადმოგვცა.

ეს მცირე მიმოხილვა, ბატონებო, დაგვანახებდა, რანაირათ მესმის ორიენტალიზმის დღევანდელი მიმართულება. გამოძიება იმის, თუ რა აკავშირებს ხალხთ ერთმანეთთან და რა აქვთ საერთო თავიანთ ცვილიზაციაში, აი, რას მოასწავებს ეს მიმართულება. არ ვტოვებთ გამოუკვლეველად არც ერთს ხალხს, მივდივართ ჩინეთის კედლამდის, და ვეკითხებით, ხომ არ გაქვთ რაიმე ნათესაობა ძველ ქალდეასთან. ამ მიდრეკილებას ერთი ფრიად სასარგებლო შედეგი მოჰყვა: იძულებული შევიქენით ერთმანეთისათვის ხელი მიგვეცა და ერთად გვემუშავა. ინდოეთის მკვლევარი ვერ გაუდგება განზე ებრაიზმის მკვლევარს და ასირიოლოგი ჩინეთ-იაპონიისას. საქირია, ერთმანეთს დაუახლოვდეთ, თორემ ისე ვერას გავაწყობთ. აი, რისთვის მიყვარს ორიენტალისტების კონგრესი. ეს ცოცხალი საბუთია ჩვენი ერთობის, ურომლისოდაც ყოვლად შეუძლებელია ჩვენ მიერ გაკვლეულ გზაზე სიარული. და ქეშმარიტების ძიება“ ...

ამით გათავდა საპრეზიდენტო სიტყვები. შემდეგ კონგრესი დაიყო რამდენიმე სექციებათ და თითოეულ სექციას ცალკე ოთახი ჰქონდა მიჩენილი სამუშაოთ, სადაც გარეშე პირთ, ჟურნალისტებს გარდა, აუკრძალეს შესვლა. ჩვეულებრივ, ორიენტალისტების კონგრესი ექვსი სექციიდან შესდგებოდა, მაგრამ წელს ორი ახალი სექცია მიუმატეს: ეთნოგრაფიული და გეოგრაფიული, — თავმჯდომარე ცნობილი მოგზაური პროფ. ბუდა-პესტში ვამბერი; 2) საბერძნეთი და აღმოსავლეთი, თავმჯდომარე ნიუორ-



კის პროფესორი ბერრიაში; ძველი სექციები: 1) ინდოეთი, თავმჯდომარე ლორდ რეი, დიდ-ბრიტანის სამეფო აზიური საზოგადოების თავმჯდომარე; 2) ინდოეთის ლიგენსტიკა და არიელთა ენები, თავმ. ასკოლი, იტალიის სენატორი; 3) სემიტური ენები, თავმჯ. პროფესორი ჰალის უნივერსიტეტისა კაუტჩი; 4) მუსულმანთა ენები, თავმ. შეფერი, პარიზის ინსტიტუტის წევრი, 5) ეგვიპტე და აფრიკის ენები თავმ. მასპერო, წევრი ინსტიტუტისა; 6) შორეული აღმოსავლეთი, თავმ. ლეიდენის უნივერსიტეტის პროფესორი შლეგელი. ასე დაანაწილეს აღმოსავლეთის შესწავლა და ქართული ენა კი არც ერთ ნაწილში არ მოხვდა. ამის მიზეზი ის არის, რომ ჩვენი ენა არც ერთ ამ კრებულს არ ეკუთვნის, მხოლოდ ის კი არ არის გამოკვლეული, რომელი ჯგუფის ნაწილს შეადგენს. რადგანაც სექციების სხდომა თითქმის ერთსა და იმავე დროს იწყებოდა, ცხადია ყველას ვერ დავესწრებოდი და რომ დავსწრებოდი ანგარიშის შედგენა მე არა, სპეციალისტსაც გაუჭირდებოდა. ამისათვის ჩვენ გამოვარჩიეთ საეთნოგრაფიო სექცია, სადაც იყვენ მიწერილნი: მოსკოვის საარქეოლოგიო საზოგადოების წარმომადგენელი ა. ხახანაშვილი, ბოსნე-ჰერცოგოვინის გუბერნატორი ჰოროვიჩი, აზიაში მოგზაური ჰანრი მოზერი, სულთანის წარმომადგენელი ქიამილ ბეი, რუსეთის საერო განათლების სამინისტროს წარმომადგენელი ეზოვი, თ. კოსტანტინე ვიაზემსკი (ეს პირდაპირ ჩინეთიდან ჩამოვიდა), რუმინის მეფის წარმომადგენელი ჰოლბანი, ლუი ბენლევი (ფრანგია), სომეხი მეგავარიანი

და მრავალი სხვა. სექციებში შრომა მიდიოდა ამ ნაირათ: სხვა-და-სხვა პირებს დამზადებული ჰქონდათ მოხსენებები ამა თუ იმ კითხვის შესახებ, რომელთა რიცხვი 112-დის ავიდა. მოხსენებას რომ წაიკითხავდენ, შემდეგ გაიმართებოდა ბჭობა და ირკვევოდა მოხსენებაში აღძრული კითხვა. ჩვენ აქ წარმოგიდგინთ ეთნოგრაფიულ სექციის მოკლე ანგარიშს.

პირველად წაიკითხა ფრანგულ ენაზე ხახანა-შვილმა ამ სათაურით: უცხოელთა გავლენა საქართველოს ცივილიზაციაზე (les influences étrangères sur la civilisation géorgienne). აი, შინაარსი ამ მოხსენებისა:

ამიერ კავკასიის ჩრდილო-დასავლეთის მხრით შვიდი საუკუნის წინ ქრისტეს მოსვლამდე დასახლდა ქართველი ხალხი, რომელიც ქრისტიანულ ერას შემდეგ დანაწილდა რამდენიმე სამეფო-სამთავროებათ: ქართლ-კახეთი, იმერეთი, გურია-სამეგრელო და სვანეთი, მუდმივი ბრძოლა და შუღლი ამ ნაწილთა შორის ხელს უწყობდა გარეშე მტერთა შემოსევას და მისი ძლიერების შესუსტებას. ამისათვის ეს პატარა ქვეყანა ჰხდებოდა სარბიელად, სადაც შეუწყვეტილად თარეშობდნ ასირიელები, სპარსეთი, ბიზანტია, სათათრეთი და კავკასიის ველური თემები. მაშინ, როდესაც კავკასიის მიუდგომელ ხეობებში თავისუფლად ცხოვრობდნ ბევრი უცნობი ჯგუფი, სამხრეთით ძველი ივერია 14 საუკუნის განმავლობაში სისხლის ღვრით იცავდა ქრისტიანობას და კულტურას.

საქართველოს მშენებელი და მდიდარი ბუნება თავიდანვე იტაცებდა ყურადღებას სპარსეთის, ეგვიპტის, ფინიკიის, საბერძნეთის, იტალიის და სხვა ქვეყნებისას. აქ მოდიოდნენ, აარსებდნენ ახალშენებს, მართავდნენ აღებ-მიცემობას, ავრცელებდნენ თავიანთ ენას, ზნე-ჩვეულებას და კულტურას. საქართველო, მდებარე შავსა და კასპიის ზღვებს შუა, შეიქნა აღმოსავლეთ-დასავლეთის შემაერთებელ ხიდად. რომის და მტკვრის ნაპირებზე გაშენდნენ ქალაქები და გაჩაღდა ვაჭრობა. ერთი მხრით ფოთი, (ფაზისი) დიოსკურია, ეა, და სხ., მეორე მხრით, მცხეთა, უფლისციხე, კასპი, სურამი, ურბნისი და სხვა გახდნენ მისვლა-მოსვლის ცენტრებად. არქეოლოგიური ნაშთნი სამთავროს სასაფლაოსი (მცხეთას) გვიჩვენებენ, რომ საქართველოს ინდოეთთანაკ ჰქონებია მიმოსვლა. ჰეროდოტის თქმით კოლხიდაზე ძლიერი გავლენა ჰქონდა ეგვიპტეს და თვით კოლხიდელნი ეგვიპტელთა ჩამომავალიაო. ამის დასამტკიცებლად მოჰყავს შემდეგი ფაქტები: ორივე ხალხი ერთნაირად ამზადებენ ტილოს, ერთნაირად სცხოვრობენ და წინადაცვეთის ერთ და იმავე წესს მისდევენ. ამ წესს ასრულებენ ამათ გარდა მხოლოდ ეთიოპიელებიო. კოლხიდელნი ეგვიპტელების თუ ქართველების ჩამომავალნი არიან—ეს ჯერ კიდევ სადავო კითხვაა. მხოლოდ ის კი აღარ არის საეჭვო, რომ შავი ზღვის აღმოსავლეთ ნაპირას მცხოვრებ ხალხს ვაჭრობა ჰქონდა გამართული ეგვიპტესთან. ბარონ უსლარის აზრით კოლხიდელნი აირიენ ქართველებში და ამ შერევამ იქონია გავლენა მეგრულ-ლაზურ ენების ლექსიკურ

შედგენილობაზე. ქართველი მემატეანენი ეგვიპტელთა წინააღმდეგ საქართველოში მნათობთა თაყვანისცემის გავრცელებას. ამას გარდა ქართველები ვაჭრობდნენ ასირიელებთან და ბაბილონიელებთან. ესენი მე-VI საუკუნეში (ქრისტეს წინ) საქართველოში ყიდულობდნენ მონებს, სპილენძის ჭურჭელს და სხ., წონის სისტემაც ერთნაირი ჰქონდათ. ამავე დროს ფინიკიელნი შემოვიდნენ და შემოიტანეს კულტი ასტარტისა. ამ ღმერთების შესახებ ნაშთები აღმოაჩინა ყაზბეგზე საფრანგეთის სწავლულმა მონტრომ. მტკვრის და არაქსის ხეობებში ნაპოვნი იარაღები ქალდეო-ასურეთის ყალიბისაა. შვილდის ტარები ნაპოვნი სამთავროს აკლდამებში უტყუარი საბუთია ასურეთთა ზედ-გავლენისა*).

მაგრამ საქართველოზე არც ერთ ქვეყანას არ ჰქონებია ისეთი გავლენა, როგორც სპარსეთს და ბიზანტიას. საქართველოს ცხოვრება, ქრისტიანობის მიღებამდე, მჭიდროდ იყო შეკავშირებული სპარსეთის კულტურასთან. სპარსეთის მეფეთა წინამძღოლობით ქართველები ებრძოდნენ ბერძნებს, სკვითებს და სხ. მემატეანეს თქმით სპარსეთიდან საქართველოში შემოდის ზოროასტრის სარწმუნოება, ხუროთ-მოძღვრება, მოთხრობები და ზეპირ-გადმოცემები მათი გმირების შესახებ (რუსტემი და ზურაბი) და სხ. ზოროასტრის სარწმუნოებამ ისეთი ღრმა კვალი გაავლო ქართველთა ცხოვრებაში, რომ ახლაც ვხვდებით მის ნაშთს. მაგ. ქართველების წარმო-

*) Morgan. Mission scientifique au Caucase II. Chentre. Recherches antropol. dans le Caucase.

დგენა ეშმაკის, საიქიოს და ჯოჯოხეთის შესახებ პირდაპირი ნაყოფია ზოროასტრის სისტემისა. მე-XVI — XVII საუკ. საქართველოს სისუსტით სარგებლობდენ სპარსელები, მეფეებად ნიშნავდენ თავიანთ კაცებს, და გავლენაც ძლიერდება. მოგზაური შარდენის აწერილობით საქართველოს და სპარსეთის სახსლებების მორთულობა, და ხალხის ჩვეულება არაფრათ განიჩეოდა ერთმანეთისაგან.

მე-IV ს. საქართველო ქრისტიანდება და სპარსეთის გავლენასაც თანდათან ძირი ეთხრება. მის ალაგს იქერს ბიზანტია. ბიზანტიიდან გადმოდის საღვთო წერილი, აპოკრიფები, წმინდათა ცხოვრება და სხვა სალიტერატურო ნაწარმოებნი. მე X საუკუნიდან ქართველები იძენენ განათლებას ბიზანტიაში, შემდეგ ბრუნდებიან და ხსნიან სკოლებს, სადაც ასწავლიან ღვთის მეტყველებას, მათემატიკას, გრამატიკას, ბერძნულ და სირიულ ენებს და სხ. მე-XII საუკ. კახეთში გაიმართა არსენი იყალთოელის შესანიშნავი სკოლა. აქ სწავლობდა პოეტი შოთა რუსთველი. ათონის მონასტერი შეიქნა შემაერთებელ ხიდად საქართველოს და ბიზანტიას შორის. შოთა რუსთველი ამ მონასტერში ამთავრებს სწავლას. ერთი სიტყვით საქართველოს სწავლა განათლება და სასულიერო მწეწლობა სრულიად დამოკიდებული შეიქნა ბიზანტიისაგან.

მე-VIII საუკუნიდან ბიზანტიის ზე-გავლენას დაერთო არაბთა გავლენა, რომლის წყალობით საქართველოში ვრცელდება მათემატიკა, ასტრონომია, ხუროთ-მოძღვრება და მხატვრობა. თბილისში არსდება იმ დროს ასტრონომიული ობსერვატორია.


ამ სამი ერის გავლენას ქვეშ ვითარდება საქართველოს კულტურა, მდიდრდება მწერლობა, უმჯობესდება ენა. ასეთი პროგრესიული მიმდინარეობა უმაღლეს წერტილს მიაღწევს მე-XII საუკ., როცა თამარ-მეფის წინამძღოლობით საქართველოს ხელთ-ქვეშ იკრიბება მთელი კავკასია. პოლიტიკურ სიძლიერეს თან მოყვა გონებრივი სიძლიერეც. პოეტები რუსთველი, შავთელი, ჩახრუხაძე, თმოგველი და სხ. არიან დიდი შვილნი ამ ხანისა. თამარს შემდეგ ქვეყანა ეცემა და სუსტდება. საქართველოს თავს დაატყდა არეულობა შიგნით და ომი გარეთ. მე-XIII ს. შემოესიენ მონგოლები, მე-XIV ს.—ტამერლანი, მე-XVII ს.—შაჰ-აბას I. საქართველო ვარდება ხან თათრების, ხან სპარსელების ხელში და ხან ქართველები აღწევენ თავს უცხოელების ბატონობას. 1795 წ. ირაკლი II მეფობის დროს ალა-მაჰმად-ხანი შემოვიდა დიდი ჯარით და ქვეყანა სრულიად ააოხრა. ამან დაასრულა საქართველოს თვითარსებობა, ის უერთდება რუსეთს ამ საუკუნის დასაწყისში.

ასე სამწუხაროდ დაბოლოვდა საქართველოს ბედი. ქართველი ერთი ხელით იცავდა სამშობლოს, მეორეთი აშენებდა ტაძრებს არა მარტო საქართველოში, არამედ პალესტინაში, სირიაში, სინაიაში და ათონში. მუსულმანთა წინააღმდეგ ის პოულობდა იარაღს და თავშესაფარს ეკლესიაში. აქედან ცხადია, რა დიდი გავლენა ექნებოდა ეკლესიას ხალხის გონებაზე. დაუსრულებელ ბრძოლამ სარწმუნოებისათვის საქართველო აიძულა მიემართა ერთ-

მოაწმუნე რუსეთისათვის. ამ ორ სახელმწიფოს შორის პოლიტიკური მიმოსვლა იწყება მე-XVI საუკუნიდან. ამის შედეგი იყო რელიგიურ-კულტურული გავლენა, რაიცა გამოიხატა საეკლესიო მხატვრობაში და ღვთის მსახურების წესებში; შემდეგ კი მწერლობაში, რუსეთის შუამდგომლობით, შემოდის ევროპის ცივილიზაცია. მეორე მხრით, მას შემდეგ რაც ოსმალებმა ახალციხის მაზრა დაიპყრეს, აქ კათოლიკე მისიონერები გამოვიდნენ, აქედან კი შუაგულ საქართველოში, სადაც იმათ დახვდა სტუმართ-მოყვარეობა და თანაგრძნობა. ამათ ისე გაიდგეს ძირი, რომ მე-XVIII ს. კათალიკოზი ანტონი I აცხადებს მიდრეკილებას კათოლიკობისაკენ, რის გამო ის განძევებული იქმნა რუსეთს. აქ მან თავი გაიმართლა სინოდის წინაშე და მიიღო ეპისკოპოსობა ვლადიმირში. როცა საქართველოში დაბრუნდა, მოიტანა ნათარგმნი, თუ ორიგინალური სახელმძღვანელოები ღვთის-მეტყველების, ლოდიკის, ფილოსოფიის და სხვა საგნებისა. ამ სახელმძღვანელოებით ასწავლიდნენ თბილისის და თელავის სასულიერო სემინარიაში.

ამგვარად, ქართველი ხალხი დღეს სამად არის დანაწილებული: მართლ-მადიდებელი, კათოლიკე და მაჰმადიანი.

ეს მოხსენება დიდი ყურადღებით მოისმინეს და გადასცეს კომისიას დასაბეჭდად.



ბატონ ხახანაშვილის მოხსენების შემდეგ ფრიად საყურადღებო მოხსენება წაიკითხა ბოსნია-ჰერცოგო-



გოვინის გუბერნატორმა ჰოროვიჩმა ამ სათაურით: „ისლამის გავლენა ბოსნიის ქრისტიან ხალხებზე“ (L'influence de l'islam sur les populations chretiennes en Bosnie). ბ-ნ ჰოროვიჩი შეეხო ერთ მეტად საჭირ-ბოროტო კითხვას: რა ნიადაგზე შეიძლება ერთობის დამყარება ერთ და იმავე ერის ქრისტიანთა და მაჰმადიან ნაწილთა შორის? ამით ეს მოხსენება შეიძლება ჩაითვალოს ბ-ნ ხახანაშვილის მოხსენების გაგრძელებად. აი, შინაარსი:

საშუალო საუკუნოებში ბოსნიაში თეხი მოიკიდა და გაძლიერდა „ბოგომილთა“ (ღვთის მოყვარეთ) სექტა. პაპის და მეფეთა მიერ ყოველივე ღონისძიება იქმნა მიღებული ამის გასანადგურებლად. ბრძოლაში მან გავლო დიდი დრო და ბოლოს ისე მინელდა, რომ ეგონათ მოისპოო. მე-XV საუკ. ოსმალები გადმოვიდნენ მცირე აზიიდან და დაიჭირეს ბიზანტიის დედა-ქალაქი კონსტანტინოპოლი. ახლა ჯერი მიდგა მოსაზღვრე სლავიანთა ხალხებზე. ცოტა ხნის განმავლობაში ესენიც ჩავარდნენ ოსმალთა ფლობელობის ქვეშ. ამათ შორის ბოსნიაც. როგორც ახალი წყაროებით მტკიცდება, ოსმალები ბოსნიაში „ბოგომილებს“ შეუყვანიათ და მათ ბატონობას ხელს უწყობდნენ იმ იმედით, რომ პაპის და კათოლიკე მეფეთ დევნას თავს დავაღწევთ და ჩვენს სარწმუნოებას თავისუფლათ აღვიარებთო. როგორც ვიცით, ოსმალებს ფეოდალური წყობილება და ბატონ-ყმობა არ ჰქონებიათ. ყორანის ბძანებით ყველა მართლ-მორწმუნეს (მამაკაცს) ერთი და იგივე უფლება-უპირატესობა აქვს, ალახის ქვეყნიერ წარ-

მომადგენელის სულთანის წინაშე თანასწორნი არიან. აი, ეს დედა-აზრი შემოიტანეს ოსმალებმა სლავიანთა ქვეყნებში. ამისათვის აქ აზნაურობა სრულიად მოისპო და დღეს მაგ. ბოსნიაში ამ წოდების კვალიც არა სჩანს. ოსმალთა შემოსვლამდე ბოსნიაში, როგორც სხვაგან, ფეოდალური წყობილება მეფობდა. ბევრი ისტორიკოსი ამბობს, ვითომ ბატონ-ყმობა ბოსნიაში ოსმალთა შემოსევის შემდეგ დამყარებულ იყო. მაგრამ ეს მოკლებულია ყოველსავე სიმარლეს. წინააღმდეგ ამისა, როცა ოსმალები შემოვიდნენ, ფეოდალთა და მათი ყმების ძლიერი ორგანიზაცია დაუხვდა. ხალხი ისე ჰყავდათ ჩაქერილი ამ თავ-გასულ აზნაურებს, რომ ნამდვილ მონურ მდგომარეობას წარმოადგენდა. მებატონეები არავის სცნობდნენ უფროსად, მათი მოქმედება ძალადობაზე იყო დაფუძნებული, და მეფეთა გავლენას მუდამ ებრძოდნენ. ოსმალეთის მთავრობამ კი მოითხოვა მათი სრული მორჩილება, ამისათვის სხვა-და-სხვა რეფორმები შეიტანა ბოსნიაში. სულთანმა გამოაცხადა: გლეხი, რომელიც ისლამს იწამებს, განთავისუფლებულია ბატონ-ყმობისაგან და სულთანის სათარველ ქვეშ იმყოფებაო. ამას წინააღმდეგ აზნაურობა და გაიმართა დაუსრულებელი ბრძოლა. აზნაურებს ებრძოდნენ ერთი მხით ოსმალები, მეორე მხრით მათი გამაჰმადიანებული ყმები, ბოლოს ისინი დამარცხდნენ და ახალი წყობილება ძალაში შევიდა. ბევრი აზნაური ჰერცოგოვინაში გაიქცა, იქ, სადაც დღემდის შეჩჩენიათ უპირატესობა.

ამ ჟამად ბოსნიაში 700,000 გამაჰმადიანებული სლავიანები ცხოვრობენ. თუმცა ავსტრიასთან შე-



მოერთების შემდეგ ოსმალეთში გადასახლება დაიწყეს, მაგრამ ამათი რიცხვი ძლიერ ცოტაა, სათქმელადაც არ ღირს (სულ 40,000). ახლა კი გადასახლებაზე აღარავინ ფიქრობს. ჩვენი ყოველივე ძალა მიმართულია იმისკენ, რომ ისინი არ დაგვშორდნენ და სამუდამოდ არ გაშორდნენ სამშობლოს. იმათ ზნე-ჩვეულებას ძალას არ ვატანთ, ზიზღით არ ვუყურებთ. პირ-იქით ჩვენ მხოლოდ ვეხმარებით მათ და ვუკეთებთ, რაც მათ ჰსურთ. მთავრობა უმართავს მათებურ სკოლებს, უყენებს მათსავე მსაჯულებს და სხ. იმათთვის დაარსებულია უმაღლესი სასწავლებელი, საიდანაც გამოდიან მსაჯული-ყადები. ამათ შესწავლილი აქვთ იურისპრუდენცია და სხვა საჭირო საგნები. იშვიათად ნახავთ მრავალ ცოლიანს. ბოსნიელი მაჰმადიანის აზრით გაყიდვა არ შეიძლება თავის სულის, ცოლის და საკუთარი მიწის. ასე მოუგიათ ჩემთვის, როცა მიწა-ადგილების გამო მქონდა მათთან საქმეები. ეს სლავიანთა ძველი შეხედულებაა, რაიცა ამტკიცებს იმ გარემოებას, რომ ისლამს მათზე ღრმა გავლენა არ ჰქონებია, ახალ სარწმუნოებას მათში არ ჩაუქრია სლავიანური ტრადიცია და დედააზრი (l'esprit national). ჩვენ გვსურს ეს საძირკველი არ დაინგრეს და ამაზე აშენდეს ჩვენი მათთან შეერთება. არ იფიქროთ, რომ ეს შეუძლებელი იყოს მანამდის, სანამ ისინი არ გაქრისტიანდებიან. ეს ღრმა შეცდომაა. ახლანდელ დროში ხალხს აერთებს არა სარწმუნოება, არამედ ცივილიზაცია. წარმატების, პროგრესის საქმეში სარწმუნოებას დღეს არავითარი მნიშვნელობა არა აქვს. როცა ჩვენ ვამბობთ ცივილი-

ზაცოიას, სახეში გვაქვს მხოლოდ ქრისტიანი ხალხი.
 რათა? განა სხვა სარწმუნოების ხალხს არ შეუძლია
 ცივილიზაციის შეთვისება და წინსვლა? დამტკიცება
 იმის, რომ მაჰმადიანებიც ისეთი ნიჭიერი არიან,
 როგორც ქრისტიანები, და იმათაც შეუძლიათ თანა-
 მედროვე ცივილიზაციის შეთვისება — აი, ახლანდელი
 დროის პრობლემა. ამას ბოსნიის მაჰმადიანები გვიმ-
 ტკიცებენო, დაასრულა ბ-ნ ჰოროვიჩმა.

ჰანი მოზერი. მე თვითონ მიმოგზავრია ბო-
 სნიაში და ჩემი თვალით მინახავს, რასაც ბ-ნი ჰო-
 როვიჩი მოგვითხრობს. დიდათ გამაკვივრა ბოსნიის
 მაჰმადიანების განვითარებამ, ისინი უკვე დამდგა-
 რან ცივილიზაციის გზაზე და ამ საქმეში დიდი სამ-
 სახური მიუძღვის ავსტრიის მთავრობას.

ქიამილ ბეი. ორივე მოხსენება, წაკითხული ბბ.
 ხახანაშვილის და ჰოროვიჩის მიერ, ეხება ისლამს
 და მის მნიშვნელობას ისტორიაში. ერთ და იმავე
 კითხვის შესახებ ორივეს სხვა-და-სხვა აზრი გამოუ-
 თქვამთ, ბ-ნ ხახანაშვილი ისლამში ხედავს სხვა სარ-
 წმუნოების და ხალხოსნობის მტერს, საქართველოს
 და ოსმალეთს შორის ამტყდარ ბრძოლის მიზეზს
 სარწმუნოებაში ეძებს. ბ-ნ ჰოროვიჩი ისლამში თუმ-
 ცა ხედავს სხვა სარწმუნოების სიძულვილს, მაგრამ
 ბრძოლის მიზეზს ეძებს არა აქ, არამედ სოცია-
 ლურ პირობებში. სამწუხაროდ როცა ევროპიელები
 სჯიან ჩვენი რჯულის შესახებ, ისინი სრულიად
 არ იცნობენ ისლამს. ბ-ნმა ჰოროვიჩმა თქვა, ის-
 ლამი აზიურიაო, მაგრამ რა ვუყოთ? ქრისტიანობაც
 აზიური არ არის? ქრისტიე აზიელი არ იყო? რა



არის ისლამი? მაჰმადს აჩაფეჩი არ გამოუგონია, მან მხოლოდ გამოკრიბა მოძღვრება ღმერთზე ებრაელთა სარწმუნოებისაგან, ზნეობაზე კი ქრისტიანობიდან და შექმნა ერთი—ისლამი, რომლის თვისება არ არის მტრობა და სიძულვილი სხვა სარწმუნოებისა. წინააღმდეგ შემთხვევაში განა შესაძლებელი იყო ისლამის გავრცელება? და თუ გავრცელდა, იმიტომ რომ ეს აკმაყოფილებს სულიერ მოთხოვნილებას ამა თუ იმ ხალხისას. ისლამს ამასთანავე ის უპირატესობა აქვს, რომ მისი შეხედულებით ყველა მართლ-მორწმუნე თანასწორია, არ იცნობს ბატონს და ყმას, აზნაურს და გლეხს, ბ-ნ ჰოროვიჩმა მოიხსენია ისიც, რომ ქრისტიანებს მაჰმადიან სამსჯავროში მოწმედ არ ღებულობდენ მაჰმადიან საქმეებშიო...

ჰოროვიჩი. ახლა კი არ არის ასე, მე ისტორიულ წარსულზე მოგახსენებდი...

ქიამილ ბეი. მართალია ეს, მაგრამ თვითონ მაჰმადიანებს კი ღებულობენ მოწმათ ყოველთვის? მაგ. ერთმა კაცი მოჰკლა. მკვლელის პირადობას ამტკიცებენ ორი ქალი და ერთი კაცი. კანონი არ ღებულობს ამათ ჩვენებას. ხოლო თუ ორმა მამაკაცმა კი განაცხადა: ეს არის კაცის მკვლელიო, საკმარისია, დამნაშავე სიკვდილით ისჯება. ამას თხოულობს კანონი და ხვანთქარსაც არ შეუძლია განაჩენის დარღვევა. ამ ნაირად, როგორც ხედავთ, სამი სული მაჰმადიანის ჩვენებას არაფრად სთვლიან, ორისას კი. ეს იმისთვის რომ სამში ორი დედაკაცია, კანონი კი თხოულობს ორ მამაკაცის მოწმო-

ბას. დედა-კაცის ამგვარი დამცირება, რასაც ვეფელია, ნაკლულევანებაა. მაგრამ საქმე ამაში არ არის. ისლამი არ სცნობს თვით მაჰმადიანის მოწმობას (მაგ. სამი სულია), მაშ რა გასაკვირელია, რომ იმავე ისლამს არ ეცნო მოწმედ სხვა სარწმუნოების კაცი ე. ი. ქრისტიანი.

აქ ბევრმა ერთად დაიწყო ლაპარაკი, ზოგი იძახდა, ყორანში სწერია ცეცხლით და ხმლით უნდა იქნას გავრცელებული ისლამიო და სხ. ამ დროს თავმჯდომარემ გამოაცხადა: აქ ორიენტალისტების კრებაა და არა ღვთის-მეტყველებისო და სხდომაც დახურა.


შემდეგ სხდომებზე მოხსენებები წაიკითხეს ლუიზენლევმა, თ. ვიაზემსკიმ და მეგავარიანმა.

ბენლევმა ილაპარაკა ალბანელთა გვარ-ტომობის შესახებ და ის აზრი გამოსთქვა, რომ ალბანელთა კოლხიდელებთან აქვთ კავშირი და ორივე ხალხი ერთსა და იმავე ტომს უნდა ეკუთვნოდნო. ეს მოსაზრება დაფუძნებული იყო ენის ეტიმოლოგიურ გარჩევაზე და განსაკუთრებით იმ ალბანულ სიტყვებზე, რომელნიც ბოლოვდებიან „ანდა“-თი. ამას თანავე ისიც გამოსთქვა, რომ არ არის ისეთი საინტერესო ქვეყანა, როგორც კავკასია, და უცნობი და შეუსწავლელია ჯერო. კავკასიის შუაგულ ნაწილში დასახლდნენ ალბანელები, იმერლები და კოლხიდელები. პირველ ხალხმა დასტოვა თავისი სამშობლო და ჩვენამდე ვერ მოაღწია. იმერლები არიან დღევანდელი ქართველები. ამათი ისტორია უფრო გა-



რკვეულია, მხოლოდ კოლხიდელებზე კი ბევრი არა
 ვიცით-რა. ჰეროდოტის სიტყვით კოლხიდელები
 ეგვიპტელების ჩამომავლობა არის. კოლხიდა პირ-
 ველად რომის პროვინცია იყო, შემდეგ შედგა თავის-
 უფალ სამეფოდ—ლაზიკა—ქალაქ ქუთაისით. ამ ქვე-
 ყანაში ლაპარაკობდნენ (დღესაც ლაპარაკობენ) ქა-
 რთული ენის დიალექტით, მაგრამ ამ ორ ენათა შო-
 რის დიდი განსხვავებაა. იმერლები პომპეის დროს მე-
 ურნენი იყვნენ და არა მეომარნი.

ვამბერი (თავმჯდომარე). ენა, ანტროპოლო-
 გიური წყობილება და იდეა ანუ დედა-აზრი—აი,
 უპირველესი ნიშნები ხალხის ჩამომავლობის გასა-
 გებათ. კავკასიაში კი არც ერთი ეს მხარე არ არის
 გამორკვეული.



თ. ვიაზემსკიმ წაიკითხა ჩაის შესახებ. ჩაის
 სამშობლო, როგორც ვიცით, ჩინეთია და განსა-
 კუთრებით ჩრდილოეთის ნაწილი. ბევრ ალაგას შინ-
 ჯეს ჩაის მოყვანა, მაგალითად, კავკასიაშიაც, მაგრამ
 ამ შრომამ უნაყოფოდ ჩაიარა. ნამდვილი ჩინური
 ჩაი არსად არ მოვიდა. ჩინელის უპირველესი სა-
 სმელი ჩაი არის. ის ჩაის ხმარობს საუზმემდი, საუ-
 ზმეზე, სადილობამდი, სადილზე, ნასადილევს, სალა-
 მოს და ვახშმად. კარგს თვითონ ხარჯავს, ცუდს ჩვენ
 გვიგზავნის; კარგი ჩაი ადრე ხდება, სამ თვეზე მეტს
 არ ინახება. ჩინეთში სვამენ ჩაის უშაქროდ და ურ-
 ძეოდ. ჩინელის აზრით როგორ შეიძლება ამაებით
 ჩაის გაფუჭება. ერთმა მანდარინმა მითხრა: აი, თქვენ
 კაცურად სვამთ ჩაის, მე ვნახე შანხაიში ერთი ზღვის

გალმელი (ევროპიელს ზღვის.გალმელს უწოდებენ), რომელიც მხეცურად სვამდა, შაქრით და რძით ათხუპნეს შვენიერი სასმელიო.

ჩაის ბუჩქს ინახავენ დაბლად, როგორც კი წამოიზრდება, მაშინვე გასხლავენ და დაადაბლებენ. ხშირათ ხუთი გრადუსი ($5^{\circ}/_{10}$) სიცივეა, მაგრამ ჩაის არ წყენს. ევროპაში ჩაი შემოდის ორი გზით: მონგოლიით და რუსეთით. მონგოლიაში ჩაის უმატებენ რძეს და ცხვრის ქონს და ისე სმენ. ჩაი აქ ფულადაც იხმარება; მაგ. იკითხეთ, რა ღირს ეს და ეს საქონელი, ისინი მოგიგებენ ამდენი და ამდენი ჯამი ჩაიო. ძლიერ ძვირფას საქონლისათვის რუსის მანეთს ღებულობენ, დანარჩენისათვის კი ჯამ ჩაის ანგარიშობენ. როგორ გაჩნდა ჩაი? ჩინეთის სამღვდელოება ამბობს, რომ ჩაის სმა თვით ღმერთმა ასწავლა ხალხსო. ერთხელ ხელმწიფეს მოესმა ხმა ეს-და ეს მცენარე მოხარშე და დალიეო, იმანაც მაშინვე გააკეთა და ნახა, რომ კარგი იყო. მას შემდეგ გავრცელდა ჩაის ხმარებაო.

კამბერი (თავმჯ.) ჩაის გავრცელების შესახებ ჩვენ უფრო საჩუმუნო წყარო გვაქვს, ისტორია ამ ნაირად მოგვითხრობს: მეორე საუკუნეში ქრისტეს შემდეგ ორი ჩინელი გაემგზავრენ დასავლეთ ჩინეთისაკენ. ისინი ავიდენ ჰიმალაის მთაზე და იქ წააწყდენ ჩაის მცენარეს და გამოიტანეს ჩინეთში. 1830 წელს ინგლისის მთავრობამ ინდოეთიდან გაგზავნა კაცები ჩინეთში ჩაის ხელობის შესასწავლად და ინდოეთში შესამუშავებლად. ეს საქმე რიგიანად წავიდა, მაგ. გასულ წელს ინგლისელებმა ინდოეთიდან

ორი მილიონი გირვანქა ჩაი გამოიტანეს და ამით დიდ მოცილოებას უწევდენ ჩინეთს, აქ ჩაის მოყვანა გაცილებით ძვირად ჯდება, ვინემ ინდოეთში, სადაც ინგლისელებმა სხვა-და-სხვა მანქანა შეიტანეს და ერთობ ჩაის მოყვანის საქმე წინ წასწიეს. ოთხი თვის განმავლობაში მე ინდოეთში ჩაით და ცხვრის ქონით ვიკვებებოდი და ეს ჩინებულად ვპოვე.

თ. ვიაზემსკი. ეს ისტორიული ცნობა დასაჯერებელი არ არის, იმიტომ რომ რატომ ჰიმალაიდან უნდა წამოეღოთ ჩაის მცენარე, მაშინ როდესაც ჩინეთშიაც ბევრი იყო.

ერთმა დაუმატა, რომ იაპონიაში ისეა გავრცელებული ჩაი, როგორც ჩინეთში და უფრო სუნნელოვანიც არისო.

ბ. მეგავარიანმა წაიკითხა თავისი თხზულება ამ სათაურით: „ნაშთნი ყიდვით და მოტაცებით ცოლის შერთვისა ძველ სომეხთა შორის (Yestiges du mariage par achat et par rapt chez les anciens Armèniens). ეს გახლავს დისერტაცია, რისთვისაც ლოზანის უნივერსიტეტმა ავტორს იურისპრუდენციის დოქტორობა მიანიჭა წელს. ბ-ნ მეგავარიანმა კრებას გადაცა მხოლოდ თავის ორას გვერდიანი წიგნის „რეზიუმე“, რასაც ჩვენ აქ მოკლეთ აღვნიშნავთ:

სომხური კლასიკური მწერლობა ჩვენი აზრის გამოარკვევად არავითარ მასალას არ გვაძლევს, ამისათვის უნდა მიუბრუნდეთ თანამედროვე ეთნოგრაფებს, რომელთა რიცხვი სამოცამდეა. პირველად

პოლანდიანცმა (მოსკოვის ინსტიტუტის პროფესორმა) დაიწყო ამ კითხვის გამოძიება, მაგრამ კითხვა კითხვით დარჩა, გადაჭრით არა უთქვამს რა. ევროპიულ მწერლობაში ამის შესახებ ვერას შეხვედებით და არც გასაკვირველია. ევროპიელები ჩამოდინან ჩვენში ცხოვრების შესასწავლად, მაგრამ ხალხის ენის, ისტორიის და ზნე-ჩვეულების არაფელი გაეგებათ. ამიტომ თუ დასწერენ რასმეს, ისიც სანახევროდ მათი ფანტაზიის ნაყოფია. მე მხოლოდ მოვიხსენიებ კოვალევსკის და ხახანაშვილის გამოკვლევებს.

თუმცა ახლა სომხეთში არ არსებობს ცოლის შერთვა ყიდვით ან მოტაცებით, მაგრამ იმდენი ჩვეულებები დარჩენილა ამის შესახებ, რომ შეუძლებელია უყურადღებოდ დაიტოვოს. სიძე აძლევს სხვა-და-სხვა საჩუქრებს ქალის მშობლებს და ამით ვითომ ყიდულობს თავის საცოლეს. ეს საჩუქრები უბრუნდება სიძეს მზითვის ფორმით. ერივანის გუბერნიაში ასე მიულოცავენ ხოლმე სასიძოს: შენი ვაჭრობა ბედნიერი იყოსო. ეს იმ დროინდელი ნაშთია, როცა ქალი გასაყიდ საქონლად იყო აღსარებული. ამ აზრს ხატვენ სომხური ანდაზები და სახალხო სიმღერები: მაგ. როცა ნეფე-დედოფალი ერთად არიან, ასე მღერაან: დედა მოატყვილეს ერთი ნახევი დაბასის ჩითით, დები მოატყუილეს ერთი მუჭა ყვავილებით, ძმა მოატყუილეს მაუდის ტანისამოსით, მამაც მოატყუილეს და დედა ატირეს. მეორე სიმღერა: ქისას სრულიად დააცარიელებენ და ქალიშვილს დიდ-დედას დააცილებენ. ვანის ახ-

ლოს ქალის სახელით დამღერიან: მე ძვირფასი ვარ ჩემი მშობლებისათვის და ვიგინდაჩას არ მიმყიდვიან. ქალის მოტაცების შესახებ შემდეგ ნაშთებს ვპოულობთ: მოსე ქორონელის თქმით ერთ მეფეს საცოლვე მოეტაცა. ახალ სასიძოს უთუოდ ხანჯალი უნდა ეკიდოს ქამარზე და ულოცვენ ამ ნაირად: შენი ხანჯალი ღმერთმა მახვილი ქნასო. ეს ამტკიცებს, რომ ხშირად იარაღის ხმარებაც საჭირო ყოფილა. როცა პატარძალი საქმროს მეგობრებს მოყავთ ამ დროს ქალის მეგობარ-ნაცნობები უხვდებიან გზაზე და არ უშვებენ. ვანის ახლოს სასიძო ამ მოწინაღმდეგეებს აძლევს ღვინოს, არაყს და სხვა სასმელებს, მაშინ ისინიც თავს ანებებენ და ქეიფს მართავენ.

ინდო-ევროპიელი ოჯახი, რომ რიგიანად იყოს შესწავლილი, საჭიროა შესწავლილ იქმნას სომხეთის, ქართველების და აზიის სხვა ხალხთა ოჯახის წყობილებაო, დაასრულა ბ ნ მეგავარიანმა.

ვამბერი. აზიის ყველა ხალხს არ ჰქონდა ჩვეულებად ქალის მოტაცება, მაგ. თათრებს და ავღანელებს.

ქიამალ ბეი. ოტომანის და სხვა მაჰმადიანთა სახელმწიფოში ქალს არას დროს მზითევს არ აძლევენ, პირ-იქით სიძეს მოაქვს ქალის მშობლებთან საჩუქრები. არაბეთში, ისლამის მიღებამდე, როცა ქალი დაიბადებოდა, ხოცავდენ, ან ტიროდენ. ეს ჩვენი აღარ არის, გაიზრდება და სხვა წაიყვანსო.

ამით დასრულდა ეთნოგრაფიულ სექციის შრომა. სხვა სექციიდან ჩვენ აქ მოვიხსენიებთ, ლეიდე-

მის პროფესორის შლეგელს მოხსენებას ჩინეთის
 დედაკაცის შესახებ. ავტორს საფუძვლიანათ აქვს
 შესწავლილი ჩინეთი და თავის მოხსენებაში სრულ-
 ლებით ახალი ცნობები შეუტანია. შლეგელს აზ-
 რით ზნეობრავი და სოციალური მდკომარეობით
 ჩინელი დედა-კაცი გაცილებით მაღლა დგას, ვინემ
 ევროპიელი. ისტორიის წინა დროშიაც დედა-კაცი
 მონა არ ყოფილა. ძველის-ძველი ისტორიული სა-
 ბუთი, ოდების წიგნი (le livre des odes) გვიხატავს
 ქალს თავისუფალ მიმოხვრაში, სიყვარულში და მო-
 ქმედებაში. ერთ მაშინდელ სიმღერაში ქალი ეუბნება
 კაცს: „მე შემძლია მიყვარდე, ბ-ნო თუმ, მაგრამ
 ხალხის ჭორებს ვერიდები“. ჩინეთის იმპერიაში პირ-
 ველ სამი ათასი წლის განმავლობაში დედა-კაცის
 გავლენა უფრო ძლიერი იყო, ვინემ მამა-კაცისა.
 თავადის ქალები ისე თავ-აშვებულნი იყვნენ, რომ
 მათი შერთვა ეძნელებოდათ. ჩინელი უფრო სია-
 მოვნებით დაიწვავდა თავის ორ ფეხს, ვინემ თავა-
 დის ქალის ქმრად გახდებოდა. მართლაც ეს მანდი-
 ლოსნები მთელ თავის დროს ყბედობაში და აქეთ-
 იქით სიარულში ატარებდენ. ჩქარა ამათ დაბალ
 წოდების ქალებმაც წაბადეს. ამ უთავ-ბოლო „ვიზი-
 ტების“ წინააღმდეგ მეათე საუკუნეში შემოიღეს
 ბარბაროსული ჩვეულება--ქალების დაბორკვა, 1664
 წელს იმპერატორმა მოსპო ეს ჩვეულება. მაგრამ
 საზოგადოებაში უკმაყოფილება გამოიწვია და იძუ-
 ლებული შეიქმნა ოთხ წელს შემდეგ ისევ შემოე-
 ლო. მიუხედავად ამისა დედაკაცი იქ თავისუფალია,
 ცოლქმარს შორის ჩხუბი და უკმაყოფილება, რაც



ასე ხშირია ევროპაში, ჩინეთში იშვიათია. ხშირად
 კმარია ცოლის მონა და არა ცოლი კმრის. ერთი
 ჩინეთის ისტორიკოსი ამბობს: „დედაკაცის უნდა
 გეშინოდეს სამხელ: პირველად, როცა ის ახალ-
 გაზდა ქალი-შვილია, მეორედ, როცა ოჯახის დე-
 დაა და მესამედ, როცა მოხუცი ოხერია“. სწავლა-
 განათლების მხრით ჩინელი დედაკაცი უფრო თა-
 ვისუფალია, ვინემ ევროპიელი. მას შეუძლია დაუბრ-
 კოლებლივ შეისწავლოს ხელოვნება, ლიტერატუ-
 რა, მეცნიერება. ამისათვის იქ სწავლული შესანი-
 შნავი ქალები ურიცხვია.

ჩინელი დედაკაცი თავის ბედით კმაყოფილია,
 თავის თავს ბედნიერად სთვლის. ქვრივი ქალის გა-
 თხოვება იშვიათია. ერთი სიტყვით პროფესორ
 შლეგელს მაღალი აზრი შეუდგენია ჩინელ დედა-
 კაცის შესახებ.

რაც შეეხება მასპინძლობას ჟენეველებმა არა.
 ჩვეულებრივი გულ-უხვობა გამოიჩინეს. ამოდენა
 ხალხი ოთხჯელ კერძო პირებმა დაპატიჟეს ვახშ-
 მად და სამხელ კანტონმა.

კონგრესი დაიხურა 31 აგვისტოს. შემდეგი
 კონგრესი შეიყრება პარიჟში, 1897 წელს.



მესამოცე წლების მოღვაწენი

და

დღევანდელი ცხოვრება.

(თ. რ. ერისთავის იუბილეს გამო*)

(1896 წ.)

ოქტომბრის 22-ს ქართველობამ იღღესასწაულა თ. რ. ერისთავის 50 წლის მოღვაწეობის იუბილე. ეს დღესასწაული ისე სამაგალითო და დიდებულიათ იქნა გადახდილი, რომ მიიპყრო მთელი ჩვენი ყურადღება. ერი, საუკუნეთა განმავლობაში დანაწილებულ-დაქსაქსული, ვიწრო ადგილობრივი ინტერესებით გარემოცულ-კარჩაკეტილი, დღეს საერთო აზრით და მისწრაფებით, საერთო ჭირით და ლხინით ასულდგმულებულა, აღფრთოვანებულა! ერი რომელიც ვერ გააერთა სახელ-განთქმულმა მეფეებმა, ძლევა-მოსილმა მხედრებმა, დღეს ერთი საქმისათვის ერთ ალაგას ხელი-ხელ გაყრილი გამოსულა! ერს, რომლის წარსულ დროშაზე შუღლი და უთანხმოება ეწერა, დღეს ერთობის, ძმობის

*) ეს წერილი— „მესამოცე წლების მოღვაწენი და დღევანდელი ცხოვრება“ თავისი შინაარსით ეკუთვნის პირველი ტომის ციკლს: „ახალი გზით“. მაგრამ რადგან იგი უადგილობისა გამო ვერ მოთავსდა პირველ ტომში, ამიტომ მოგვყავს მეორე ტომის დამატებაში.

ეს წერილი პირველად დაიბეჭდა— „კვალში“ 1896 წ. (№№ 9, 10, 11, 12, 19, 14, 15, 16, 17 და 18).

დროშა აუფრიალებია! გურული და ხევსური, მეგრელი და თუში, ქართლელი და ქობულეთელი, იმერელი და კახელი ერთ ქალაქში ჩამოსულან, ერთ დარბაზში შეკრებილან, ერთი გრძნობით გამსჭვალულან! და ისიც რატომ? 50 წლის იუბილე მიელოცა ერთი კაცისათვის, და მერე რა კაცისათვის? მწერლისათვის, პოეტისათვის! წამოაყენეთ რაკლი მეფე საფლავიდან და შეახედეთ,—ის გაშტერებული წამოიძახებს: გურული და მეგრელი მე ვერ ჩამოვიყვანე თფილისში, რომ კრწანისის ბრძოლაში დამხმარებოდა, დღეს კი ვილაც პოეტისათვის თავის ნებით ჩამოსულან! ეს მე აღარ მესმის, აქ რალაც სხვა ძალა ამუშავებულაო. დიახ, ახალი ძალა ამუშავდა და მას თანდათან ემორჩილება მთელი საქართველო. რა ძალაა ეს? რა ჰქვია მას? რას შეიცავს იგი? საიდან მოდის, სად მიდის? ეს არის ასახსნელი და გასაგები.

22 ოქტომბერმა დაგვიმტკიცა, რომ ქართველობა გამოვხიზლებულაო, გვეუბნებიან ყოველი მხრიდან. მარა საკმარისია კი ეს? რას ნიშნავს ეს გამოვხიზლება? რატომ უთუოთ დღეს გამოვხიზლდით და არა 10—15 წლის წინეთ, როცა იუბილიარის და მისი ამხანაგების მოღვაწეობა დულდა და გადმოდიოდა? რა მოხდა მას შემდეგ? განა საკმარისია ვიცოდეთ „გამოვხიზლდით“! რით და რა ნაირათ გამოვხიზლდით? მოვხსნათ ფრაზას სამოსელი, დავწყვიტოთ სიტყვებისაგან მოქსოვილი ქსელი, გადავიხედოთ იქით, მის ზევით, ქვევით, გადავუშინჯოთ ძირი, გამოუჩხრიკოთ ფოსო-

ლოები, ნახული სინათლისაკენ გამოვიტანოთ და მას-
თან ერთათ ჩვენც გამოვიდეთ. გავარკვიოთ სინამ-
დვილე, გავანათოთ ცხოვრების კალაპოტი, რომ
მღელვარებამ რიყეზე არ მიგვახეთქოს. ვუთხრათ
თავის თავს სიმართლე, რანაირი მწარეც უნდა
იყოს იგი. დეე, ვიცოდეთ ის შეგნებულად, რა-
საც ყოველ დღე შეუგნებლად ვაკეთებთ.

რ. ერისთავი ეკუთვნის მესამოცე წლების მო-
ღვაწეთა გუნდს. აღფრთოვანებული დღესასწაული
დაიმსახურა არა პირადად რაფიელმა, არამედ იმ აზ-
რებმა, რასაც ის სთესავდა ცხოვრებაში. მარა ეს
აზრები, მეტ-ნაკლებობით, შეადგენენ კუთვნილებას
მთელი გუნდისას; მისი წევრნი სხვა და სხვა ფორმით,
სხვა-და-სხვა სახით, ემსახურებოდენ ერთსა და იმავე
იდეას, ადგენ ერთ და იმავე მიმართულებას. რ. ერი-
სთავის იუბილე იყო იმავე დროს იუბილე ამ მიმარ-
თულების, ამ აზრების, ამ გუნდის. დღეს ჩვენ ამას
ვაფასებთ, პატივს ვცემთ. ამასთანავე უნდა ვიცოდეთ,
რატომ ვაფასებთ, რა შეგვძინეს, რა გვიქადაგეს.
ესეც არ კმაია. დღევანდელი ცხოვრება იგივეა,
რაც მესამოცე წლებში იყო? თუ იგივეა, მაშინ აუ-
ხსნელი რჩება, ჩვენ ისე რა ნაირათ განვეითარდით,
რომ მოღვაწეობას დღეს ვაფასებთ. განვეითარება
მოითხოვს ცვლილებას, ცხადია ჩვენ შევცვლილვართ
და, მაშასადამე, ცხოვრებაც გადასხვაფერებულა. ახა-
ლი ცხოვრება წარმოშობს ახალ კითხვებს. რა კავშირი
აქვს მესამოცე წლებში აღმოცენებულ კითხვებს
დღევანდელ კითხვებთან? რა დამოკიდებულება აქვს.

მაშინდელ მოღვაწეობას დღევანდელ მოღვაწეობას-
 თან, მაშინდელ მიმართულებას დღევანდელ მიმარ-
 თულებასთან?

ზევით ვთქვით განვითარებულვართ, მარა გან-
 ვითარებულ, წინ-წაწეულ ქვეყნებში სხვანაირ იუ-
 ბილეებს ვხედავთ. როცა ვიქტორ ჰიუგოს იუბილე
 იდღესასწაულეს, პარიჟის არც ერთ მუშათა საზო-
 გადობას, გარდა ასოთ-ამწყობებისა, — მონაწილეობა
 არ მიუღია. რატომ? ბურჟუააო. — აი, ახლა, ნოემ-
 ბერში გარდაიცვალა გამოჩენილი მწერალი ალექ-
 სანდრე დიუმა-შვილი. პარიჟის საბჭოში წინადადება
 შეიტანეს, გასვენებაზე დელეგატი გავგზავნოთ და
 ერთ-ერთ ქუჩას მისი სახელი დავარქვათო. საბჭომ
 ხმის უმეტესობით ორივე წინადადება უარყო. რატომ?
 1871 წ. განსვენებულმა წიგნაკი დაბეჭდა, რომელ-
 შიაც შეურაცხყო კომუნა და კომუნარებიო. 1893 წ.
 გერმანიაში მოხდა რეიხსტაგის დეპუტატთა არჩევანი.
 ბერლინის ერთ უბანში თავისუფალ-მოაზრეებმა შესა-
 ნიშნავი მეცნიერი ვირხოვი გამოიყვანეს კანდიდატად.
 მის წინააღმდეგ მუშათა დასმა უბრალო მეწაღე ია-
 ნიშევსკი წამოაყენა და თანაც გამოაცხადა: ჩვენ დიდ
 პატივს ვცემთ ვირხოვს — მეცნიერს, მაგრამ ვირხოვს
 — საზოგადო მოღვაწეს აოასოდეს არ მივცემთ თეთრ
 კენჭს, ის ჩვენი ინტერესების დამცველი არ არისო.
 რა გამოვიდა აქედან? რა და გააშავეს მეცნიერი ვირხო-
 ვი და გაათეთრეს მეწაღე იანიშევსკი. — ციურისში გარ-
 დაიცვალა გერმანიაში ცნობილი პოეტი და ფილო-
 სოფოსი ლეოპოლდ იაკობი. კონსერვატიულ გაზე-
 თებს ეს სრულებით არ აღუნიშნავს, ლიბერალურ
 გაზეთებმა გაკვრით მოიხსენიეს, ხოლო მუშა-ხალხმა

იგლოვა, გასვენებაზე მხოლოდ მისი წარმომადგენელი დაესწრენ, მხოლოდ მათი ცრემლი დაიღვარა. რატომ ასე დაიყო საზოგადოება? საქმე ის არის, რომ პოეტი მუშათა და დაჩაგრულთა მოსარჩლე იყო, მისი ლექსები ბეჩავთა სვე-ბედს დატრის. — ერთი სიტყვით, ევროპაში, ამა თუ იმ საზოგადო მოღვაწის დღესასწაული ან გლოვა, წარმომადგენს გლოვა-დღესასწაულს ამა თუ იმ დასისას, ამა თუ იმ წრისას, ამა თუ იმ კლასისას. მთელ ერს ის იშვიათად გაანძრევს. ჩვენში ეს სხვანაირათ სწარმოებს. რაფიელის სახელმა შეაერთა არა მარტო ქართველობის სხვა და სხვა შორეული ნაწილი, არამედ ამასთანავე სხვა და სხვა წრის, შეძლების და წოდების ხალხი: აზნაური და გლეხი, ვაჭარი და ხელოსანი, კაპიტალისტი და მუშა, ყველა დაძმობილებულა, დაახლოვებულა, რომ პოეტის იუბილე ერთათ ედღესასწაულა. საიდან წარმოსდგება ასეთი განსხვავება ჩვენსა და ევროპას შორის? ნუ თუ ჩვენ ევროპას გავასწარით? სრულიადაც არა. ევროპამ კაი ხანია განვლო ის პერიოდი, რომელშიაც დღეს ჩვენ ვიმყოფებით. რამდენად იქ გაძლიერდა ეროვნული თვით-ცნობიერება, იმდენად გაძლიერდა თვითონ ერში სოციალური განხეთქილება. ჩვენ მხოლოდ ამის თავში ვართ. ევროპიული განვითარების დაბალ საფეხურზე ვდგევართ. ამ ნაირათ, გამოდის, რომ განვითარებულვართ, და იმავე დროს ვერ განვითარებულვართ. რას ნიშნავს ეს? რას და, შედარებით ჩვენ გავლილ ხანასთან, წინ ვართ, ხოლო ევროპასთან შედარებით, უკან. წინ წასვლა და უკან ჩამორჩენა — აი, აქ არის მოგროვილი მთელი აწინდელი ცხოვრების ძაფები. სიხარული თუ მგლოვიარება,

ამაღლება თუ დამდაბლება, სისუსტე თუ სიძლიერე, შეგნება თუ შეუგნებლობა—არის ეს ეკონომიური, იურიდიული, პოლიტიკური, თუ ლიტერატურული, —მომდინარეობს ამ საერთო სათავიდან: ჩვენ განვითარდით და საკმაოდ ვერ განვითარდით, ერთ კიდეს მოვცილდით, მარა მეორეს ჯერ ვერ მივაღწიეთ.

რაში მდგომარეობს ეს განვითარება თუ განუვითარებლობა? სად არის მისი დედა-ძარღვი? რას მივყევართ წინ? რა გვიჭერს უკან?

აი, ამ კითხვების გარკვევას შევუდგებით და მკითხველს ვთხოვთ ცოტაოდენი ყურადღება მოგვაპყრას. აგრეთვე ვთხოვთ სახეში მიიღოს შემდეგი: ჩვენი მსჯელობა შეეხება არა თითოეულ პიროვნებას, არა პეტრეს თუ ივანეს, არამედ მთელ სისტემას, მთელ მოძრაობას, რომლის წინაშე პეტრე და ივანე მხოლოდ იარაღებია. ამათ იმდენი მნიშვნელობა აქვთ, რამდენად ისინი ამ სისტემის განხორციელებული გამომატველნი არიან...

I

მეცხრამეტე საუკუნის დასაწყისში ჩვენ ცხოვრებაში ძირითადი ცვლილება მოხდა. საქართველომ*) უარყო თვით-არსებობა, ჩვენ თავს ჩვენ ვერ მოვუვლითო და რუსეთს დაექვემდებარა. ასეთი ცვლილება, უეჭველად პოლიტიკური ცვლილებაა: ერის მართვა-გამგეობა შეიცვალა, ეროვნული მთავრობის

*) უნდა ვიგულისხმოთ მაღალი თავად-აზნაურობა, რასაკვირველია, ვინაიდან ქვეყნის გამგე-ბატონი ის იყო.

ადგილი უცხო ტომმა დაიჭირა. რა ნაირათ უნდა
 ემოქმედა ამას ხალხზე? გაანძრია მისი გული? დაი-
 ნახა, შეიგნო ის, რაც მოხდა? ამაზე ისტორია გა-
 დაჭრით გვეუბნება: არა, არ შეუგნიაო. მართალია,
 აქა-იქ წინააღმდეგობა და არეულობაც მოხდა, მაგრამ
 ეს გამოიწვია ახალ მოხელეთა უგვანო საქციელმა
 და არა რაიმე ფართო პოლიტიკურ მოსაზრებამ.
 (იხ. „მოამბეში“ ბ-ნ ფრონელის წერილები მთიუ-
 ლეთის შესახებ). ამას ამტკიცებს ის გარემოებაც,
 რომ არეულობა ატყდა ჩვენი ქვეყნის ყველაზე უუ-
 რო ჩამორჩენილ ნაწილში—მთიულეთში. რა არის
 ამის მიზეზი? დღეს რაც უნდა ცვლილება მოხდეს
 პოლიტიკაში, ის მაშინვე ერის გულს მისწვდება.
 ჩვენ კი დავკარგეთ ის ძალა, რომელიც თავიდანვე
 გარს შემორტყმული გვქონდა და რის მეოხებით
 ისტორიულ გრიგალში თავი გადავირჩინეთ. ამან
 ისე ჩაიარა, ვითომ არათფერი მომხდარიყო! ნუ თუ
 ამის ახსნა შეუძლებელია? ეს ხომ ისტორიის წინა-
 აღმდეგ არ მომხდარა, მაშასადამე, ისტორიაში უნდა
 ჰქონდეს საფუძველი. ჩვენი აზრით აი ასეთი საფუ-
 ძველია: პოლიტიკური ცვლილებით იოტის ოდენათ
 არ შეცვლილა ხალხის შინაგანი, ეკონომიური, იუ-
 რიდიული და გონებრივი მდგომარეობა. ერი დარჩა
 ისევ დანაწილებული, ერთი მეორისაგან დაშორებუ-
 ლი და კარ-ჩაკეტილი, მოყვრულ-ნათესაობაზე აშენე-
 ბული ურთიერთობით და ვიწრო ადგილობრივი
 ინტერესებით ასულდგმულებული, მიმოსვლით, აღებ-
 მიცემობით, მოქალაქობრიობით დაუძლურებული.
 ასეთ ერს არ შეეძლო თავის თავი ეგრძნო ერთ.

პოლიტიკურ მრთელად, ქირში და ლხინში განუყრელდა. ახალი, უცხო წყობილება აშენდა ძველებურ, თავისებურ ცხოვრებაზე. ხალხისთვის რასაინტერესო იყო, თუ ვინ იქნებოდა ქვეყნის მმართველი, თუ კი მას არ შეაწუხებდენ, ცოლშვილს არ დაუწიოკებდენ, წყნარ ჩვეულებრივ ცხოვრებას აცლიდენ. ამიტომ პოლიტიკა და ცხოვრება ერთმანეთს ვერ მოხვდა, უკანასკნელს პირველი მეტხორცად არ უგრძენია. რადგანაც მასთან მჭიდრო კავშირი არ ქონდა. ის ეროვნული აზრები, რომლის ქადაგება შემდეგ საჭირო შეიქნა, მაგ. სამშობლო ენა გიყვარდესო, მაშინ სრულიათ უცნობი იყო. ამაში არ იყო მოთხოვნილება. ხალხი ქართული ენითაც იოლად მიდიოდა, ამ მხრით მას არ აწუხებდენ.*) ამიტომ ამ საუკუნის პირველ ნახევარში ქართველ პოეტებმა ეროვნულ ნიადაგზე ფეხი ვერ მოიმაგრეს. აქ შინაარსი ვერ იშოვეს. თუ ვინმე სამშობლოს სვე-ბედს ეხება, ეხება მხოლოდ საზოგადო ფრაზებით, წარსული უნდა გვიყვარდესო, მარა რაში უნდა გამოიხატოს ეს, რა პრაქ-

*) ბ.ნი ფრონელი მოგვითხრობს ზემოთ დასახელებულ წერილებში, რომ რუსულ ენაზე აწარმოებდენ სამართალს და მომჩივან-მოპასუხეს გზა-კვალი აებნაო; მარა ეს რასაკვირველია, თითოეული, იშვიათი, მოვლენა იქნებოდა: საჩივრები მაშინ ხომ ხშირი არ იყო. ყმას ბატონი ასამართლებდა. თბილისში აბა ვინ წავიდოდა სამართლის საძიებლად, ეს დღესაც არ არის ადვილი. ამიტომ ახალი სამართალი ხალხის ცხოვრებას ვერ შეანძრევდა, როგორც ეს შემდეგ მოხდა.

ტიკული, დაუყოვნებლივი ფორმა უნდა მიიღოს, ამას ვერ გვეუბნებიან და თქმაც შეუძლებელი არის. ცხოვრება თითქმის ერთ დონეზე იდგა; ახალი კითხვების დაბადება მაშინდელ ვიწრო კალაპოტში შეუძლებელი შეიქნა.

ამ ნაირად, ქვეყნის ეკონომიურად განუვითარებლობა საუუძვლად დაედვა პოლიტიკურ დაცემას და გონებრივ მისუსტებას.

ასე ნელ-ნელა სიარულით მოვედით მესამოცე წლებამდე. ამ დროს რეფორმების ხანა დადგა: ბატონ-ყმობის გაუქმება ერთი მხრით, და ახალი სკოლების და სასამართლოების დახსნა მეორე მხრით. ცხოვრებამ ორი უდიდესი კითხვა წამოაყენა: რა ნაირად უნდა მივეგებოთ გლეხთა თავისუფლებას? რა ნაირად უნდა ვისარგებლოთ ახალი სისტემის სკოლებით და სასამართლოებით? პირველ კითხვამ განხეთქილება ჩამოაგდო, საზოგადო აზრი დაიყო ორად: ბატონ-ყმობის მომხრე და ბატონ-ყმობის მოწინააღმდეგე, — მიმართულება თავად-აზნაურული და გლეხ-კაცური. ამ ორ ელემენტთა შორის ასტყდა სასტიკი ბრძოლა. პირველს მწერლობაში არ დაურჩა გავლენა, მას რად უნდოდა მწერლობა, როცა მთელი სინამდვილე მისკენ იყო, ის იქ, სიბნელეში, მუშაობდა. მეორე კი სინათლეში გამოვიდა, ახალი ცხოვრებისთვის ახალი იარაღით აღიჭურვა, მწერლობა შეიქნა მის სატრფიალო საგნად. ამან მისცა დასაბამი დროს შესაფერ, პროგრესიულ მიმართულებას. მგარაჟ ეს მარტო ამით არ და-

კმაყოფილებულა. რუსეთში სასკოლო და სასამართლო წესები გამოიკა მთელი იმპერიისათვის. რა საშუალებით შეიძლება ის საქართველოში შემოვიდეს, როგორ უნდა გამოიყენოს იგი განთავისუფლებულმა ხალხმა? პასუხი ცხადია: სამშობლო ნიდაგზე, სამშობლო ენის საშუალებით. **სამშობლო ენის დაცვა** მოითხოვა ცხოვრებამ.

ამგვარად, სიყვარული გლახ-კაცობის და სიყვარული სამშობლო ენის შეიქმნა იმ დერძად, რასაც უნდა გადაეტრიალებია ჩვენი ცხოვრება. ეს სავსებით შეიგნეს მესამოცე წლების მოღვაწეებმა და ამ მხრით მიმართეს თავიანთი ძალ-ღონე. მათ მოქმედებაში არავითარი წინააღმდეგობა არ ყოფილა. ვისაც ხალხისთვის გული შესტკიოდა, მას უნდა ეზრუნა მის მოქალაქობრიობაზედაც. ეს კი შესაძლებელი შეიქნებოდა ბატონ-ყმობის ბორკილის დამსხვრევით და სწავლა-განათლების გავრცელებით. რა ენაზე შესაძლებელია სწავლის მიღება, თუ არ სამშობლო ენაზე? ორივე მხარე მჭიდროთ დაუკავშირდა ერთმანეთს. ხალხის უფლების დაცვა ნიშნავდა იმავე დროს მისი ენის დაცვას, მისი ენის დაცვა ხალხის უფლების დაცვას. სამშობლოს სიყვარულმა მიიღო განსაზღვრული, პრაქტიკული ფორმა, ის ჰაერიდან დედა-მიწაზე ჩამოვიდა, გრძნობამ ხორცი შეისხა, ტრაბახობა მოქმედებად იქცა. სამშობლო ენა გიყვარდესო! აბა, უთხარით ეს მაგ. ფრანგს, თუ მან მაშინვე სიცილი არ ასტეხოს, განა ამასაც ლაპარაკი უნდაო. მაგრამ თუ იმავე კითხვით ელზასელ ფრანგს მიმართავთ, ის გულდასმით მოისმენს,



შართალს ამბობ, ამის ქადაგება ჩვენში საჭიროაო. რატომ ასე გამსხვავდებიან ეს ორი მოძმენი ერთმანეთისაგან? იმიტომ, რომ პირველს არავინ ძალას არ ატანს თრანგული ენა დაივიწყეო, მაშინ როდესაც მეორის გასაგერმანელებლად გერმანიის მთავრობა ყოველ ღონის-ძიებას ხმარობს. ისტორიულ წარსულში ენის მხრით ჩვენ დიდი გასაჭირი არ გვადგა. აქარ-ქობულეთელთ დღემდე მოიტანეს ქართული ენა. ამ საუკუნეში კი სხვანაირ გარემოებაში ჩავდექით. შართალია, ომს აღარავინ გვიშვრება, მაგრამ მაგიერში უომრად, უიარალოდ, ტკბილი სიტყვებით გვიძვრებიან ოჯახში, სკოლაში, საზოგადოებაში, გვიჩხრეკენ გულს, სულს, ყველაფერს, და რად იხარჯება ამდენი შრომა? ეგების ქართველობა უარყოსო! ეს მიდრეკილება თავიდანვე იყო, მხოლოდ თავიდანვე არ ყოფილა მისი ცხოვრებაში გასატარებელი პირობები. ეს გაჩნდა მესამოცე წლების შემდეგ, როცა ხალხი განთავისუფლდა და განვითარების გზას დაადგა.

აი, ამ მოძრაობის ნაყოფია ის მწერლობა, რომელიც ჩვენს გონებრივ ზრდას საფუძვლად დაედვა და რითაც დღესაც ვიკვებებით. მწერლობა ეხება ორივე კითხვას: პოლიტიკურ-სოციალურს და ეროვნულს. ქართველის გაეგროპიელება და ქართველის გაქართველება — აი დედა-ბოძი ამ მიმართულებისა. ამ საძირკველზე შენდება კიდელი; პირველი წყება ამოშენდა მესამოცე წლებში, ხოლო მთლად აშენება ჩვენი წარმატებისაგან არის დამოკიდებული. მესამოცე წლების მოღვაწეები მართლ ლიტერატურით

არ დაკმაყოფილდენ. ისინი აარსებენ სხვა-და-სხვა საზოგადო დაწესებულებებს, როგორც იარაღით საქართველოს წინ-წაწევისათვის, ადგენენ სახელმძღვანელოებს, როგორც ერთად ერთ სახსარს დედანაზე ბავშვების აღზრდისა და სხ. ერთი სიტყვით, როგორც ცხოვრებით, ისე გონებით, ევროპის ფერხულში ჩავეებით. ხალხმა იწყო თავისი კარჩაკეტილ მდგომარეობიდან გამოსვლა. ცხოვრება დაინძრა და აი აქ ხდება ის, რაც ნახევარი საუკუნის წინ ვერ მოხდა: ცხოვრება და პოლიტიკა, ხალხი და მართვამგებობა ერთმანეთს შეხვდენ და ამით შესაძლებელი გახდა საქართველოს სვე-ბედის შეგნება. ეს მხოლოდ დასაწყისია. მთელი ჩვენი განვითარება იმავე დროს მოასწავებს ამ შეგნების განვითარებას და გავრცელებას. მაშასადამე, შეგნება—ისტორიული განვითარების ნაყოფია, გონებრივი ცვლილება—ეკონომიური ცვლილების შედეგია. ესენი მუდამ ერთათ მოდიან. ამ ახალი ცხოვრების დაწყება და მეთაურობა წილათ ხვდა მესამოცე წლების მოღვაწეთ. ის გარემოება, რომ მათ ნამოქმედარს დღეს ვაფასებთ, ამტკიცებს იმას, რომ მაშინ არ იყო დაფასებული, მაშინდელ შეცდომას დღეს ვასწორებთ, და იმის მაგიერ რომ წინ ფეხი გადავდგათ, თანამედროვე ცხოვრების შესაფერი იდეები შევიმუშაოთ, ვდგევართ ერთ ალაგას, ვცხოვრობთ მხოლოდ წარსულის მოგონებით, ვკმაყოფილდებით წარსული მწერლობით.

ვიმეორებ: როგორც კი ხალხი ბატონ-ყმობისაგან განთავისუფლდა და დაადგა მოქალაქობრივ გზას, შესაძლებელი გახდა პოლიტიკური და ეროვ-

ნული კითხვების წამოყენება, მათი გავრცელება და
შეგნება. მესამოცე წლების მოღვაწენი გამოვიდნენ
ოლივე მიმდინარეობის მომხრედ და მებაირადედ.

II

რა პრინციპები წამოაყენა ახალმა ცხოვრებამ?
ბატონ-ყმობის გაუქმება ნიშნავდა საკუთრების და
კონკურენციის თავისუფლებას. უფლება მოძრაო-
ბის, შრომის და ნაშრომის თავისთვის გამოყენების
მიეცა თითოეულ პირს, აზნაურია ის თუ გლეხი,
ხელოსანია თუ ვაჭარი, ნასწავლია თუ უსწავლელი.
ამით მოქმედების ასპარეზი გაფართოვდა, მაგრამ თი-
თოეული აქ თანასწორ ადგილს დაიჭერდა? რაკი
ცხოვრება თავისუფალ ბრძოლის დედა-ბოძზე დამ-
ყარდა, ცხადია, აქედან ერთი გამარჯვებული და
მეორე დამარცხებული უნდა გამოსულიყო. ბრძო-
ლის ველზე ყველა წოდება გამოვიდა, შეეჯახენ ერთ-
მანეთს და აირიენ ერთმანეთში. გუშინდელი ბატონ-
ნი ახალმა მორევმა საუკუნოდ დაძირა, გუშინდე-
ლი ყმა ზევით ამოყურყუმელავდა. ასეთი არევ-და-
რევა, გადარჩევ-გადმორჩევა, ახალ ჯგუფთა (კლას-
თა) შედგენა ჯერაც არ დასრულებულა, ჩვენ ამ
პროცესში ვცხოვრობთ და ცხარე მონაწილეობას
ვიღებთ.

ასეთ მიმდინარეობამ პირველად სოფელი დაან-
ძრია. თავად-აზნაურობის მდგომარეობა, როგორც
წოდების, შეირყა. მეურნეობას მიუჩვეველ წოდებას
ფული დასჭირდა და აი, ამ დროიდან იწყება მისი

დავალიანება და ეკონომიურ გზაზე უკან-უკან წა-
 სვლა. ან კი შესაძლებელი იყო სხვათერ? ყმების გან-
 თავისუფლება—ეს წოდებრივი ზღუდვების დანგრევა
 იყო. ამას მოითხოვდა ერის იმ ნაწილის ინტერესი,
 რომელიც ამ ზღუდვებში იყო მომწყვდეული. მაშა-
 სადამე, პირველი რეფორმა თავად-აზნაურობის წი-
 ნააღმდეგ შეიქმნა მიმართული. ეს შემთხვევითი, თი-
 თო-აროლას სურვილით არ დაბადებულა, ახალმა
 მოძრაობამ, ისტორიულ განვითარებამ აუცილებლად
 გახადა. ცხადია, არა რეფორმების, არამედ მისი მო-
 ძაველინებელის, ეკონომიური განვითარების, მოქა-
 ლაქობრიობის, მოკლედ რომ ვთქვათ, ევროპიელო-
 ბის მსხვერპლი შეიქმნა მოწინავე წოდება. ამ გრი-
 გალში მხოლოდ თითოეულ პირს შეუძლია თავის
 გადარჩენა, მთელ წოდებას კი არასოდეს. მთელი
 ახალი ხანა წოდებების უარის-ყოფაა, ის პირად
 ღირსებაზე და შეძლებაზე არის დამყარებული. ასეთ
 პირობებში წოდებების დაცვისათვის ბრძოლა ნიშ-
 ნავს ნავში მჯდომის ნავთან ბრძოლას. მეორე მხრით,
 ამ გარემოებით ისარგებლა გლეხ-კაცობამ. ის ბა-
 ტონ-ყმობის წინ ნიშნავდა არაფერს, შემდეგ კი გახდა
 რაძედ. აქ სარგებლობა აშკარაა. მარა აქ ის არ გა-
 ჩერდა, ის მედგრათ ჩაერია ატეხილ ბრძოლაში იმ
 იმედით, რომ თუ რამეს არ შევიძენ, დაკარგვით
 მაინც არას დავკარგავო, ვინაიდან დასაკარგავი არა-
 ფერი გააჩნდა. აი იმ დღიდან გაისმა ჩვენ საზოგა-
 დოებაში გოდება: რამდენად აზნაურობა უკან მიდის,
 იმდენათ გლეხობა წინ მიდისო. გამოჩნდა, რომ ამ
 საერთო ბრძოლაში ბრწყინვალე წოდება თანდათან

მარცხდება, მაშ საჭიროა მიშველებაო. ამ ნაირად მიეცა დასაბამი ეგრეთ წოდებულ თავად-აზნაურულ მიმართულებას მწერლობაში. საოცარი ის არის, რომ რამდენად უფრო მწერლობამ, საზოგადოებამ და მთავრობამ ხმა აღამალლა თავად-აზნაურობის სასარგებლოთ, იმდენად უფრო ის დანაწილდა, დაქვეითდა და ცხოვრების მეტ-ხორცად გადაიქცა. განა ეს საკვირველი არ არის? ცხადია, აქ რალაც მანქანაა დასალეწი, ბურუსია გასათანტავი, ამოცანაა გამოსაცნობი...

რანაირად შეიძლება თავად-აზნაურობის მდგომარეობის გაუმჯობესება? ამ კითხვის გარშემო დატრიალდა ჩვენი მწერლობა. მოწინავე წოდების ხელშია თითქმის მთელი, კერძო საკუთრებაში მყოფი, საქართველოს მიწა-ადგილი. მიუხედავად ამისა, იგი ეკონომიურ გზაზე ვერ გამაგრდა. რატომ? იმიტომ, რომ მეურნეობა არ გვივარგა, ძველი იარაღებით ვმუშაობთ, სამეურნეო ცოდნა არ გვაქვსო. მეურნეობის განკარგება ერთად ერთი წამალია აზნაურობის წამოსაყენებლათო. მაშასადამე, სამეურნეო კითხვა თავად-აზნაურობის კითხვაა *par excellence*. წვრილ მემამულეს, ან სრულიად უმამულოს, რასაკვირველია, ახალი სამეურნეო იარაღების შეძენის და კულტურის შეცვლისათვის ღონე არ შესწევს. ასეთ წვრილ მემამულეს ეკუთვნის, გლეხ-კაცობას რომ თავი დავანებოთ, თავად-აზნაურობის ნახევარზე ცოტა მეტი. *) აშკარაა, სამეურნეო კითხვა ეს საშუალო და

*) ჩვენი მიზანი აქ არ არის ეს კითხვა ვრცლათ გავარჩიოთ, იმიტომ აღარც ციფრები მოგვყავს. ხოლო

დიდრონ მემამულეთა კითხვაა, ისე როგორც ეს დღეს. ევროპაშია (განსაკუთრებით გერმანიაში). მეორის მხრით, აზნაურობას აქვს ბანკი; ბანკის კარგად წაყვანა დამუყუნებელთა საქმის კარგად წაყვანას ნიშნავს. ბანკის კითხვა აზნაურობის კითხვაა.

ამნაირად, აზნაურობის შეცვლილ მდგომარეობამ წამოაყენა ორი კითხვა: სამეურნეო და საბანკო. მწერლობა და საზოგადოება ამაების სჯა-ბაასმა შეიპყრო. მარა პროგრესიული ელფერი რომ შეერჩინათ, ორივე კითხვა ეროვნულ კითხვად გამოაცხადეს, საქართველოს დღეს სხვა საქმე არა აქვსო. ეს კიდევ ცოტაა, სამეურნეო კითხვა, - ეს სოფლის კითხვაა, მაშასადამე სოფელია ის დედაბოძი, რომელზედაც უნდა აშენდეს ჩვენი კეთილ-დღეობაო. აქ თავად-აზნაურობის კითხვა სოფლის კითხვად გადაიქცა. ასე ერთი კითხვა მეორეში გადადიოდა, მეორე მესამეში, ხოლო ყველა კი ერთში: თავად-აზნაურობას რა უშველისო. **)

ასე ნელ-ნელა მესამოცე წლების მწერლობა მეოთხმოცდაათე წლების მწერლობათ გადაკეთდა. პირველი ერთიანათ დაფუძნებულია წოდებრივ ზღუდეების დანგრევაში, მეორე კი ამ ზღუდეების ამარ-
 ვინც საბუთს მოგვთხოვს, მხად ვართ ციფრებით დავუმტკიცოთ. ეს ციფრები მოთავსებულია: „Сводъ статистическихъ данныхъ о землевладѣніи въ Тиф. и Кут. губерніяхъ, 1893 г.“

**) პოეზია და ბელეტრისტიკა ამ გზას ვერ გაჰყვა, რაიცა ამტკიცებს იმას, რომ გზა იყო ყალბი, ხოლო მათმა ნაკოფიერებამ (ახალი ნაწარმოებნი, მესამოცე წლებთან შედარებით) იკლო, რის მიზეზი პუბლიცისტიკის აბნეულობა და მიმართულების შეუმუშაველობაა...

თვა და გამტკიცებაზე. პირველი ასულდგმულებულია მოქალაქობრივი აზრებით, მეორე კი სოფლის მოტრფიალობით. პირველში ეროვნული ლტოლვილება აშენებულია ხალხის ეკონომიურ და იურიდიულ განვითარებაზე, მეორეში კი თავად-აზნაურობის შეცვლილ მდგომარეობაზე. ამისათვის აქ ეროვნულ კითხვებს თავისი მიმზიდველობა ეკარგვის. ის უშინაარსოა, ფრაზებია, ტრაბახობაა და ეს ასეც უნდა იყოს იქ, სადაც კულტურულ, სახალხო, კითხვას თავად-აზნაურულ კითხვად აქცევენ, სადაც ერის აღორძინებას უპირატესი წოდების აღორძინებას დაუქვემდებარებენ, საერთო წინმსვლელობას აზნაურული მხედველობით გასჯიან. ეს ისევ თათქარიძობაა, თათქარიძობა ახალ მოდის, ახალი ქერქით. ნამდვილ თათქარიძეს სურდა ყველაფერი ძველ, ბატონ-ყმურ წესზე დარჩენილიყო, ეწინააღმდეგებოდა ყველაფერ ახალ ელემენტს, რასაც კი მყუდრო ურთიერთობის დარღვევა შეეძლო. აქ ის სრულ ლოდიკაშია, მასში არავითარი წინააღმდეგობა არ არის, თქვენ შეგიძლიათ დედა-აზრებს არ დაეთანხმოდით, მარა ლოდიკურ ნახტომს ვერ მოუნახავთ. ის ცხოვრების წყობილებას უყურებს როგორც ერთ მთელ ორგანიზმს, რომლის ერთი სახსრის გადასხვაფერება, მთელი ორგანიზმის გადასხვაფერებას აწარმოებს, ამიტომ ის იცავს მთელ ორგანიზმს საერთოდ. მისი აჩრდილი, დღევანდელი თათქარიძე—სხვა სახისაა, მას სურს ყველაფერი ახალი: სწავლა, ეკონომია, კულტურული მეურნეობა, საშინაო და საგარეო ბაზარი, ფულის შექმნა და სხ. და სხ.,

მგარამ ისე კი რომ სოციალური ურთიერთობა არ
 შეიცვალოს. ქვევით გლახობა, ზევით აზნაურობა,
 აგერ მიღმა სოფელი და პატრიარქალური განწყო-
 ბილება, იქ მისი მოშორებით, ქალაქი და მო-
 ქალაქობრიობა, და აწ გაწყობილ-გალამაზებულ
 ცხოვრებაში თათქარიძეთა ბატონობა. აქ, რო-
 გორც ხედავთ, არავითარი ლოლიკა, სისტემატი-
 ური შეხედულება არ არსებობს. ყველაფერი წუთი-
 ერი ანგარიშის მსხვერპლია. თავისუფალი ბრძოლა
 არსებობისათვის ძირითადი კანონია, მარა ამ ბრძო-
 ლაში რომ თათქარიძენი დამარცხდენ, ეს კი უკა-
 ნონობაა—აი როგორ აზროვნობს დღევანდელი თა-
 თქარიძე. ნამდვილ თათქარიძეს არ სწამდა არც პი-
 რველი და არც მეორე წინადადება და მით ლოლი-
 კაში რჩებოდა. მის დღევანდელ აჩრდილს სწამს ორი,
 მაგრამ არ სწამს ეს რომ ოთხია. ეს კომედიანტია.

რეფორმების შემდეგ ჩვენ ერთ და იმავე გზაზე
 მივდივართ, არც ერთი წუთიც ამას არ გადავცდე-
 ნივართ, და თუ მწერლობა გადაცდა, ეს მწერალთა
 სისუსტეა და არა ცხოვრების სიძაბუნე. დროშა, მე-
 სამოცე წლებში აფრიალებული, ისევ აფრიალებუ-
 ლია. მგარამ მისი მატარებელი ის აღარ არის, ვინც
 მაშინ იყო, ის ერთიანად ხალხს გადაეცა და მან
 თავის გულში დამალა, ცხოვრების სიღრმეში გადა-
 იტანა. საჭიროა მისი ისევ ზევით ამოტანა და ის,
 რაც ზედ დღევანდელმა ვითარებამ მოჰქარგა, საქვეყ-
 ნოდ გამოჩვენება. აი ეს „მენე-ტეკელი“ უნდა ამო-
 ვიდეს სიბნელიდან სინათლეში, შეუგნებლობისაგან
 შეგნებაში და გადაიქცეს მოწინავე რაზმის დრო-

შად... ამ რაზმს ჩვენ დღევანდელი მწერლობა ველარ მოგვცემს, იმიტომ რომ ის ერთიანად გადასცდა ცხოვრების კალაპოტს, ისტორიულ ნიადაგს და მოგეხსენებათ ბურთი წინ გასროლილი უკან ველარ დაბრუნდება. მაგრამ ერთი ვიკითხოთ, შეეძლო კი მწერლობას სხვაფერ მოქცეულიყო? ჩვენ ვიტყვით, რომ არ შეეძლო. ეს აუცილებელი იყო, რაიცა პირველი საბუთია ცხოვრების ზრდის და წარმატებისა. მწერლობა იმიტომ დაიბნა, რომ ცხოვრება შეიცვალა, ეს ცვლილება მან ვერ ახსნა, ვერ შეიგნო და ფანტაზიას, უტოპიას მიეცა *). ასეთ მდგომარეობიდან მას გამოიყვანდა მხოლოდ დასავლეთი ევროპის განვითარების გაცნობა, რომელმაც ის ხანა, რომელშიაც დღეს ჩვენ ვიმყოფებით, კაი ხანია განვლო და საკუთარი გზა გაიკვლია. შესწავლა ამ გზის, გამორკვევა მისი მიდრეკილების, ნიშნავს ჩვენი ცხოვრების გარკვევას და მერმისის გათვალისწინებას. სამწუხაროდ ჩვენი მწერლობა ამ მიმართულებას არ ადგია, ეს ერთიანად რუსული მწერლობის გავლენის ქვეშ არის, იმ ქვეყნის, რომელიც მოქალაქობრივად ჩვენსავით უკან ჩამორჩენილია და მაშასადამე გზას მერმისას ვერ გვიჩვენებს...

*) ერთად ერთი სოფლის კითხვა, რის განხორციელება შესაძლებელია გვერდზე დასტოვებს. სახელდობ, უმამულობით შევიწროებულ მცხოვრებთა გადასახლება იქ, სადაც მეტი თავისუფალი მიწებია (აქარა-ქობულეთი, სამურზაყანო—აფხაზეთი და სხ.); დაბრკოლებები არისო.. ეს მუდამ იქნება, მაშ მუდამ გულ-ხელ დაკრეფილი ვიყოთ? დაბრკოლებები შემორებული, დაძლეული უნდა იქმნან. რასაკვირველია თავად-აზნაურობის შესახებ გოდება უფრო ადვილია ვინემ...

ამ გვარად, მოღვაწეთა ის გუნდი. რომელიც მესამოცე წლებმა გამოიწვია, შეაერთა და ერთ გზაზე დააყენა, მეოთხმოცდაათე წლებმა დამალა, დააღწია და ცხოვრების კალაპოტის აქეთ-იქით გადასტყორცნა.

რა კალაპოტია ეს? რას შეიცავს იგი? რა ატრიალებს მას და რას ატრიალებს ის? ამის პასუხს ჩვენ გვეტყვის დღევანდელი ცხოვრების გარკვევა.

III

ჩვენ ისტორიას ჩვენვე ვაკეთებთ, მარა ეს იმას არ ნიშნავს, რომ ყველას შეგნებული გვექონდეს რას ვაკეთებთ. უეჭველია, ამა თუ იმ პირმა კარგად იცის რას აკეთებს, როგორ მოქმედებს თავის მიზნის მისაღწევად. აქ ის შეგნებულია. საზოგადოება რომ ამ ერთი პირისაგან შესდგებოდეს, ყოველივე ცხადი და აშკარა იქნება. ნამდვილად კი ასე არ არის, ასეთი მომქმედი პირები მრავალია. აი ამათი ინტერესების ერთმანეთთან შეჯახება, მათი სხვა-დასხვანაირი მოქმედება და აზროვნება წარმოშობს ისტორიას. ამიტომ აუცილებელია იმ საზოგადო პირობების შესწავლა, რომელშიაც თითოეული იმყოფება. ამას ადამიანისთვის ისეთი მნიშვნელობა აქვს, როგორც მეომრისთვის მტერთა ბანაკის დათვალიერებას. თითოეული პირი ცალ-ცალკე იშვიათად მოქმედობს, ის ვისთანმე შეკავშირებულია, მათი ინტერესი ერთია და ერთად მიდიან. ამით წარმოსდგება სხვა და სხვა მოწინააღმდეგე

ჯგუფი (კლასი), რომელთა ბრძოლა წვრთნის მე-
ბრძოლთ, ძალას ატანს ახალ იარაღებით აღიჭურ-
ვოს, შრომა, ენერჯია განავითაროს და კულტუ-
რულად წინ წავიდეს. ისტორიის ჩარხი აქ ტრია-
ლებს. ამ მიმდინარეობას ეძლევა ორი ფორმა: შინა-
განი, — კლასიური და გარეგანი, — ეროვნული, ბრძო-
ლა კლასთა და ერთა შორის. პირველი, რაც უნ-
და ძლიერი იყოს, აქვს ისეთი საზღვარი, სადაც
მეზობლნი ერთად დგებიან, ერთ კულტურულ და
ისტორიულ უღელში ებმებიან. ეს ქმნის იმას, რასაც
ეწოდება ერი, ეროვნული ძალა. აქ არის საერთო
ფარგალი, ამას გარეთ სხვა ერია, ამას შიგნით კლა-
სებია, ირგვლივ კი ეროვნული ძალა, ეროვნული
კულტურა, ეროვნული შენობაა.

მაშასმდამე, ხალხის განვითარება შეიძლება გა-
ნიხილოს ორი მხრით. განვითარება მთელი ერის
საერთოდ, და განვითარება თითოეული კლასის, კერ-
ძოდ. ამათი გამოკვლევა უერთმანეთოდ მოუხერხე-
ბელია. ისტორიის ჩარხს კლასთა განხეთქილება ამო-
ძრავებს, თუ ეს უყურადღებოთ დავტოვეთ, მთე-
ლი კითხვა წყვედიადში რჩება და ხალხის ისტორია
გადაიქცევა მეფეთა და გმირთა ისტორიად. ამ თვალ-
საზრისით გადავხედოთ ჩვენ დღევანდელ მოქალა-
ქობრივ ცხოვრებას. პოლიტიკურ მხარეს გვერდს
ვუხვევთ, ვინაიდან „სადაც არა სჯობს გაცლა
სჯობსო“.

პირველად განვიხილოთ ჩვენი ცხოვრების ერო-
ვნული მხარე.

ეკონომიურ ასპარეზზე დღეს მარტონი აღარ
ვატ; ჩვენთან ერთად მოქმედებს სხვა-და-სხვა

ტომის ხალხი. ესენი ერთსა და იმავე ალაგას ერთ-
 მანეთს ეცილებიან, თითოეული მიილტვის საკუ-
 თარ ინტერესებისაკენ, ხოლო ყველანი ქართველო-
 ბის ზურგზე გადადიან. მათ შორის ბრძოლაა, თუ
 რომელი უფრო გაბატონდება ადგილობრივ ხალხ-
 ზედო. ერი, ეკონომიურათ განვითარებული, განვი-
 თარებულია კულტურულადაც. ცხადია, ქართველო-
 ბის კულტურული კითხვა ეს მისი ეკონომიური კით-
 ხვაა. ამ გზაზე ის გამოვიდა, მაგრამ წინ დაუხვდენ
 უკვე ამ გზაზე გამოსულნი და უკეთ შეიარაღებულ-
 ნი. აი აქ ბრძოლა ატყდა, ბრძოლა სამკედრო-სა-
 სიცოცხლო, და საჭიროა ამის გაგება.

ჩვენში მოქმედებენ სამი ხალხოსნობის წარმო-
 მადგენელი: სომხები, ევროპელები და რუსები.
 ვაფარჩიოთ თითოეული ცალკ-ცალკე.

სომხები. მას შემდეგ, რაც სომხეთის სამეფო და ე-
 ცა, მტერთა მიერ დევნილი სომხები გაიბნენ სხვა-და-
 სხვა ქვეყნებში. მათ სიახლოვეს ერთად-ერთი საქრის-
 ტიანო სახელმწიფო იყო ფეხზე, — საქართველო, და
 რასაკვირველია, აქ თავ-შესაფარი უნდა მოეძებნათ.
 ისინი თავიდანვე საქართველოს ეტანებიან, სადაც
 დახმარებას, პატივს და მფარველობას პოულობენ.
 სომხების პირდაპირ ინტერესს შეადგენდა საქარ-
 თველო ძლიერი და მტერთა თავ-ზარ დამცემი ყო-
 ფილიყო, რადგანაც ორივეს ერთი და იგივე მტე-
 რი ჰყავდა. გამქლავრებულ საქართველოს შეეძლო
 თავის საზღვრებში გადმოსახლებულ სომხებისათვის
 უკეთ ეზრუნა და სამშობლოში დარჩენილთა ჭირ-
 ვარამი შეემსუბუქებინა. ამისათვის სომხები სახელ-

მწიფო საქმეებში მხურვალე მონაწილეობას
 დენ. ისინი იყვნენ სარდლები, კარის-კაცები, მე-
 ლიქები, ელჩები და სხვ. მეფენი საიდუმლო საქ-
 მეების გაწყობას მათ ანდობდენ. აქედან ცხადია,
 სომხებს ნდობა და პატივი დაუმსახურებიათ და
 მაშასადამე სახელმწიფოში გავლენაც ჰქონებიათ.
 ამის მიზეზი ერთი ის არის, რაც ზევით ვთქვით,
 ძლიერი საქართველო სომხების სარგებლობას მო-
 ასწავებდა, ხოლო მეორე მიზეზი ის უნდა იყოს,
 რომ სომხები, როგორც ვაქარნი და ფულიანნი,
 საჭირონი იყვენ მთავრობისათვის. მეფე და სხვა
 დიდებულთ გაჭირვების დროს შეეძლოთ მათგან
 ფულის სესხება. სამაგიეროდ, ისინიც მთარველო-
 ბას უწევდენ. ყველა ჩვენი მეფე ვაქრობის ინტე-
 რესს იცავს, ვაქრობას კი ქართველი არ მისდევს.
 საიდან წარმოსდგება ეს? უეჭველია ვაქრობა არ
 იყო საპატიო ხელობად მიჩნეული, და თუ ვაქრო-
 ბის წარმატებისათვის მაინც მეცადინეობენ, ამას ხა-
 ზინის სარგებლობა მოითხოვდა. ამ მხრივაც სომ-
 ხების ინტერესი იყო საქართველოს ინტერესი,
 ძლიერი მთავრობა უფრო კარგათ დაიცავდა ალებ-
 მიცემობას შინაგან და გარეშე მტრებისაგან, ვინემ
 უძლოური.

ვიმეორებ, სომხების ეროვნული და ალებ-მიცე-
 მობითი სარგებლობა მოითხოვდა საქართველოს გა-
 ფართობას და გაღონიერებას. მაგრამ, როცა დაუ-
 ძლოურება და სიძაბუნე შეეპარებოდა, მაშინ კი
 სხვაგან უნდა ეძიათ მთარველობა. სომხებს მხო-
 ლოდ ორი გზა ჰქონდათ; ან თვით-არსებობა ალე-

დგინათ და ან უცხო ხალხს შეჰფარებოდენ. პირველისთვის ღონე არ შესწევდათ, ხოლო მუარველი ასეთ არეულ დროს ძლიერი უნდა გყავდეს. სანამ საქართველო ამ როლს ასრულებდა, მანამდე სომხებსაც მისი მხარე უნდა დაეჭირათ, ხოლო როგორც კი ამ როლის ასრულებას ვეღარ შეიძლება, სომხებიც უნდა გადადგომოდენ, რადგანაც სუსტი მუარველი მათ ანგარიშში არ შედიოდა. მეორე მხრით, ქართველ მთავრობას ყოველთვის შეეძლო თავის საზღვრებში უცხო ტომთა მოქმედება აელაგმა, როცა ეს საჭირო იქნებოდა. ასეთ ღონეს დღეს დიდრონი სახელმწიფოებიც მიმართვენ ხოლმე. დღეს რომ ქართველობას საკუთარი პოლიტიკური ძალა ჰქონდეს, უეჭველია ასეთ ზომებს იხმარდა სომხების წინააღმდეგ, რომ მით თვითონ გამაგრებულიყო ეკონომიურ ნიადაგზე. ცხადია, სომხობის ინტერესი იყო ასეთი დაბრკოლება არ გადაღობებოდა საქართველოში. ჯერ კიდევ მე-XVIII საუკუნეში ვხვდავთ სომხებსა და ქართველ მთავრობას შორის შეტაკებას. მაგ. შექი-შირვანის მმართველმა იბრაიჰმ-ხანმა ორ სომეხს ფული შეესესხა, ამათ კი არ ასესხეს, სამაგიეროდ ხანმა ძალად წაართვა ქონება. სომხები მეფე ერეკლესთან წამოვიდენ საჩივლელათ. მეფე მოკავშირე ხანს უფრო პატივს სცემდა, ვინემ ვილაც ვაქრებს. „ირაკლიმ არამც თუ უპატრონა მათ, არც კი ინახულა ისინი. ამას დიდი გავლენა ჰქონდა სომხეთის ხალხზე და მის კათოლიკოს ლუკაზე. ამას შემდეგ იმათ სულ სხვა გზებს მიმართეს, რომ თვისი ხალხი უზრუნველ-ყო-

ფილი გაეხადათ.“ (ბუტკოვის წერილებიდან, „კვალი“ № 39, 1895 წ.) ასეთი მაგალითი უეჭველია ხშირი იქნებოდა, და შეუძლებელიც იყო არ ყოფილიყო მაშინდელ მდგომარეობაში. თუ კი მეომარ ქართველს ყოველ დღე სარჩო-საბადებელს ართმევდენ, რა გასაკვირია, ვაქარ სომხისათვის ხანდახან წაერთმიათ.

ამ სახით, სომხობის ინტერესი მოითხოვდა, ასეთ დამდაბლებულ მდგომარეობიდან პირველ შემთხვევისთანავე გამოსულიყვენ. ასეთმა შემთხვევამაც არ დაიგვიანა. ჩვენს გვერდზე ამოიჭიმა ძველი სახელმწიფო—რუსეთი. სანამ მისი საზღვრები ჩვენგან შორს იყო, მანამ სომხებიც ძალა-უნებურად საქართველოთი უნდა დაკმაყოფილებულიყვენ. მაგრამ, როგორც კი საზღვრები მოიწია, მოგვიახლოვდა, მისვლა-მოსვლა ცოტაოდნათ გაადვილდა, მაშინ სომხებს საშუალება მიეცა თავის-თავისათვის უფრო რიგიანად ეზრუნათ. და აი, საქართველოს დაცემის ისტორიაში ისინი შესამჩნევ როლს თამაშობენ.*) „ამიერიდან, განაგრძობს ზემოთ მოყვანილი წერილის ავტორი—ასტრახანის არქივისკოპოზმა

*) მკითხველი იტყვის, ქართველებიც ასეთ როლს თამაშობდნენო; სრული ჭეშმარიტებაა, მარა აქ ჩვენ სომხებზე გვაქვს ბაასი. მეორედ, ჩვენი აზრი სრულიად არ მოითხოვს იმას, რომ უეჭველად თითოეულ სომეხს ქართველობის წინააღმდეგ ემოქმედნა. ჩვენ ვამბობთ: ასეთი იყო მათი საერთო ინტერესი, ხოლო რამდენად თითოეულმა სომეხმა ეს შეიგნო, ეს კიდევ სხვა კითხვაა. კერძო და საზოგადო ინტერესი ხშირად ერთი და იგივე არ არის...

იოსებ არლუთაშვილმა ითავა თავის უბედური ხალხის შემწეობა. იმან განიზრახა იმპერატრიცა ეკატერინეს მფარველობა მოეპოვებინა დაჩაგრულ სომხის ერზე, მეორე მხრით, ეჩმიაძინის კათოლიკოსმა ლუკამ ასი ათასი მანეთი მიართვა ალა-მაჰმად-ხანს სამხედრო ხარჯად, როცა იგი საქართველოში შემოსევას ემზადებოდა იმ განზრახვით, რომ იბრაჰიმ ხანი და მეფე ერეკლე აეკლო. თვით სომხების მელოიქები—მეჯნუნი და აპო—შეიქნენ ალა-მაჰმად-ხანის მოწინავე ჯარის წინამძღოლნი. ალა-მაჰმად-ხანი დიდი სიამოვნებით დაჰპირდა ყარაბაღის მელოიქებს იბრაჰიმ ხანის მიერ დამორჩილებულ ადგილ-მამულების დაბრუნებას და თვით საქართველოში სომხების გაბატონებას, აი, ამის გამო სომხების მელოიქებმა საიდუმლო კავშირი დაიჭირეს მეფე ერეკლეს მდივანთან—თ. სულხან თუმანიშვილთან და იმის შვილ შიოსთან, აგრეთვე იოსებ ყორღანიშვილთან, რომელიც იყო ირაკლი მეფის მემკვიდრის, გიორგის, შინა ოჯახის გამგე: „ამათ მეოხებით მეფეს განუყენეს გავლენიანი კაცები. (id)“ საქართველოში სამი დათარული დასი იყო, მოგვითხრობს თ. აღ. ჯამბაკურიან-ორბელიანი, —წინააღმდეგი მეფის ირაკლისა: პირველი დასი—სომხებისა, რომლებთანაც სომხების არაჩინურთს (მასუკან ორქივატერი, ეჩმიაძინის პატრიარქი) იოსებ არლუთიანს შეერთება ქონდა რუსეთიდან. ამ სომხების დასმა ყოველი ამბავი საქართველოსი და სამეფოს სახლისა კარგად იცოდა, რომელთაც ყველგან ჩუმი აგენტები ჰყავდათ; თვითონ ხომ თავისით საქმობდნენ და იმ მე-

ფის ირაკლის უკმაყოფილო დასსაც ძალიან ხელს
უპართავდენ მეფე ირაკლის დაღუბვაში... როდესაც
მეფე ვახტანგი და ბატონიშვილი ბაქარ (მეფე ვახ-
ტანგის შვილი) რუსეთში გადაიცივალენ, მას უკან
იმათ მოადგილედ არაჩნურთი იოსებ არღუთიანი
იყო საქართველოს დასაღუბად და დაღუბა იმან იმ
ზოგიერთი სომხებითა საფუძვლამდინ და სხვ. (იხ.
წიგნაკი: „ალა-მამად ხანის შემოსევა თბილისში“).
აი ასე მოქმედებდენ სომხები, ამას მოითხოვდა მა-
თი წარმატება, მათი მერმისი. ეს მათ კარგად შეი-
გნეს და თვითონ ქართველობის დახმარებით ჩინე-
ბულადაც შეასრულეს. სომხებმა, ქართველი მთავ-
რობის შემწეობით, საქართველოში ქონება შეიძი-
ნეს, და ბოლოს ამავე მთავრობის დასაცემად კაცებს
იქრთამავდენ. სანამ საქართველოს თვით-არსებობა
მათთვის სასარგებლო იყო, ისინიც მხარს უჭერდენ,
როცა ეს მათთვის სასარგებლო აღარ იყო, ორმო
გამოუთხარეს: ასეთია გზანი ისტორიისა! ყველა
ერი მხოლოდ თავის ინტერესს იცავს და ვაი იმ
ერს, რომელსაც თავისი ინტერესები ვერ შეუგნია!..

ასე თუ ისე საქართველომ შესწყვიტა თვით-
არსებობა, მოიშალა პოლიტიკური ქარტიდან. და-
დგა მეცხრამეტე საუკუნე.

IV

ამ საუკუნეში შესწყდა მუდმივი ომიანობა და
მხედრული მდგომარეობა.. ცხოვრებამ მშვიდი, წყნა-
რი მიმდინარეობა მიიღო. ეს კი საუკეთესო სარბიე-
ლია ვაჭრობის და აღებ-მიცემობისათვის. სომ-

ხებს, ამ ნიადაგზე, უკვე გავარჯიშებულთ, სანატრელი დრო დაუდგა. ხალხი, ვაჭრობას, ანგარიშს შეუჩვეველი, წარმოადგენდა სასურველ ასპარეზს მათი მოქმედებისას. სხვისი ოფლით გამდიდრება ადვილი ხდება. მაგრამ ასეთ გარემოებამ რომ ნაყოფი გამოიღოს, აუცილებელია ერთი პირობა: ქვეყანაში ფულის მოთხოვნილება უნდა იყოს. რაც უნდა მოხერხებული ვაჭარი იყო, თუ კი შენ ხელობას ფართო ასპარეზი არა აქვს, სიმდიდრეს ვერ შეიძენ. გექნება ბლომათ პური, ღვინო, ხორცი, ყველი და სხ., ხოლო ფული კი არა. ეს ლითონი არ ტრიალებს იქ, სადაც მოქმედება არ არის და ციდან ხომ არ ჩამოგივარდება. სომხებს — განსაკუთრებით დიდ სოფლაგრებს — გასულ საუკუნეში მეტი ქონების შექმნა შეეძლოთ, ვინემ ამ საუკუნის პირველ ნახევარში. რატომ? იმიტომ რომ მათ საქმე ქონდათ მეფეებთან, სასახლეებთან, დიდებულებთან. აქ, რაც უნდა იყოს, ყოველთვის ფული ტრიალებდა, ესენი ფულს საჭიროებდნენ. მოიგებდნენ ომს და მტერთ ფულის ბეგარას. დაადებდნენ *), წააგებდნენ და უნდა გადებოდათ. ამას გარდა, ისინი ყიდულობდნენ უცხოეთიდან მოჭანილ ძვირფას საქონელს და სხ. ამ საუკუნეში ყველა ეს მოისპო. ხალხი კი ფულს არ საჭიროებდა. ეს კრიზისია სომხობისათვის. ეს ხანა დიდად არ გაგრძელებულა. შრომის განვითარება, მისვლა-მოსვლა, სახელმწიფო მო-

*) შუშის ხანი ყოველ წლივ მეფე ერეკლეს აძლევდა 120 ათას მანეთს, ერევნის 200 ათასს მ., განჯის 50 ათას მ. (ჯანაშვილის „საქართველოს მოკლე ისტორია“ 470 გვ.).

თხოვნა, — ნელ-ნელა წინ წავიდა და გამრავლდა მასთან ერთად გზა გაიკვლია ფულმა. ამას თან მოყვა შესათვარი პოლიტიკური ცვლილება. ამას, ასე გაშინჯეთ, ლუარსაბ თათქირიძეც კი მიხვდა. ის ბატონ-ყმობის გაუქმებას მის--ძმას, დავითს, აბრალებს. ქირაზე დაჰყავს ურემი და მით წოდება დაამცირაო. ცხადია, ეს ქირა ფულს ნიშნავს, რისთვისაც პატივცემულ თავადს თავისი ხარ-ურმის გაგზავნა უკადრებია. მოისპო ბატონ-ყმობა, გაიხსნა ფოსტატელეგრაფი, გაიმართა გზა-ტკეცილები, რკინის გზები, ევროპიულ პირობებში ჩავდექით, ახალ ეკონომიურ გზაზე ფეხი მოვიმაგრეთ.

მარა ნამდვილი თანამედროვე ევროპიული პირობები სასარგებლოა სომხებისათვის? პირველად გავიგოთ, რას ნიშნავს ვაჭრობაში ევროპიელობა. და მერე როგორ ვაჭრობს სომხობა.

ევროპიული ვაჭრობა ნიშნავს წესიერ, კანონიერ ვაჭრობას. მოტყუება, გაიძვერაობა აქ არ არსებობს. საქონელი ღირს ამდენი, გსურთ მიირთვით, გსურთ დასტოვეთ, გრძელი ლაპარაკი საჭირო არ არის. ვაჭარმა წინდაწინ იცის მთელი წლის განმავლობაში, დაახლოვებით, რამდენს გაჰყიდის, რამდენს მოიგებს. ცხოვრება განსაზღვრულ პირობებშია, აქედან ამოხტომა გასაჭირია. ყველას გარკვეული საცხოვრებელი წყარო აქვს. ფული ერთი ხელიდან მეორეში გადადის, მეორეიდან მესამეში და ასე მუდამ. საიდან წარმოსდგა ასეთი წყობილება? სათავე ერთადერთია: ცხოვრების დედა-ძარღვი მრეწველობაა. ეს კი შრომის განაწილებაზე არის აშენებული. არც

ერთ ადაქიანს არ შეუძლია იცხოვროს ისე, რომ მეორისაგან რამე არ იყიდოს. აქ ყველა მყიდველი და გამყიდველია. თვითონ ის, ვისაც არავითარი საკუთრება არ გააჩნია—პროლეტარი—რამეს მაინც ჰყიდის, ეს მისი ძალ-ღონეა, ამით ვაჭრობს. ასეთ პირობებში ფულის ტრიალი და, მაშასადამე, მოგებაც სწრაფია. ევროპის საშუალო ვაჭარი ერთ წელიწადს იმდენს გაჰყიდის, რამდენსაც ჩვენებური სოვდაგარი სამ-ოთხ წელიწადსაც ვერ გაასაღებს. ასეთი გარჩევა ჩვენებურ და ევროპიულ ვაჭრობას შორის. ხოლო მოგების მადა კი ყოველგან ერთი და იგივეა. ეს ყოველგან ძლიერია. ამიტომ ჩვენებური ვაჭარი უკანონო მოქმედებით, ჩარჩობით ისრულებს იმას, რასაც კანონიერი ნიადაგი აკლებს. ამის გამო აქაური ვაჭრობა ჩარჩობა, მოტყუება, სიყალბეა. მთელი ერთი საათი სიცრუეს გეფიცება, ოღონდ კი ერთი გროში გამოგტყუოს.

თუ კი ასეა დღეს, რაღა უნდა ყოფილიყო წარსულში, როცა ხალხი სრულიად გულ-ალალი და უვიცი იყო. მართალია, აქ ვაჭრობის სარბიელი ძლიერ ვიწროა, მაგრამ რაც არის, ის ერთიანად ჩარჩობაა. ასეთ არა სანატრელ სავაჭრო პირობებში ორი ხალხი გაიწრთვნა: ურიები და სომხები. ესენი იძულებული შეიქმნენ ვაჭრობით ეცხოვრათ; ხოლო რადგანაც წესიერი ვაჭრობით თავის რჩენა შეუძლებელი იყო, უწესო, უკანონო გზაზე უნდა დამდგარიყვენ. ამ გარემოებამ მათში აღზარდა განსაკუთრებითი თვისებები. როცა ევროპა აღებ-მიცემობის მოედანზე გამოვიდა, მას ურიები წინ გადაეღობენ.

ესენი ძლიერი მეტოქენი შეიქმნენ. აი, ამ დროიდან იწყება ურიების დევნა და ათას-ნაირი ცილის წამება. ევროპიელ ქრისტიანებმა ისე გადააჭარბეს ევროპიელ ურიებს, რომ დღეს ეკონომიურად წინწაწეულ ქვეყნებში (ამერიკა, ინგლისი, საფრანგეთი) არავითარი ურიათა წინააღმდეგ მოძრაობა აღარ არის. ურიათა სიძულვილი, ანტისემიტობა, ძლიერია უკან ჩამორჩენილ ქვეყნებში, და ისიც ისეთ პროვინციებში, სადაც სამეურნეო წარმოებაა (პრუსია, რუსეთი და სხვ.). ეკონომიურ განვითარებას ურიები ვერ უძლებენ, პირველობას ვერ იჩენენ, რადგანაც ძველებური ხერხები გამოსადეგი აღარ არის. მათში ისტორიულათ აღორძინებული ჩარჩული თვისებები ისეთი ძლიერია, რომ მათ ბირჟაზე მოერეკება, უშრომოდ, შემთხვევით გავმდიდრდებიო. ევროპის ბირჟები ურიების ხელშია. მრეწველობიდან გამორეკილნი აქ აფარებენ თავს, ხოლო დიდი უმრავლესობა, წინათ წვრილნი ვაჭარნი, დღეს გაპროლეტარებულია.

სომხები?

სომხები ჩვენში გაძლიერებულია იმ ბაზრებში, სადაც ხალხი ეკონომიურად დაქვეითებულია და, მაშასადამე, ადვილი მოსატყუებელიც. მათი ბუდე აღმოსავლეთი საქართველოა. როცა სომეხს ფულის შეძენა სურს, ის მაშინ სოფელში მიდის, გლეხ-კაცს ოჯახში უჯდება და ნებით თუ უნებლიეთ სარჩოს ხელიდან აცლის. ის ფულს სოფელში შოულობს. მართალია აქაური ლითონი მას ვერ დააკმაყოფილებს, მაგრამ სამაგიეროთ პური და ღვინო ბევრია, რის გა-

ყიდვა შორეულ ბაზარზე შესაძლებელიაო. მეურნე, დაშორებული ბაზრიდან, დაშორებულია ფულიდანაც. ის ჩარჩების ბრჭყალებში ვარდება. ამათი სახელი ლეგიონია. პატარა ქალაქების ვაჭრობა ერთიანათ სომხების ხელშია. თბილისშიაც ისინი ბატონობენ, რაც ინტელიგენტ სომხებს საბუთს აძლევს ევროპაში იღავონ, თფილისი სომხეთის დედაქალაქიაო. განავითარეთ ქართლ-კახეთი მისვლა-მოსვლით, მრეწველობით, აღებ-მიცემობით, განათლებით, და მაშინვე დაიკარგვის საჩარჩო ნიადაგი და მასთან ერთად ჩარჩი სომხობა. ცხადია, ჩვენი ეკონომიური განვითარება, სრული გაევროპიელება, სომხებისთვის მავნებელია, წესიერება მისი მტერია. ის მხოლოდ მღვრიე წყალში იჭერს თევზს და მით საზრდოობს. მისი ინტერესია, — ხალხი შუა გზაზე იყოს გაყინული, განვითარებული იმდენად, რომ ფული ეჭირვებოდეს, მაგრამ ისე, რომ თვითონ არ გაქალაქდეს, არ გაანგარიშიანდეს, არ განათლდეს და მით ჩარჩებითაიდან არ მოიშოროს. ერთი სიტყვით ვაჭარი სომხების ცხოვრების წყაროა *mediocrité en tout*.

მეტყვიან: როცა ვაჭრობა ევროპიულ ხასიათს მიიღებს, სომხებიც წესიერად ივაჭრებენ და ეს მათთვისაც სასარგებლო იქნებაო. ამის გადაჭრა დამოკიდებულია შემდეგი კითხვის გარჩევისაგან: ევროპიულ პირობებში სომხობა შეიძლება კი პირველობას? ევროპიელების დედა-ძარღვი მრეწველობა, შრომის განვითარებაა. აბა, რა მრეწველობა აალორძინეს ჩვენში სომხებმა? განა განავითარეს ან ავითარებენ ერის შრომას? ეს ხომ პირდაპირ მათ მოუ-

ღებდა ბოლოს: მოისპობოდა საჩარჩო ნიადაგი ერთი
მხრით, და დღევანდელი წვრილი ვაჭრები მუშათა
რაზმში გადავიდოდა—მეორე მხრით. ეს კი მათთვის
სასარგებლოა? სომხები რომ მარტო მოქმედებდენ.
მაშინ, რასაკვირველია, ბურთი და მოედანიც მათ
დარჩებოდა. მაგრამ მათ გვერდში ამოუდგენ ქარ
თველები და ძლიერ მეტოქეობას უწევენ. დასავლეთი
საქართველო უფრო წინ წაწეულია ეკონომიურად,
ვინემ აღმოსავლეთი, იქ მეტი რკინის-გზებია, მეტი
წარმოებაა, ნავთ-სადგურები ზედ აკრავს, ევროპა
ახლოა და სხვ. ამისათვის ხალხიც უფრო გაქალაქე-
ბული, გაწვრთნილი, გაანგარიშიანებულია. სომხებს,
როგორც დიდი-ხნის ვაჭრებს, აქ ფეხი უნდა მო-
ედგათ: აქ ხომ უფრო ვრცელი სამოქმედო სარბი-
ელია, ვინემ ტეტიათა შორის. მაგრამ სწორედ იქ,
სადაც მეტი ევროპიელობაა, ნაკლები სომხობაა.
ბათომში თუმცა პირველად ჩავიდენ, მიუხედავად
ამისა, დღეს ქართველობა სკარბობს. სინათლეში
ქართველებს ველარ უძლებენ.

ამ ჟამად ჩვენში სომხობას და ქართველობას
შორის სასტიკი ბრძოლაა. ამაზე ლაპარაკი არ
უყვართ, ორ „მეზობელ ხალხს ერთმანეთს ნუ გა-
დავიდებთო“. ძველებურ წესზე დგანან! რომ ეს
„გადავიდება“ ჩემგან იყოს დამოკიდებული, ამ სტრი-
ქონებს სრულებით არ დავწერდი. სამწუხაროდ, ეს
„გადავიდება“ შემთხვევითი და წარმავალი არ არის.
მისი ფესვები ღრმად ჩაქედილია ცხოვრებაში. ცხოვ-
რების წინწაწევამ წარმოშობა ეს ბრძოლა, ეკონო-
მიური წინააღმდეგობა, და ვინც ამბობს: ამას ნუ

Handwritten notes in the left margin, including the word "სომხობა" (Armenianism) and other illegible text.

გავამხელთ, ნუ ვიტყვითო, გამოდის მხოლოდ უვი-
 ცობის და შეუგნებლობის მოციქულად. ჩვენ კი მუ-
 დამ იმ აზრის ვართ, რომ თავის თავს სიმართლე
 ვუთხრათ. გვეყოფა ისიც, რასაც სხვები გვატყუებენ,
 თავის თავს მაინც ნულარ მოვატყუებთ.

საიდან მოდის ეს ბრძოლა?

ქართველობა ევროპის გზაზე გამოვიდა, მან
 ხელი მოჰკიდა ყველა იმ საქმეს, რასაც კი ევრო-
 პიელნი მისდევენ. აქ პირველი ალაგი უჭირავს აღებ-
 მიცემობას, წარმოებას. მაგრამ მას ამ გზაზე უკვე
 გამოსული სომხობა წინ გადაელობა და, აი, აქ ისინი
 მოხვდენ ერთმანეთს. ყოველი ნაბიჯი ქართველობის
 მიერ წინ გადადგმული, ნიშნავს ნაბიჯს მის მეტო-
 ქეთა მიერ უკან გადადგმულს. ასეთ ბრძოლაში და
 გამარჯვებაშია ჩვენი კულტურული ზრდა, ჩვენი
 ეროვნული განვითარება. როგორც ზევით ვთქვით,
 სომხობა მარცხდება იქ, სადაც ქართველობა ევრო-
 პიელდება: ცხადია, ჩქარი წარმატება, გაევროპიე-
 ლება პირდაპირ ჩვენ ინტერესს შეადგენს. ყოვე-
 ლივე ის, რაც ავითარებს შრომას, აადვილებს მი-
 სვლა-მოსვლას, აქალაქებს და ანათლებს ხალხს, - წარ-
 მოადგენს ბასრ იარაღს, რითაც უნდა ბოლო მოე-
 ლოს ხალხის კისერზე მჯდომთ, მისი სისხლის მწოვთ...

რატომ ქართველს ასე ეხერხება ევროპიული წე-
 სით ბრძოლა? იმიტომ, რომ ის სწორეთ მაშინ გამო-
 ვიდა საბრძოლველათ, როცა სხვა წესები აღარ მოი-
 პოვებოდა. სომხები ისტორიულად აღიზარდენ სხვა
 პირობებში, შეისისხლხორცეს სხვა წესები, ამისათვის
 დღეს ეძნელებათ ძველის დატოვება და ახლის შე-
 თვისება. ეს მით უფრო უჭირთ, რომ მეტოქენი

ქართული
 ბიბლიოთეკა
 შიპოვა
 შიპოვა
 შიპოვა

ამოუჩდენ, და დროს არ აძლევენ ასეთ გარდაქმნი-
სათვის. ქართველობას კი აღარ შეუძლია სხვანაირად
აღჭურვა, თუ არა ევროპიულად. თუ ამ გზას ხან-
დახან სცილდება, ეს იმიტომ რომ ახალი გამოსულია
და ფეხი გამაგრებული არ აქვს.

აი, როცა პირობები შესრულებულ იქმნებიან,
მაშინ სომხობა ქართველობისათვის აღარავითარ
ტვირთს არ წარმოადგენს და მათ შორის ბრძოლაც
მოისპობა. სომხობის დიდი ნაწილი გაპროლეტარ-
დება და ძალა-უნებურად გვერდში ამოუდგება ქარ-
თველ მუშას, და თუ დღეს სომხობა იბრძვის კაპი-
ტალისათვის წინააღმდეგ შრომისა, მაშინ ეს პირს
იბრუნებს და გაღარიბებული ნაწილი ომს გამო-
უცხადებს მის პირვანდელ ღმერთს—კაპიტალს. რო-
ცა ეს ასე მოხდება, მაშინ ძირიანათ შეიცვლება
ჩვენი ეკონომიური და მოქალაქობრივი წყობილება
და მასთან ერთად ჩვენი სომხებთან დამოკიდებულება*).

V

ევროპიელები. თუ საქართველოს სრული გა-
ევროპიელება სომხობის ინტერესი არ არის, თვი-
თონ ევროპიელთათვის კი ძალიან სასურველია. ესე-

*) აქ უნდა აღვნიშნოთ შემდეგი: როცა ჩვენ აქ
სომხობაზე ბაასი გვაქვს, სრულიად სახეში არ გვყავს მისი
ინტელეგენცია და მით უფრო ოსმალეთის სომხობა, რომ-
ლის განმათავისუფლებელ მოძრაობას მთელი ჩვენი სიმ-
პატია ეკუთვნის. მეორედ, როცა ვამბობთ, ქართველს
გაევროპიელება ეხერხება-თქო, ეს არ ნიშნავს, რომ ის
უკვე გაევროპიელდა; ჩვენ ვუჩვენებთ მხოლოდ ტენდენ-
ციას, მიდრეკილებას, და არა დასრულებულ პროცესს.

ნი ჩვენ პირდაპირ ევროპასთან გვაახლოვებენ. ეს თვალსაჩინოა არა თუ დღეს, არამედ ისტორიულ წარსულშიაც. გასულ საუკუნოებში ევროპიელი ჩამოდიან ქვეყნის გასაცნობად, ასაწერად, აზრების გასავრცელებლად (პატრები) და სხვ. იმ დროის უგზო-უკვლოებაში ასეთ მიმოსვლას დიდა მნიშვნელობა ჰქონდა. მეფეები და კარის-კაცები თუ რამეს ტყობილობდენ ევროპის შესახებ, ამის მიზეზი ევროპიელი მოგზაურები იყვნენ. ესენი უამბობდენ ევროპის ამბებს. ასეთი ცნობა, პირადი გადაცემა, ერთად-ერთი საუკეთესო საშუალება იყო. გაზეთები, ფოსტა, ტელეგრაფი, რკინის-გზები, მაშინ ხომ არ ყოფილა, რომ ყოველივე დაუყოვნებლივ გაეგოთ. ირაკლი მეორემ „ევროპისა არა იცოდა-რა, მხოლოდ იმის მეტი, რომ ხანდახან პატრები იახლებოდენ და ისინი უამბობდენ ევროპის ამბებს, ან ოდესმე ევროპის მოგზაური მოვიდოდა,“ (იხ. ზემოდ დასახელებული წიგნაკი). თუ ასე იყო მეტწილად საუკუნის გასულს, რაღა უნდა ყოფილიყო წინა ხანებში! ევროპიელთა ზე-გავლენას უნდა მიეწეროს, რომ მეფენი ევროპისაკენ ილტვოდენ, დახმარებას და მფარველობას აქ ეძებდენ. ამის საუკეთესო მაგალითს გვიჩვენებს საბა სულხან ორბელიანის ევროპაში გამგზავრება და იქ საქართველოს პოლიტიკურ მდგომარეობის შესახებ რომის პაპთან და ზოგ გვირგვინოსანთან მოლაპარაკება. ამ გვარი მიმდინარეობის შედეგია ისიც, რომ ევროპიელი ცდილობდენ ქართული ენის, ზნე-ჩვეულების შესწავლას. ერთი სიტყვით, ქართული მწიგნობრობა

მათთვის საინტერესო გახდა. ქართულ წიგნებს იმე-
ნენ და ინახავენ სხვა და სხვა წიგნთ-საცავებში (რომ-
ში, პარჩეში და სხვ.). ვინ შეადგინა პირველათ სა-
ქართველოს ისტორია? იმავე ევროპიელმა (ბროსემ),
რომლის მეოხებით ევროპის მწიგნობარ ხალხს სა-
ქართველოს ისტორიის გაცნობის საშუალება მიე-
ცა.

ევროპიელთ ჩვენში მოგზაურობისათვის ძალას
ატანდა მხოლოდ ცნობის-მოყვარეობა, ახალის ნა-
ხვა და გაგება, საჩუქნოებითი გატაცება, და არა
ანგარება, სიმდიდრის შეძენა და ხალხის გაყვლეფა.
ფულის საშოვარი პირობები არ ყოფილა და მოგ-
ზაურნი ხომ ვერ გადაქმნიდენ ჩვენ ცხოვრებას. სა-
ვაჭრო ნიადაგი მომზადდა მაშინ, როცა ხალხში
ფულის მოთხოვნილება გაძლიერდა და ძველი კარ-
ჩაკეტილი ურთიერთობა დაილეწა. ამ პროცესში
ჩვენ დღეს ვცხოვრობთ. მართალია, ევროპის გზას
დავადექით, მაგრამ სრული გაევროპიელებისაგან
ჯერ კიდევ შორსა ვართ, ერთ კიდეს კი მოვცილ-
დით, მაგრამ მეორეს ჯერ კიდევ ვერ მივადექით. ეს
ნიშნავს იმას, რომ ჩვენ განვვითარდით, მაგრამ სა-
კმაოდ ვერ განვვითარდით. ასე შუა გზაზე გაჩერე-
ბა სასარგებლოა, როგორც ზევით ვთქვით, სომხო-
ბისათვის, საზოგადოდ ჩარჩულ ვაჭრობისათვის, ხო-
ლო ევროპიელთა ანგარიშში კი არ შედის. ევრო-
პიელი ფულს იგებს წესიერად, თანახმად ყოველივე
ეკონომიური კანონებისა. ის ამნაირ გარემოებაშია
აღზრდილი, ასეთი იდეები აქვს შეთვისებული. ის
ჩვენში არ წამოვა იმიტომ, რომ აქ სოფელში სა-



წვრილმანო დუქანი გახსნას, გოგიას და პეტრიე-
 ლას ნაცარში ჩაუჯდეს და ორი გროშის გამოტყუ-
 ებისათვის ღირღიტა დაუწკოს. ის თუ მოდის, მო-
 დის დიდი ფულით, სურს გააბოს მთა-გორი, არ
 დატოვოს გაუშინჯავი ქვესკნელი, უნახავი ტყე-ვე-
 ლი, რომ რაც კი რამე სიმდიდრეა ადამიანთა ხელ-
 ში გაატაროს და მით ფულს ფული მოაგებიოს. ის
 ისე ვერ დადგება, თუ დიდი საქმე არ აწარმოვა, ბევრი
 ფული არ დააბანდა, მუშა-ხალხი არ დაიჭირავა, სოფე-
 ლი, ქალაქი. ქვეყანა არ შეძრა. ევროპიელი ძველებურ
 წყობილებაში ვერ გაძლებს, ვერ დაეტევა. აქ მას არ
 ყოფნის ჰაერი სასუნთქავად, სივრცე გასანძრევად,
 დრო საცხოვრებლად. ასეთ მდგომარეობაში მყოფ
 ხალხს ის უწოდებს ზარმაცს *), სიცოცხლე მოკ-
 ლებულს. ადამიანი, რომელიც თავის სოროდან არ
 გამოდის, კერიას არ სცილდება, მისთვის მკვდარია;
 ის ელტვის ყველაფერი გააქანოს, ყველაფერს ხელი
 შეახოს, მთა მთას შეატაკოს, ხალხი ხალხში ათქვი-
 ფოს, დრო, გზა შეამოკლოს; ერთი სიტყვით, ქვე-
 ყანა თავის სახისამებრ გადაქმნას. სადაც კი

*) „კელნის გაზეთის“ („Kölnische Zeitung) დე-
 კემბრის ნომერში საქართველოდან ერთი მოგზაურის
 კორესპონდენ კიები დაიბეჭდა. ერთ ალაგას სხვათა შო-
 რის ამბობს: ქართველები ისე ზარმაცებია, რომ სომხე-
 ბის ბატონობისაგან თავი ვეღარ დაუღწევიათო, მხო-
 ლოთ ქალებს გვიჩებს: პატარებია, მარა გასაგიჟებელი
 ლამაზებიაო. En passant ევროპაში თუ ვინმე გვიცნობს,
 მხოლოთ იმით, რომ საქართველოში ლამაზი ქალებიაო.
 ცხადია, ჩვენმა დედაკაცებმა ევროპის წინაშე სუფრო
 მეტი სამსახური გაგვიწიეს, ვინემ მამაკაცებმა!..

ევროპიელი ფებს ჩააბიჯებს, იქ ყოველი ძველი ინ-
გრევა, მანაძლი წმინდათ მიჩნეული ისპობა, ველა-
რაფერი ზეზე ვერ დგება. ვაი იმ ხალხს, რომელიც
უმოწყალო დაქცევაში თვითონ არ იღებს მონაწი-
ლეობას, თავისი ხელითვე არ არღვევს ძველ პი-
რობებს და მათ მაგიერ ახალს არ აშენებს! მას
უთუოდ გადაშენება მოელოს. ასეთი ბედი ხვდა-
ყველა უკულტურო ხალხს, რომელიც ევროპიელ-
თა მიახლოებისთანავე ქვეყნიდან აღიგავა. რატომ?
იმიტომ რომ თავის ცხოვრების გადასხვაფერებისათ-
ვის, გაევროპიელებისათვის, თვითონ ვერ დარჩა
მომზადებული და დამნგრევ-ამშენებლის როლი ევ-
როპიელმა იტვირთა. სადაც კი ასე ხდება, იქ აღ-
გილობრივი მკვიდრი დედამიწიდან ქრება.

ჩვენ, ქართველებს, რომლებმაც ერთი ევრო-
პიული ხანა—ფეოდალური, უკვე გავიარეთ, ევრო-
პა ვერას დაგვაკლებს. ის ჩვენი მტერი არ არის,
პირიქით, ის არის სისხლი—სისხლთაგანი ჩვენი და
ხორცი-ხორცთაგანი ჩვენი. ჩვენ ჩვენივე ეევრო-
პიელდებით და მაშასადამე, მის გვერდით, მასთან
შეკავშირებით ჩვენივე უნდა ვიცხოვროთ. ქარ-
თველობამ თვითონვე უნდა განივითაროს ძალა,
აღიძრას ენერჯია, გაანაყოფიეროს შრომა. თვით-
მოქმედება, თვით-მოძრაობა, თვით-ასზროვნება—აი,
რა უნდა ეწეროს მის დროშაზე. ყველა ის, რაც
ამ გზაზე გვაბრკოლებს, ძიძაობას გვიწევს, ასპა-
რებს გვივიწროებს, გვაძინებს, გვაზარმაცებს—აი,
ეს ჩვენი პირდაპირი მტერია, მომავლის ორმოს
ამომთხრელია. მას სურს ამ ორმოში ჩვენი ჩაყრა,

რომ შემდეგ თავისუფლათ იპარბაშოს. აი, აქ სიტ-
 რთხილე, prenes garde!

ევროპიელები ჩვენში ასეთ როლს არ თამა-
 შობენ. ისინი სცვლიან ეკონომიურ წყობილებას,
 ავითარებენ ეროვნულ შრომას, გააქვთ ნაწარმოები
 მსოფლიო ბაზარზე და მით გვაკავშირებენ მსოფლი-
 ოსთან. მათი ინტერესია საქართველო ერთიანად
 დასერილი იყოს გზა-ტყეცილებით, რკინის-გზებით,
 ტელეგრაფის მავთულებით; იყოს ხალხი გაქალა-
 ქებული, გაზრდილი, განათლებული, მწერლობა
 აყვავებული, ახალი იურიდიული ურთიერთბა გან-
 მტკიცებული და სხვ. და სხვ. ერთი სიტყვით, მათ
 ენატრებათ ევროპა საქართველოში. მხოლოდ ასეთ
 ნიადაგზე ეადვილებათ შრომა და თავის მიზნის
 განხორციელება.

რუსები. მას შემდეგ, რაც საქართველო რუ-
 სებს შეუერთდა, ცხადია, ჩვენში რუსის ელემენტი
 უნდა გაძლიერებულიყო. რუსული მართვა-გამგეო-
 ბის, კანონის და წესების დასამყარებლად საჭირო
 იყვნენ ახალი კაცები, ახალი მმართველები. საიდან
 უნდა მოსულიყვნენ ისინი? რასაკვირველია იქიდან,
 საიდანაც ახალი წესები მოდიოდა. ამავნაირად ადგი-
 ლობრივ მცხოვრებთათვის ჩაბარება ნიშნავს ადგი-
 ლობრივი ელემენტის გაღონიერებას, ადგილობრი-
 ვი ენის, ზნე-ჩვეულების და ხასიათის გაგანიერება-გან-
 მტკიცებას. როგორც ხედავთ, ეს ორი სხვა და სხვა
 ერთი-მეორის წინააღმდეგი მომდინარეობაა... მაგ-
 რამ სანამ საქართველო-რუსეთს შორის მისვლა-მო-
 სვლა შეფერხებული იყო, მანამდი ძალა-უნებურად

ქართველებით უნდა დაკმაყოფილებულიყვენ. ეს
 მით უფრო, რომ ძალადი თავად-აზნაურობა, რომ-
 მელმაც საქართველო რუსეთს ჩააბარა და დაუმორ-
 ჩილა, ძლიერ სანდო და ერთგული უნდა ყოფი-
 ლიყო. ამიტომ ამ საუკუნის პირველ ნახევარში ის
 შეიქმნა მიწვეული ახალი წყობილების ცხოვრებაში
 გასატარებლად. ასე გასინჯეთ მთავარ-მართველს
 თ. ციციანოვსაც გაჭირების დროს თავი ქართვე-
 ლად მოაქვს, რომ მოწინააღმდეგენი დაარწმუნოს,
 ვითომც ის საქართველოს ინტერესს იცავს (იხ. ბ.
 თრონელის ზემოდ დასახელებულ წერილებში). მდი-
 ვან-ბეგები, ბოქაულები, ნაცვალ-მამასახლისები, მაი-
 ორები, ღენერლები და სხვა საპატიო მოხელენი
 ქართველი თავად-აზნაურია. ესენი ამშვიდებენ აჯან-
 ყებულთ, იჭერენ მეფის ჩამომავალთ, მიჰყავთ რუსის
 ჯარი მიუვალ ადგილას, უმაღლეს მთავრობას ატყო-
 ბინებენ საიდუმლო ამბებს, დაფარულ სიმაგრეებს
 და სხვ. სამაგიეროდ ჩინს, ჯამაგირს და წარჩინებას
 ღებულობენ. მოხელე, ჩინოვნიკი, რაც წინად ჩვენ-
 ში სრულებით უცნობი იყო, სანატრელ თანამდე-
 ბობად გახდა. ერთი სიტყვით, თავად-აზნაურობა
 მოკლე დროში კინალამ გადაიქცა იმით, რათაც სა-
 უკუნოებმა რუსეთის აზნაურობა გადააქცია — Служилое сословіе (მოსამსახურე წოდებად). ასეთი
 სანეტარო დრო დიდხანს არ გაგრძელებულა. მესა-
 მოცე წლების შემდეგ მოხელეობისათვის საჭირო
 შეიქნა სწავლაც. თავად-აზნაურობა სკოლებს მია-
 წყდა, მაგრამ კარები დახურული დახვდა, შენზე
 უფრო მომზადებულები სხედან შიგო. ქართველს,

უჭირს ეგზამენის დაქერა, იმიტომ კი არა, რომ უნიკოა, არამედ იმიტომ რომ რუსული ენა ზედმიწევნით არ იცის, ე. ი. რუსი არ არის. აქედან იწყება რუსის მოხელეთა გამრავლება და ქართველების შემცირება. რაც წინ წავალთ, ეს უფრო და უფრო გაძლიერდება, და ქართველს თან და თან აგრძნობიებს—მისი ასპარეზი მოქალაქობრივი ნიადაგია და არა მუდამ სხვის კარზე მათხოვრობაო.

ეკონომიურ ასპარეზზე ჩვენში რუსები სუსტია. ისინი მეტოქეობას ვერ უწევენ ვერც სომხებს, ვერც ევროპიელთ და ვერც ქართველთ. ეს ასეც უნდა იყოს. რუსეთი ამ მხრივ ჩვენსავით ჩამორჩენილია. იქ არ ტრიალებს იმდენი კაპიტალი, რომ ადგილობრივად დაბანდება შეუძლებელი იყოს და საქართველოში წამოვიდეს. ევროპიელი ჩვენში მოდის იმიტომ, რომ ევროპაში დიდი ფული ტრიალებს, საქმე კი იმდენი არ არის; ამისათვის ის გადააქვთ ქვეყნის ყოველ კუთხეში და ყოველ ერში. რუსეთს კი ეს არ შეუძლია. როცა ის ისე გაღონიერდება, რომ საქართველოს თავის კაპიტალს მოაწვდის, მაშინ ქართველობაც იმავე ფეხზე იქნება დამდგარი და რუსეთის კაპიტალს თავის კაპიტალს დაუპირდაპირებს. ჩვენში თუ რასმე აკეთებს ეკონომიურ ნიადაგზე, რუსეთის კერძო თაოსნობა კი არა, არამედ თვითონ მთავრობა. ის სტრატეგიული მიზნით რკინის გზებს ხსნის, რის მეოხებით ვითარდება ხალხის მეურნეობა, ირღვევა ძველი ურთიერთობა და იქნება ახალი ქართველობა, ახალი მოთხოვნილობით, ახალი მოქმედებით და იდეებით.

რუსები ეტანებიან უფრო მიწა-ადგილის შექმნას. ამის მიზეზი ორია: ერთი ის, რომ სურთ თავიანთი ელექტრა მკვიდრ ნიადაგზე დააყენონ, ხოლო მეორე წმინდა ეკონომიური ხასიათისაა. ეკონომიურად უკან-ჩამორჩენა, სხვათა შორის, იმასაც ნიშნავს, რომ კერძო თაოსნობა, გამბედაობა, „რისკი“ მიმქრალი, მიღეულია. ფულის პატრონს შიშით ხელი უჩაგძაგებს, დღე და ღამე არ სძინავს, ფული არ დამეკარგოსო. ის უფროსის წარმოებაში, აღებ-მიცემობაში მონაწილეობის მიღებას, ეს საქმე მას საექვოდ მიაჩნია. თუნდ დარწმუნებულიც იყოს მოვიგებო, მაინც შორს გაურბის, ბევრი ფიქრი და დავიდარაბა დამჭირდებაო. ევროპიელი ასში მხოლოდ ათს ანგარიშობს მოსაგებად, ოთხმოცდა ათს „რისკზე“ გადადის, ან მოვიგებ, ან წავაგებო. ის ამაშია აღზრდილი, ასეთი ენერგიით სულდგმულობს. რუსი (აგრედვე ქართველი) ყოველ ფეხის გადადგმაზე კანკალობს, ვაი თუ ვერ ჩავდივარ კარგადო. ამიტომ ის ეძებს თავის ფულისათვის სანდო, მაგარ ბინას. რა წარმოადგენს ასეთ ბინას, თუ არა მიწა-ადგილი. მიწის გაქრობა, ან დაფუშვა ხომ არ შეიძლება და მაშასადამე იქ შეტანილი ფული იქნება და იქნება უკუნისამდე. ევროპიელი ფულის პატრონი მიწის შექმნას არ ეტანება, ეს მას ხელსაყრელად არ მიაჩნია, რაიცა აშკარაა იქიდან, რომ ყველა მემამულე ყელამდი ვალშია. ჩვენებური კი, პირიქით მრეწველობას არ ეტანება, სასარგებლოდ არ მიაჩნია, თუმცა ვალის გემო მიწის პატრონსაც კაი ხანია ვაგებულები აქვს. უკან ჩამორჩენილ ქვეყანაში შრო-

მა, ენერჯია განუვითარებელია და, მაშასადამე, კაპიტალი, გაჩხედაობა, საწარმოვო მიდრეკილება სუსტია. ასეთ პირობებშია რუსეთიც. აქედან ჩვენ საწარმოვო თანხა ვერ მოგვივა, ხოლო ის რუსები, რომელნიც ჩვენში ჯამაგირით თუ „მოსე მწერლობით“ ფულს შოულობენ, წარმოების ეშინიათ და ისევ უძრავ ქონებას ეტანებიან... ამ კითხვის შესახებ მეტს ველარას ვიტყვით...

ამ ნაირად, ჩვენ გავარჩიეთ სამი უცხო ტომის ეკონომიური მოღვაწეობა და აღმოჩნდა შემდეგი: სომხები წარმოადგენენ მოვახშე, საჩარხო კაპიტალს. ფული ფულს იგებს არა წარმოებით, საქმეში დაბანდებით, არამედ ვექსილის ქალაღდით, „ნეუსტოიკით“, მოტყუებით, კანონიერი უკანონობით; ამისთვის მათი მოქმედება კონსერვატიულია. ევროპიელნი მრეწველობას მისდევენ, ვაჭრობაში პატიოსნება შეაქვთ, ქვეყანა ევროპიულ გზაზე გამოყავთ და მით პროგრესიულ როლს თამაშობენ. რუსები კი ორივეს შუაშია. ის არც ჩარჩია, არც მრეწველი, არც მდიდარია, არც ღარიბი, მიიღტვის უფრო უძრავ ქონების შექენისაკენ, საზოგადოდ, მოხელე, ჩინოვნიკია.

VI

როგორც ზევით დავინახეთ, დღეს ქართველობა კარჩაკეტილ განთვითებულ მდგომარეობაში აღარ იმყოფება. მის გვერდით, მასთან ერთად მოქმედობს სხვა-და-სხვა ტომის ხალხი, ის შეერთებულია მისვლა-მოსვლით, ფოსტა-ტელეგრაფით დანარჩენ ქვე-

ყანასთან. ეს მიღრეკილება თან-და-თან ვითარდება და ძლიერდება. მას აერთებენ რკინის გზით სამხრეთთან, ჩრთილოეთთან, აღმოსავლეთთან და სხვ. ერთი სიტყვით, საქართველო გადაიქცევა ისეთ კუნძულად, რომლის ყველა ნაპირები აღვილი მისადგომია. თუ კი ერთხელ კავკასია ხალხთა სავალი გზა ყოფილა, დღეს ის ხალხთა სამოქმედო სარბიელად ხდება, რუსეთიდან, სპარსეთიდან, სათათრეთიდან ჩვენს ქვეყანას მოაწყდება აუარებელი მუშა ხალხი, ხოლო ევროპიდან კაპიტალისტები. ამნაირი მიმდინარეობა დღესვე არის, ხოლო მისი გამძლავრება დამოკიდებულია მისვლა—მოსვლის გაადვილების და წარმოების გაფართოვებისაგან. ჩვენ ამ ორივე გზაზე შევდექით. ცხოვრების ორივე მხარე ერთად წინ მიდის. განვითარება შიგნით და გარეთ წარმოების და აღებ-მიცემობის, განვითარება შიგნით და გარეთ მიმოსვლის და ერთმანეთთან დაახლოების—ასეთია ჩვენი გზა, ასეთია ის პირობები, რომელშიაც დღეს ვიმყოფებით და ვმოძრაობთ. განა ამგვარ მდგომარეობაში ვიყავით ამ 20—25 წლის წინათ? მართალია, ამის საძირკველი მაშინ ჩაიყარა, მაგრამ მისი განმტკიცების და ზედ კედლების აშენების პირობები დაიბადენ შემდეგ, უკანასკნელ 10—15 წელში. მესამოცე წლებში შესაძლებელი იყო ეროვნული მოძრაობა ქართული ენის დაცვაში გამოსულიყო, მაგრამ დღესაც აქ გაჩერება, ამ ერთ წერტილზე გაყინვა განა არ ნიშნავს უკან ჩამორჩენას, უაზრობას, უშინაარსობას? მეტყვით: ეგ დღესაც საჭიროა. სრული ჭეშმა-

რიტებაა, ეს საჭირო იქნება მანამდის, სანამ მისი მომავლინებელი არ მოგვემოჩნდება. მაშ, იმ დრომდის მხოლოდ ერთი-და იგივე ვიმეოროთ, ერთი-და იგივე ვიძახოთ? სად არის წინ-სვლა, აზროვნების შემუშავება, ცხოვრების გარკვევა? განა აზრი, მწერლობა, ან უნდა იყოს თანამედროვე სინამდვილის გამომხატველი? აქ და მხოლოდ აქ არ უნდა ეძებდეს წყაროს სიცოცხლისას და ძლიერებისას? ის, რასაც ყველა ჩვენგანი გულში გრძნობს და პირადად ამბობს, ნახევარი საუკუნის წინ მოხდა, ამ დროს შემოიხაზა ის საერთო ფარგალი, რომელშიაც ვტრიალებთ. ეს ფარგალი იმდენად საგრძნობია შიგნით მყოფთათვის, რამდენად ესენი ერთმანეთს მოხვდებიან. მათი ინტერესი ერთმანეთს შეეჯახება. ხოლო ეს დამოკიდებულია ცხოვრების წარმატებაზე. მაშასადამე, აქ არის ორი საგანი: ერთი უძრავი, ერთ ალაგას გაჩერებული, მეორე მოძრავი და წინ მიმავალი. თუ დღეს პირველი საგრძნობელია — ეს იმიტომ, რომ მეორე (ე. ი. ჩვენვე) გაიზარდა, გადიდდა და გუშინდელ აკვანში ველარ ეტევა. ამ ზრდის ერთი ხანა მესამოცე წლებია, მეორე კი დღევანდელი ცხოვრებაა. ეს ორი ხანა ისე განირჩევა ერთმანეთისაგან, როგორც შვიდი წლის ბავშვი თოთხმეტისაგან. მართალია, ბავშვი თოთხმეტის ვერ გახდებოდა ისე, რომ ჯერ შვიდის არ გამხდარიყო, მაგრამ ვინ იტყვის ორივე ერთი-და იგივეაო? 95 წელიწადი ვერ იქნებოდა ისე, რომ ჯერ 60 წელიწადი არ ყოფილიყო, მარა ვინ იტყვის ორივე ერთნაირიაო?

იმდენად, რამდენად ზევით გავარკვეით და ქვევითაც გავარკვევთ, დღევანდელი ხანა პირდაპირი უარის-

ყოფაა გავლილი ხანის. დღეს ქართველობას გაცი-
 ლებით უფრო რთული და სრულიად ახალი საის-
 ტორიო კითხვა აქვს გადასაჭრელი. ერი უკან ჩამო-
 რჩენილი გადაეშვა ახალ მორევში, შესტოპა ახალ
 ტალღებში, მარტო კი არა, სხვა უფრო მომზადე-
 ბულ ერებთან ერთად. მათი ნავი მუდამ ერთმანეთს
 ეჯახება. რანაირად შეიძლება, სუსტი მენავის ამ
 ბრძოლაში გადარჩენა? საიდან უნდა მოიკრიფოს
 იმდენი ძალა, რომ მან აღელვებული ზვირთები გა-
 დალახოს და მეორე ნაპირს მშვიდობით მიაღგეს?
 აი აქ არის მთელი კითხვა. ჩვენი კულტურული წარ-
 მატება ამის ახსნას მოითხოვს.

როგორც არა ერთხელ მოვიხსენეთ, ის რამაც
 ჩვენ წინ წაგვწია, ახალი მოქმედებისაკენ გაგვაქანა,
 ყოფნის თუ არ ყოფნის კითხვა დაგვისვა, — არის
 ეკონომიური ურთი-ერთობა. ამასთან მჭიდროდ შე-
 კავშირებულია ყველა დანარჩენი მხარეები: ლიტე-
 რატურული, იურიდიული, პოლიტიკური, ეროვ-
 ნული და სხვ. მაგრამ არის განვითარება და განვი-
 თარებაც. განვითარება იქნება ისიც, რომ მთელი
 ქართველობის ქონებას და გონებას ვილაც გადამთი-
 ელი დაეპატრონოს, და ისიც, როცა ქართველობა
 საქართველოში ყოველ სარბიელზე ბატონობდეს.
 სად არის ის ძალა, რომელიც ჩვენ ამ მეორე გზი-
 საკენ ხელს წაგვკრავს? საიდან მოგროვდება ის შეუ-
 დრეკელი მხნეობა, რომელიც დაამარცხებს უცხო
 ტომთა მეტოქეობას და უმაღლეს საფეხურზე აგვი-
 ყვანს? უცხოეთიდან მოგვევლინება? სხვისი მიწის
 შვილი იქნება? არა, ელექტრონის ძალა, რომელიც

ჩვენ გარს შემოგვხვევია და უბრალო შეხებისთანავე დამწველ ნაპერწკალს გასცემს, ჩვენშივე უნდამოგროვდეს, ჩვენვე უნდა შევიმუშავოთ და თავი მოვუყაროთ იმ საერთო აუზში, რომელსაც ეწოდება ქართველობა, და რომლის თითოეული წართული თითოეული ქართველია. ამ მართულების შემაერთებული ძირი ცხოვრებაა, ხოლო მათი ბოლო ეროვნობა, ეროვნული ძალაა. შეახეთ ხელი უკანასკნელს და მაშინვე გადაეცემა პირველს, შეახეთ ხელი პირველს და ერთნაირად აბობოქრდება უკანასკნელი. პირველი დაუშრეტელი შადრევანია, საიდანაც ჰაერში სცემს ანკარა წყალი. დააჭირეთ ხელი შადრევანს მალლიდან და უეჭველათ შეჩერდება წყლის მსვლელობა. მაგრამ რამდენსამე ხნის შემდეგ შენით თუ არ მოშორდი, ის ახალ მოკრეფილი ძალ-ღონით ჰაერში გისვრის. მოშალეთ თვითონ შადრევანი და ყოველივე გათავდა, აღარ არის წყლის სროლა, აღარც მისი ძლიერება. და, აი, სწორეთ ამნაირი შადრევანია ცოხოვრება, სამოქმედო ასპარეზი, და მისი განმტკიცება, გაგანიერება უმაღლესი ისტორიული დანიშნულებათა. მხოლოდ აქ არის ის ნიადაგი, რომელზედაც მაგრდება თითოეული ერი და შედის საკაცობრიო ცხოვრებაში.

კიდევ ვიკითხოთ: რანაირად უნდა მოგროვდეს ჩვენ ერში ასეთი ძალა? რა დუდილს ემოჩილება იგი? როგორ სწარმოებს ეს პროცესი?

VII

ერთი უდიდესი კანონი, რომელიც კი ოდესმე აღმოუჩენიათ არის შემდეგი: საზოგადოების წინ-

სკლა, ცხოვრების განვითარება დამოკიდებულია საზოგადოების განხეთქილების აღორძინების და განვითარებისაგან (მარქსი). მას აქვთ რაც ხალხის ნაწილთა შორის შრომა დაიყო, ერთმა იკისრა მიწის შემუშავება, მეორემ მტერთან ბრძოლა, მესამემ ხელოსნობა და ვაჭრობა და სხ., მუდმივი შინაგანი ბრძოლის, ინტერესთა შეტაკების და ერთი მეორის დამარცხების საძირკველი ჩაიყარა. თითოეულ ამ ნაწილს, ანუ კლასს, სკრს ყველა დანარჩენი დაუქვემდებაროს და თვითონ გაბატონდეს. ეს მისი ლტოლვილების დედა-ბოძია, ეს მისი მოქმედების ჩარხია *) ბრძოლა ეკონომიური და პოლიტიკური ხასიათისაა. ის კლასი, რომელიც ამ ორ ნიშნადგზე გამაგრებულია, გამაგრებულია ყველა დანარჩენ ნიშნადგზე. ის ღვას ერის ცხოვრების სათავეში, ის არის ოფიციალური წარმომადგენელი

*) განხეთქილება სწარმოებს არა მარტო კლასთა შორის, არამედ თითონ კლასშიაც. აზნაური აზნაურს ებრძვის, გლეხი გლეხს, კაპიტალისტი კაპიტალისტს, მუშა მუშას. ეს წარმოსდგება იქიდან, რომ აოსებობენ საზოგადოდ კლასები, ე. ი. ისეთი პირობები, რომლთაც დაჩაგრულის და დამჩაგრელას წარმოშობა შეუძლიათ. პირველი არავითარ ღონეს არ ზოვავს, ოღონდ კი გამოვიდეს თავის მდგომარეობისაგან, ხოლო მეორე თავის მხრით ყოველ ღონეს ხპარობს არ გამოუშვას ის იქიდან და მისი რიცხვი რაც შეიძლება გაამრავლოს თავის სასარკებლოდ. მაგრამ როცა დაჩაგრულნი იგნებენ, რომ ცალ-ცალკე ბრძოლით არაფერი გამოდის, ერთდებიან და იერიში მიაქვთ საერთო მტერზე. მაშინ უკანასკნელიც ამ გზას ადგება და ბრძოლა კლასთა შორის აშკარა, საქვეყნოა.

მთელი ხალხის, აწყობს ყველაფერს თანახმად თავის ინტერესებისა, ქმნის ახალ ზნე-ჩვეულებას, მწერლობას, ხელოვნებას, მეცნიერებას და სხ. მეორე მხრით, დაქვეითებული, უკან საფეხურზე მდგომი, თავის მარით, მიილტვის ზევით, რომ იქ მდგომნი გადარეკოს და მათი ალაგი თვითონ დაიჭიროს. მისი ასეთი მიდრეკილება ავითარებს მასში ენერგიას, აუკეთესებს საბრძოლველ იარაღებს, წვრილიან გონებრივად, ამალლებს ზნეობრივად; ერთის სიტყვით, ის ქმნის მეორე ქვეყანას. ამ სახით მოპირდაპირედ დგება ორი ძალა: ერთი იცავს არსებულ მის სასარგებლო წყობილებას, მეორე ანგრევს მას და აშენებს ახალს. პირველი კონსერვატორია, ცხოვრების უკან დამკერი, მეორე პროგრესისტია, ცხოვრების წინ გამქანებელი. მაგრამ მისი პროგრესისტობა თავდება მაშინვე, როგორც კი მიზანს მიახწევს. ახლა ის მეცადინეობს არსებული მდგომარეობა დაიცვას და მისი მოწინააღმდეგენი ქვეყნის მოლალოტეებად დასახოს. ასე მომდინარეობს კულტურულ ხალხთა ისტორია და უეჭველად ამას უნდა ვემორჩილებოდეთ ჩვენც.

საქართველოს მუდმივი შეიარაღება, მტერთან ბრძოლა, გამაჩჯვება თუ დამარცხება, აღორძინება თუ დაკლება, მკიდროდ შეკავშირებულია შინაგან, თავად-აზნაურთა შორის, ბრძოლასთან. თითოეულ სოფელს, ხეობასა და მაზრას საკუთარი ბატონი ყავს. ის უფრო შეძლებული და გავლენიანია, ვისაც მეტი მიწა-მამული და ყმები ხელთ უბყრია. აქედან წარმოსდგება განხეთქილება ბატონთა შორის. ესენი

დაუცხრომლად ერთმანეთს ებრძვიან. გამარჯვებულნი კიდევ უფრო მძლავრება და თავისუფლად პარპაშობს, დამარცხებული, თუ შიგნით ვერაფერი გააწყო, გარბის უცხოეთში, შემოჰყავს უცხო ჯარი და ომს უცხადებს ქვეყანას. გლეხ-კაცობა აქ არაფერ შუაშია, არავითარი ხმა არა აქვს. მას მხოლოდ უბრძანებენ, ომში გაიყოლიებენ, სამუშაოდ გაგზავნიან, ერთმანეთს აბრძოლებენ, სისხლს დააღვრევენ. გლეხ-კაცი, მართალია, შემთხვევისათანავე ეწინააღმდეგება, ებრძვის თავის ბატონს, მაგრამ მხოლოდ იმიტომ, რომ მეორე ბატონი მონახოს. საზოგადოდ, ბატონების წინააღმდეგ ის ხმას არ იღებს, ეს აუცილებელ წყობილებად მიაჩნია. ამნაირი ბრძოლის დაბადება ნიშნავდა, რომ ხალხს უთავად-აზნაუროდ შეუძლია ცხოვრებაო. ეს კი ხანგრძლივი განვითარების შედეგია. გასულ საუკუნეებში გლეხთა არეულობა ხშირია ევროპაში, ჩვენში კი იშვიათია. რატომ? იმიტომ რომ ევროპა ადრე დაადგა მოქალაქობრივ გზას და უსარგებლოდ გადაქცეული წოდება ტვირთი შეიქმნა. საქართველოში მძლავრი ბატონი ისე საჭირო იყო გლეხისათვის, როგორც სმა-ჭამა. სუსტი ბატონის ყმას გარეშენი ადვილათ დაარბევენ, გალახავენ, მოკვლენ და სხ. ამისათვის გლეხი მუდამ „დიდ“ ბატონს ეძებს, რომ საუკუნოდ ეყმოს. ცხადია, გლეხობა აზნაურობაში ხედავდა სასარგებლო წოდებას, რაიცა იყო მიზეზი ფეოდალთა თავ-აშვებულობის და ჩვენი-ჩამორჩენის. ეს ხანა საშინლათ გაგრძელდა და ბოლოს პოლიტიკურადაც დაგვცა.

საიდან უნდა გამოჩენილიყო ისეთი ძალა, რომელიც ფეოდალურ წყობილებას შეებრძოლებოდა

და ძველს ახლით შესცვლიდა? გლეხ-კაცობა დიდ-
 ხანია რაც არსებობს, მაგრამ ასეთი ძალა ვერ წარ-
 მოადგინა. გლეხსა და ბატონს შორის განხეთქილე-
 ბის განუვითარებლობა პირველი საბუთია ცხოვრების
 განუვითარებლობისა. მაგრამ შეეძლო კი გლეხობას
 შეგნებულად რაიმე სამერმისოთ გამოსადეგი ბრძოლა
 გამოეცხადებინა? არასოდეს ევროპაში თავისი თაო-
 სნობით მას რევოლუციონური როლი არ უთამაშია.
 მე-XVI საუკუნის გლეხთა ომი გერმანიაში მიმარ-
 თული იყო უფრო ძველის აღდგენის, ვინემ ახლის
 შემოდებისაკენ. მათ სურდათ მიწის საერთო მფლო-
 ბელობის (Markgenossenschaft) ხელ-ახლა აღდგენა,
 რაიცა ახალ ვითარებამ, ფულის ტრიალმა, დაარ-
 ღვია (ესენიც „ნაროდნიკები“ ყოფილან!). საფრან-
 გეთის დიდ რევოლუციამ გლეხობაც თან ჩაითრია
 Cruerie aux chataux, paix aux chaumières. ბრძო-
 ლა სასახლეებს, მშვიდობა ქოხებს—იძახოდა საფრან-
 გეთის გლეხ-კაცობა. მაგრამ განა რევოლუცია მისი
 თაოსნობით დაიწყო! რევოლუცია პირველად პა-
 რიჟმა ასტეხა, მას მიემხრენ პროვინციის ქალაქები
 და ბოლოს სოფლებიც. აშკარაა, ეს ქალაქის და არა
 სოფლის საქმეა. სწორედ ამიტომ შეიქნა ის შესა-
 ნიშნავ ისტორიულ მოვლენად.

ევროპის ფეოდალური ხანა დასცა ვაჭრობა-
 აღებმიცემის ხალხმა ე. ი. ფულის პატრონებმა, ბურ-
 ჟუაზიამ. ეს კლასი უეჭველად გლეხობისაგან წარ-
 მოიშვა, მაგრამ ის სარბიელზე გამოვიდა არა რო-
 გორც გლეხი-სოფლელი, არამედ როგორც ბურჟუა-
 მოქალაქე. ჩვენ ისტორიულ წარსულში ასეთ მიმარ-

თულებამ ფეხი ვერ მოიკიდა. ვაჭრობა-მოქალაქეობა
 ნაციონალურ ნიადაგზე ვერ დადგა, ქართველს ეს
 ხელობა ეთაკილებოდა და სომხები ხომ ვერ გამო-
 ვიდოდნენ საქართველოს ცხოვრების განმაახლებლათ
 (იხ. ზევით).

ამ საუკუნეში ხალხში ფულის ტრიალი ბატონ-
 ყმობის მოსპობამდინაც გავრცელდა. ეს არ იყო
 ცხოვრების დედაბოძი, მაგრამ ვინც შეიძენდა, კიდე-
 ვაც გამოიყენებდა. ხშირია ისეთი მაგალითი, რომ
 გლეხ-კაცს ფულის საშუალებით ბატონისაგან თავი
 დაეხსნას, ე. ი. სანამ მას კანონ-მდებელი მოეშველე-
 ბოდა, ფული მიეშველა. ცხადია, ფული მისთვის
 თავისთავის დასაცავ იარაღად გახდა. ეს ლითონი
 თავიდანვე გლეხს გამოესარჩლა. ფული შეიქმნა მის
 ქვეყნიურ ღმერთად, მას ეტრფის და თაყვანს სცემს.
 ამისათვის ყველას ფულის შოვნის სურვილი ძვალ-
 რბილში უნდა გასჯდომოდა. ასეთი მიდრეკილება
 ფრთას შლის მესამოცე წლების შემდეგ. განთავი-
 სუფლებული გლეხი ჩაერთა იმ ხელ-ჩართულ ომში,
 რომელსაც ბრძოლა არსებობისათვის ეწოდება. მრავალ
 მათგანს ბედმა გაუღიმა და წავიდა წინ. ხელი
 მოკიდა ვაჭრობას, შეიძინა ქონება და ეს ოდესმე
 უკანასკნელი პირი საპატრო პირად გადაიქცა. ასე
 თან-და-თან შესდგა ქართველი ვაჭარი და მრეწველი
 ხალხი, რომლის ძალა ფულზე არის დამყარებული...
 აზნაურობა ჯერ კიდევ ტყბილ ოცნებაში იმყოფება,
 ძველ ისტორიულ გადმონაცემს იცავს, ვაჭრობა
 კეთილშობილთ არ ეკადრებაო. ის მთელ თავის ძალ-
 ღონეს შთამომავლობითი უპირატესობაზე და მიწა-

ადგილებზე ამყარებს. ვისაც უკანასკნელი აკლია, პირველით ტრახობს, საზოგადოებისაგან პატივს თხოულობს იმ საბუთით, რომ პაპაჩემმა აზნაურობა იშოვაო. მაგრამ, როგორც ვიცით, დღევანდელი დრო ფულის დროა, აზნაურს, მიუხედავად მისი კეთილშობილებისა, ფული ესაჭიროება, ფული კი ვაჭრების ხელში ტრიალებს. ამნაირად, ისვენება ახალი ურთიერთობა კეთილშობილთა და არა კეთილშობილთა შორის. პირველი თან-და-თან ვალიანდება, ქონება ეკარგვის. მეორე თან-და-თან მდიდრდება, ქონებას იძენს.

თავად-აზნაურობა თავის მდგომარეობას მეურნეობის დაქვეითებით ხსნის. რატომ დაქვეითდა მეურნეობაო, რომ ჰკითხოთ, ის მზეს, მთვარეს, წვიმას, გვალვას, სეტყვას, ერთი სიტყვით, ბუნების ყველა მოვლენას ჩამოსთვლის და ზედ დაატანს: აი, ესენია მიზეზიო. ამ ნაირად, გამოდის, რომ ეს მისი დამღუბველი ბუნება ამ საუკუნეში და ისიც ამ უკანასკნელ წლებში აღმოჩენილა! ეს, რასაკვირველია, თავის მოტყუება, გულის გაკეთებაა. ერთი, რომ თვით პირველი წინადადება ყალბია. დღევანდელი ჩვენი მეურნეობა დაქვეითებული კი არა, გაცილებით წინ არის, ვინემ ამ 20—30 წლის წინათ იყო. ხოლო საქმე იმაშია, რომ დღეს არ ჰყოფნით, ბევრი სურთ და ამიტომ გაიძახიან: მოგვეხმარეთ, დაცემული მეურნეობა ფეხზე დაგვაყენებთო. ქვეყანა ეხმარება, მაგრამ მაინც არაფერი ეშველა, ის მაინც „დაცემულია“. რა ჯადო მუშაობს აქ? ჩვენებურ მემამულეს ფული ისე სჭირია, როგორც ვეროპიელს,

მაშინ როდესაც მამულის წარმოება ქართულია, რას ნიშნავს ევროპიული მეურნეობა? აი რას: ნაკლებ სივრცეს მეტი ნაყოფი გამოაღებო. ეს ხდება დიდი კაპიტალის დაბანდებით. ამას უწოდებენ ინტენსიურ კულტურას. როგორც ჰხედავთ, ეს ერთიანათ აშენებულია ფულზე, მეტი ფული და ნაკლები მიწა. ჩვენში ეს ერთიანად შებრუნებულია, აქ არის: მეტი მიწა და ნაკლები ფული. ეს ფორმულა რომ შებრუნდეს, ამისთვის აუცილებელია: ფეოდალური მიწათ-მფლობელობა დაირღვეს, საკუთრება დაკნინდეს, მოგროვდეს ფულიან კაცის ხელში და სხ. ჩვენ დღეს ამ გზაზე ვართ. იქ, სადაც საკუთრება ნაწილდება, პატარავდება, ეკონომიური წარმატება ჩქარი ნაბიჯით მიდის, როგორც ამას დასავლეთი საქართველო მოწმობს. ეს არის როგორც შედეგი, ისე მიზეზი ბურჟუაზიული წყობილების აღორძინების. ბურჟუაზიული მიწათ-მფლობელობა და წარმოება ძირიანად ეწინააღმდეგება ფეოდალურ მიწათ-მფლობელობას და წარმოებას, რასაც ხატავს ზემოდ მოყვანილი ორი ფორმულა. დღეს ესენი ებრძვიან ერთმანეთს; ამ ბრძოლაში მარცხდება ის, ვინც უკანასკნელი მიღრეკილების წარმომადგენელია, — თავად-აზნაურობა; იმარჯვებს ფულის პატრონი — ბურჟუაზია.

ამით კიდევ არ აიხსნება შემდეგი საკითხი: რატომ დღევანდელ მემამულეთ არ შეუძლიათ პირდაპირ კაპიტალისტურ წარმოებისაკენ გადავიდნენ? აი ამის პასუხი: ფული რომ წარმოებაში დაბანდო, საჭიროა ის გქონდეს; მეურნეს ფულის შეძენა შეუ-

ძლია სამეურნეო ნაწარმოების გაყიდვით. გაყიდ-
ვა მოასწავებს იმავე დროს ყიდვას, გამყიდველი მყი-
დველს, ვაჭარი მუშტარს. ყიდულობენ იმ ნაწარმო-
ებს, რომელიც მყიდველს არ შეუმუშავებია და,
მაშასადამე, არა აქვს. ეს მოითხოვს შრომის განა-
წილებას. ჩვენ ში დღეს შრომის განაწილება სუსტია,
ერთი აწარმოებს იმას, რასაც მეორე აწარმოებს.
ისინი ერთმანეთისაგან აღარას იყიდიან. შრომის გა-
ნაწილება შედეგია შრომის განვითარების, ეს კიდევ
შედეგია მრეწველობის და აღებ-მიცემობის. ყველა
ეს ჩვენში ახალ დაწყებულია და მისი გაძლიერება
დროს თხოულობს, ხოლო ფულის საჭიროება დროს
კი არ თხოულობს, ფული ყოველ დღე, ყოველ
საათში გვჭირია. გავყვეთ ქვევით. რადგანაც ჩვენ-
ში შრომა საკმარისად განვითარებული*) არ არის,
მეურნე მსოფლიო ბაზარზე ველარ უძლებს უცხო-
ეთის მეტოქეთ, რომელნიც უმაღლეს ეკონომიურ
საფეხურზე დგანან და, მაშასადამე, ნაწარმოების
შემუშავებაც იათად უჯდებათ. ამნაირად, ჩვენ მე-
ურნეთათვის ვიწროთ შემოიხაზა, ცოგორც შინა-
ური, ისე უცხოეთის ბაზარი. აი, რატომ დღევან-
დელ მემამულეთ არ შეუძლიათ პირდაპირ კაპიტა-

*) შრომის განვითარება ნიშნავს შრომის განაყოფიერებას, ე. ი. როცა ერთ და იმავე დროს განმავლობაში კეთდება მეტი საქმე, მეტი ნივთი, ვინემ წინეთ; ამ შემთხვევაში თითოეული დამუშავებული საჭონლის ფასიც ანაკლებია.

ლისტურ კულტურაზე გადავიდენ*). ჯერ ისინი
უნდა დამარცხდენ, დავალიანდენ, გაკოტრდენ, რომ
მათი საკუთრება დაიყოს, გადავიდეს ფულიანთა
ხელში და ინტესიური კულტურა გამეფდეს. აი რა
ნაირ მსხვერპლს თხოულობს ჩვენი გაევროპიელება!
ამ შემთხვევაში ევროპიელების წარმომადგენელი ბუ-
რჟუაზიაა, მსხვერპლი კი მემამულე თავად-აზნაურობა.

VIII

როგორ არის ეს ეკონომიური სინამდვილე ადა-
მიანთა გონებაში გადატანილი? რანაირად არის შე-
გნებული მებრძოლთა მიერ?

თავად-აზნაურობა მიიღტვის მეურნეობით
იცხოვროს, აქ სოფელი თამაშობს უპირველეს როლს.
ბურჟუაზია (ვაჭარ-მრეწველნი) კი აღებ-მიცემობით
და მრეწველობით. აქ ქალაქს უკავია პირველი ადგი-
ლი. ახლანდელი ცხოვრება სოფლის დაქვეითებაზე
და ქალაქის აღორძინებაზეა აშენებული. ამიტომ
თავად-აზნაურობას თანდათან ნივთიერი საფუძვე-
ლი ეცლება, მაგრამ საზოგადოებაში პირველობა
მაინც სურს რომ დაიკავოს. მეორე მხრით, ბურჟუ-
აზია თანდათან ნიადაგს იკეთებს და მკვიდრდება.

*) გასულ საუკუნეში პრუსიის მეფემ ფრიდრიხ დიდ-
მა მოინდომა ინგლისის მიხედულობით ინტესიური კულტუ-
რის შემოღება. ყველა მემამულე, რომელიც კი ამ გზას
დაადგა, გაკოტრდა. დანახარჯის ნახევარიც ვერ აიღეს,
იმიტომ რომ ფართო ბაზარი არ ჰქონდათ. ჩვენი მემამ-
მულენი ამ ჟამათ, რასაკვირვილია, უფრო კარგ პირო-
ბებში იმყოფებიან, ვინემ გასული საუკუნის პრუსიის მე-
მამულენი.

მას არავითარი განკერძოებული უფლებები არა აქვს, აქვს მხოლოდ ფული და საზოგადოებაში ამიარაღით გამოდის. ესეც პირველ ალაგს ეძებს. ეს ორი მადიებელი, ცხადია, ერთმანეთს უნდა შეეტაკონ, სხვაგზა არა აქვთ. ამით ბრძოლა, ეკონომიურ სარბიელზე ამტყდარი, გადადის გონებაში და იწვევს შესაფერ მოქმედებას. ეს კლასთა ბრძოლაა par excellence. ორი კლასი—ძველი და ახალი—ერთმანეთს ეომებიან, რის გამო ვითარდება შრომა, მატულობს ენერჯია, წინ მიდის ცხოვრება. ჩვენ თავს ნებას მივსცემთ აზრის გასარკვევათ მოვიშველიოთ ერთი მოთხრობა, რომელიც დაიბეჭდა „მოამბეში“ № 4 და 5-ში 1895 წელს და ეწოდება „ფიოალი დავლაძე“. მთელი მოთხრობა აშენებულია კლასთა ბრძოლის დედა-აზრზე. ერთ კლასს წარმოადგენს აზნაური ივანე დავლაძე, მეორეს ვაქარი ნიკო კალაძე. ჩვენ აქ არ შეუდგებით ამის ვრცლად გარჩევას, გვსურს მხოლოდ ამოვიღოთ ორი მომენტი, როცა ეს სხვა-და-სხვა კლასის წევრნი ერთმანეთს შეხვდებიან. ორივე შეხვედრა ტრადიკულად თავდება. მოთხრობა ამოდებულია იმ მაზრის ცხოვრებიდან, სადაც ინდივიდუალური ბურჟუაზიული მიდრეკილება ყველაზე უფრო განვითარებულია. ეს მაზრაა გურია.

ერთი გლახ-კაცი ეძებს „ფულიან კაცს“, რომ შვილი მოანათვლიოს და ასეთი დამოყვრებით ხელი მოითბოს. ასეთ სასარგებლო კაცად მან იცნო თავისი სოფლის გლახის შვილი, იმ ჟამად ბათომში მოვაქრე, ნიკო კალაძე. დაინიშნა ნათლობის

დღე, მოიპატიეს სტუპრები, რომელთა შორის არის იმავე სოფლის ახალგაზდა აზნაური ივანე დავლაძე. დიდი ლოდინის შემდეგ გამოცხადდა „ფულიანი კაცი“.

— „რა ამბავია, კაცო, ამდენ ხანს რომ გვაცთიე! პაწაი ადრე არ გეკადრებოდა მოსვლა, საღაური დიდი კაცი ხარ შენ?— ძალდატანებული ხუმრობის კილოთი უთხრა ნიკოს ივანემ.

— „შენთან კი ვარ უკაცრავად! მიუგო მას ნიკომ ისეთი მედიდური ღიმილით, რომელსაც ზოგიერთები ხმარობენ, როცა უნდათ ვისიმე დამცირება...“

— „უკაცრავათ კი ხარ, ყაზახო, მეტი თუ არაფერი!— წარმოსთქვა ივანემ გაბრაზებით.

აჰნაირათ, შეხვედრისთანავე მათ შორის უსიამოვნება ჩამოვარდა. რატომ? საქმე იმაშია, რომ ივანე, როგორც კეთილშობილი, პირველობას თხოულობს, მაშინ როდესაც უბრალო ნაყმევის შეიღს ნიკოს, ყველა მოწიწებით ეპყრობა. ამას გარდა, აქ არის ერთი გასათხოვარი ლამაზი ქალიშვილი (ესეც აზნაური), რომლისაკენ ორივეს თვალი უჭირავს, ორივეს სურთ თავი მოაწონონ.

— „მაგინი (ქალაქში მოვაჭრენი) რეიზა არ იქნებიან კარგათ, თუ ღმერთი გწამს, ფული მაგენს არ აკლია, თეთრი და საქონელი, რა ენატრებიან ღვთის გაჩენილი, — დაიწყო სამსონმა.

— ახლანდელ დროში ფული ვისაც აქ, კაცი იგია, — დაემოწმა მასპინძელს მეორე სტუმარი.

— „ოჯო, ცარიელი ფულიც არაფერი არაა, თუ კაცი თითონ არ ვარგა და პაწაი განათლება



არ ახლავს! — შენიშნა მესამემ.

— „ნეუჩელი“ შენ უფულოთ გააკეთებ რა-
მეს, კაი განათლებულიც რომ იყო? — თავმოწო-
ნეთ დაიწყო ნიკომ — შეძლება თუ გაქ, განათლე-
ბულიც მაშინ ხარ. რავა, რას უძახი შენ განათლე-
ბას? იგი კაცი კას ჭამს, კას სვამს, კარგათ აცვია
და ახურავს, მტერს რიგიანათ დაუხვდება და მოყ-
ვარეს. ერთი სიტყვით, განათლებული ცხოვრება
აქვს. ფული რომ არ ჭონდეს, ხომ ვერც ერთს ვერ
იზამს? ბევრი ვიცი იმისთანა კაცი, რომ განათლე-
ბულათ მოაქ თავი და მჭადი კი ენატრება!

— „აბა მე გეტყვი შენ, — დაიწყო ივანემ ათ-
რთობლებული ხმით: — კაცი თუ ჩამომავლობით ჯა-
ლაბია, კმას ვერც ფული მოარჯულებს და ვერც
ვერაფერი. კისრამდინ ოქროში რომ ჩასვა იმისთა-
ნაი კაცი, მაინც თავის ზნეს არ მოიშლის!

— „კი მარა ამ ცარიელმა, გაფხეკილმა აზნა-
ურიშვილობამ რა მოუტანა ვისმეს? ვინ უყურებს
ახლა ჩამომავლობას? რამდენია იმისთანა აზნაური,
რომ მჭადს არ წაუტეხს კაცი, ორი კაპეიკიზა ცოლ-
შვილს დააწინდრებს. კაი ხანია წევიდა უწინდელი
დრო! ახლა კაცი იგია, ვინც თითონ ვარგა, ვი-
საც რამე გააჩნია; მარტუაი აზნაურიშვილობა სულ
აფერი არაა. იგი ტყუილია არ თქვას ვინმემ!..
ცხარობდა ნიკო“.

ეს შეტაკება ჩხუბით დასრულდა. ივანეს შემ-
დეგ ფული დაჭარდა, შინ ვერ იშოვა და ვილაც
გაცარცვა. დაიჭირეს და მერე გაფირალდა. ამ დროს
ის სადაო ქალიშვილი მამამ ძალდატანებით ნიკოს

შერთო. ერთ საღამოს ნიკო ოთახში ფულს ანგარიშობს და უცებ თავზე წამოადგა ფირალი ივანე დავლაძე.

— „უკაცრავათ! მგონი საქმე შეგიშალეთ, — დაიწყო ივანემ, — მგონი კი უნდა მიცნობდე. კახანია შენი ნახვა მინდოდა, მარა აქამდე ვერ მოვახერხე.

— „დაბრძანდით!.. ძლივსლა წაილულლულა ნიკომ და სკამის მოსატანათ წამოიწია.

— „არ გაეჩანო მაქიდან, თვარა ამ წუთში გაგათავე! — დასჭყივლა ივანემ.

„ხარ-დაცემული ნიკო ხელებ-გაწვდილი გაშეშდა.

— „ვინ ხარ შენ, მამაშენი ვინ იყო, ხომ კი გახსოვს? — მკაცრათ კითხა ივანემ.

— „მე... კი... უნდა მიცნობდე თქვენ... ძლივს წარმოსთქვა ნიკომ.

— „შენ კიმოთაი კალაძის შვილი ხარ, გლახა კიმოთაი რომ იყო; სამოწყალო, იმის! შენ გაურეცხელი ყაძახი ხარ, მოჯალაბე, ხომ კი?

— „ბატ...

— „ახლა მიძახი ბატონს, შენ წუნკერო შენ? გააწყვეტინა სიტყვა გამძვინვარებულმა ივანემ. — შენი ბატონი ყოველთვის ვიყავი მე, მარა ორი კაპეიკი რომ იშონე, მერე კაცი აღარ გიჩთა თვალში, ქვეყანა შენი იყო გეგონა!“ ივანემ ჩასცა ხანჯალი და იქვე უსულოთ გააგორა.

ამ გვარად, აქ წარმოდგენილია ცხოვრების ორი მხარე, ორი ღრმა მიმდინარეობა: ერთი მხრით.

დგას ვაჭარი, მეორე მხრით—აზნაური. პირველი ქა-
 დაგებს სრულებით ახალ აზრებს—თუ ფული გაქვს
 კაცი მაშინ ხარო. ეს საფრანგეთის რევოლუციო-
 ნურ ბურჟუაზიამ ასე გამოხატა: *l'argentu n'a pas*
be maitre—ფულს ბატონი არ ყავს, ე. ი. ვისაც
 ფული აქვს, ბატონიც ის უნდა იყოსო. ამ დრო-
 ში დასცა მან ძველი ფეოდალურ—აზნაურული
 წყობილება. ამ პრინციპზეა აშენებული დღეს მთე-
 ლი ევროპის ურთი-ერთობა. და როცა მუშა-ხალ-
 ხი ბურჟუაზიას ებრძვის, ამ პრინციპს კი არ სცვლის,
 არამედ აფართოებს: ფული ე. ი. ცხოვრების სახ-
 სარი ყველას საკმარისი უნდა ჰქონდესო. ნიკოს
 აზრი: ფულიანი განათლებულიც არისო,—მართა-
 ლია ევროპაში, ყალბია ჩვენში. იქ განათლებას
 ბურჟუაზია იძენს, საშუალო და მაღალ სასწავლებ-
 ლებში ვერ ნახავ მუშა-პროლეტარის და გლეხ-მე-
 საკუთრის შვილს. ჩვენში ბურჟუაზია ისე გამაგრე-
 ბული არ არის, რომ ერთ და იმავე დროს ფულიც
 შეეძინა და სწავლაც მიეღო, ეს პირველი თაობაა.
 მეორე, მესამე და შემდეგი (ბურჟუაზიის) თაობა
 ევროპის გზაზე დადგება. აქ ვაჭარი საპატიო პი-
 რია. ვაჭრების ხელშია მთელი მართვა-გამგეობა.
 საფრანგეთის პრეზიდენტი ვაჭრობდა, დეპუტატე-
 ბი, მწერლები უმთავრესად ვაჭრები და მექაჩხნეე-
 ბია. ერთი სიტყვით, ევროპის სახელმწიფოს მართ-
 ველობა კაპიტალისტთა კომიტეტია, რომელიც გა-
 ნაგებს თავის საქმეებს, როგორც წარსულში აზნა-
 ურები განაგებდნენ.

რას ჰქადაგებს ივანე? მისი აზრები ძველებუ-
რია, მთელი წარსული მის გემოზე იყო მომართუ-
ლი. ის წარსულის წარმომადგენელია, სურს ისტო-
რიის ჩაჩხი უკან დაატრიალოს და ძველი კაი დრო
სიგრძე-სიგანით აღადგინოს. ის გავლილ ხანის გმი-
რია, გამოსადეგი თოფ-ხვალში: მამაცი ბრძოლაში,
გულადი, ყოჩაღი, მხნე, მარდი და სხვ. ასეთ პირს
საჭიროებდა წინანდელი ცხოვრება და პირველობაც მას
ეჭირა. აბა ვინმეს წარმოეთქვა მაშინ ნიკოს შეხედულე-
ბა, ყველა სულელად მიიღებდა, დღეს კი გარემოება ისე
გადატრიალებულა, რომ ხალხი ნიკოს მიემხრო.
აი ასეთ შეცვლალ პირობებში მოქმედებენ ივანე
დავლაძე, ტარიელ მკლავაძე და სხვა მისებურნი.
ნივთიერა ნიადაგი შეიცვალა, ყოველავე სხვაფერ-
დება, მაგრამ კეთილშობილნი ძველებურად, შეუკ-
ვლელად რჩებიან. აი, აქ არის მთელი დრამა. გა-
ნა ამაში ისინი დამნაშავენი არიან? სრულებითაც არა;
მართლაც, როგორ შეურიგდენ იმ აზრს, რომ გუ-
შინდელ მის ნაყმევს, აქაო-და ფული აქკსო, პირვე-
ლობა ეკუთნოდესო. ამ გადასხვაფერებას დიდა ის-
ტორია არა აქვს. ეს გუშინდელი საქქეა, ყველას
ახსოვს, ხედავს, ადარებს და აპისათვია ძნელი შე-
სამჩნევია. ივანეს და ნიკოს შეჯახება—ეს წარსუ-
ლის და მომავლის აწმყოში შეჯახებაა.. ხოლო
როცა მომავალი აწმყოდ გადაიქცევა, მაშინ ეს შე-
ჯახებაც მოისპობა და ჩვენი სრული გავეროპიელე-
ბა შესრულებული იქნება. ეს პროცესი იწვევს
მწვავე ტკივილებს, სამუდამოდ გვამშვიდობებს საუ-
კუნოებით გადმოცემულ იდეებისაგან, ხელს გვაღე-



ბინებენ დედის ძუძუსთან ერთად შეთვისებულ შე-
 ხედულებაზე, გვინგრევს მამა-პაპურ მეურნეობას,
 პატრიაქალურ გულ-ალალ დამოკიდებულებას, გვირ-
 დვევს ოჯახს, სპობს ძველებურ მამა-შვილურ, კოლ-
 ქმრულ, და-ძმურ უნგარო, იდილიურ ურთი-ერთ-
 ობას და ყველა ამაგების მაგიერ რას გვაძლევს? ხელ-
 ში ჩოთქს, გულში მხოლოდ ანგარიშიანობას და
 ერთს ჯიბეში ფულს და მეორეში უფულობას! აი,
 რა არის ბურჟუაზიული ცივილიზაცია! აქ არის
 ბედნიერება? არა, მაგრამ ეს აუცილებლობაა, ამას
 მოითხოვს ჩვენი განვითარება, ჩვენი მერმისი. მხო-
 ლოდ აქ ჩნდება ის ძალა, რომელმაც უნდა დაამარცხო
 უცხო ერთა მეტოქეობა, მხოლოდ აქ ვითარდება ის
 ნიადაგი, რომელზედაც ქართველობამ თავისი ნაციო-
 ნალური მოქალაქეობა უნდა აღგაოს. განა აქ არის
 კმაყოფილება? აქ არის მშვიდი, წყნარი ცხოვრება?
 არა და არა! პირ-იქით აქ არის უკმაყოფრლება,
 მოუსვენრობა და ბრძოლა. ბრძოლა წალმა-უკულმა,
 წინ, უკან, შიგნით, გარეთ—ყველგან. აი, ამბრძო-
 ლაში უნდა აღორძინდეს ის ძალაც, რომელიც გა-
 ილაშქრებს თვითონ ბურჟუაზიის წინააღმდეგ და
 გადაგვიყვანს უმაღლეს საფეხურზე—იქ, სადაც და-
 ტანჯულ, დასუსტებულ, ნერვებ-აშლილ კაცობრი-
 ობამ უნდა პოვოს ნავთსაყუდარი, სიმშვიდე, მო-
 სვენება და განცხრომა!...

ვინ არის ამ მიმდინარეობის მეთაური? ვის მი-
 ვყევართ ამ აღთმულ ქვეყანაში?

სკი
 ხარ
 ხო

IX

უკანასკნელ თავში ჩვენ გავარკვიეთ თავად-
აზნაურობა და ბურჟუაზიას შორის არსებული წინა-
აღმდეგობა. ბურჟუაზია, დღეს ქვედა საფეხურზე
მდგომი, მიილტვის ზევით, რომ იქ მდგომი კეთილ-
შობილნი ძირს ჩამორეკოს და თვითონ გამაგრდეს *).
ეს მას არ შეუძლია ისე, თუ მთელი ჩვენი ცხო-
ვრება არ გადაატრიალა და, აი, ის პირდაპირ ამ
გზისკენ მიექანება. მიზნის მისახწვევად იძულებულია
განავითაროს ერის შრომა, გააჩალოს მოქალაქობა,
შეეცილოს უცხო ტომის მეტოქეთ და მთელ წარ-
მოებას თვითონ დაეპატრონოს, მოსპოს ძველებუ-
რი იარაღებით მუშაობა, გააუქმოს ფეოდალური
მიწათ-მფლობელობა, დააქნინოს საკუთრება, რომ
მერე თავის ხელში მოიგროვოს, გამოიყვანოს სო-
ფელი, ხეობა, კარჩაკეტილობიდან, გააცნოს ფულის
გემო, დაურღვიოს მამა-პაპური საფუძველი და გაუ-
კეთოს ახალი, ევროპიული. ერთი სიტყვით, მან უნდა
შექმნას ისეთი კალაპოტი, სადაც თავისუფლად იმო-
ძრავენ და ცხოვრების თავი და ბოლო თვითონ
შეიქმნება.

*) რა სახით მოხდება ეს? თავად-აზნაურობა, რა-
საკვირველია, მემამულე და შეძლებული, ნელ-ნელა გა-
ბურჟუაზდება ისე. როგორკი საფრანგეთში? ამის გადაჭრა
შეუძლებელია, ჩვენ საკუთარი პოლიტიკური ცხოვრება
არა გვაქვს... აუცილებელია ის, რომ ბურჟუაზია გამარ-
ჯვებული გამოვიდეს, ხოლო რანაირი ფორმით—ამას
მოჰაკალი გვიჩვენებს. ამისთვის ცხოვრების გარკვევაა
საჭირო.

რამდენად ის ამ დანიშნულებას ასრულებს, იმდენად ის პროგრესიულია, იმდენად ეროვნულ და სოციალურ წარმატებას ემსახურება.

მაგრამ ერთი ვიკითხოთ: ვის ზურგზე უნდა გაკეთდეს ყველა ეს? ვისი ჯათაა საჭირო? ვისი ოფლია ჩასაღვრელი? ვისი ხელებია გასაძრევი, ვისი ძარღვებია ასამუშავებელი? საკუთარი ბურჟუაზიის? საიდან შოულობს ის ფულს? როგორ მდიდრდება? ფული რომ ზეციდან ცვივოდეს, ყველა ფულიანი იქნებოდა; მხოლოდ საკუთარი შრომით გამდიდრება რომ შეიძლებოდეს, დღიური მუშა ყველაზე უფრო გამდიდრებოდა. ცხადია, თუ ბურჟუაზია მდიდრდება, საიდანმე სხვის შრომას აძვრენს, სხვის ქონებას იჩემებს, სხვის სარჩოს ისაკუთრებს. ერთი სიტყვით, ის უარყოფს სხვის საკუთრებას, რომ თავისი განამტკიცოს. ავხსნათ.

დღეს ჩვენში ეკონომიური ნიადაგი ძლიერ მოძრავია, ის მუდამ დუღილში და რყევაშია. ნივთიერი პირობები ჯერ ვერ ჩავარდნილან განსაზღვრულ კალაპოტში; ამისთვის შეძლების შექმნა თუ დაკარგვა საშინელ ადვილად ხდება. ეს, ასე ვთქვათ, შოვნის ხანაა. გლეხი ფიქრობს მემამულედ გახდეს, მუშა კი სოვდაგრად. ერთიდან მეორეში გადასვლა ხშირია. ეს დრო კლასთა ფორმაციის (შედგენის) დროა. მთელი ერი ერთმანეთში ითქვიფება, რომ ბოლოს ისევ დანაწილდეს. ევროპაში ეს გასულ საუკუნეებში ხდებოდა. საფრანგეთის დიდი რევოლუციის მოახდინა ეგრეთ-წოდებულ tiers état—მესამე წოდებამ. ვინ იყო ეს? განა მარტო ბურჟუა-

ზია? არა, ეს იყო ყველა, გარდა მალალი აზნაურობისა, ე. ი. მთელი ხალხი. ამ ერთ სახელწოდებაში მოთავსდა მექარხნე, მოვაჭრე, მუშა, ხელოსანი, გლეხი, წვრილი (სოფლის) სამღვდელოება და სხ. აშკარაა, კლასიური წინააღმდეგობა თვითონ მესამე წოდებაში არ იყო განვითარებული. თვითეული დარწმუნებული იყო, თუ ფეოდალური შევიწროება მოგვეშორდება, ჩინებულად ვიცხოვრებთო. ამის მიზეზი ის არის, რომ ეკონომიური წარმატება მალალ საფეხურზე არ იდგა. მაშინ არ არსებობდა რკინის-გზა, ტელეგრაფ-ტელეფონი, ორთქლის და ელექტრონის სამუშაო მანქანები, არც ერთი ის იარაღი, რომელიც შემდეგ ცხოვრებას საფუძვლათ დაედვა. ამიტომ შრომა საკმარისად ვერ განვითარდა, მუშასა და კაპიტალისტს შორის განხეთქილება ვერ გამოაშკარავდა. (შემთხვევითი მოვლენა, რასაკვირველია, სახეში მისაღები არ არის). რა ნაირად არის ეს ჩვენში?

ჩვენ, როგორც უკან-ჩამორჩენილი, კომიკურ მდგომარეობაში ვართ. ცალი ფეხი დღევანდელ ევროპაში ჩავდგით, ცალი კი წარსულში გვიდგია. ვსარგებლობთ ყველა იმ იარაღებით, რომელნიც კი დღეს ევროპაშია, ხოლო ცხოვრების პროცესი ისეთია, როგორც გასულ საუკუნის ევროპაში იყო. აი, ეს დიდად საყურადღებო საგანია, მხოლოდ ეს გარემოება აძლევს განსაკუთრებით ელფერს მთელ ჩვენ აწმყოს და მომავალს. აქ ჩვენ ერთი უპირატესობა გვაქვს. ის, რაც ევროპაში დიდი ხნის განმავლობაში იცვლებოდა, ჩვენში ახალი იარაღების წყალობა



ბით მოკლე დროში იცვლება; ამისათვის, წინააღმდეგობა აზნაურს და ბურჟუას შორის ჩქარა განვითარდა, ამავე მიზეზით ჩქარა ვითარდება წინააღმდეგობა ბურჟუასა და მუშას შორის. მართალია, ჩვენში ჯერ არ შემდგარა იმ სახის მუშა-ხალხი, როგორც ეს ევროპაშია, მაგრამ ეს განა ამტკიცებს ექსპლოატაციის, მუშის შრომით გამდიდრების, არ არსებობას? გლახი-მესაკუთრე რომ საჭიროად წავიდეს, განა მისი და დამჭირავებლის ინტერესი ერთი იქნება? პირიქით, მესაკუთრე-მუშა უფრო ადვილათ იყვლიფება, ვინემ მუშა-პროლეტარი. პირველი სჯერდება ცოტა ქირასაც, იმ იმედით, რომ ოჯახში კიდევ მაქვს რაღაცაო, მეორეს კი შინ არაფერი მიეგულება და მეტ ქირას თხოულობს და კაპიტალისტი იძულებულია მისცეს. იქ, სადაც ორივე ტიპის მუშა ერთმანეთს ეცილება, ყოველთვის უკანასკნელია დამარცხებული. ევროპაში დღეს ეს აღარ არის. იქაურ მუშა-ხალხს საკუთრება არა აქვს და მეტოქეობაც მათ შორის ისპობა. მის ალაგას ერთ-პირიანობა, ერთ-აზროვნება და ერთ-სულობა დგება. პატრონი ერთ მუშას რომ უწესოდ მოეპყრას, ყველა მუშაობაზე ხელს იღებს. ესენი ერთად იბრძვიან. თანხმობითი მოქმედება განსაცვიფრებელ ხარისხამდია მიყვანილი. ჩვენში არც ერთი ეს არ არის. ჩვენებურ მუშას როგორც სურთ, ისე ამუშავენ, ქირის მიცემა, სამუშაო დღის გაგრძელება, გაგდება, სამუშაოს არ მიცემა და სხვა ამნაირი, პატრონის თვით-ნებობისაგან არის დამოკიდებული. ევროპაში ერთი რომელიმე ამათგანი რომ მოხდეს, არა თუ მუშა-ხალხს,

მთავრობასაც კი შეძრავენ, პარლამენტშიაც კი ილა-
პარაკებენ, ყრილობებსაც მოახდენენ, მწერლობა
ხომ ერთ აღიაქოთს ასტესხ. ცხადია, ქართვე-
ლი მუშა გაცილებით უფრო იყვლიფება, ვინემ
მისი მოძმე ევროპიელი. მაშასადამე, მყვლეფათა
და გაყვლეფილთა შორის წინააღმდეგობა არსე-
ბობს, და თუ ეს შეგნებული არ არის, ამის მიზე-
ზი სხვაა...

ქართველ ბურჟუას ფულის წყარო ქართველი
მუშაა *). რამდენად ეს თავის ძალღონისაგან იც-
ლება, იმდენად ის მდიდრდება და სქელდება. მარ-
თალია, ის სცვლის ცხოვრებას, მაგრამ ეს ხდება
მუშის შემწეობით, მუშის ნაშრომით და მონაგა-
რით, მუშის ოფლით და ძალ-ღონით. მთელი დღე-
ვანდელი ცივილიზაცია მუშათა მეოხებით შეიქმნა,
ხოლო სარგებლობა ბურჟუაზიას ერგო. საქართველოს
წარმატება, გაერთიანება, უცხო ტომთა დამარცხება,
კულტურული ზრდა წარმოებს ქართველი მუშის
ზურგით, ხოლო სახრავი და სახელი მის ბატონ
ბურჟუაზიას რჩება.

დღეს ჩვენ ყველა ის ეკონომიური არეულობა
ვიციტ, რომელიც ევროპაში მხოლოდ ამ საუკუნეში
გაჩნდა. ამის უპირველესი ნიშანი კრიზისია, თუ ერთ

*) ქართველი მუშა დღეს უფრო უცხო ტომის ბურ-
ჟუასაგან იყვლიფება, ვინემ თვითონ ქართველისაგან.
ვინაიდან ეს უკანასკნელი ჯერ კიდევ ვერ არის მოლო-
ნიერებელი, მისი გამძლავრება ნიშნავს ქართველი მუშის
პირველისაგან განთავისუფლებას და მეორის ხელში ჩავარდ-
ნას.

წელიწადს უფრო მეტი საქონელი იქნა ბაზარზე გა-
 ტანილი, ვინემ იქ მოთხოვნილებაა, ცხადია, ყველა
 ვერ გაიყიდება და რამდენიმე ნაწილი სამერმისოთ
 გადაიდება. ამიტომ მეორე წელიწადს კაპიტალისტი
 ამცირებს წარმოებას, რომ ჯერ დამუშავებული მოი-
 შოროს. თუ ბაზარზედაც კრიზისია, მაშინ მთელ
 წარმოებას დროებით აჩერებს. აი, ამას უწოდებენ
 წარმოებაში კრიზისს. პირველი კრიზისი ევროპაში
 მოხდა 1825 წ. (ინგლისში), მაშასადამე მაშინ, რო-
 ცა კაპიტალისტური წარმოება აღორძინებული და
 აყვავებული იყო. ჩვენ კაპიტალიზმთან ერთად კრიზი-
 სის ხანაშიაც ჩავდექით. კრიზისი ხშირია არა თუ
 ნავთის, ქვა-გუნდის და სხვა ამ გვარ წარმოებაში,
 არამედ მეურნეობაშიაც, განსაკუთრებით იმ დარგში,
 რომელიც მსოფლიო ბაზარზე მიდის (მაგ. სიმინდი).
 ვინ არის მსხვერპლი ასეთი ცვლილებისა? პირვე-
 ლად თვითონ პატრონი, მაგრამ ის, როგორც შე-
 ძლებული, ადვილად იტანს, ვინემ ის, ვისი ხელი-
 თაც ეს შეძლება შეიქნა. აქ პირველი მსხვერპლი
 მუშა-ხალხია. წარმოების შეჩერების დროს სამუ-
 შაოსაც ვეღარ შოულობს. (მეურნე კი მოვახშის
 ბრჭყალებში ვარდება). ამით ის ევროპიულ პირო-
 ბებში იქცევა, რომელმაც მისი გონებაც უნდა
 გააევროპიელოს. მას შემთხვევა უჩნდება შეიგნოს,
 რომ ასეთი არეულობა ღვიძლი შვილია კაპიტალის-
 ტური წარმოების, რომლის წინაშე კაპიტალისტიც
 უღონოა. შეცვლა მთელი წყობილების ერთად ერთი
 საშუალებაა წესიერების დაცვისათვის და სხ. ჩვენ
 ამ გზაზე მივდივართ. უამისოდ არ არის განვითა-

რება, არ არის ეკონომიური წარმატება, არ არის ბურჟუაზიის ძველ ურთიერთობაზე გამარჯვება და, მაშასადამე, არ არის კულტურული ზრდაც. ყველა ეს ერთი-მეორისაგან მომდინარეობს, ერთი მეორის შვილია. ეს მთელი სისტემა, ორგანიზმია. თუ ერთი მისი შემადგენელი ნაწილი აღორძინდა, უნდა აღორძინდეს ყველა, თუ ერთი დაიშალა, უნდა დაიშალოს ყველა. ეს გადაუვალი კანონია, სხვა გზა არ არის.

ამ ნაირად, საქართველოში ერთ და იმავე დროს ვითარდება ორგვარი კლასიური განხეთქილება: წინააღმდეგობა ბურჟუას და თავად-აზნაურობას შორის და წინააღმდეგობა თვითონ ბურჟუას და მუშა-ხალხს შორის. პირველ შემთხვევაში რევოლუციონურ ძალას წარმოადგენს ბურჟუაზია*), მეორე შემთხვევაში მუშა-ხალხი. პირველი მიზნის მისაღწევათ ბურჟუაზიას ეხმარება მთელი ხალხი, ვინაიდან მთელი ერის ინტერესია განთავისუფლდეს მობერებულ წყობილებიდან. აქ ბურჟუაზიის ლტოლვილება ხალხის ლტოლვილებაა. მეორე შემთხვევაში მოკავშირენი, — ხალხი და ბურჟუაზია — ნაწილდებიან ორად, რომელთა შორის სტყდება სასტიკი და უკანასკნელი ბრძოლა. აქ ბურჟუაზიის ლტოლვილება აღარ არის ხალხის ლტოლვილება. მათ შორის ღრმა ორმოა. თუ პირველი ძლიერდება ფულით, შეძლებით, და მით ბურჟუაზიული განათლებით, მეორე უნდა გაძლიერდეს ერთობით, თანხმობით და მუშური შეგ-

*) მკითხველს ხელ-მეორეთ მოვაგონებ, რომ მე აქ ეკონომიური სარბიელი მაქვს სახეში; პოლიტიკაში მან შეიძლება შესაფერი როლი ვერ ითამაშოს.

ნიბით. აქ საძირკვირველი შრომაა. იქ კაპიტალი. ამ
ორ ელემენტის შეჩიგება ვერ მოხდება, სანამ ისინი
სხვა-და-სხვა პირს ეკუთვნიან. მათი შეკავშირება,
ერთ და იმავე პირში თავის მოყრა, არის ერთად
ერთი საშუალება მათი შეჩიგების და ყოველივე
განხეთქილების მოსპობის. აი, ამ ისტორიული და-
ნიშნულებისათვის მოწოდებულია დღევანდელი მუ-
შა-ხალხი, მან უნდა მოუღოს ბოლო ბრძოლას,
რომელიც ატეხილია კაპიტალსა და შრომას შუა,
მდიდარსა და ღარიბს შორის, და უდაბნოში მო-
ტანტალე კაცობრიობა აღთქმულ ქვეყანაში შეი-
ყვანოს. მის დროშაზე წერია: tout pour le peuple,
tout par le peuple—ყველაფერი ხალხისათვის, ყვე-
ლაფერი ხალხითვე. ვინც ამ დროშის ქვეშ იბრძვის,
ის იბრძვის ხალხისათვის, ვინც ამ დროშას ებრძვის,
ის იბრძვის თავისთვის, ხალხის წინააღმდეგ. დეე,
მუშა-ხალხმა შეიგნოს, რაც არის და რაც არ უნდა
იყოს. დეე, გამედიდურდეს, გაამპარტავანდეს, რომ
მხოლოდ მას ასეთი უდიდესი მოვალეობა ისტორიამ
არგუნა!...


დასკვნა. მესამოცე წლების ცხოვრებამ წამოა-
ყენა ორი კითხვა: ბატონ-ყმობის გაუქმება და სამ-
შობლო ენის დაცვა. ეს ორი დედა-აზრი შეიქმნა
მაშინდელ მოღვაწეთა სახელმძღვანელოდ. პირველი
კითხვა დღეს აღარ არსებობს, ბატონ-ყმობის მოს-
პობას ყველა შეურიგდა, მეორე კითხვას გაცილე-
ბით ფართო ნიადაგი მიეცა. ეს ნიადაგი შეიცავს
შემდეგ ორ კითხვას, რომელიც წამოაყენა დღევან-

დელმა ცხოვრებამ: ეკონომიური განვითარება მთელი
 ერის საერთოდ*) და ეკონომიური განვითარება
 თითოეული კლასის კერძოდ. პირველი ჩვენი ერო-
 ვნული, კულტურული კითხვაა, მეორე კი კლასი-
 ური, სოციალური; უკანასკნელი პირველის ერთად
 ერთი შინაარსია. ეროვნული ზრდა არ არის კლა-
 სთა ბრძოლის გარეშე. წინ-სვლის დედა ძარღვი აქ
 არის დაპარხული. ბურჟუაზია უარ-ყოფს პატრიარ-
 ქალურ ფეოდალურ ურთიერთობას და ამყარებს
 ბურჟუაზიულს; მუშა-ხალხი უარ-ყოფს ბურჟუაზი-
 ულს და ამყარებს კოლექტიურს. ეს პროცესი მო-
 ძრაობაა და არა რეცეპტი და პროგრამა. აშკარაა
 დღევანდელ მოღვაწეთათვის ეს ორი კითხვა უნდა
 შეიქნეს სახელმძღვანელოდ და მით გაგრძელებულ
 იქნას მესამოცე წლების გონებრივი მოღვაწეობა
 ისე, როგორც დღევანდელი ცხოვრება მაშინდელი
 ცხოვრების ნივთიერი გაგრძელებაა.

როცა ეს ისტორიული მოწოდება ცხოვრე-
 ბიდან გონებაში გადავა, შეგნებით გაშუქებული
 შეიქმნება კუთვნილებად თითოეული ქართველის,
 მისწვდება უკანასკნელ სოფელს, შევა უკანასკნელ
 ქოხში, მაშინ ხეზე შემომჯდარი მერცხალი გადმო-
 გვძახებს:

„გაზაფხული, გაზაფხულიო“.

*) ჩვენ აქ არ შევხებით, იმ კითხვებს, რომელნიც
 შეკავშირებულია ამ მხარესთან. აღვნიშნავთ მხოლოდ
 ერთს: ხალხის გამრავლება მჭიდროდ შეკავშირებულია
 საწარმოვო ძალის განვითარებასთან. რამდენად ეს სა-
 ყურადღებოა პატარა ერისათვის, თავისთავად აშკარაა.





ქართული
საქმიანობა